







# ପ୍ରାକୃତେ ଜାଣ

୧୯୨୬

ନବେନ୍ଦୁ ଘୋଷ

---

ମ ଡା ନ ପା ଟ ଲି ଖା ଟ



প্রকাশক  
শরৎ দাস  
মডার্ন পাবলিশার্স  
৬, কলেজ স্কোয়ার,  
কলিকাতা।

মুদ্রাকর  
শ্রীকীরোদচন্দ্র ঘোষ  
শ্রীলক্ষ্মী প্রেস  
৮১, সিমলা ষ্ট্রীট  
কলিকাতা।

প্রচ্ছদ পট  
মণীন্দ্র মিত্র  
ব্রহ্ম নির্মাণ ও মুদ্রণ  
ইণ্ডিয়ান ফটো এনগ্রেভিং লিঃ কোং  
২১৭, কর্ণওয়ালিস ষ্ট্রীট  
কলিকাতা।

প্রথম সংস্করণ  
কার্তিক, ১৩৫৩  
দাম—চার টাকা

## ভূমিকা

এই উপন্যাসের পিছনে একটা ছোট ইতিহাস আছে। ভেবেছিলাম ইংরাজী ১৯৩৯ সালের প্রথম থেকে শুরু করে ১৯৪৩ সালের শেষভাগ প্যাস্ত সারা পৃথিবীতে তথা বাংলাদেশে যে সমস্ত ঐতিহাসিক ও রন্ধনৈতিক ঘটনাবলী সংঘটিত হয়েছিল তাকে পটভূমি করে একটি উপন্যাস রচনা করব। ঠিক করেছিলাম যে উপন্যাসটিকে দুইখণ্ডে লিপ্যন্তর করব—প্রথম খণ্ডে থাকবে ১৯৩৯ সাল থেকে আগষ্ট আন্দোলন পর্যন্ত এবং দ্বিতীয় খণ্ডে থাকবে তৎপরবর্তী সময় বা ১৯৪৩ সাল পর্যন্ত। এই দুই খণ্ড ‘রাত্রির তপস্বী’ ১ম ও ২য় খণ্ড নামে বেরোবে। কিন্তু কলকাতা নামে অল্প আঁচর একটি উপন্যাস বেরোচ্ছে দেখে বাধ্য হয়ে মায় নাম পরিবর্তন করতে হল এবং পূর্বে যা স্থির করেছিলাম তা আর অদল বদল করতে হল। ১ম খণ্ড ‘প্রান্তরের গান’ নামে প্রকাশিত হল এবং ২য় খণ্ড ‘ভাস্কর্যলিপি’ নামে প্রকাশিত হবে। এই দুই খণ্ডে পরিবেশ ও চরিত্র এক থাকিলেও প্রত্যেকটি স্বয়ংসম্পূর্ণ—মুতরাং কোনো এক খণ্ড না পড়লেও বিশেষ ক্ষতি হবে না।

এই গ্রন্থের প্রকাশ নানা কারণে বিলম্বিত হয়েছে। হয়ত আরো দ্রুত হত—তা না হওয়ার মূলে যারা আছেন তাঁদের মধ্যে নবীন গের শক্তিশালী কথশিল্পী ও বঙ্গ নারায়ণ গঙ্গোপাধ্যায় ও বঙ্কুবর জ্যোতি মিত্র বহুলাংশে দায়ী। বঙ্কুদের কাছে কৃতজ্ঞতা জানানোর চেষ্টা বড় পুরোনো—তাই ও বিষয়ে নিরন্তর হচ্ছি। সর্বশেষে একজনের মাঝে মাঝে করতে হয়—যাঁর জন্তু নানা দুর্কিপাকের মধ্যেও এই টাসকে লিখতে পেরেছি। তিনি আমার সহধর্মিণী কনক বোষ।

কলিকাতা,

ইতি—



কনকলতাকে



## প্রাস্তরের গান

—:~::~:~:—

কোকিল ডাক ভেসে এলো ।

ফাল্গুনের উপরাহ্নে দক্ষিণ বায়ুর বসন্ত রাগিণীর আলাপ এবার কীল ও নিগদিত হয়ে এসেছে । ধলেশ্বরীর রূপালী জলে নেমেছে খামকটা প্রশান্তি, মধ্যাহ্নে রৌদ্ররসে মত্ত হয়ে বাতাসে উর্দ্ধমতার সঙ্গে তাল রেখে তাকে বৈরবীর মত চেহারা হয়েছিল তার প্রাস্তর ঘটেছে । মাতাল করি শুর মত তার বড় বড় চেউগুলি যেন কায়াবদ্ধ করে এক চঞ্চল মুগ্ধাবকের মত নিরীহ হয়ে উঠেছে আর একটানা কল্লোল-ঝড়ি ফুলে অস্তোমুখ ফাল্গুনী সূর্যের স্তবর্ণ আলোক-অন্দিরা পানি করে, নবদোষনা রূপার মত সে যেন এবার অভিলারে চলেছে ।

নিমজ্জল হাটে বিশ মণ দুধলর' ধান বিক্রী করে হরিচরণ দাসের ছেলে নন্দলাল নিজেকে নৌকোয় চড়ে বাড়ী ফিরছিল । হঠাৎ তাঁকার দিকের গকেছিল, কল্লাতিয়ার হাটবার রবিবার তাই নন্দকে যেতে হয়েছিল মিনজলা—না তো বরাবরই গায়ের হাটেই ধান বিক্রী করে আসত। হাটই এ তল্লাটে সবচেয়ে বড় । প্রোভের মুখে নন্দলাল হাটে দিয়ে বৈঠা গুরে চূপ করে বসেছিল নন্দলাল । তখন

করে বয়ে চলেছে নৌকো, তার আবার পাল তুলে দিয়েছে নৌকো। সচকিত  
বাতাসে সাদা রংয়ের পালটা ফুলে উঠে থরথর করে কাঁপছে—যেন  
উড়ন্ত বুনোহাঁসের ছরস্তু ডানা। খুশীমনে চুপ করে বসে আছে নন্দলাল,  
আর অল্পভব করছে কেমন করে তার নৌকোটা জ্যামুস্ত জীবের মত  
সব কিছুকে পেছনে ফেলে সজোরে ছুটে চলেছে। আর সে-চেখ বুজে  
আসে তার।

কু-হ।

অনেক দূর থেকে ভেসে এল কোকিলের ডাক।

নন্দলাল সচকিত হয়ে নড়ে উঠল। বসন্ত এসেছে। বসন্ত, রঙীন  
বাসনার আবেশে থরথর করে কাঁপছে সব কিছু। সাদা পালটা কাঁপছে,  
নৌকোটা কাঁপছে। নদীর জল কাঁপছে, গন্ধমদ ভেসে চলেছে  
বায়ু কাঁপছে, অনন্ত অম্বর-পথের দিক্‌দ্রান্ত রঙীন মেঘেরা কাঁপছে।  
নদীতীরের বৃক্ষলতার মর্মর-মুখরিত নব-পল্লবের মত নন্দলালের  
হৃদয়টাও থরথর করে কাঁপে উঠলো। কি যেন চায় তার ঐচ্ছিক  
বৎসরের যৌবন। বসন্তের বেগুরবে অনেক অ-নে-ক দূরে চলে যায়  
তার মন। ধলেশ্বরীর জল যেখানে দিগন্তে একাকার হয়ে গেছে  
তারও অনেক পরে, অনন্ত আকাশের নীল শূণ্যতারও পরে, মর্ত্যের  
সমস্ত নাগালের বাইরে কোথায় যেন উৎসব চলেছে। নৃত্যরত অপর  
কল্পাদের তনুদেহের বিব্রমে সেখানকার বাতাস যেন বিব্রত—  
মৃদঙ্গের তালে তালে, তাদের আসবাবিষ্ট পদক্ষেপে, ধূমধামে দিগন্তে  
দিক্‌দিগন্তে। অনন্ত যৌবনের সুবিপুল বস্ত্রায় সেখানেও সব যেন  
কাঁপছে। নন্দলাল যেন দেখতে পাচ্ছে সেই সব দিব্যাক্ষর-বাহিনী, তাদের  
কল্পিত বসে পড়েছে, কটিতটের বসন গিয়েছে খুলে—তাদের পদ  
সদ্যস্তির মোহময় স্মৃতি নিয়ে, তাদের দেহসৌরভের অ-বীভূত

## প্রান্তরের গান

ছড়াতে ছড়াতে এই বাতাস যেন ছুটে আসছে সেই অনেক দূরের  
অমর্ত্যলোক থেকে। নন্দলালের স্বন্দর চোখে স্বপ্ন ঘনায়।

“এয়াই নন্দ”—

নন্দ চমকে উঠলো। তাদের গ্রামের অর্জুন আর ছিদেম চলছে  
উজান বেয়ে।

“কি রে?” নন্দ উত্তর দিল।

“কত করে ধান গেল রে আজ?” অর্জুন প্রশ্ন করল।

“এক টাকা দশ আনা করে—”

“ওঃ—”

“হাট করেছিস নাকি কিছু?”

“হ্যাঁ—তিন জোড়া শাড়ী কিনলাম বাড়ীর জুতো—”

“কত করে জোড়া পড়ল রে?” ছিদেম জিজ্ঞেস করল।

“আড়াই টাকা করে—হ্যারে, তোরা যাচ্ছিস কোথায়?”

“যাচ্ছি সোনাপুর—”

“কেন?”—

উত্তরে ছিদেম কি বলল তা আর বোঝা গেল না, ওদের নৌকো  
তখন অনেক পেছনে পড়ে গেছে।

তেতুলঝোরা গ্রামের পাশ দিয়ে নন্দলালের নৌকো চলল। এর  
পরেই তাদের কলাতিয়া।

শুণশুণ করে গান গাইছে নন্দ। পকেটের রঙীন রুমালটায় বাইশটা  
টাকা বাঁধা আছে, জুতাচূড়াবলদী স্বর্ঘ্যের রঙীন আলোয় ধলেশ্বরীর জল  
এবার গলিত সোনালি মত চিক্‌চিক্‌ করছে, কুরকুর করে বইছে দক্ষিণের  
বাতাস আর তরতর করে বয়ে যাচ্ছে তার নৌকো। এমন পারিপার্শ্বিকে  
নন্দলাল গান গাইবে না ত কে গাইবে? গ্রামের স্বদর্শন বুঝক সে,




## প্রান্তরের গান

কবিগানের, বাত্রাগানের আসরে তার গান শোনবার জন্য গ্রামান্তর থেকে লোকেরা ছুটে আসে, মুগ্ধ আনন্দে তরুণ করে কত রূপসীদের বুক— সে কি কেউ জানে না? নন্দ গান গাহিবে বৈকি।

এমনি সময় হঠাৎ অঘটন ঘটলো। মীনকেতনের অদৃশ্য শায়ক এসে নন্দলালের বকে বিদ্ধ হল।

নদীর ধারে এক জায়গায় আম, জাম, আর মান্দার গাছের ঘন জঙ্গল। মাঝখান দিয়ে একটা সরু পথ নেমে এসে জল পর্যন্ত পৌঁছেছে। সেইখানে, ছোটো নারকেল গাছের গুঁড়ি ফেলে একটা ঘাট তৈরী হয়েছে। তার গায়ে জমেছে শ্রাওলার ঘন আস্তরণ। ওপরের সেই পথ বেয়ে একটি মেরে এল। তার কাঁখে রয়েছে কলসী। সে এসে দাঁড়াল সেই ঘাটের কিনারায়।

নন্দ মেয়েটিকে দেখল। তার দেহের সমস্ত রক্ত যেন মুহূর্তে তার মাথায় চড়ে গেল আর অস্বাভাবিক উত্তেজনায় তার হৃদপিণ্ডটা করতে লাগল ধুক-ধুক-ধুক-ধুক। নন্দ প্রেমে পড়ল।

মেয়েটির বয়স বোধ হয় সতের হবে। খানিক আগেই নন্দলালের মানস চক্ষে যে সব অম্পর-কন্যাদের লীলায়িত দেহ জেগে উঠেছিল তাদেরই মত রোমাঞ্চকর যেন মেয়েটির রূপ। সে যেন বিদ্যুৎস্পৃষ্ট নব-মালতীর লতা।  দেহে তার উৎফুল্ল যৌবনরাশি জোয়ারের জলের মত টলমল করছে। তাঁর ভ্রমর-রুম্ব চোখ, খাড়া নাক, কচি কিশলয়ের মত সুকোমল অধরোষ্ঠ, পূর্ণ-প্রস্ফুটিত বক্ষ-পদ্মযুগল, যুগল্লের মত বাহুদ্বয় আর আলতা-রাঙানো পা—মেয়েটির সব কিছুই নন্দের কাছে অপূরণ মনে হল।

নন্দ ছঃসাহসী হয়ে উঠলো। কি ভেবে হঠাৎ সে ঘাটের কিনারায় নোকো ভিড়াল। লগিটা পাকে পুতে দড়ি দিয়ে তাকে বেঁধে, পালের কড়িটা খুলে লাফ দিয়ে সে তীরে নামল।

## প্রান্তরের গান

মেয়েটি একবার তাকিয়ে মুখ ফিরিয়ে নিল। কলসী দিয়ে জল পরিষ্কার করে নিয়ে তাতে সে জল ভরল।\* সেই কলসী কাঁখে তুলতে তুলতে হঠাৎ কি ভেবে সে আবার নন্দ'র মুখের দিকে তাকাল। তার চোখে কৌতূহল।

নন্দ একদৃষ্টে চেয়ে আছে। মেয়েটি হঠাৎ যেন লজ্জা পেল। তাড়াতাড়ি সে ঘাটের ঢালু জমিটা পার হল, ওপরে উঠে ডান দিকের রাস্তা ধরল।

নন্দ মরিয়া হয়ে উঠেছে। সেও তাড়াতাড়ি মেয়েটির পেছনে পেছনে চলতে লাগল সংকীর্ণ পথটাকে ধরে। পথের দু'পাশে স্থানে স্থানে থলো থলো ভাঁট ফুলের বাহার—তাদের তীব্র গন্ধে বাতাস ভারী হ'য়ে উঠেছে। পায়ের নীচে ঝরা পাতার রাশি মর্মর-ধ্বনি তুলল।

মাত্র হাত দশেকের তফাৎ। মেয়েটির বেনী নেমেছে কোমর ছাড়িয়ে। কালো রাতের মত কালো তার অভ্রঙ্গ চুল।

মেয়েটি পেছনের দিকে তাকাল। নন্দকে সে দেখতে পেল। বিহ্বালের মত তার ক্র দুটো একবার কঁপে উঠল। পরক্ষণেই আবার সে চলতে লাগল। এবার একটু তাড়াতাড়ি।

নন্দও চলার বেগ বাড়ালো। একটা অব্যক্ত উত্তেজনা তার চোখ মুখ লাল হয়ে উঠেছে।

মেয়েটি আবার পেছন ফিরে তাকাল। চোখে মুখ তার এবার অন্ধকার ঘনিয়ে এসেছে। চোখের তারা দুটো কালো রাতের মত জ্বলজ্বল করছে। সে এবার ধমকে দাঁড়াল।

নন্দলালও দাঁড়াল।

মেয়েটি কথা বলল, “তুমি আমার পেছা নিয়েছ কেন বলতো?” তার কণ্ঠে রোষ কিন্তু তবুও কি মিষ্টি মেয়েটার গলা! বসন্তের কোকিলও যেন হার মানবে।

## প্রান্তরের গান

নন্দলাল হাসল, “কই—না তো—পেছু নেব কেন?”

“নিয়েছই ত’—তখন থেকে আমার পেছু নিয়েছ। আমায় দেখে  
ঘাটে নোকো ভিড়োলে—সেই ঘাট থেকে আমার পেছন পেছন আসছ—  
কেন?”

“বাঃ রে—তুমি ত অদ্ভুত মেয়ে! আমি বাচ্ছি আমার কাজে”—

“কাজে—কি কাজে?”

“তা বলব কেন?”

“কার কাছে যাচ্ছ তুমি গুনি?”

“কার কাছে?—কেন—ইয়ে—কালু সার কাছে—”

মেয়েটি রুখে উঠল, “মিথ্যাবাদী কোথাকার—এ গাঁয়ে কালু সা বলে  
কেউ নেই—”

“নেই! বাঃ রে—”

“খবরদার”—মেয়েটি তাকে বাধা দিয়ে শাসিয়ে বলল—“আমার  
পেছন পেছন আর আসবে না কিন্তু—”

নন্দলালের নেশা ধরেছে। নেশা না তো ভূত।

সেও রুখে বলল—“নিশ্চয়ই আসব—কেন আসব না? একি তোমার  
কৈনা সড়ক নাকি? আমি তোমার কি মন্দটা করেছি গুনি—আমি  
তোমায় ডীকাতী করছি নাকি?”

মেয়েটি ঝঙ্কার দিয়ে উঠল—“তাই ত’ মনে হচ্ছে—সেই তখন থেকে  
ষেরকম ড্যাঁব্‌ড্যাঁব্‌ করে চেয়ে আছ—বদ্মায়েসের মত—বাপ রে!”

নন্দলাল আবার হাসল, “গাল দিচ্ছ!”

মেয়েটি মাথা নাড়ল—“দেবই ত।”

“বেশ দাও তুমি গাল—আমিও এই আসছি—”

“এস না—দেখাচ্ছি স্বজা”—বলিয়া মেয়েটি এবার দ্রুতপদে চলতে

## প্রান্তরের গান

আরম্ভ করল। তার দ্রুতগতিতে ভরা কলসী থেকে জল উপচে উপচে মাটিতে পড়তে লাগল।

নন্দলাল পেছনে পেছনে চলতে চলতে একটু হেসে জিজ্ঞেস করল,  
“তোমার নাম কি গা?”

“বলব না”—মেয়েটি ফাঁস করে উঠল।

“না বললে—আচ্ছা তোমার বাপের নামটাই বল না শুনি—

“বলব না।—ফের তুমি আমার পেছু নিয়েছ যে?”

“এই যে আসতে বল্লে—”

“আমি কোথায় বল্লাম!”

“বল্লে না যে কি মজা দেখাবে?”

মেয়েটি এবার রাগের চোটে ফেটে পড়ল, “মজা দেখাবই তো—  
পাজী, ছুঁচো, বদমায়েস—”

নন্দ কপট রোষ দেখিয়ে বলল—“এই—গাল দিও না কিন্তু—”

মেয়েটির চোখ মুখ দিয়ে রক্ত যেন ফেটে বেরুচ্ছে, সুন্দর নাকটা  
ফুলে ফুলে উঠছে, ঠোঁট কাঁপছে থরথর করে—“দেবকীতো! তোমায়  
আমি চিনি না ভেবেছ?”

“তুমি আমায় চেন?”—সোল্লাসে নন্দ প্রশ্ন করল।

“চিনিই তো—কলাতিয়ার হরিচরণ দাসের বকাটে ছেলে তুমি—দিন-  
রাত্তির খালি কবিগান আর যাত্রাগান করে বেড়াও”—

“আমায় তুমি চেন! তুমি আমার গান শুনেছ?” আনন্দে নন্দর  
হৃদপিণ্ডটা গলার কাঁছে যেন ঠেলে উঠেছে।

মেয়েটি ঠোঁট উন্টে বলল—“ইলো—যে ষাড়ের মত হেঁড়ে গলা—তার  
আবার গান শুনতে যাব—”

নন্দ হো হো করে হেসে উঠল।

## শ্রান্তের গান

মেয়েটি তার হাসিতে আরও জ্বলে উঠল—“আবার হাসি হচ্ছে ?  
দাঁড়াও না, বলে দিচ্ছি সব বাজীতে গিয়ে—”

“কি বলবে ?”

“যা বলবার বলব, সে পরে টের পাবে। খবরদার, আমার পেছনে  
পেছনে এসো না তুমি—”

“আমার খুশী আসব”—নন্দ বেপরোয়া হয়ে বলল। যতই মেয়েটিকে  
সে দেখছে ততই যেন সে মুগ্ধতার গভীরতায় তলিয়ে যাচ্ছে—ততই যেন  
সে হুঃসাহসী হয়ে উঠছে। হ্রস্ব যৌবনের অশান্ত আত্মার আমন্ত্রণ-  
লিপি হৃদ্যপাশের গাছপালায় ছড়ানো রয়েছে। আগের দিন রাতে একটু  
বৃষ্টি পড়েছিল—জলে ধোওয়া আমের মঞ্জরীগুলো তাই ঝকঝক করছে।  
কোণায় একটা বাতাবী লেবুর গাছে তরত অজস্র ফুল ফুটেছে—তারই  
উগ্র গন্ধ আমের মুকুল আর ভাঁটফুলের গন্ধের সঙ্গে মিশ্রিত হয়ে এই  
রূপসী মেয়েটির রূপমুগ্ধ নন্দলালের চেতনাকে অবশ করে তোলে।

মেয়েটি চীৎকার করে উঠল—“আমি চোঁচাব কিন্তু আসলে পর—”

নন্দলাল মৃদু মৃদু হাসতে লাগল—“চোঁচাও—”

ইঠাৎ মেয়েটি অসহ্য ক্রোধে ভেঙ্গে পড়ে কাঁথের কলসীটাকে ধপ্প  
করে মাটিতে আছড়ে ভেঙ্গে ফেলল।

“আহা-হা কি করলে ?”—নন্দ হেসেই যেতে লাগল।

মেয়েটির চোখ রাগে সজল হয়ে উঠেছে—“নচ্ছার, ড্যাক্রা, ইহুমান  
কোণাকার—” মেয়েটি আবার চলতে আরম্ভ করল।

নন্দ একটু গভীর হয়ে বলল—“তুমি দেখতে সুন্দর কিন্তু রাগলে  
তোমায় আরও সুন্দর দেখায়—”

“উঃ মাগো”—মেয়েটি এবার উর্দ্ধ্বাসে দৌড় দিল। মুহূর্ত্তে সে বা  
দিকের রাস্তাটা ধরে বেত ঝোপের আড়ালে মিলিয়ে গেল।

## প্রান্তরের গান

নন্দ এর জগৎ প্রস্তুত ছিল না। মেয়েটি কে তা ত' জানা হল না। সেও তাড়াতাড়ি সেইদিকে পা বাঁড়াল। মেয়েটি কে তা জানতেই হবে—না জানলে নন্দলালের দিনরাত্রি যে শুধু দীর্ঘশ্বাসের তপ্ত মরুভূমি হয়ে উঠবে।

সেই বাঁ দিকের রাস্তাতে একজন বুড়ীর সঙ্গে মুখোমুখি দেখা।

বুড়ী বিড়বিড় করে বলতে বলতে আসছিল—“কি হল আবার ছুঁড়ীটার। অমন দৌড়াচ্ছিল কেন?”

নন্দ থমকে দাঁড়াল—“ও ঠান্দি—শুনছ?”

“এ্যা”—বুড়ী দৃষ্টি প্রসারিত করে কৃষ্ণিত ললাটকে আরও কৃষ্ণিত করে প্রশ্ন করল—“কি বলছ গা?”

“ঐ মেয়েটির কি হয়েছে গো—ঐ যে দৌড়ে গেল?”—

“কি জানি বাপু—আমিও ত' তাই ভাবছি—জিজ্ঞেস করবু—জবাবই দিলে না—”

“মেয়েটি যেন চেনা চেনা মনে হল—কে ঠান্দি?”

বুড়ী একটু সন্দেহের চোখে নন্দলালকে নিরীক্ষণ করল, পরে বলল,  
“ওর নাম কাজললতা—গৌরদাসের মেয়ে।”

“ওঃ”—এমনভাবে নন্দ কথাটা উচ্চারণ করল যেন বুড়ীর কথায় সে একটি পরম রহস্য উদঘাটন করেছে।

নন্দ চলতে আরম্ভ করেছিল এমন সময়ে সেই বুড়ী তাকে ডাকল,  
“ই্যা বাছা, ইদিকে একটা ছাগল দেখেছ—সাদা রঙের?”

“ছাগল?”—নন্দ অবাক হয়ে প্রশ্ন করল।

“ই্যা—সাদা রঙের—”

“না ঠান্দি”—নন্দ পালাতে পারলে বাঁচে, ওর মন পড়ে রয়েছে সেই মেয়েটির গমন-পথের দিকে, ছাগলের কথা কি ওর ভাল লাগে।

## প্রান্তরের গাম

“কোথায় গেল তবে?” বুড়ী বিড়বিড় করে আপন মনে, পরে হাঁক ছাড়ে—“ফুরকুনী—ও ফুরকুনী—”

ফুরকুনী বুড়ীর ছাগলের নাম।

নন্দ একটু হেসে তাড়াতাড়ি চলতে আরম্ভ করল। কোথায় গেল মেয়েটা? কাজললতা? নামটা ত’ ভারী মিষ্টি। লতাই বটে। অজস্র পুষ্পাশোভিত অপরূপ লতা।

খানিকদূর গিয়েই চার পাঁচটা বাড়ী। এর মধ্যে কোন্টা কাজললতাদের বাড়ী? মহামুস্কিলে পড়ল নন্দ। কাউকে জিজ্ঞেস করাটা সে যুক্তিসঙ্গত মনে করল না। রাস্তাটা ধরে সে এগিয়েই চলল, পরে শেষের বাড়ীটার পাশে গিয়ে দাঁড়াল। হঠাৎ কেন যেন তার মনে হল যে এইটেই গৌরদাসের বাড়ী। গৌরদাসের নাম তার অপরিচিত নয়। সে তাদের স্বজাতি। বাপের মুখে সে শুনেছে যে গৌরদাসের পিতৃ-পুরুষেরা খুব অবস্থাপন্ন লোক ছিল। বর্তমানে সে অবস্থা আর নেই—পাঁচটা লাক্স এসে ঠেকেছে একটায়। এই বাড়ীটাকে দেখে নন্দ নিজের অহুমানের স্বপক্ষে যুক্তি খুঁজে পায়। বাড়ীটা ভগ্নদশায় এসে পৌঁছেছে। চণ্ডীমণ্ডপ ও একটা ঘর একেবারে ঝুলে পড়েছে—শুধু মাঝে একটা অংশ টিনের চাল দিয়ে তৈরী। তাতেও অনেক দিন ধরে যে সংস্কার হয়নি তা বেশ বোঝা যায়। বাড়ীটার প্রাঙ্গণ আগাছায় ভরে উঠেছে, পেছনে বেতবন আর বাঁশঝাড়। বেড়াচিতা দিয়ে সামনের দিকটা ঘেরাও করা, তা পেরোলেই একটা কৃষ্ণচূড়ার গাছ। তার অজস্র রক্তবর্ণ ফুলের সমারোহে আশেপাশের সব কিছুই যেন রঞ্জিত হয়ে উঠেছে।

হঠাৎ সামনের দাওয়ার উপরে কে যেন দাঁড়াল। তার পায়ের আওয়াজ নন্দ শুনতে পেল। সে একটু সামনের দিকে এগিয়ে এসে

## প্রান্তরের গান

থমকে দাঁড়াল। নূতন একটা মহাদেশকে যেন আবিষ্কার করেছে নন্দ, আনন্দে তার চোখের তারা ছুটো খঞ্জনপাখীর চোখের মত নেচে উঠল। দাওয়ার উপরে যে এসে দাঁড়িয়েছে সে আর কেউ নয়, কাজললতা—কলাতিয়ার নন্দলাল দাসের জন্ম-জন্মান্তরের হারিয়ে যাওয়া প্রেয়সী। দৃঢ়সঙ্কল্পে নন্দর চোখমুখ ধেমধেম করতে লাগল। জয় করতে হবে এই রূপসীকে। এই রাজকন্যার মত রূপসীকে। ছেলেবেলায়-শোনা কাঞ্চনমালা আর মধুমালার মত অপরূপ সুন্দরী এই কাজললতাকে তাকে জয় করতেই হবে।

কাজললতা নন্দকে দেখতে পায়নি। দাওয়ার এককোণে একরাশ জঞ্জাল, সেখানে দাঁড়িয়ে ক্রি যেন সে খুঁজছিল।

নন্দ কম্পিতবক্ষে, মৃদুকণ্ঠে সুর করে গাইল—

“হিম জল, হিম স্থল, হিম শীতলপাটি,

তাহার অধিক হিম কন্তে, তোমার বুকের ছাতি ॥”

ভারী মিষ্টি গলা নন্দলালের।

চমকে উঠে কাজললতা ঘুরে দাঁড়াল, তার চোখে বিস্ময়।

নন্দলাল মৃদু হেসে বলল, “তোমায় খুঁজে বের করেছি কিন্তু”—

হঠাৎ কাজলের চোখের বিস্ময় অন্তর্হিত হল, ঘনিয়ে এল রোষ আর একটা অনর্থের সংকেত, চোখ ঘুরিয়ে সে বলল—“বেশ করেছে, এখন দাঁড়াও দিকি ওখানে, আমি বাবাকে ডেকে নিয়ে আসি। দেখতে চেয়েছিলে, মনে আছে ত?”

দ্রুতপদে সে ভিতরে চলে গেল।

নন্দ এতক্ষণে ভয় পেল। সত্যি যদি কাজল তার বাপকে ডেকে নিয়ে আসে? এখন অবস্থা হীন হয়ে পড়লেও মানুষ হিসাবে গৌরবাস



## আরম্ভের গান

লোকটা নাকি ভারী কড়া আর দেমাকী। শেষে কি অগ্নি গাঁয়ে এসে  
পরের হাতে মার খাবে সে। মা, 'আজ এই পর্য্যন্তই থাক।

নন্দ বড় বড় পা ফেলে চলতে আরম্ভ করল।

কিছুদূর গিয়ে কি ভেবে সে একবার পেছন ফিরে দাঁড়াল। সে যা  
দেখল তাতে তার মন আবার আনন্দে অধীর হয়ে উঠল।

দরজার পাশে হেলান দিয়ে কাজললতা তার গমন-পথের দিকে  
চোরে আছে।

নন্দ একটু হেসে, হাত নেড়ে, সেখান থেকেই আকাশের দিকে  
তাকিয়ে বলল—“কাল আবার আসব, এমনি সময়ে”—

আকাশকে উদ্দেশ্য করে বললেও অভীষ্ট সিদ্ধ হল। কাজললতা তা  
শুনল, শুনে তাড়াতাড়ি ভেতরে গিয়ে দড়ামি করে সে দরজাটা বন্ধ  
করে দিল।

সন্ধ্যা হয়ে গেছে। আবছা অন্ধকারের ধুলো এসে গাছপালার  
পাতায় পাতায় যেন গাঢ় হয়ে জমে উঠছে। ঝিঁ ঝিঁ পোকাদের ডাক  
আরম্ভ হয়ে গিয়েছে। চেনা অচেনা ফুলের গন্ধে দক্ষিণের বাতাস  
ভরপুর—তার ছোঁওয়ায় গাছপালা, লতাপাতা আর বাঁশের ঝাড় যেন  
গুঞ্জনধ্বনি তুলেছে। পায়ের নীচে শুকনো বাঁশপাতা আর অগ্নি  
গাছের ঝরাপাতা মর্ম্বরধ্বনি তুলে বিলাপ করে ওঠে।

ঘাটে এসে নন্দ পাল তুলে নৌকা ছেড়ে দিল।

আকাশের রঙীন মেঘগুলোর এক টুকরো পুরাতন স্মৃতির মত ধীরে-  
ধীরে দিগন্তে মিলিয়ে যাচ্ছে।

পূর্ব আকাশে ত্রয়োদশীর চাঁদ উঠেছে। ধলেশ্বরীর জল আবার  
রূপোর পাটভর মত চক্চক্ করছে।

বাঁকের মোড়ে তেতুলঝোরা গ্রাম মিলিয়ে গেল।

## প্রান্তরের গান

কাজললতা তার গান শুনেছে, সে তাকে চেনে ! নন্দ ভাবে :  
তা সম্ভবপর বৈকি । তাদের গায়ের কবির দল যখন লক্ষ্মীপুজোর সময়  
মালতীপুরের জমিদার বাড়ী গান গাইতে গিয়েছিল তখন আশেপাশের  
অনেক গায়ের ছেলেমেয়েরা সেখানে দল বেঁধে গিয়েছিল ।  
কাজললতাও সে সময়ে গিয়েছিল । তেতুলঝোরা থেকে মালতীপুর  
ত' মাত্র ক্রোশ-খানিকের পথ ।

আচ্ছা, কাজললতা তার বাপকে ডেকে আনল না কেন ? দরজার  
পাশে দাঁড়িয়ে, আসবার সুময়ে আবার তাকে তাকিয়ে দেখলই বা কেন ?  
কেন ?

নন্দ হাসল । উত্তর সে পেয়েছে । নিজের অন্তর্দেবতার কাছ  
থেকে ।

হ'একটা পাখীর কাকলি ভেসে এল তীর থেকে । ক্ষীণ শব্দ । ফুর-  
ফুর করে বইছে দক্ষিণের বাতাস । ধলেশ্বরীর রূপালী জলকে ভেদ করে  
তরতর করে বইছে নোকোটা । উড়ন্ত বুনা হাঁসের ছরস্তু ডানার মত  
নোকোর সাদা পালটা কাঁপছে আর বসন্তের মন্দির সন্ধ্যা চারদিকে  
ঘনিয়ে এসেছে ।

নন্দ একটা বিড়ি ধরিয়ে মৃদুকণ্ঠে গান ধরল, দৃষ্টি তার অনেক দূরে  
—অ-নে-ক দূরে—

“কুঁচবরণ কত্নারে তার মেঘবরণ

আমারে লইয়া যাওরে নদী

সেই সে কত্নার দ্যাশ—”

সেই কুঁচবরণ কত্না মণিহ্রাতিময় স্ফটিকপ্রাসাদে বাস করে, নীলপদ্মের  
পালকে শয়ন করে, চন্দ্রকান্তমণির মুকুরে নিজের ছল্লভ ইন্দুমুখখানি  
দেখে । সেই কুঁচবরণ কত্নার সঙ্গে কাজললতার কোনো প্রভেদ নেই ।

নন্দদের গ্রামের নাম কলাতিয়া। ধলেশ্বরী থেকে যে খালটা বুড়ীগঙ্গার মধ্যে গিয়ে পড়েছে তা এই গ্রামের মাঝখান দিয়ে গেছে। গ্রামের পূব দিকে বুড়ীগঙ্গা, পশ্চিমদিকে ধলেশ্বরী। খালটায় তাই সারা বছরই জল থাকে।

বাড়ীর ঘাটে পৌঁছে নন্দ নোকোটাকে সবে একটা জাম গাছের সঙ্গে শিকল দিয়ে বাঁধে, এমনি সমস্তে ছপ্ ছপ্ শব্দ করে চার দাঁড়ের একটা গয়নার নোকে এসে ভিড়ল। সহরে, স্থলেতে যেমন বাস, ট্রাম, পূর্ববঙ্গের গ্রামে, জলেতে তেমনি গয়নার নোকে।। রোজ ছ'বার করে এই গয়নার নোকে। হাঁক দিয়ে যাত্রীদের ঢাকায় নিয়ে যায়। খালতীরবস্ত্রী ও বুড়ীগঙ্গার তীরস্থিত গ্রামের মধ্যে পৌঁছে দেয়। আবার রোজ একবার করে সকাল বেলায়, বুড়ীগঙ্গার যেখান থেকে মোটরলঞ্চ যাত্রা করে সাভার, মীরপুর আর ধামরাই গ্রামের দিকে, সেখানেও যাত্রীদের এই নোকোই পৌঁছে দেয়।

গয়নার নোকোতে চড়ে প্রায়ই নূতন নূতন লোকের আমদানী হয় এই গ্রামে। নন্দ তাই পালটা ভাঁজ করে কাঁধে ফেলে, বৈঠা হাতে কৌতুহলের সঙ্গে এই নোকোর দিকে এগিয়ে গেল।

তিনজন যাত্রী এই ঘাটটায় নামল। দুজন মুসলমান, বোধ হয় টাতি। তৃতীয়জন একজন যুবক।

যুবকটির সঙ্গে বিশেষ কিছুই নাই কেবল হাতে একটি মাঝারি

## প্রান্তরের গান

আকারের চামড়ার স্যুটকেশ। খন্দরধারী, শ্রমবর্ণ ও সুন্দর নব যুবক,  
দোহার গড়ন। বয়স বোধ হয় পঁচিশ-ছাব্বিশ।

নন্দ তাকে চিনতে পারল। তাদের বাড়ীর সামনের তারিণী  
কাকার ছেলে প্রবীর চৌধুরী। ছোটবেলায় গাঁয়ের মাইনর স্কুলে ওরা  
হুজনে একসঙ্গে পড়ত। নন্দ ছোট বেলা থেকেই গানের ভক্ত।  
ইস্কুলের পড়ার চেয়ে কবি আর যাত্রার আসরে বসে থাকতেই নন্দ  
ভাল লাগত। তাই প্রবীর যখন প্রবেশিকা উত্তীর্ণ হয়ে ঢাকার কলেজে  
পড়তে গেল, নন্দ তখন সপ্তম শ্রেণী পর্যন্ত প্রাণপণ চেষ্টা করে  
লেখাপড়ার পাট সাজ করে দিয়ে বেশ ভাল করে গানের মণ্ডা সাজ  
করে দিল। অনেকদিন থেকেই প্রবীর সহরে থাকে। মাঝে মাঝে ছুটি-  
বাড়ী আসে। কিছুদিন থেকে তারপর আবার ফিরে যায়। ছোট-  
বেলা থেকেই ও স্বদেশী দলে যোগ দিয়েছে, ছুটির দিনে গাঁয়ে এসেও  
বসে থাকে না, জমিদারবাবুদের পাটের কলের মজুরদের সঙ্গে মেলামেশা  
করে, সভাসমিতি করে। পাশাপাশি বাড়ী তাই প্রবীরের সঙ্গে নন্দ  
বন্ধুত্ব আছে, তাদের বাড়ীর ভিতরেও তার আসাযাওয়া আছে। এবার  
প্রায় বছর খানিক পরে প্রবীর দেশে এল।

প্রবীর কোন দিকে তাকায়নি, সোজা সে ছ'পাশের ঘন কচুবনের  
মধ্যবর্তী রাস্তাটা দিয়ে এগিয়ে চলেছে। মাথার উপরে জেঁপের  
চাঁদের আলো এবার স্পষ্ট হয়ে উঠেছে, রাস্তা বেশ পরিষ্কার  
দেখা যায়।

নন্দ প্রবীরের পেছনে গিয়ে ডাক দিল—“শুনছেন বাবুশায়—  
বাবু”—প্রবীর ফিরে দাঁড়াল, হেসে বলল—“নন্দ!”

“হুঁ—কিন্তু একেবারে কোনদিকে না তাকিয়ে যে হুঁ হুঁ করে  
চলেছিস বড়?”—

## প্রান্তরের গান

“আবার কোনদিকে তাকাব ? কিদে তেঁটা দুই-ই পেয়েছে  
তাই”—

“তা ত’ পাশরই কথা । ঢাকা থেকে আসছিছ বুঝি ?”

“হ্যাঁ”—

“এখনও পড়ছিছ, নয় ? শুনলাম বি-এ পাশ করেছিছ ?”

“বি-এ পাশ করেছি বটে কিন্তু আর পড়ব না”—

“কেন রে ? তারিণীকাকা বলছিলেন তুই নাকি আইন পড়বি ?”

“বাবার যা ভাল মনে হয়েছে বলেছেন. আমার যা ভাল মনে হচ্ছে  
তাই করছি”—প্রবীর হাসল ।

“কেন ? আইন পড়া ছো ভালই রে”—

“আইনের দিন থাকলে আইন পড়া যেত”—প্রবীর গম্ভীর মুখে  
বলল । নন্দ কথাটা ভাল করে বুঝল না, একটু চুপ করে থেকে  
বলল, “তাহলে এখন চাকরী-বাকরী করবি, না ?”—

প্রবীর মাথা নাড়ল, “উহু—চাকরী করার লোকের অভাব নেই  
দেশে”—

নন্দ ব্যাপারটা বুঝতে পারল, “দেশের সেবা করবি তাহলে, কিন্তু  
সংসার ?”

প্রবীর হাসল, “সংসার মানে তো আমরা তিনটি প্রাণী, বাবা,  
পিসীমা আর আমি । বাবার যা জমিজমা অল্পবিস্তর আছে তাতে ওর  
আর পিসীমার স্বচ্ছন্দে চলে যাবে—আমার চিন্তা আমি করিনা, আর  
বাবারও কিছু নেই ।”

নন্দের মনটা আজ ভারি হালকা মনে হচ্ছে, পাখীর পালকের মত হালকা ।  
কাজলতার মুখটা জোনাকির মত বারংবার তার চোখের সামনে জলে  
উঠছে ।

## প্রান্তরের গান

“কেন, বিয়ে থা করবি নে?”—নন্দ কোতুকের সঙ্গে জিজ্ঞেস করল।

প্রবীর খুব জোরে হেসে উঠল—“বিয়ে! না বাবা—সোনার শেকলে আমার দরকার নেই, লোভও নেই—বেশ আছি আমি”—

নন্দ উত্তর দিল না, মনে মনে একটু হাসল শুধু। আচ্ছা, দেখা যাবে। কোনো এক ফাল্গুনী সন্ধ্যার বসন্তমন্দির রঙীন আলোতে যদি কাজললতার মত রূপসী মেয়েকে হঠাৎ প্রবীর আবিষ্কার করে আর প্রেমের দেবতার পুষ্পধনু থেকে নিক্ষিপ্ত একটা তীর এসে যদি তার বুককে রাঙিয়ে তোলে তখন এই প্রবীর চৌধুরী হয়ত সোনার শিকল পরায় জগুই বায়না ধরবে। আচ্ছা দেখা যাবে। কালচক্র ঘুরুক।

“নন্দ”—প্রবীর ডাকল।

“এ্যা?”

“আচ্ছা—মিলের মজুরদের ওখানে আমাদের দলের এখন কে আছে জানিস?”

“না ভাই, বলতে পারবে না—ওসব খোজ খবর বেশী রাখি না”—

প্রবীর হাসল—“তবে কিসের খোজ রাখিস? কোথায় কোন্ পাড়ায় কবির গান হচ্ছে—কোথায় কি পালা যাত্রা হচ্ছে—এই সব, না?”

“হ্যাঁ, যে যা পারে”—নন্দ হেসে বলল।

প্রবীর মাথা নাড়ল, “তাই কি? ভেবে দেখ তো নন্দ—মাসুকের সেবা আর দেশের সেবা কি সবাই পারে না বা সকলের কি তা পারা উচিত নয়?”

নন্দ সায় দিল—“তা বটে—তা মানি”—কথা বলতে বলতে নন্দ একটু অগমনস্থ হয়ে পড়ল। কাজললতা। কি করে সে কাল কাজললতার দেখা পাবে?

“এই যে এসে পড়েছি রে”—প্রবীর বলল।

## প্রান্তরের গান

নন্দর চমক ভাঙল। ইয়া, তার। বড় রাস্তায় এসে পড়েছে। ডান দিকের কয়েকটা বাড়ীর পরেই গোপীনাথের আখড়া, তারপরেই একটা আম-কাঠালের ছোট বাগান। সেটার পর এবং রাস্তার ধারেই নন্দদের বাড়ী। ওদের বাড়ীর পেছনেই অর্জুন, ছিদেম—এদের বাড়ী। নন্দদের বাড়ীর সামনেরকার রাস্তার বাঁ ধারে একটা বাঁশ ঝোপ, তার পাশ দিয়ে যে সরু ফালির মত রাস্তাটা গিয়ে একটা টিনের চালওয়ালা পাক। বাড়ীতে গিয়ে শেষ হয়েছে সেইটেই প্রবীরদের বাড়ী।

নন্দ বলল—“আমাদের বাড়ী চ”—

প্রবীর মাথা নাড়ল—“না দেবী হয়ে যাবে”—

“না—না চল। জলতেষ্টা পেয়েছে বললি—চল জল খাবি। তাছাড়া কতদিন পরে এলি, বাড়ীর সবাই তোকে দেখলে খুসী হবে।”

• প্রবীর হাসল—“আচ্ছা চল”—

নন্দদের বাড়ীও টিনের চাল দিয়ে তৈরী। বাড়ীর দেওয়াল কাঠ আর বাঁশ দিয়ে তৈরী। চালের উপর পবন-নন্দনের একটি টিনের প্রতিকৃতি রয়েছে। ১৩১৭ সনে একবার ভয়ঙ্কর ঝড় হয়েছিল এই অঞ্চলে—সেই ঝড়ে পাঁচ মাইল দূরের ধলেশ্বরী তিন মাইল সরে এসেছিল গাঁয়ের দিকে, গাঁয়ের যত সব বড় বড় গাছপালা আর গৃহস্থদের বাড়ীর চাল উড়ে গিয়েছিল সেই ঝড়ের তাগুবে। নন্দর প্রপিতামহ বিশ্বস্তর রায় টিনের চাল দিয়ে তখনি বাড়ীটাকে নতুন করে তৈরী করেন।

বাড়ীর সামনের দাওয়াটা বেশ প্রশস্ত। সেখানে নন্দর বাবা হরিচরণ ও অত্যাগত বৃদ্ধেরা প্রায়ই দাবা পেতে ছুঁকে হাতে বসে।

বাড়ীর দাওয়ায় উঠে ওরা নিজেদের জিনিষ নামাল।

ঘরের ভেতর থেকে হরিচরণ বেরিয়ে এল।

## প্রান্তরের গান

“নন্দ এসেছিস—কত করে দর গেল ‘আজ?’—হরিচরণ ছেলেকে  
প্রশ্ন করল।

“এক টাকা দশ আনা—”

“বাজার সওদা সব করেছিস?”

“হ্যাঁ—”

“আচ্ছা—বাকী টাকা মা’র কবছে দেগে—” হঠাৎ প্রবীরের উপর  
হরিচরণের নজর পড়ল, “আরে—প্রবীর বাবাজী না?”

প্রবীর হাত তুলে নমস্কার জানাল—“হ্যাঁ কাকা—”

“অনেকদিন পরে দেখছি—ভাল আছ ত?”

“আজ্ঞে হ্যাঁ—”

“বেশ বেশ, তোমরা বসগে যাও—আমি একটু আখড়ায় যাচ্ছি।  
সোনাপুর থেকে একজন বোষ্টম এসেছে—সে নাকি ভারী সুন্দর কীৰ্ত্তন  
করে।”

হরিচরণ চলে গেল।

প্রবীর একটু হেসে নন্দকে জিজ্ঞেস করল, “কিরে বাবি নাকি  
গান শুনতে?”

নন্দ মাথা নাড়ল—“না ভাই—আজ্ঞাকে না—”

“কেন রে?”

“বুঝলি না, বোষ্টমী হলে পরে যেভাম একবার”—নন্দ মুচকি হেসে  
বলল, “আসলে তা নয়, বড় ক্লান্ত—একটু জিরিয়ে নিই”—পরে ঘরের  
ভেতর ঢুকে সে ডাক দিল—“এই মাধবী—মাধবী—”

ভিতরের ঘরের হৃদিকে আরও ছুটো কামরা, তারি একটা থেকে  
একটি মেয়ে উত্তর দিল—“বাই দাদা—”

প্রবীর বাইরেই দাঁড়িয়েছিল।



## প্রান্তরের গান

নন্দ ডাকল—“আয়রে প্রবীর, ভেতরে আয়”—প্রবীর ভেতরে গেল।

নন্দ ঠাট্টা করে বলল—“তুই যে পরের মত ব্যবহার আরম্ভ করলি রে, এঁ্যা?”

প্রবীর একটু হেসে একটা তক্তাপোশে গিয়ে বসল।

“কি বলছ দাদা?”—বলতে বলতে একটা ষোল বছরের মেয়ে ঘরের ভেতরে এসে দাঁড়াল। এসে প্রবীরকে দেখেই মেয়েটির চোখ মুখ আনন্দে উজ্জ্বল হয়ে উঠল। সে এগিয়ে এসে প্রবীরের পায়ে হাত দিয়ে প্রশংসা করে হেসে বলল—“উঃ—কতদিন বাদে তুমি এলে প্রবীরদা—”

প্রবীর হেসে বলল—“ভাল আছ ত’ মাধু?”

মাধু—মানে মাধবী—সম্মির্তমুখে ঘাড় নাড়ল।

নন্দ বলল—“যা তো মাধু—কিছু খাবার আর জল নিয়ে এসে প্রবীরকে দে—”

প্রবীর বাধা দিল—“না না, খাবার টাবারের দরকার নেই, শুধু এক গেলাস জল আনলেই হবে মাধু—”

মাধবী কপট রোষে বলল—“ভারী পরের মত কথা বলছ ত’ প্রবীরদা—চুপ করে বসে থাক দেখি—যা দেব তা খেতে হবে।”

স্বরিত্তপদে মাধবী ভেতরে চলে গেল।

“শিগ্গরীই আবার চলে যাবি নাকি?” নন্দ প্রশ্ন করল।

“না বলেই তো মনে হচ্ছে—”

“বেশ—কিছুদিন থাক এবার—তোরা থাকলে, আমরা একটু ভদ্র হওয়ার সুযোগ পাব—”

“ঠাট্টা করছিস বুঝি?”

“না রে না—নিজেদের শিক্ষিত বন্ধুবান্ধব থাকলে অনেক উপকার হয়—পরকে দিয়ে কি কাজ হয়? শিক্ষিত লোক আরও অনেক আছে

## প্রান্তরের গান

বটে কিন্তু সবাই হয় দেমাকী আর স্বার্থপর। মানুষের ভালমন্দের কথা কি আর ওরা ভাবে ?”

“তা বটে—”

নন্দ একটু চুপ করে রইল, পরে পকেট থেকে বিড়ি, দেশলাই বার করে বলল—“বিড়িটিড়ি খাস নাকি প্রবীর—”

প্রবীর হেসে মাথা নাড়ল—“না রে—”

“এক্বেবারে সাধু হয়ে পড়লি যে !”

“সাধু না—দরকার মনে হয় না তাই—”

মাধবী ফিরে এল। তার হাতে ছোটো রেকাবে নারকেলের নাড়ু আর মোয়া মুড়কী।

হুজনের সামনে তা রেখে সে বলল—“খাও তোমরা—দিদি জল আনছে—”

প্রবীর চোখ বড় বড় করে বলল—“এতগুলো ! না, এত খাব না—”

মাধবী আদেশমুচক ভঙ্গী করে ঘাড় বঁকিয়ে বলল—“এতগুলো মোটেই না—নাও দেখি, খেতে আরম্ভ কর—”

প্রবীরের ভারী কৌতুক বোধ হয় মাধবীর ভঙ্গী দেখে। সে খেতে আরম্ভ করল। খেতে খেতে মাধবীর দিকে সে একবার তাকাল। মাধবী তার দিকে চেয়ে আছে। ঠোঁটের কোণে মিষ্টি হাসির রেশ, চোখে মমতার গাঢ় ছায়া। বেশ দেখাচ্ছে ওকে। আগের চেয়ে মাধবীর চেহারা অনেক বদলেছে। উৎক্লষ যৌবন ওর সারা দেহের রেখায় স্নেহায় পল্লবিত। আগেকার শ্রামবর্ণ রং যেন হঠাৎ বিশ্বয়কর ভাবে স্নগৌর হয়ে উঠেছে, অনেকটা নন্দর গায়ের রংয়ের মত। মাথায় ঝেঁকরাশ কৌকড়ানো চুল। পরিকার ও টানা টানা ভুরু ছোটো নীচে

## প্রান্তরের গান

ছোটো ডাগর ডাগর হরিণের মত চোখ—জাতে যেন অরণ্যের অন্ধকার বনিয়ে আছে। নাকটা খুব খাড়া না হলেও মুখের পক্ষে বেশ মানানসই হয়েছে, আর সব চেয়ে অপক্লপ হচ্ছে ওর ছোটো পাংলা ঠোঁট। যেন প্রবাল-পদ্মের ছোটো পাপড়ি। মাঝে মাঝে ওপরের দাঁত দিয়ে নীচের ঠোঁটের একটা কোণ যখন ও চেপে ধরছে তখন আরও ভাল দেখাচ্ছে ওকে। মাধবীর বিস্ময়কর রূপান্তর ঘটেছে।

প্রবীর হেসে জিজ্ঞেস করল, “নাডুগুলো বেশ হয়েছে—তুমি তৈরী করেছিলে বুঝি?”

মাধবী সলজ্জভাবে ঘাড় নাড়ল—“হ্যাঁ।—”

নন্দ সায় দিয়ে বলল—“জানিস প্রবীর, মাধু আজকাল বেশ ভাল রান্না করে—”

“বটে!—”

মাধবী লজ্জাজড়িত কণ্ঠে মাথা নাড়ল, “কই—সে কিছু না—সে সবাই অমন রাঁধে—”

প্রবীর হাসল, “সব ভাল রাঁধুনীরাই অমন বলে, ও আমি শুনছি না—একদিন কিন্তু খাওয়াতে হবে ভাই—”

মাধবীর চোখ জলে উঠল—“থাবে একদিন?”

“হ্যাঁ।—”

“আচ্ছা খাওয়াব”—মাধবী লজ্জায়, আনন্দে ঘেমে উঠেছে। কুলকলির মঞ্জরীর মত বিন্দু বিন্দু ঘাম চক্চক করছে ওর ললাটে আর নাকে।

হু পেলাস জল নিয়ে মনোরমা ঘরের ভেতর এল।

মনোরমা মাধবীর বড়, বয়স প্রায় আঠার। দেখতে শুনতে সে মাধবীর চেয়েও সুন্দরী।

প্রবীরকে প্রশ্ন করে সে জিজ্ঞেস করল, “ভাল আছ প্রবীরদা?”

## প্রান্তরের গান

“হ্যাঁ ভাই—ভালই আছি—”

খানিকক্ষণ চুপ করে থেকে মনোরমা বলল—“তোমরা বোস—আমি রান্নাঘরে যাচ্ছি; মাকে পাঠিয়ে দিইগে। আজকে এখানে খেয়ে যাও প্রবীরদা—”

“না ভাই, আজ না—অন্য একদিন হবে।”

মনোরমা চলে গেল।

প্রবীর নন্দকে জিজ্ঞেস করল, “মান্নুর বিয়ের কি হল?”

“কই আর হোল—তবে সাভার থেকে নাকি শিগুরীই লোক আসবে ওকে দেখতে। দেখা যাক—ভগবান একটা ঠিক করে দেবেনই—”

প্রবীর হাত ধুয়ে হাসল, “ভগবান! তা হয়ত দেবেন—”

মাধবী মুচকি হাসল—“ভগবানের ওপর তোমার খুব বিশ্বাস, নেই বলে মনে হচ্ছে প্রবীরদা?—”

প্রবীর মাথা নাড়ল—“বিশ্বাসের মত কাজ নজরে পড়ে না যে—”

মাধবী নিরুত্তরে হাসল।

প্রবীর উঠে দাঁড়াল, “এবার আসি নন্দ—”

মাধবী বলল, “এখনি যাবে? মায়ের সঙ্গে দেখা করবে না?”

“করব খন পরে—এখন উঠি—”

নন্দও উঠল, “আচ্ছা যা।”

নন্দ হাত পা ধুতে ভিতরে গেল।

মাধবী হ্যারিকেনটা তুলে নিয়ে বলল, “চল তোমায় পৌছে দিয়ে আসি—”

প্রবীর হেসে উঠল, “দূর পাগল, আমি কি ছেলেমানুষ নাকি?”

## আন্তরের গান

“না, অন্ধকার থাকতে পারে—বাঁশ ঝাড়ের ঐ জায়গাটায় দিনের বেলাতেই ত’ বেশ অন্ধকার থাকে—”

“আজকে আর অন্ধকার নেই, বাইরের ফুটফুটে জোছনা আছে—”

দাওয়ায় বেরিয়ে এসে প্রবীর স্নাটকেশটা তুলে নিল।

মাধবী প্রবীরের দিকে তাকিয়ে বলল—“তুমি একটু রোগা হয়ে গেছ প্রবীর দা”—

প্রবীর মাধবীর দিকে তাকাল—একটু হেসে বলল, “সহরের মেসে থাকি—সেখানকার রান্না ত’ আর তোমাদের মত না, শরীর ঠিক থাকে কি করে?”

মাধবী প্রবীরের দিকে তাকিয়েই রইল, “প্রায় বছর খানিক পর তোমায় দেখছি ভাল করে। ‘গেল বছর এলে, কয়েকদিন থাকলে, চাষা মজুর নিয়ে একেবারে উধাও হয়ে গেলে—আমাদের সঙ্গে একবার দেখাটাও করলে না।”

“ই্যা সেবার খুব কাজ গিয়েছে। জান মাধু এবার অনেক ভাল ভাল বই এনেছি—নিও পড়তে”—

“দিও। কবে দেবে? কাল?”

“আচ্ছা”—

মাধবী একটু ইতস্ততঃ করল, পরে জিজ্ঞেস করল, “এবার কিছুদিন থাকবে ত’ গাঁয়ে?”

প্রশ্নটা ক’রেই মাধবী নিঃশ্বাস বন্ধ করে উত্তরের জন্য অপেক্ষা করে।

“ই্যা, এবার থাকব, হয়ত অনেকদিন থাকব”—

মাধবীর নিঃশ্বাস সহজ হল।

হারিকেনের আলোর একটা তির্যাক রেখা বাইরের জ্যোৎস্নায়

## প্রান্তরের গান

আলোর সঙ্গে মিশে মাধবীর মুখের উপর পড়েছে। ভারী অন্ধৃত দেখাচ্ছে ওকে।

চলতে আরম্ভ করে হঠাৎ প্রবীর মুখ ফিরিয়ে হেসে বলল, “জান মাধু—তুমি দেখতে অনেক বদলেছ”—

“কি রকম?”—মাধবীর কণ্ঠে কোতূহল।

“দেখতে আরো বড়, আরো সুন্দর হয়েছে।”

“ধ্যেৎ—”

“সত্যি বলছি—আচ্ছা, চল্লাম এবার”—

বড় বড় পা ফেলে প্রবীর চলে গেল।

দাওয়ার উপর মাধবী অনেকক্ষণ ঠায় দাঁড়িয়ে রইল। লজ্জায়, প্লেকে ওর সমস্ত শরীর কাঁপছে, অবশ হয়ে আলছে। আরো সুন্দরী হয়েছে সে! প্রবীর বললে। প্রবীর। হে ঠাকুর গোপীনাথ, হে মা মঙ্গলচণ্ডী, প্রবীর যেন এবার থেকে চিরদিন এই গাঁয়েই থাকে। ধলেশ্বরী আর বুড়ীগঙ্গার তীরবর্তী এই সুন্দর গ্রামটিতে। আম জাম নারকেল আর সুপারী গাছের নিবিড় ছায়ায় যেখানে মায়াময় পরিবেশের সৃষ্টি হয়, ভাঁটফুল সণ্টেফুলের সমারোহের মধ্যে যেখানকার বেড়বন আর বাশঝাড় সালিক-ময়নাদের কাকলিতে সকাল-সন্ধ্যা সরগরম হয়ে ওঠে সেই গ্রাম ছেড়ে প্রবীর যেন আর শহরে ফিরে না যায়। হে শিবঠাকুর, তুমি তো জান মাধবীর কুমারী-হৃদয়ের নব-প্রস্ফুটিত পদ্মকোরকে কার মূর্তি প্রতিষ্ঠিত হয়েছে। এই ত’ সেদিন, গেল শিবরাত্রিতে, মাধবী উপোস করে বারংবার তোমার কাছে প্রার্থনা করেছে—হে শিবঠাকুর, প্রবীরদা যেন আমার বর হয়, প্রবীরদা যেন আমার বর হয়। জাতি-কুলের বাধা থাকলেইবা ভোলানাথ—সে কথা কিন্তু তোমার ভুললে চলবে না।

## প্রান্তরের গান

কিন্তু হায়, প্রবীর একধার কিছুই জানে না।

লজ্জায় মাধবীর মুখ চোখ লাল হয়ে উঠেছে। দিবসের সূর্যপট্ট  
প্রথর আলোতে তাকে দেখলে হয়ত মন্দে হতো যেন কে তার সারা মুখে  
হাক্ক আবীর মাখিয়ে দিয়েছে, কিন্তু রাত্রি বেলায় হ্যারিকেনের স্তিমিত  
আলো আর জ্যোৎস্নাতে কি তা ধরা পড়ে?

আজ ত্রয়োদশী বটে কিন্তু পূর্ণিমার জোয়ার এসেছে নন্দলালের মনে,  
তার হৃদয়ের প্রান্তর আজ উপবনে পরিণত হয়েছে, আনন্দ ও আশার  
নানা রঙের ফুল ফুটেছে সেখানে। সব কিছু আজ ভাল লাগছে তার।  
কিন্তু এরি মধ্যে কোথা থেকে একটা শূণ্যতার বেদনা এসে পীড়া  
দিচ্ছে নন্দকে। কাজললতা। কি করে কাজললতাকে পাওয়া যাবে?  
কাল কখন দেখা হবে তার সঙ্গে?

ঘরের ভিতর বসে থাকতে আর ভাল লাগে না।

নন্দ বাইরে বেরোল।

ফুটফুটে জ্যোৎস্নায় চারদিক প্রাবীত। মুহূ বাতাস বইছে ঝিরঝির  
করে। রাস্তা ইতিমধ্যেই জনবিরল হয়ে এসেছে।

পূবদিকের রাস্তা ধরে পাটকলের দিকে নন্দ চলল।

গোপীনাথের আখড়া থেকে খোলকরতালের তুমুল শব্দ ভেসে এল  
না, আজ আর সেখানে যাওয়া হবে না।

## প্রান্তরের গান

আকাশে অনেক নক্ষত্র আছে কিন্তু তাদের আলো আজ নান।

ঝাঁঝিঁ পোকাকর একটানা আওয়াজ শোনা যাচ্ছে। মাথার উপর দিয়ে একঝাঁক পাখী উত্তর দিকে উড়ে গেল। চন্দ্রালোক ওদের হাতছানি দিয়েছে বোধ হয়।

আখড়াটা পার হলো নন্দ।

আখড়ার পূবে ডোবার দিকে ঝোপ জঙ্গল ঘন হয়ে রয়েছে। তার পাশ দিয়ে চলতে চলতে নন্দ হঠাৎ থমকে দাঁড়াল।

রাস্তা থেকে দূরে ডোবার পাশ দিয়ে যে রাস্তাটা পাটকলের মজুরদের বস্তীর দিকে গেছে তারি ডানদিকে বড় জগড়মুর গাছটার আড়ালে ছজন লোক দাঁড়িয়ে রয়েছে। লোক ছটোকে চেনা যাচ্ছে না। সেখানকার গাছপালার ঘন আন্তরণ ভেদ করে তাঁদের আলো ভালভাবে পৌঁছতে পারেনি তাই ছটো অস্পষ্ট ছায়ামূর্তিই শুধু দেখা যাচ্ছে।

ফিস্‌ফিস্‌ কথাবার্তা শোনা যাচ্ছে। একজন আর একজনের হাত ধরে টানাটানি করছে মনে হল।

নন্দ একটু ছায়াতে সরে দাঁড়াল।

“খ্যেৎ”—একজনের গলার আওয়াজ শোনা গেল। নারীকণ্ঠ।

আবার কি সব ফিস্‌ফিস্‌ কথাবার্তা।

“দূর মুখপোড়া বাহান্তরে কোধাকার—ভাগ্‌, আমি অত সস্তা নই। বুঝলি?” বলে সেই মেয়েলোকটা দ্বিতীয় ব্যক্তিকে ঠেলে দূরে সরিয়ে দিয়ে তাড়াতাড়ি এদিকে এগিয়ে এল।

মেয়েলোকটিকে নন্দ চিনল। ললিতা। বস্তীর মধ্যেই সে থাকে, মিলে কাজও করে। কাজ তার নামমাত্র, খুব হালকা কাজ। আসলে তার মিলের কাজের দরকারই নেই। রাতের অন্ধকারে ললিতার দাম বেড়ে যায়, অসংখ্য ভক্ত তার দরজায় এসে করাঘাত করে তার



## প্রান্তরের গান

রূপার জন্ত। ললিতার 'ভক্তদের' বিশেষ কোনো শ্রেণী নেই—ধনী, দরিদ্র সব আছে তাদের মধ্যে। তবে আজকাল দরিদ্রেরা পাত্তা পায় না, ললিতা বড়লোকদের জাতে উঠেছে। গ্রামের মধ্যে আরও অনেক লোক আছে ললিতার মত, কিন্তু দ্বিতীয় ললিতা আর কেউ নেই। রূপে, হাসিতে, গানে, রসিকতায়, সুনিপুণ সাজসজ্জায়, রক্ত-সমুদ্রকে উদ্বেল করতে ললিতার জুড়ি কেউ নেই। গ্রামের অনেক কুলবধু দ্বিবারাত্র তাকে অভিশাপ দেয়।

ললিতা নন্দকে দেখতে পেল।

“ওখানে কে দাঁড়িয়ে গো?”—সে প্রশ্ন করল।

“আমি”—নন্দ এগিয়ে এল।

“আমি! আমি কে?”—ললিতা হাসল।

নন্দ উত্তর দিল না।

“ও—ওস্তাদজী”—ললিতা মুখ টিপে হাসল। নন্দকে সে চেনে, তার গলার তারিফ করে তাকে ‘ওস্তাদজী’ বলে ডাকে। লোকে বলে ওটা ঠাট্টা, নন্দরও তাই মনে হয়। শুধু ললিতাই জানে ওটা ঠাট্টা কি সত্যি।

“হ্যাঁ—আমি”—নন্দ গম্ভীরভাবে বলল।

“তা এমন চোরের মত ওখানে দাঁড়িয়ে কি করছিলে?”

“আমিই না হয় জিজ্ঞেস করছি—তুমি ওখানে দাঁড়িয়ে কি করছিলে?”—নন্দ একটু কঠিনকণ্ঠে জিজ্ঞেস করল।

“আমার দোষ নেই ওস্তাদজী—এক মুখপোড়া আমায় ধরল—ঐ যে এখন পা টিপে টিপে পালাচ্ছে”—

সত্যিই একজন লোক কাপড়ের খুঁটে মাথা ঢেকে পূবদিকের রাস্তা ধরে অস্তহিত হয়ে গেল।

## প্রান্তরের গান

ললিতা খিলখিল করে হেসে উঠল—“ড্যাকরা ওদিকে যাচ্ছে কেন—  
ওর বাড়ী তো কায়তপাড়ায়—গাঁয়ের একজন মাতব্বর ও”—

নন্দর আশ্বস্তি বোধ হয় ললিতার সামনে দাঁড়িয়ে থাকতে, সে বলল—  
“যাক্ গে—যাক্ গে”—

“যাক্ গে কেন ? ওদের বিষয়ে তো ‘যাক্ গে’ই—যত দোষ আমাদের  
কিনা। আচ্ছা—একদিন সব ফাঁস করব—সময় আসুক, বত সব  
ভণ্ডের মুখোস খুলে একদিন তোমাদের দেখাব। ঐ যে উনি পালালেন,  
ঐ মহাপ্রভুকে তোমরা ধর্ম্মাবতার বলেই জান কিন্তু যেদিন জীবনে  
পারবে সেদিন অবাক হয়ে বাবে”—

নন্দ অসহিষ্ণু হয়ে উঠছিল, আজকের আনন্দময় অভিজ্ঞতার মধ্যে  
কোথা থেকে যেন একটা অশুচি ছায়া এসে পড়েছে, সে বাধা দিয়ে  
বলল—“থাক ওসব কথা—আমি যাই”—

ললিতা মুচকি হাসল—“যাবেই ?”

নন্দ দ্রুত কুণ্ঠিত করল।

ললিতা জিভ দিয়ে আক্ষেপের শব্দ করে বলল—“রাগ করছ মনে  
হচ্ছে—আচ্ছা ওস্তাদজী—এতো সেজেগুজে চলছি, একবার জিজ্ঞেস  
করতেও কি ইচ্ছে হয় না—কোথায় যাচ্ছি আমি ?”—

নন্দ ভাল করে তাকাল ললিতার দিকে। ললিতার বসয় বেশী নয়,  
বড় জোর কুড়ি একুশ হবে। রাজারাজড়ার ঘরে জন্মালে বোধ হয়  
তার রূপের আশুনে অনেক রাজ্য ভূণের মত পুড়ে যেত। এত সুন্দরী  
সে। কিন্তু তবুও নন্দর মনে হয় যেন সেই রূপের ওপরেই একটা রাহুর

দৃষ্টি অদৃশ্যভাবে ওর সর্বদেহে জড়িয়ে আছে। সাধারণে কিন্তু অত  
ভাববে না। সবাই ত’ আর ওস্তাদ নন্দলাল নয়। সবাই বলবে ললিতা  
না মেয়েমানুষ হলেই বা, রূপের তার তুলনা নেই। আজ আবার



## প্রান্তরের গাম

সেই ললিতার বেশভূষায় একটু কেনী পারিপাট্য। আস্মানী রঙের জরির কাজকরা জাম্দানী শাড়ীর অন্তরাল থেকে সুপুষ্ট অবয়বের আলেয়া-দীপ্তি মনকে প্রলুব্ধ করেছে। চোখের কোণে কাজল আছে, পানের রসে ঠোঁট রাঙানো। কানে সোনার ছল, গলায় সোনার হার, হাতে একরাশ সোনার চুড়ী ঝকঝক করেছে। তার দেহ থেকে উৎসরিত উগ্র একটা সুবাস-চারদিকের বাতাসের স্বাসরোধ করেছে। জ্যোৎস্নালোকের পট-ভূমিকায় ললিতার এই রূপ দেখে ভয় হয়। মনে হয় যেন কুহকলোকের কোন মোহিনী সে।

“কই জিজ্ঞেস করছ না তো?”—ললিতা আবার শুঁমোল।

“কি হবে জেনে?”—নন্দ বিবুদ্ধ হয়ে বলল।

কটাক্ষ হেনে ললিতা বলল—“যাচ্ছি অভিসারে”—

“তুমি মরগে”—দাঁতে দাঁত চেপে বলল নন্দ।

ললিতা হেসে উঠল—“রাগ করছ? কিন্তু কি করব ওস্তাদজী—বড় মানী লোক, ভক্তের মান আমার জন্তু বিপন্ন হবে বলে আমি নিজেই যাচ্ছি”—

নন্দ এবার চটে উঠল—“তা যাওনা, কেন রাস্তায় দাঁড়িয়ে ফ্যাচ্ ফ্যাচ্ করছ?”

ললিতা আবার খিলখিল করে, হেসে উঠল, “তুমি রাগলেও আমার ভাল লাগে, মাইরি বলছি—আচ্ছা ওস্তাদ, আমার ওখানে একদিন পায়ের ধুলো দিও না, এঁ্যা?”

নন্দ জলে উঠল, “অনেকের মাথাই তো চিবিয়ে খেয়েছ—আবার আমার ওপর নজর কেন? ছুঁলোয় যাও তুমি—”

নন্দ এবার পালাল।

## প্রান্তরের গান

পেছন থেকে ললিতা হেসে বলল, “ওদের মাথা খেয়ে সুখ পাই না  
চাই তো তোমার ওপর আমার লোভ”—

নন্দ আর ফিরেও তাকাল না ? রাফসী, পেঙ্গী, শাকচুরী—মনে মনে  
ত গালিগালাজ আছে সব সে ললিতার উদ্দেশ্যে বর্ষণ করল। মনটা  
কেমন যেন বিশ্রী হয়ে গেছে। নন্দর মন ললিতার প্রতি  
শিউরে উঠল।

খালের দিকের রাস্তা ধরল সে।

নির্জন, আলোছায়াময় পথ দিয়ে চলতে চলতে নন্দর মন আবার  
হারানো প্রশান্তি ফিরে পায়।

ভাঁটফুলের গন্ধ ভেসে আসছে বাতাসে।

তু' একটা পাখী কোন গাছের ডালে বসে ডানা নাড়ছে।

হাওয়ার সংস্পর্শে ক্ষীণ দীর্ঘনিঃশ্বাস ফেলছে বাঁশগাছগুলো।

খালের ধারে গিয়ে দাঁড়াল নন্দ।

ফুটফুটে জ্যোৎস্নার নীচে খালের জল রূপালী হয়ে চক্‌চক্‌ করছে।

কি করছে এখন কাজললতা ? সেও কি এখন নন্দর মত ভাবছে ?  
কার কথা ভাবছে সে ? নন্দর কথা ? নন্দর ঘুম আসছে না, কিছু  
ভাল লাগছে না। কাজললতারও কি সেই দশা হয়েছে ? মোটেই না,  
সে আশা নন্দ করতেই পারে না। কি হবে তবে ? কি করে কাজল-  
লতাকে পাবে সে চিরদিনের জুতা ? কালকে কি কাজললতার দেখা পাবে  
সে ? আচ্ছা, কাজললতা আজ কেন তার বাপকে বলে দিল না, কেন  
সে আবার ফিরে এসে অমন ক'রে দরজায় হেলান দিয়ে তার দিকে  
অঁকিয়েছিল ? কেন ? মিথ্যে ভাবছে নন্দ। ও হয়ত এমনি খেয়াল,  
আর কিছু না। হবে।

নৌকোটাকে নিয়ে এই ফুটফুটে জোছনায় বেরিয়ে পড়তে ইচ্ছে হয়।

## প্রান্তরের গান

রাত্রির মধ্যখানে, যখন চরাচরে ক্লেউ জেগে থাকবে না, তখন ধলেশ্বরীর জল ভেঙ্গে তেতুলঝোরায় গিয়ে পৌঁছুবে নন্দ। গিয়ে দেখবে যে নদীর ঘাটকে রূপের আলোয় আলোকিত করে বসে আছে কাজললতা।

তাকে দেখে অভিমানে গলাভার করে কাজললতা বলবে, ‘এত দেবী হল যে?’—

নন্দ হাত জোড় করে বলবে, ‘বিলম্বের জন্ত ক্রুদ্ধা হয়ো না, ক্ষমা কর দাসেরে দেবী—’

নন্দে অমুতাপ দেখে কাজললতা মুখ টিপে হেসে বলবে, ‘আচ্ছা করব ক্ষমা, একটা গীত শোনাও দেখি—’

নন্দ হয়ত তখন গান ধরবে, মিষ্টিস্বরে। নদীর জলের তানের সঙ্গে একতান হবে তার গলার সুর।

গীতশেষে কাজললতা মুখ হয়ে বলবে, ‘বেশ গাও তুমি—অপূর্ণ!’

অরও অনেক কিছু ভাবে নন্দ খালের ধারে বসে বসে। অনেক রাত পর্যন্ত।

না, আর আশা নেই। ভয়ঙ্করভাবে প্রেমে পড়েছে নন্দ।

সকালবেলা ঘুম থেকে ওঠবার কিছুক্ষণ পরেই প্রবীর জামাকাপড় ছাড়ছিল পাটকলের শ্রমিকদের সঙ্গে যাবে বলে। এমন সময় ডাক পড়লো তার বাপের কাছ থেকে।

## প্রান্তরের গান

তারিণী চৌধুরীর বয়স হয়েছে। প্রায় ষাট বাষট্টি হবে। খামরাইএর এক জমিদারের নায়েব ছিলেন তিনি। জমিদারী সেরেস্তায় প্রায় পঁয়ত্রিশ বছর কাটিয়েছেন, বর্তমানে সাত আট বছর হল অবসর গ্রহণ করেছেন। ছোটবেলায় ইংরাজী স্কুলে পড়েছিলেন কয়েক বছর, ইংরাজী তার ভাল লাগত না তাই বাড়ীতে সংস্কৃত চর্চা করেছিলেন বেশ গভীর ভাবে। কিন্তু তাতে তার অন্তরের কঠিন হৃদয়ের পরিবর্তন ঘটেনি। জমিদারের অসংখ্য প্রজাদের শায়েস্তা করে, জমিদারের লাভের ঘরে সিঁদ কেটে নিজের জগৎ যা তিনি স্বাবর অস্বাবর গড়ে তুলেছেন অমল নয়। কিন্তু তবু সংসারে স্মৃতি নেই তার। আরও ছুটি ছেলে ছিল তাঁর। প্রবীরের চেয়ে বয়সে তারা বড় ছিল। একজন মারা গেল ত্রিশবার বয়সে, অপরজন বাইশ বছর বয়সে। উপযুপরি ছুটি সন্তানের মৃত্যুতে তাদের মা ভেঙ্গে পড়লেন, তিনিও কিছুদিন বাদে সংসারের ভার কাটালেন। প্রবীরের তখন বয়স মাত্র বারো বছর। বিধবা বোন ছিল সংসারে—সেই প্রবীরকে মানুষ করেছে। তাঁর ইচ্ছে প্রবীর খুব লেখা-পড়া শিখুক, 'সে বি-এ পাশ করেছে—এবার এম-এ আর আইন পড়ুক। ছোটবেলা থেকেই প্রবীরের ঝোঁক আরো অগ্রান্ত বিষয়ে—তা তিনি জানেন। আরো জানেন যে আজকালকার যুগ অগ্র। সংস্কৃত চর্চার প্রভাবেই বোধ হয় এইটুকু তিনি স্বীকার করেন যে, যুগে যুগে মানুষের রীতিনীতি, আচার-ব্যবহার, ধর্ম ও আদর্শ এক থাকে না, বিশেষতঃ যৌবনের। তা'ছাড়া বংশের রক্ষকও আর আঘাত পেয়ে পেয়ে তারিণী চৌধুরীও অনেক নরম হয়েছেন। প্রবীরের কোন কিছুতেই বাধা দিতে পারেন না তিনি।

“বাবা ডাকছিলেন?”—প্রবীর এসে দাঁড়াল সামনে।

“হ্যাঁ, বোস—”

## প্রান্তরের গান

“কি ?”

“সহর থেকে ফিরে এলে যে বড় ?”

“অনেকদিন আসিনি তাই।”

“তা ভাল, মানে কলেজ বন্ধ হওয়ার সময় ত’ এটা নয় তাই  
জিজ্ঞেস করছিলাম। বন্ধের সময় তো এলেই না—”

প্রবীর হাসল—“কলেজ বন্ধ হওয়ার দরকার নেই আর—”

“মানে ?” তারিণী বুঝতে পারলেন না।

“মানে কলেজে আর পড়ছি না।”

আকাশ থেকে পড়লেন তারিণী চৌধুরী।

“পড়ছেন ?” এম-এ, ল’—এসব পড়বে না ?”

“না।”

“কেন ?”

“মিথ্যে কতকগুলো কাগজের ডিপ্লোমা নিয়ে কি হবে ? এখন  
বাড়ীতে বসেই পড়ব—”

তারিণী একটু আঘাত পেলেন। হতাশার ছায়া ছড়িয়ে পড়ল তাঁর  
মুখমণ্ডলে। কিছুক্ষণ চুপ করে রইলেন তিনি, পরে হঠাৎ কি ভাবলেন,  
ভেবে মুখের ও মনের অপ্রসন্নতা বোধ হয় দূর হল একটু।

তিনি জিজ্ঞেস করলেন, “এবার তাহলে চাকরী বাকরী করবে ?”

প্রবীর আবার হাসল—“না বাবা।”

“সেকি !”—তারিণীর মুখ দিয়ে আর কথা বেরোয় না। আবার  
এক নূতন আঘাত।

প্রবীর মাথা নাড়ল, “হ্যাঁ—চাকরী আর করব না। দেশে ক্রীতদাসের  
অভাব নেই, কি হবে তার সংখ্যা বাড়িবে ? আমার ধাতে চাকরী করার

## প্রান্তরের গান

ধৈর্য নেই বাবা, ইংরেজ প্রভুর জন্ত উদয়াস্ত খেটে কোনও রকমে বেঁচে থাকার মত ভিক্ষে নিতে আমি পারব না।”

তারিণী কথা বললেন না। জীবনে অনেক মানুষ দেখেছেন তিনি, মানুষের জটিল অন্তরলোকের অনেক গোপন তথ্য, অনেক গুপ্ত পথের সন্ধান তিনি পেয়েছেন। কোন্ মানুষকে টলানো যায় আর কোন্ মানুষকে যায় না তা তিনি বেশ জানেন। তাই তিনি বুঝলেন যে প্রবীরের কথার নড়চড় হবে না।

খানিকক্ষণ কাটল নিঃশব্দে।

“তাহলে কি করবে স্থির করেছ?”—তারিণী জিজ্ঞেস করলেন।

“দেশ সেবা, দেশের দুঃখী দরিদ্রের সেবা”—প্রবীর বলল।

“হুঁ”

তারিণী চোখুরী ভাবতে লাগলেন। সারা জীবন ধরে অত্যায, জালিয়াতি আর কুটনীতির সাহায্যে তিনি জমিদারের সম্পদ বৃদ্ধি করিয়েছেন নিজেও কিছু লাভ করেছেন। প্রভুর জন্ত আর নিজের জন্ত কত লাঠালাঠি কত দাঙ্গাহাঙ্গামা, কত রক্তারক্তি তাঁকে করতে হয়েছে! টাকার জন্ত, মাটীর জন্ত, লাভের জন্ত, লোভের জন্ত কত নিরীহের জীবনে সর্বনাশকে ডেকে এনেছেন তিনি। তাঁর আদেশে কত অসহায়ের গৃহ ভস্মীভূত হয়েছে। কতবার গ্রামের কণ্ঠ তিনি নিশ্চয় নিষ্ঠুরতার সঙ্গে রোধ করেছেন। তাঁর জীবনের সেই সব পাপের প্রায়শ্চিত্ত আজ প্রবীর করবে। বিধাতার এ অমোঘ অনুশাসন। যাদের তিনি শোষণ কর্তে সহায়তা করেছেন আজ তাদেরই সেবার জন্ত এগিয়ে যাচ্ছে তাঁর ছেলে। এমনি যুগে যুগে হচ্ছে। প্রতি পাপের জন্ত, প্রতি অত্যাচারের জন্ত প্রায়শ্চিত্ত বাঁধা আছে। একজন না করলে আর একজন করবে, পিতা না করলে পুত্র করবে, এক পুরুষ না করলে অগ্র পুরুষ করবে। গতাস্ত্র



## প্রান্তরের গান

নাই। কালচক্রের আবর্তনে সব বদলে যাচ্ছে। তাহের পুরানো পৃথিবী ভেঙ্গে যাচ্ছে। নূতন বাণী নিয়ে নূতনের দল এসেছে—বাধা-নিষেধে ফল নেই, কারণ বিধাতার অদৃশ্য নির্দেশে কাজ করছে ওরা—কোন বাধাই ওরা মানবে না।

“শোন”—তারিণী ডাকলেন।

“বলুন।”

“খুব ভেবে চিন্তে কাজ করো বাবা—শেষে অন্ততাপ কর্তে না হয়। আমি চাই তুমি সুখী হও—”

প্রবীর মুহূ হাসল—“খুব ভেবেছি আমি। আমার পথ এই—এতেই আমি পূর্ণ সুখী।”

পার্বিনাশ ফেলে তারিণী বললেন—“তবে এসো—যা ভাল বোঝে তাই কর।”

যোগবাশিষ্ঠ রামায়ণ খুলে বসলেন তারিণী চৌধুরী। আজ বিধাতার বিষয়ে একটা নূতন ধারণা জন্মাল তাঁর, আর সঙ্গে সঙ্গে এই ভেবে আজ ষষ্কার জন্মাল তাঁর মনে যে জীবনে নায়েবিছাড়া আর কিছুই করেনি তিনি।

কিন্তু তারিণী চৌধুরী যদি ইতিহাসের সত্যকে উপলব্ধি করতে পারতেন তাহলে তিনি বুঝতেন যে ইতিহাসের সমস্ত ঘটনাই পরস্পর সম্বন্ধ-যুক্ত। এক ঘটনার সঙ্গে আর এক ঘটনার, রাজ্য ভাঙ্গার সঙ্গে রাজ্য গড়ার যুদ্ধের সঙ্গে শান্তির আর শান্তির সঙ্গে যুদ্ধের—এক অঙ্গাঙ্গী সম্বন্ধ আছে। এ সত্যকে উপলব্ধি করলে তাঁর আক্ষেপ হত না। তাহলে তিনি বুঝতেন পারতেন যে তাঁর কিছু না-করাটা পূর্বতন ও সমসাময়িক ঐতিহাসিক ঘটনাবলীর একটা ফল মাত্র। তাঁর জন্ত তিনি দায়ী নন।

## প্রান্তরের গান

অনেকটা হাঙ্কা মন নিয়ে বেরোল প্রবীর।

বেলা বেশী হয়নি। বোধ হয় সকাল সাড়ে সাতটা হবে। পার্টকলের ভেঁপু এখনও বাজেনি, তা বাজবে বেলা নটায়।

তাড়াতাড়ি চলতে আরম্ভ করল প্রবীর। অনেকের সঙ্গে দেখা করতে হবে।

বসন্তের প্রভাত। রাঙা আলোর ছোঁয়াচ লেগেছে সব ি আম-জামের নূতন পাতাগুলো চক্চক্ করছে। নূতনের বাণী দিকের আকাশে, বাতাসে, গাছপালায়, লতাপাতায়। দেহের অভ্যন্তরস্থিত ইন্দ্রিয়গুলো যেন নবজন্ম লাভ করেছে। নবজাত মৃগশিশুর মত ক্ষণে ক্ষণে কোন অশ্রুত শব্দে, কোন অদেহী গন্ধে, কোন কায়াহীন রূপে, কোন অব্যক্ত রসচেতনায় ক্ষণে ক্ষণে তারা যেন অবাক হয়ে উঠছে, ক্ষিপ্ৰলব্ধে উচ্চকিত হয়ে তারা যেন আমন্দধ্বনি করে উঠছে।

রসিক ঘোষের পোড়ো ভিটার উপরে যে গন্ধভেদালি লতাটা নানা শাখা ছড়িয়ে ভিটের ঘোপঝাড়কে আরও ঘন করে তুলেছে তার গন্ধ ভেসে আসছে।

ভ্রার ভেসে আসছে আমার মুকুলের উগ্র সুবাস।

একদল যাত্রী চলেছে দ্রুত পদে। খালপাড় থেকে ঢাকাগামী গয়নার নৌকো ছাড়ল বলে।

## প্রান্তরের গান

ধরিত্রী যেন নবকল্‌বর ধারণ করেছে। নিবিড় শান্তিময় পরিবেশের মধ্যে তার ক্ষীণ দেহসৌরভে দক্ষিণের বাতাস ঝঞ্ঝর হয়ে উঠেছে।  
আঃ—প্রবীরের গ্রামের এই বসন্ত-প্রভাত অপূর্ব।

মানুষের চারদিকে রূপ, রস, গন্ধ, বর্ণের কত অদৃশ্য বগ্না কি উন্মত্ত, অধীর বেগে সুবিপুল আবর্তের সৃষ্টি করে নিরন্তর বয়ে যাচ্ছে! অথচ কেউ তার খোঁজ নেয় না। কত সহজে তারা সুখী হতে পারে! কিন্তু কেউ তার চেষ্টা করে না। আদিম বর্করযুগের পুরাতন ইম্পাতের অঙ্গুলো এখনও সে লুকিয়ে রেখেছে তার সভ্যতার আবরণতলে। শিহংসা, লোভ, ঈর্ষা, ক্রোধ, লালসা। বিষপান থেকে মানুষ এখনও বিরত হয়নি।

বস্ত্রীর পরেই তাহেরের সঙ্গে দেখা হল। তাহের কলের শ্রমিক-সঙ্ঘের একজন উৎসাহী সভ্য। বয়সে সে নবীন।

“কবে আসলেন বাবু?”—উৎফুল্ল হয়ে তাহের প্রশ্ন করল।

“কাল রাত্তিরে—ভাল আছ তাহের?”

“জী হাঁ বাবু”—

“ইউনিয়ন কি রকম চলছে?”

“ভালই বাবু, তবে নতুন কিছু কাজ হচ্ছে না। সম্প্রতি অনেক গণ্ডগোল সুরু হয়েছে—কিন্তু কে এগোবে এই নিয়ে মুক্তিলাভ হয়েছে।”

“কি গণ্ডগোল হচ্ছে?”—প্রবীর প্রশ্ন করল।

“সে এখানে দাঁড়িয়ে আর কি বলব বাবু, বস্ত্রীতে যাচ্ছেন ত—ওখানেই স্তনবেন আবহুলের মুখে।”

“যতীন ছিল না এখানে?”

“ছিল, কিন্তু আবার মাসখানেক হল চলে গিয়েছে—সেই বরিশালে”—

“হঁ—আবহুল? আবহুল পারে না কিছু আরম্ভ করতে?”

## প্রান্তরের গান

তাহের হাসল, “আবতুল বলে যে আর কিছু দিন দেখা যাক, দরখাস্ত করা যাক, দরবার পরে করা যাবে। আসল কথা কি জানেন—ও ভয় পায়।”

“ভয় ! কাকে ?”

“মালিককে।”

প্রবীর নিরুত্তরে মুদ্র হাসল।

তাহের বলল, “আমি তাহলে আসি বাবু—পরে দেখা হবে।”

“আচ্ছা এসো।”

“সেলাম”—

“সেলাম ভাই।”

প্রবীর এগিয়ে চলল। মালিক-জুজুদের সীমাহীন প্রভাব। তাদের অসংখ্য নাগপাশ শুধু মানুষের শোষণ ও শাসনেই ব্যস্ত নয়, মানুষের মনের সাহস, কন্ম, চিন্তা ও উত্তমকেও তারা পঙ্গু করার চেষ্টায় সর্বদা সক্রিয়। অনেক কাজ। অনেক কাজ কর্তে হবে। অনেক দূরের পথ প্রবীর আর তার সহকর্মীদের। আগে মানুষদের মনকে তৈরী করতে হবে, তাদের মনের অন্ধকার আর আবর্জনা দূর করতে হবে। তারপর লড়াই—ক্ষমাহীন যুদ্ধ। তারপর—

ভয়ঙ্কর চীৎকার আর হট্টগোলে প্রবীরের চমক ভাঙ্গল।

বস্তীর সীমানা আরম্ভ হয়ে গিয়েছে। মাটির দেওয়ালের উপর খড়ের ছাউনি দেওয়া ছোট ছোট অনেকগুলি কুঁড়ে। তাদের সংস্কার অনেকদিন হয়নি তা দেখলেই বোঝা যায়। দেওয়ালের মাটি খসে খসে পড়ছে, চালগুলোতে জীর্ণতার উইপোক। বাসা বেঁধেছে। এদিকে ওদিকে আবর্জনা পড়ে আছে স্তপীকৃত হয়ে। সকাল নটা থেকে সন্ধ্যা

## প্রান্তরের গান

ছটা পর্যন্ত খাটুনি খেটে এসে, শরীরে যেটুকু উজ্জ্বল থাকে তাতে ভালভাবে থাকবার চেষ্টা করা আর বোধ হয় পোষায় না ওদের।

চীৎকার শুনে মনে হলো যে নিকটেই বুঝি কোথাও লাঠালাঠি হচ্ছে। এগিয়ে বাঁ দিকের সরু পথটা দিয়ে যে বাড়ীটাতে যাওয়া যায় তারি পেছনের উঠানে তাণ্ডব সুর হচ্ছে। ভীড় দেখে বোঝা গেল যে রঙ্গমঞ্চে অভিনেতা, অভিনেত্রী ও দর্শকমণ্ডলীর অভাব নেই।

এই বাড়ীগুলোর একটাতেই প্রবীরের দরকার। এরি মধ্যে পিছনকার বাড়ীটাতে আবছুল থাকে। এই বাড়ীগুলোর বাসিন্দারা মুসলমান। হিন্দু শ্রমিকদের বাড়ীঘর আরও একটু এগিয়ে গিয়ে।

প্রবীর ভিতরে ঢুকে একপাশে দাঁড়াল। কণকাল দাঁড়িয়ে থেকে সম্মিলিত চীৎকার কোলাহলের অতি হুসুহ লিপিসকলকে পর পর সাজিয়ে যা দাঁড়াল তা যুগপৎ কল্পণ ও হস্তরসের উদ্ভেক করবে।

ঘটনার মূল চরিত্র তিনজন। নায়ক হামিদ শেখ। বয়স তার গোটা পঁয়ত্রিশ হবে। প্লীহাশোভিত হৃদয় ও খিটখিটে মেজাজের লোক। নায়িকা ছমিরণ বিবি। বয়স প্রায় ছাব্বিশ। সাধারণ চেহারা, অতি সাধারণ, স্ত্রীস্বলভ কলহপ্রিয়তায় ও পরনিন্দায় অতিশয় সুপটু। পরদার বালাই তার নেই। তৃতীয় চরিত্র আতাউল্লা। বয়স প্রায় হামিদের সমান। হুটপুট, তাবুল-চর্চনরত, খোসা মেজাজের লোক।

যা ঘটেছিল তাকে বর্তমান কালে রূপান্তরিত করলে এইরূপ দাঁড়াবে : একটু আগে হামিদ তার স্ত্রীকে (এখন কিন্তু আতাউল্লা বলছে যে স্ত্রী নয়) বলল, “আইয়ুবের মা, এক মগ চা দ্যাও”—

আইয়ুবের মা ছমিরণ বিবির একটা ছেলে, ছটি মেয়ে। ছেলে আইয়ুবের বয়স প্রায় চার বছর। সেই বড়।

ছমিরণ বিবি খানা তৈরী করায় ব্যস্ত ছিল। পাট খড়ির ঝোঁয়ায়

## প্রান্তরের গান

তার চোখ লাল হয়ে উঠেছে, কোলের এক বছরের মেয়েটা মাই চুষতে চুষতেও কাঁদছে। চুষেও ছধ না পেলে কাঁদবে না তো কি।

ছমিরণ উত্তর দিল। নিজের মনে গজর গজর করে কি যেন সে বলল।  
“ছমিরণ—ও বিবি—”

ছমিরণ ঝঙ্কার তুলল, একটা ভাঙ্গা কাঁসার থালা যেন কেউ সানে আছাড় দিয়ে ফেলে দিল, “কি, পারব না আমি—একটু বাদেই ভাতও গিলতে হবে, তখন না পেলে আমারে খেয়ে ফেলবানে—আবার চা পানির সখ, ওরে আমার”—

হামিদ লোকটা এমনিতে ভাল কিন্তু কি যেন কেন মাঝে মাঝে হঠাৎ তার মাথায় রক্ত চড়ে যায়। এবারও গেল।

লাফ দিয়ে উঠে সে বলল, “চোপরাও স্ময়ারকা বাচ্চা”—

ছমিরণও রণে পরাভূত না, “খবরদার, বাপ তুলো না বলছি”—

“তুলবোই ত’, একশবার তুলবো, শালী, খানকীর বাচ্চি”—অম্লীল গালিগালাজে আবহাওয়াকে উত্তপ্ত করে তুলল হামিদ।

“তবেরে কুট্টীর পো”—ছমিরণ লাফিয়ে এল কোলের মেয়েটাকে মাটীতে ফেলে দিয়ে।

তারপরই কিল, চড়, লাথি, ঘুষো আর কেশাকর্ষণ। আইছুব আর মেয়ে দুটোর বিশী কান্না।

ছমিরণ বলল যে হামিদ বদমায়েস, হুশ্চরিত্র, বেশ্চার ছেলে ইত্যাদি।

হামিদও বলল যে ছমিরণ হুশ্চরিত্রা, শয়তানী, দোজকেন্ন কীট ইত্যাদি।

পরিশেষে হামিদ বলল, “এইত সেদিন আতাউল্লাহ ঘর থেকে তুই বেরিয়ে এলি—হারামজাদী কোথাকার, আমি বুঝি জানিনা তোমার পীরিতের কথা।”

## প্রশস্তির গান

এবার শুরু হলো নূতন অধ্যায়।

আতাউল্লা বলল, “চুপ কর হামিদ—বাজে কথা বলিস না।”

হামিদ বলল, “কেন, উচিত কথায় আতে যা লেগেছে বুঝি?”

আতাউল্লা বলল, “বিয়ে করা বৌ হলে একথা বলতিস না, গাধা কোথাকার”—

“মানে?” হামিদ মৃগীরোগীর মত মুখভঙ্গী করে বলল।

“মানে ভাগিয়ে নিয়ে এসেছিচ্ কিনা তাই মেয়েলোকটাকে অমন হেনস্তা করিস, ছিঃ—”

হামিদ গর্জে উঠল, “খবরদার, মুখ সামলে আতাউল্লা, নইলে”—

আতাউল্লা হাসতে লাগল।

ছমিরণ এবার হঠাৎ আতাউল্লার উপরে রাগে ভেঙ্গে পড়ল। আবার এক প্রশ্ন গালিগালাজ।

আতাউল্লা হেসে যেতেই লাগল।

ওদিকে ভীড় জমেছে। এসেছে জয়হুদ্দিন, এসেছে মদন, এসেছে জহরুদ্দীন। আর এসেছে আশপাশের মেয়েরা। একজন স্ত্রীলোক ছমিরণের মেয়েটাকে কোলে তুলে নিয়ে ছমিরণকে ঝগড়াতে একাগ্র হওয়ার সুরোগ দিচ্ছে। আবহুলও তার বাড়ীর দাওয়ায় বসে হুকো টানতে টানতে নীরবে উপভোগ করছে এই জীবন্ত নাটক।

এই পর্যন্তই যখন হয়েছে তখন প্রবীর এসেছে।

বিশ্রী আবহাওয়া। এই করেই যারা উত্তম সময় কাটায় তাদের জন্য কাজ করতে গেলে কাজ আর এগোয় না, খালি পেছায়। প্রবীর দীর্ঘনিঃশ্বাস ফেলল। অধিকাংশ শ্রমিক এবং মজুরদের জীবনের এই একটি ছবি।

প্রবীর ভিতরের দিকে এগিয়ে গেল।

## প্রান্তরের গান

সকলের নজর পড়েছে তার উপর।

আতাউল্লা হেসে সেলাম জানাল, “কেমন আছেন বাবুসাহেব?”

“ভাল, কিন্তু এসব কি হচ্ছে?”

“জিঞ্জেস করুন না ঐ হামিদ শালাকে”—আতাউল্লা আবার হাসতে লাগল।

হামিদ প্রত্যুত্তরে একটা কিছু গরম কথা বলতে যাচ্ছিল, প্রবীর তাকে বাধা দিল, “হয়েছে থাম ভাই, যাও খাওয়াদাওয়ার ব্যবস্থা করগে, তোমাদের সময় হলো যে তার খেয়াল আছে?”

কোলাহল শাস্ত হয়ে এসেছে।

আবদুল এগিয়ে এসে কাছে দাঁড়াল।

আতাউল্লা হেসে বলল, “আমিও ত’ তাই বলছিলাম বাবু”—

প্রবীর বলল, “তুমিও এখন একটু থাম ভাই। এখানে আর ভীড় কেন, এঁা ? যাও যাও, এখনি কলের ভেঁপু বাজবে—যাও”—

ভীড় ভেঙ্গে গেল।

ছমিরণ গজর গজর করতে করতে আবার রান্না করতে বসল।

প্রবীর বলল, “এসব কি হচ্ছে হামিদ, এঁা ? ছিঃ—”

হামিদ চুপ করে রইল।

গ্রামের এই সব লোকেরা প্রবীরকে খাতির করে। সে ত’ তাদেরই গাঁয়ের ছেলে, তায় শিক্ষিত, দরিদ্রের উপকারী। ভাললোকের ত’ জাত নেই। তাই আতাউল্লাও খাতির করে প্রবীরকে যদিও সে মুসলীম লীগের একজন নামজাদা সভ্য।

“তোমার লীগের খবর কি আতাউল্লা?”—প্রবীর জিঞ্জেস করল।

“তা কি আর আপনার অজানা আছে?”—আতাউল্লা হাসল।

প্রবীরও হুহু হাসল। ইঁা, তা অজানা নেই বটে।



## প্রান্তরের গান

“যাও হামিদ, খেতে বসগে, পরে দেখা হবে। এস আবছল, কথা আছে।”

আবছল বলল—“আমুন।”

বাইরের দাওয়ার উপর একটা শীতলপাটি বিছিয়ে দিল আবছল,  
“বসুন—কেমন আছেন?”

প্রবীর বসল “ভাল—কি খবর?”

আবছল হাসল, “ভাল এবং ভাল না—হুই-ই। তার আগে বলুন দেখি যে এবার থাকবেন ক’দিন?”

প্রবীর আবছলের মনোভাব বুঝতে পারল, সে হাত নেড়ে বলল,  
“ভয় নেই, এবার আর চট করে গাঁ থেকে যাচ্ছি না, এখানেই কাজ করার ইচ্ছে আছে।”

আবছল যেন খানিকটা আশ্বস্ত হল, “ভাল, নিশ্চিত হলাম বাবা।”

“কেন?”

“একা সব সময়ে সব কাজ করতে ভয় হয়।”

“ভয়! ভাল কাজ করতে ভয়! যা সত্য, যা গ্রায়—তার জন্ত সিংহের মত নির্ভয়ে লড়বে।” প্রবীর উত্তেজিত হয়ে উঠল।

আবছল হাসল, “সব মানি কমরেড, কিন্তু তবুও আমি একা অনেক সময় সাহস হারিয়ে ফেলি।”

প্রবীর হাসল, অভয় দিল, “আচ্ছা—সে ভয় দূর হয়ে যাবে। নিজের শক্তিকে যখন বুঝতে পারবে তখন আর ভয় থাকবে না, কিন্তু কি সব গুণগোল স্ক্রু হয়েছে তোমাদের বলত? রাস্তায় তাহেরের কাছে শুনলাম—কিন্তু সে কিছুই খুলে বলেনি।”

আবছল মাথা নাড়ল, “হ্যাঁ হয়েছে। আমাদের প্রথম অভিযোগ হচ্ছে যে এই সব বাড়ীঘর মেরামত করে দেয় না।”

## প্রান্তরের গান.

প্রবীর তাকাল চারদিকে। রাস্তার আসতে আসতে যা সে দেখছিল তা আরও পরিস্ফুট হল তার কাছে। এই কুঁড়েঘরগুলো কলের মালিকের তৈরী, মজুরদের জন্ত, কিন্তু তাদের স্বাচ্ছন্দ্য সম্বন্ধে তিনি বিশেষ সচেতন নন। পুরোনো কথা।

“তারপর?”—প্রবীর প্রশ্ন করল।

“দ্বিতীয় অভিযোগ এই যে যুদ্ধের জন্য আমাদের কাজ বাড়ছে, আমাদের উপরি খাটতে হয়, তাছাড়া জিনিষপত্রের দরও একটু বেড়েছে। অথচ এর কৈনটার জন্যই আমাদের কোন কিছু বাড়তি দেওয়া হচ্ছে না। তা আমাদের চাই-ই।”

“হুঁ, তারপর?”

“তৃতীয় অভিযোগ হচ্ছে খাটুনির ঘণ্টা বাড়ানোর বিরুদ্ধে। নূতন আদেশ জারি হয়েছে যে আগামী পয়লা চৈত্র থেকে আরও এক ঘণ্টা করে বেশী খাটতে হবে—সকাল আটটা থেকে।”

“বটে!”

“ই্যা, আপাততঃ এই তিনটে অভিযোগই প্রধান তাছাড়া ছোট খাট অভিযোগের কথা ছেড়েই না হয় দিলাম”—

“তবু শুনি”—

“যেমন অভদ্র ব্যবহার, গালিগালাজ—এগুলো একটু বেড়েছে”—

“অত্যাচারীর নিয়মই তাই—অত্যাচার ক্রমে বাড়াবে, কমাবেনা।”

খানিকক্ষণ নিঃশব্দে কাটল।

বাইরে কোথায় একটা পাপিয়া অশ্রাস্তভাবে ডাকছে।

হামিদের মেয়েটার কান্না শোনা যায়।

• আবহুলের স্ত্রী ভিতরে রাঁধছে, তার শব্দ ভেসে আসছে।

মুরগীর ডাক।

## প্রান্তরের গান

“কি ভাবছেন?”—আবদুল জিজ্ঞেস করল।

“ভাবছি কি করা যায়”—

“কি করা যায়?”

“আমাদের এখন তো একটি অল্প হাতে আছে—অভিযোগ দূর না হলে ধর্মঘট করা।”

“আমারও তাই মনে হয়—তবু প্রথমে এ নিয়ে মালিকদের কাছে গিয়ে একটু পরিস্কারভাবে আলোচনা করা দরকার। কি বলেন?”

প্রবীর একটু ভেবে মাথা নাড়ল, “তুমি ঠিকই বলেছ। তাই হবে। আচ্ছা আমি এখন উঠি, সন্ধ্যায় ইউনিয়নে আসব। সবাইকে আসতে বলো—সবাইকে—”

“আচ্ছা—”

বেরোতেই উঠোনে একটা উলঙ্গ ছেলেকে দেখা গেল। তার মুখমণ্ডলে ও সারা দেহে বড় বড় বসন্তের ঘা—তখনও ভাল করে শুকোয়নি।

প্রবীর ডাকল—“আবদুল—”

“জী—”

“একি!”

“গ্রামের অনেক জায়গায় বসন্ত হচ্ছে—বিশেষ করে এই বস্তীতে। আর হবে না কেন? দেখছেন চারিদিকের জঙ্গল—তাছাড়া থাকে নোংরাভাবে। এই ছেলেটা, যা বাড়ী যা—ভাগু—”

“এর জন্ত মালিক কি ব্যবস্থা করেছেন?”

“কি আবার—একদিন ডেকে সবাইকে টিকে নিতে বলেছিলেন। কথা ছিল ডাক্তার নিজে এসে সবাইকে দেখে টিকে দিবে। কিন্তু তা সে আর আসেনি, আসবেই বা কেন—এখানে ত’ আর পয়সা নেই—”

## প্রান্তরের গান

“হু—”

প্রবীরের ভুঁকু ছুটো কেঁপে উঠল।

“চল্লাম আবছল—”

“আদাব—”

“আদাব ভাই।”

অনেক কাজ। প্রবীর চলতে চলতে ভাবে। অনেক কাজ করতে হবে। আলস্তের দিন গেছে, এবার কষ্টের যুগ। অজ্ঞতা, ব্যাধি, দারিদ্র্য, দলাদলি, কুসংস্কার, নীচতা, লোভ, হিংসা, পরাধীনতা। কত শত্রু, কত বাধা। জর্দিনের অন্ধকারে দেশ ছেয়ে আছে। কিন্তু এসব অতিক্রম করতেই হবে। ভয় পেলে চলবে না, পেছোলে চলবে না। বড় কাজে বড় রকমের কষ্ট। নিরাশ হলে চলবে না। ই্যা—অনেক কাজ করতে হবে।

বাড়ীর কাছাকাছি, বাঁ দিকের বাঁশঝোপের কাছে মাধবীকে দেখা গেল। শুকনো বাঁশপাতার ওপর বসে ডান পায়ের তলদেশকে সে খুব অভিনিবেশের সঙ্গে পর্যবেক্ষণ করছে।

“কি হল মাধু?”—প্রবীর হেসে প্রশ্ন করল।

মাধবী চমকে উঠল, প্রবীরকে দেখে তার মুখে একটু রঙের আভাসও আচমকা খেলে গেল। উঠব-কি-উঠব-না ভাবের মাঝে একটু নড়ে উঠে সে যন্ত্রণাবিকৃত হাসি হেসে বলল—“কাঁটা বিধেছে পায়ে প্রবীরদা— এই এত্ত বড় বেলকাঁটা—”

“বের করলে?”

“এই করছি—”

“দেখি”—প্রবীর এগিয়ে এল কাছে, ঝুঁকে পড়ে কাঁটাটা দেখে বলল, “সত্যি তো, মস্ত বড় কাঁটা, দাও বের করে দিই”—হাত বাড়াল সে।

## প্রান্তরের গান

মাধবীর চোখ দুটো অনন্দে জ্বলজ্বল করে বড় হয়ে উঠল কিন্তু ভাড়াভাড়ি হাত নেড়ে বাধা দিয়ে সে বলল—“না না, আমিই বের করছি, তোমায় আমার পায়ে হাত দিতে হবে না—”

প্রবীর হাসল—“তাতে কি হয়েছে?”

“ধ্যৎ—লোকে দেখবে।”

“দেখলেই বা কি?”

“না না—তুমি গুরুজন—”

“তবে থাক কাঁটা শুদ্ধ বসে—”

“বসে থাকব কেন—এই ত’ বের করেছি”—মাধবী হাসল।

কাঁটাটা বেশী গভীর ভাবে বেঁধেনি তবু একটু রক্ত বেরিয়ে এল তার সঙ্গে।

প্রবীর বললে, “বাড়ীতে চল, একটু ওষুধ লাগিয়ে নেবে—”

মাধবী উত্তর দিল না। বোঝা গেল সে রাজী। উত্তর সে ইচ্ছে করেই দিল না। প্রবীরকে সে নিরীক্ষণ করে। তার পায়ের কাঁটা দেখে প্রবীরের মুখচোখে কেমন সহানুভূতি আর উদ্বেগের ছায়া ঘনিয়ে উঠেছিল, এখন একটু রক্ত দেখে আবার কেমন ব্যাকুলভাবে সে ওষুধ লাগাবার কথা বলল! এর মধ্যে কি প্রকাশ পায়—এর অর্থ কি? শুধুই নিছক সহানুভূতি আর উদ্বেগ? না, তা নয়। আরো কিছু যেন মেশানো আছে তার সঙ্গে। মাধবী তা বুঝতে পারছে। মাধবীর মন আনন্দে, আবেশে একবার থরথর করে ‘উঠল, নিঃশ্বাস হল ঘন।

কিন্তু পরক্ষণেই আবার দমে যায় মাধবী। ‘যদি’। যদি ‘র’ ত’ উঠে। দিকও আছে একটা। যদি না হয় তা, যদি সহানুভূতি আর উদ্বেগ ছাড়া অপর তৃতীয় কাম্য বস্তুটি মিথ্যাই হয়। বিচিত্র কিছু

## প্রান্তরের গান

নয়। প্রবীর তো মানুষ নয়, প্রবীর দেবতা—পাথরের তৈরী দেবতা। যে দেবতা শুধু ভক্তদের পূজা উপচারকেই গ্রহণ করতে জানে, হৃদয় বলে যার কোন বাংলাই নেই। প্রবীর মানুষ নয়। তাহলে প্রবীরের রক্তে আর চেতনায় মাধবীর সেই অতিকাম্য তৃতীয় বস্তুটিও প্রবীরের সহানুভূতি আর উদ্বেগের আড়ালে প্রচ্ছন্ন হয়ে থাকত আর তাহলে প্রবীর মাধবীর পায়ের কাঁটাটা টেনে বারও করত। মাধবী ‘না’ বললেই বা কি? মেয়েদের মুখের কথাই ত’ সব কথা নয়। •

অভিমানে ফুলে উঠল মাধবীর ঠোঁট দুটো।

কিন্তু যাকে নিয়ে মাধবীর এত চিন্তা তাই মনে ওসবের লেশ মাত্রও নেই। সে তখন ভাবছে যে সন্ধ্যাবেলায় ইউনিয়নে কি কি করতে হবে, কি কি বলতে হবে।

“এদিক দিয়ে কোথায় যাচ্ছ মাধু?” প্রবীর তার চিন্তার বন্না টেনে জিজ্ঞেস করল।

“বাড়ী”—ইঠাৎ যেন কঠিন শোনাল মাধবীর কণ্ঠস্বর।

“গেছলে কোথায়?”

“তোমাদের বাড়ীর পেছনে, কমলার কাছে।”

মিথ্যে কথা বলতে মাধবীর মুখে আটকাল না। আর মিথ্যে কথা ছাড়া উপায়ও নাই। সে যে সকাল থেকেই প্রবীরকে দেখার জন্ত ছটফট করছে, কাজের এক ফাঁকে মাকে মিথ্যে কথা বলে সে যে প্রবীরদের বাড়ী গিয়েছিল—এ সব কথা প্রবীরকে খুলে বলার মত নয়। কাল রাতে অন্নকর্ণের জন্ত আবছা আলোতে প্রবীরকে দেখে তার আশা মেটেনি। প্রবীরের বাড়ীতে গিয়ে তার পিসীর সঙ্গে নানা কথায় অনেকক্ষণ কাটিয়ে মায়ের বকুনীর ভয়ে নিরাশমনে,

## একতরফের গাল

অনিচ্ছাসঙ্গেও সে ফিরে আসছিল। হঠাৎ পথে কাঁটা বিধলো পায়ে।  
এল প্রবীর।

“ওঃ—সকাল বেলা উঠেই আড্ডা দিয়ে বেড়াছ খালি”—হেসে বলল  
প্রবীর।

“করব কি ছাই?”

“তাইত, কি করবে? পড়াশোনা করতে ভাল লাগে না বুঝি?”

“হুঁ—ভাল লাগবে না কেন?”

হঠাৎ একটু রহস্ত করবার ইচ্ছে হয় প্রবীরের। বাশঝোপের  
ছায়ায়, গ্রাম্য সৰু পথটিতে দাঁড়িয়ে একটি গ্রাম্য তরুণীকে সহজ ও  
অতি-পুরাতন কথা বলে একটু রসিকতা করতে ইচ্ছে হয় প্রবীরের।

“খুব ভাল লাগে না, আমি জানি। ভাল লাগে খালি আড্ডা দিতে  
আর বিয়ের কথা ভাবতে—”

“ধ্যৈৎ”—মাধবী লজ্জায় ভেঙ্গে পড়লো, পাকা করম্ভার মত তার  
গাল দুটো হঠাৎ লাল হয়ে উঠল, মুহূর্তে দৃষ্টিটা তার মাটির দিকে নত  
হয়ে পড়ল, আঁচলটাকে নিয়ে হাতে জড়াতে জড়াতে সে ধমুকে দাঁড়াল।  
প্রবীর হাসতে লাগল।

“হাসছ—একটা পচা রসিকতা করে হেসে ভারী আনন্দ হচ্ছে  
তোমার?” মাধবীর চোখে যেন একটা রাগের প্রচ্ছন্ন দীপ্তি। প্রবীর  
হাসি থামল।

“য়েগে গেছ দেখছি—”

মাধবী উত্তর না দিয়ে সোজা বাড়ীর দিকে দ্রুতপদে এগিয়ে চলল।

“আরে চশ্মি যাচ্ছ যে, মাধু—”

মাধবী থামল না। ডানপায়ের পাতাটা সে সহজভাবে ফেলতে  
পারছে না, তবু সে থামল না।

## প্রান্তরের গান

“পায়ে একটু ওষুধ লাগিয়ে যাও—লস্কীট—”

“চাইনে তোমার ওষুধ”—মাধবীর ক্রোধমিশ্রিত কথা ভেসে আসল।

“বই নেবার কথা ছিল যে মাধু—শুনছ—”

“না,” মাধবীর উত্তর এল। তার গলা কাঁপছে।

মাধবী চলে গেল।

মাধবী কি কৈঁদে ফেলল নাকি? কেন? একটা ছোট্ট কথায়, একটা হাল্কা রসিকতায় সে কৈঁদে ফেলল! কথটা কি এমন গুরুতর! গ্রামের সাধারণ একটা মেয়ে মাধবীর বয়সে কি বিয়ের স্বপ্ন দেখে না? এতে রাগের কি আছে, কাঁদবার কি আছে?

কিন্তু হয়ত আছে। মাধবী গ্রামের মেয়ে হলেও সাধারণ হয়ত নয়। সে হয়ত বিয়ের স্বপ্ন দেখেনা। একজন অপরিচিত শাস্ত-স্ববোধ স্বামীর বুকে মাথা রেখে দশটি সন্তানের জননী হয়ে সুপরিচিত অভাবের মধ্যে দিনগত পাপক্ষয় করার কথা বাদ দিয়ে হয়ত অল্প কিছু চিন্তা করে মাধবী।

কিন্তু কেন, সত্যিই তাই। মাধবী ঠিক সাধারণ মেয়ে নয়, হাল্কা নয়। ওর মধ্যে কোথায় যেন একটা দীপ্তি রয়েছে লুকিয়ে, ওর মনের গভীরতাও যেন এখন প্রবীর অমুভব করতে পারছে। রীতিমত শিক্ষা পেলে হয়ত ও আরও অসাধারণ হয়ে উঠতে পারে।

না, মাধবী মেয়েটি ভাল। প্রবীর তা স্বীকার করে। মাধবীকে তার ভাল লাগে তাও সে স্বীকার করে।

কিন্তু একথা জানলে মাধবী খুসী হবে না। ভাল লাগা আর ভালবাসা ত' এক কথা নয়।



## প্রান্তরের গান

রোদের তেজ একটু কমে আসতেই প্রবীর দুটো বই হাতে নিয়ে  
নন্দদের বাড়ী গেল।

“নন্দ”—সে ডাকল।

ভেতরের উঠানে নন্দ মুখ ধুচ্ছিল।

মনোরমা ভেতরে এসে বলল, “বোস প্রবীরদা, দাদা আসছে—”

“মাধু কোথায় মাসু ?”

“পাশের ঘরে—মহাভারত পড়ছে—”

“বটে ! ডেকে দাও ত’, ওর জন্তু বই এনেছি।”

“ডাকছি—”

মনোরমার বই পড়ার চেয়ে ঘর সংসারের কাজ করতেই ভাল লাগে।  
সে বই সম্বন্ধে কোনও কৌতুহল প্রকাশ না করে ভিতরে গেল।

মাধবী ঘরে এল। অস্বাভাবিক গান্ধীযো মুখখানা থমথম করছে।  
অতিমাত্রায় অস্বাভাবিক, মনে হচ্ছে যেন সে জোর করে গান্ধীর হয়ে  
প্রবীরকে একটু ভড়কে দিতে চায়। সে আসতেই মনে হল যেন কালো  
মেঘের ছায়া ঘনিয়ে এল ঘরের ভেতর।

“মহাভারত পড়ছিলে বুঝি ?” প্রবীর হেসে জিজ্ঞেস করল।

“হুঁ—” সংক্ষিপ্ত উত্তর। প্রবীরকে আমল না দেওয়ার ভাব  
দেখানোই মাধবী এখন ঠিক করেছে।

## প্রান্তরের গান

“কোন্ পক্ষ পড়ছিলে—শান্তিপক্ষ?”

“উহ—”

“না না শান্তিপক্ষই—তুমি ভুল বলছ—”

“না—”

“তা না হোক কিন্তু আমাদের মধ্যে শান্তি হোক, কেমন?”

উত্তর নেই।

“সে সময় খুব রাগ হয়েছিল আমার ওপর, না?”

মাধবী উত্তর দেবে না। সেই সকল থেকে এখন পর্যন্ত সে খুব ভেবেছে। মহাভারত সে ছাই পড়ছিল, ভাবছিল সে কি করবে প্রবীরের সঙ্গে দেখা হলে। মনে মনে সে ঠিক করছিল কোন্ কথার জবাব দেবে, কোন্ কথার জবাব দেবে না, কখন গম্ভীর হয়ে থাকবে আর কখন সে হাসবে।

“আমার ভারী ভুল হয়েছে মাধু।” প্রবীর কৃত্রিম বেদনার ছায়া মুখের উপর টেনে জড় করল। ছেলেমানুষ, ভারী ছেলে মানুষ মাধবী।

নৈঃ শব্দ।

“আর কোনও দিন এমন ঠাট্টা করব না—বুঝলে?”

ফিক্ করে হেসে ফেলল মাধবী। হেসেই কিন্তু মনে মনে সে জিভ কাটল। এখানে এমনভাবে হাসার ত’ কথা ছিল না। ব্যে গেছে, আর সে রাগ করতে পারে না প্রবীরের উপর। কেমন অমৃতপ্ত হয়েছে প্রবীর! সে কথা বলছে না দেখে, রাগ করেছে ভেবে কি রকম আপশোষ করছে প্রবীর! এখন হাসলেই বা কি?

“যাক, হাসলে তবে—বাচলাম।” প্রবীরও হাসল।

“হু—”

“কি রাগই করেছিলে মাধু—উঃ—”

## প্রান্তরের গান

“রাগব না—অমন বাজে কথা বলে কেন?”

“আর বলব না—”

“আচ্ছা বেশ, এবার আর রাগ নেই আমার। দেখি, কি বই এনেছ আমার জন্তে—”

বই দুটো নিল মাধবী। বই দুটোর সব কিছু হয়ত মাধবীর মাথায় ঢুকবে না, তবু তার চেতনার তীক্ষ্ণতাকে সব কিছু এড়িয়ে যেতে পারবে না। মাধবী গ্রাম্য, অশিক্ষিতা বলেই চলে তবু দেশের কথা, সমাজের কথা, স্বাধীনতার কথা সে শুনতে ভালবাসে, তাদের বিষয়ে ভাবেও। আর তা ত’ খুব স্বাভাবিক নয়। যা সকলেরই ভাবা উচিত তা মাধবীর মত মেয়ে আজকালকার দিনে অনায়াসে ভাবতে পারে। যুগ বদলেছে। স্বাধীনতা অর্জনের যুগ এসেছে। তাছাড়া প্রবীরকে সে ভালবাসে। প্রবীরের আদর্শকেও যে তাকে ভালবাসতে হবে এটুকু বুদ্ধি মাধবীর আছে। হয়ত মাধবীর চিন্তা গুরুত্বপূর্ণ নয়, উচ্চস্তরের নয়। হয়ত কেন, সত্যি তাই। কিন্তু তাতে কি? মাধবী যে বড় কথা ভাবে এইটেই বড় কথা।

“কি খবর রে?” নন্দ এসে জামা পরতে লাগল।

মনোযোগ দিয়ে নন্দ চুল আঁচড়ায়। ওস্তাদ নন্দলাল। মাথায় একরাশ বাবরি চুল রেখেছে নন্দ, আঁচড়ালে বেশ দেখায়।

“তুই এখন কোথায় যাচ্ছিস?” প্রবীর জিজ্ঞেস করল।

“আমি!—এই—যাচ্ছি একটু পাশের গাঁয়ে”—মধ্যে কথা বলতে গিয়েও সত্যি কথাটাই মুখ দিয়ে বেরিয়ে গেল।

“কি কাজ?”

“এমনি।”

“এমনি কি রে—নিশ্চয় যাত্রাটোত্রা হবে?”

## প্রান্তরের গান

নন্দ কুল পেল, একটু হাসল, “হতেও পারে, নে চল, তুই বেরোবি নাকি ?”

মাধবী বলল, “তুমি যাওনা কোথায় যাচ্ছ, প্রবীরদাকে ধরে আবার টানাটানি করছ কেন ?”

প্রবীর বাধা দিল, “না ভাই, আমাকেও যেতে হবে, চল্লে নন্দ”—

“চল্।” দাঁড় আর পালটা কাঁধে নিয়ে নন্দ ডাক দিল।

হুজনে বেরোল।

মাববীর মুখ চোখ অন্ধকার হল একটু। দাদা ভারী ইয়ে। কিন্তু নন্দর দোষ নেই। সে এখন নিজের চিন্তা নিয়েই মশগুল, মাধবীর মনের খবর কি করে সে আঁচ করবে? ভায় মাধবী আবার মেয়েমানুষ যাদের মনের কথা দেবাঃ ন জানন্তি। জান্লে না হয় সে প্রবীরকে জোর করেই বসিয়ে যেত আর মাধবী না হয় বসে বসে তাকিয়ে দেখত প্রবীরের মুখ, স্বপ্নের জাল তৈরী করত এই অলস অপরাহ্নে যখন বাঁশঝাড়ের পড়ন্ত ছায়ার শান্তিময় আশ্রয়ে বসে ঘুঘুরা ডাকছে উদাস কণ্ঠে। কিন্তু তা হল না। সত্যি নন্দ ভারী ইয়ে।

\*প্রজাপতির মত যেন দুটো রঙীন পাখা গজিয়েছে নন্দর। ইচ্ছে করে উড়ে যায় তেতুলঝোরাতে—গৌরদাসের বাড়ীর দোরগড়ায়।

## প্রান্তরের গান

পবন-নন্দন হুমানের কথা শুনে কেন যে লোকেরা জানোয়ারের মত দাঁত বের করে নন্দ তার কারণ অহুমান করতে পারে না। কত বড় বীর ছিলেন রামায়ণের সেই রাম-ভক্ত। একলাফে তিনি সমুদ্র পার হয়ে লঙ্কায় গিয়ে হাজির হয়েছিলেন। তাঁর মতন ক্ষমতা যদি থাকত নন্দর! তাহলে এই আড়াই মাইল স্রোত ঠেলে তাকে তেতুল-ঝোরায় যেতে হত না। চোখ বুজে “জয়রাম” বলে শুধু একটা লাফ, বাস্, এক নিমেষে হুস্ করে গিয়ে দাঁড়াত সে কাজললতার সামনে। উহ্, সামনে নয়, কাজললতা হয়ত তার আলৌকিক ক্ষমতা দেখে তাকে অগ্র কিছু ভাবতে পারে।

কি রকম ছেলেমানুষ হয়ে গেছে নন্দ!

স্রোতের বিরুদ্ধে দাঁড় টানতে টানতে নন্দর হাতের আর কাঁধের পেশীগুলো বারংবার ফুলে ফুলে উঠে।

দেখতে দেখতে ঘণ্টাখানিকের মধ্যে তেতুলঝোরা এসে পড়ল।

কদম্ব ফুলের মত রোমাঞ্চিত হয়ে উঠল নন্দর সারা শরীর।

কালকের সেই ঘাটের উপর দাঁড়িয়ে আছে কাজললতা, পায়ের কাছে আজ একটা পিতলের কলস।

তাকে দেখতে পেয়েছে কাজললতা। দেখেই মুখ ফিরিয়ে নিয়ে তাড়াতাড়ি কলসীটা তুলে নিল হাতে।

নন্দ হাসল। নিশ্চয়ই অনেক আগে এসেছে কাজললতা। কিন্তু এমন ভান করছে যেন এই মাত্র সে ঘাটে এসেছে।

সঙ্গে সঙ্গে একটা সত্যকে যেন আবিষ্কার করে নন্দ। যে সত্যটা সে কাল থেকে জানতে চাইছে। কাল বাপকে না ডাকা আর আসবার সময় দরজার পাশ থেকে তাকিয়ে দেখার সঙ্গে আজকের এই আগে ভাগে ঘাটে আসার সঙ্গে-কোথায় যেন একটা যোগ রয়েছে। এসবের

## শ্রাব্যের গান

মূলে যেন সেই সত্যই রয়েছে যে তেতুলঝোঁরার কাজললতা ভিনগায়ের নন্দলালকে দেখে মুগ্ধ হয়েছে। নইলে কি দরকার ছিল তার আজকে ঘাটে আসার, আর এসময়ে? সে ত জানে যে নন্দ আজ আসবে? সাহস বেশী বলে আরও কি হয় দেখার জন্যই কি সে এসেছে? কিন্তু না, তা নয়। শুধুই কি সাহস আর কোতূহল? না, নন্দর মন সায় দেয় না।

ঘাটে একজন গ্রাম্য-বধূ এল।

তাকে দেখে কাজললতা হাতমুখ ধুতে বসল।

সেই বধূটি কি যেন বলল কাজললতাকে, সে মাথা নাড়ল। মাথা নেড়ে সে জলের মধ্যে পা ডোবাল। ভল্লীটা এমন যেন সে চান করবে।

নন্দর নোকে ঘাটের কাছে পৌছোল।

বধূটা ঘোমটা টেনে ভরা কলস কাঁখে নিয়ে চলে গেল।

নোকে ধামল।

কাজললতা তাড়াতাড়ি পা তুলে নিয়ে কলসী দিয়ে জলটাকে পরিষ্কার করে নিয়ে জল ভরল।

না, কাজললতারও সাহস বেড়েছে।

জল তুলে সে মছরপদে উপরে উঠতে লাগল।

নন্দ ডাকল, “শুনছ—আমি এসেছি।” নোকো থেকে নামল সে।

কাজললতা যেন কাউকে চেনে না, কোন ডাক যেন তার কানে যায়নি।

নন্দ পিছু ধরল, “আমি এসেছি—”

কাজললতা পিছন না ফিরে বলল, “এসেছ বেশ করেছে।  
মজা দেখবে”—

“কি মজা?”

## আন্তরের গান

“বাবাকে বলে দিয়েছি।”

“বেশ ত, আনুকনা তোমার বাবা, তাঁকে গান শুনিয়ে দেবখন”—

কাজললতার কাঁধ নড়ে উঠল। সে কি হাসল নাকি ?

“একবার তাকাতে দোষ কি ?” নন্দ হাসল।

চকিতে কাজললতা নন্দের মুখের উপর দৃষ্টিটা একবার বুলিয়ে নিয়েই মুখ ফিরিয়ে নিল। তার ঠোঁটের কোণে যেন একটু হাসিও দেখা গেল।

নন্দ, ওস্তাদ কবি নন্দ গানের সুরে বলল, “তোমার হাসিটি বড় সুন্দর কাজললতা—

—তোমার মুখের হাসি  
দেখতে বড় ভালবাসি,  
তাইত কাছে আসি।  
আশা দিবানিশি আসা  
কিন্তু অনেক দূরে বাসা,  
তাই মনের আশা মনেই রেখে  
নয়ন জলে ভাসি।

দেখি মুখখানা, আর একবার হাস না—”

কাজললতা স্বাক্ষর দিয়ে বলল, “লাগ্তির চোটে গান বেরিয়ে বাবে একটু পরেই।” তার কণ্ঠে ক্রোধের একটা রেশ আছে বটে, কিন্তু মনে হয় যেন সেটা নিছক একটা আবরণ মাত্র।

নন্দ হাসল, “গান ? প্রাণ বেরিয়ে গেলেও ভয় করি না। কাজললতা, তোমায় ছাড়া আমার আর চলবে না।”

কাজললতা চলছেই, জবাব দিল না।

“তুমি বড় সুন্দর কাজল, যেন নব বসন্তের প্রথম পল্লব।”

কাজললতার গতি যেন আরও মহৎ হয়ে এল।

## আত্মজ্ঞান

“একটু দাঁড়াও কাজল, একবার ফিরে তাকাও আমার দিকে।”

কাজললতা ফিরে তাকাল, থমকে দাঁড়াল। কিন্তু কোথায়? চোখ দুটো যে রাগে আগুনের মত জ্বলছে!

ক্ষণকাল নন্দকে ভাল করে দেখে নিয়ে কাজললতা আবার চলতে লাগল।

একটু থতমত খেল নন্দ। তবু সে আজ আর ভয় পাবে না, পেছু হটবে না।

আর কি বলা যায়? নন্দর ভেতরে এত কথা ফেনিয়ে উঠছে যে নন্দ সামলাতে পারে না, তাদের প্রকাশ করতে পারে না। ফুরফুরে দখিনা বাতাস আসন্ন সূর্য্যাস্তের রঙীন আলোয় স্নান করে গা ছুঁয়ে বাচ্ছে তাদের। বসন্তের ফুল ফুটেছে চারদিকে আর ভাঁটফুল বকুল ফুলের গন্ধ ভেসে আসছে আশপাশ থেকে। এমন সময় কাজললতাকে সামনে পেয়ে অনেক কিছুই বলতে ইচ্ছে করে নন্দর। কিন্তু সব গুলিয়ে যায়। আর কিছু সে রচনা করতে পারে না। তার কবি-প্রতিভা মুক হয়ে গেছে। বহু যাত্রায় গান গেয়েছে, অভিনয় করেছে সে। বহুবাক্য কত রাজপুত্র সেজে প্রেম জানিয়েছে কত রাজকন্যাদের। সেই সব রাজপুত্রদের মধ্যে একজনের উক্তি সে আবৃত্তি করে বলল,

“কেন ফিরে লও

আঁখি? জান্নাকি, তোমার

স্বপন দেখি কাটে দিবানিশি;

জান্নাকি, তোমার স্বতির শিখা

অনির্বাক্ত জলে অকম্পিত

আমার হৃদয়-পদ্মে বেধা

তবু বহুকায়ী বসায়োছি



## প্রান্তরের গান

সযতনে অকুরাগ-রক্তপুষ্প দিয়া ?

ফিরে চাও,

হে প্রমদা,

ফিরাও নয়ন ।”

কিছু বুঝল না কাজললতা । বরঞ্চ আগের গানটা সে বুঝেছিল, মন্দও লাগেনি তা । কিন্তু এবারকার গুরুগম্ভীর শব্দসমষ্টির অর্থ সে গ্রহণ করতে পারল না । কিন্তু তাতে কি, নন্দর উদ্দেশ্য তাতে ব্যর্থ হল না । নন্দর কণ্ঠের থর থর আবেগ, তার মিষ্টি সুরের রেশ, আর ঐ সমস্ত ছন্দোময় শব্দের ঝঙ্কার—সব মিলিয়ে কাজললতাকে একেবারে অভিভূত করে ফেলল । এমন কথা, সে কারিও কাছে শোনেনি । ছোট্ট গ্রামের একটি মেয়ে সে । এই সমস্ত বড় বড় কথা যা শুধু যাত্রাগানের রাজপুত্রেরাই রাজকন্যাদের বলে সেই সব কথা নন্দ যদি কাজললতাকে বলে, কাজললতার অভিভূত না হয়ে উপায় নেই । যাত্রাগানের রাজকন্যারা পর্যন্ত কাবু হয়ে যায়, কাজললতা হবে না কেন ?

কাজললতা তাকাল নন্দর দিকে । এবার তার চোখের আগুন নিভে গেছে ।

“ফুরকুনী—অ’ ফুরকুনী”—

কালকের সেই বুড়ী ।

ত্রস্তে কাজললতা হ’পা এগিয়েই থমকে বলল, “লোক আসছে, এগিয়ে যাও না, অমন হাঁ করে কি দেখছ ? যাও না নিজের কাজে—”

নন্দ হাসল, “যাচ্ছি”—এগিয়ে গেল সে ।

“ফুরকুনী, ফুরকুনী রে”—বুড়ী নন্দকে দেখে থমকে দাঁড়াল ।

হ’চোখের উপর ডান হাতের তালু প্রসারিত করে সে নন্দর দিকে তাকাল যেন রোদ্দুরের আঁচ থেকে চোখকে বাঁচাচ্ছে বুড়ী ।

## প্রান্তরের গান

“শোন বাছা”—বুড়ী ডাকল নন্দকে।

“কি?”

“তুমিই না ফালকের সেই”—

“হ্যাঁ—আমিই সেই—”

“তুমি কি দেখেছ ইদিকে—”

“তোমার ফুরকুনী ঠান্দি? সাদা রঙের?”

“হ্যাঁ, হ্যাঁ বাছা—”

“দেখেছি, ঐ ঘাটের কিনারায়”—অগ্নানবদনে মিথ্যে কথা বলল নন্দ। একটু হেসে কাজললতা পাশ দিয়ে চলে গেল।

“ঘাটের কিনারায়?”

“হ্যাঁ—”

“দেখেছ হতচ্ছাড়ার কাণ্ড? ডুবে না মরে।”

“শিগ্গীর যাও ঠান্দি।”

“যাচ্ছি বাছা।”

নন্দ পা চালাল।

বুড়ী চলতে চলতে একবার পিছনদিকে তাকিয়ে বিড়বিড় করে বলল, “কালকে দেখলাম মেয়েটার পেছনে ছেলেটাকে, আজ দেখছি ছেলেটার পেছনে মেয়েটাকে—ব্যাপার কি? ছেলেটা আনগাঁয়ের—ডাকরাটা কেডা?”

বুড়ী চলে গেল।

নন্দ হাসল, “ফুরকুনীর ঠান্দি কিন্তু দেখে নিল”—

“দেখলেই বা কি—আমায় ও চেনে। কিন্তু তুমি আবার পেছন পেছন আসছ কেন? মেয়েলোকের পেছনে ঘুরতে লজ্জা করে না তোমার?”

“না।”

## প্রাচীরের পান

মুখ ফিরিয়ে নিল কাজললতা ।

“তুমি দেখছি বাড়ীতে চলে ?”

“চল্লামইত । গিয়ে বাবাকে পাঠাচ্ছি ।”

“বেশ, পাঠিও । কিন্তু কালকে আবার আসবে ত’ ?”

“না ।”

“রাস্তার মধ্যে চলতে চলতে কি কথা বলা যায় ?”

“কথা বলো না তুমি আমার সঙ্গে । আমি কি বলছি নাকি কথা ?”

“কাল কোথায় আসব ?”

“সে আমি কি জানি ।”

বাড়ী কাছে এসে গেছে ।

“বলনা”—নন্দ মিনতি জানাল ।

“আমি জানিনা, আর তোমায় আসতেও হবে না, বাবাকে বলে তোমার আসা বন্ধ করে দিচ্ছি আমি”—ক্রুদ্ধ কণ্ঠে কাজললতা বলল, পরে একটু থেমে আবার বলল, যেন নিজের মনে বলছে, “আমি কাল ঘাষ স্তম্ভরী বিলের ধারে, অনেক পদ্ম ফোটে সেখানে—”

“স্তম্ভরী বিল আবার কোথায় ?”

“সে যেখানেই হোক—তোমার তাতে কি ?”

“কেন যাবে সেখানে ?”

“কেন ?” একটু ভেবে কাজললতা বলল, “কাল বিষুদ্বার—লক্ষ্মীপূজা—তার জগ্গে ফুল তুলে আনব ।”

“বেশ, আমিও আসব ।”

“আমি যাব না কাল সেখানে ।” ধম্কে দাঁড়িয়ে কাজললতা বলল, “আমার বাড়ী এসে গেছে, বাবার হাতে লাঞ্ছনার লোভ যদি থাকে তবে এসো আর খানিকদূর—”

## প্রান্তরের গান

নন্দ হাসল, হেসে দাঁড়াল।

“তাহলে কাল দেখা হবে, কেমন?”

“না।”

“তোমায় না দেখতে পেলো মরে যাব।”

“মরগে। বাবা, কি বেহায়া লোক!”

কাজললতার কণ্ঠে যেন হাসির রেশ। দ্রুতপদে সে চলে গেল।

দাঁড়িয়ে দাঁড়িয়ে নন্দ দেখল কাজললতা সামনের বাড়ীগুলোর আড়ালে  
অদৃশ্য হয়ে গেল।

আরও কিছুক্ষণ দাঁড়িয়ে রইল নন্দ। যদি আবার কাজললতা ফিরে  
আসে?

না, কাজললতা আর এল না।

আবার কাল।

কে একজন মোটা সোটা লোক যেন আসছে ওদিক থেকে।

কাজললতার বাপ নাকি?

নন্দ হাঁটতে আরম্ভ করল ঘাটের দিকে।

না, কেউ নয়।

ঘাটে পৌঁছল নন্দ।

এবার স্রোত ঠেলে এগুতে হবে না, এবার হাওয়ায় পাল ফুলে উঠবে,  
এবার নৌকো চলবে আপনা থেকেই, ভীরের মত।

সন্ধ্যা হয়ে গেছে। নদীতীরের ঝোপঝাড় আর জললের মধ্যে  
জোনাকিরা জ্বলতে আরম্ভ করেছে। ঠাকুরমার কোলে মাথা রেখে  
নাতি নাত্নীরা এখন গল্প শুনতে বসবে। কাঞ্চনমালা আর মধুমালা  
গল্প। গল্প শুনতে শুনতে হয়ত তারা দেখবে যে তীরাময় আকাশের  
পূর্বদিকে চতুর্দশীর বড় চাঁদটা উদিত হচ্ছে।

## প্রান্তরের গান

শ্রোতের বিকল্পে লড়াই করে আসতেও যে নন্দ ক্লান্তি বোধ করেনি সেই নন্দই এখন ফেরার সময় ছটফট করে। আর কতদূর? পথ যেন আর ফুরোবে না।

আবার কাল। সুন্দরী বিলের ধারে। যেখানে অজস্র পদ্ম বিলের জল আলো করে ফুটে রয়েছে। সেইখানে অজস্র পদ্মের শোভাকে শ্রান করে দিয়ে লক্ষ্মীপূজার ফুল তুলতে আসবে একটি স্থলপদ্ম। সে কাজললতা।

অনেক মুহূর্ত, অনেক দণ্ড আর অনেক প্রহরের পর। আবার কাল।

বাড়ী ফিরতে রাস্তায় অবিনাশের সঙ্গে নন্দর দেখা হল। অবিনাশও পাটকলে কাজ করে।

“কোথেকে আসছ অবিনাশ?”

“ইউনিয়ন থেকে।”

“কি ছিল আজ—মিটিং?”

“হ্যাঁ—”

“কি ঠিক হল?”

“জমিদার শশাঙ্করায়ের নামে একটা দরখাস্ত লিখল প্রবীণবাবু—সাতদিনের মধ্যে জবাব চাই।”

## প্রান্তরের গান

“প্রবীর এসেই উঠেপড়ে লেগে গেছে।”

“তা না হলে আমরা বাঁচব কি করে—উনি আমাদের কত সাহায্য করেন তা বলবার নয়।”

“তা ঠিক—”

“ওর মত লোক হয় না। কৈ, গাঁয়ে ত’ আরও শিক্ষিত ছেলে আছে, আমাদের নিয়ে কে মাথা ঘামায়? স্ত্রতবাবুও ত’ আছেন। চরকা কেটে, অহিংসা ব্রত পালন করলেই কি আমাদের দুঃখ দূর হবে? খানিকটা না হয় হোল, ওসব বিশ্বাসও করি, কিন্তু আমাদের জ্ঞান কি হচ্ছে, আমাদের কথা নিয়ে তিনি কি মাথা ঘামান? আমাদের রক্ত জল হয়ে যাচ্ছে খেটে, মালিকেরা চুষে খাচ্ছে আমাদের। তাদের সঙ্গে গিয়ে আমাদের ভাল’র জ্ঞান কই আর কেউ ত’ গিয়ে ঝগড়া করে না?”

“সেটা সত্যি ঠিক ভাই”—নন্দ সর্বাস্তঃকরণে সায় দিল।

কিন্তু নন্দের ঘুম হবে না আর।

কাজললতা তার চোখের ঘুম কেড়ে নিয়েছে।

কাজললতাকে কি করে জয় করা যায়? কি করে? বিছানায় এপাশ ওপাশ করতে করতে হঠাৎ একটা কথা খেলে গেল তার মাথায়। প্রবীরকে যে মিথ্যে কথা বলে রেহাই পেয়েছিল সেই কথাটাকেই সত্যি করার জন্য ভাবনা আরম্ভ হল তার। তেতুলঝোঁড়ায় একটা যাত্রাগানের ব্যবস্থা করতে হবে একদিন। কথাটা ভেবেই নন্দ এত খুশী হল মনে মনে যে সারারাত সে খুশীর আতিশয্যে আর ঘুমোলই না।

লালচোখে ঠাণ্ডা জলের স্পর্শে জালা ধরিয়ে সে ছুটল যতীশ সাহার বাড়ীতে।

## প্রান্তরের গান

যতীশ সাহা সাউপাড়ার সবচেয়ে ধনাঢ্য বণিকের ছেলে। ঢাকায় নানা কারবার আছে তার বাপের—লক্ষপতি লোক। বড়লোক বাপের বড়লোক ছেলের যাত্রা থিয়েটার প্রভৃতির সখ বড় প্রবল। গ্রামের এসবের সেই বড় সমজদার। সেই তাদের বড় পাণ্ডা, একজন বড় অভিনেতা (অবশ্য সবাই তা' স্বীকার করেনা), এক কথায় ওসবের মালিক। কথা নেই বার্তা নেই নেই, কোনও উপলক্ষ্য নেই, কিন্তু হঠাৎ যতীশের সখ চাপলেই হল। সখ চাপতেই দেখা গেল যে তাদের বাড়ীর চণ্ডীমণ্ডপের সামনে বা জমিদার বাড়ীর প্রাঙ্গণে সামিয়ানা খাড়া হয়েছে বা পেছনে ষ্টেজ বাঁধা হয়েছে, দুটো ডানাওয়ালা অর্ধ নগ্ন পরীর ছবিওয়ালা ড্রপসিনটা পাড়ার ছেলেমেয়েদের চোখে বিশ্বয়ের জোয়ার টেনে এনেছে।

যতীশ সবে ঘুম থেকে উঠেছে।

“চা খাবি?”—সে জিজ্ঞেস করল।

নন্দ ঘাড় নাড়ল।

“চোখ লালচে কেন? কোথাও গাওনা ছিল নাকি?”

“না”

“তবে?”

“যে সব কথা শুনেছি কাল, ঘুম আসবে কোথেকে?”

“কথা শুনেছিস? কি কথা? কোথায়?”

“তেতুলঝোঁরাতে, দু'তিনজন চেনাশোনা লোক বলছিল—”

“কি বলছিল?”

“বলছিল যে মালতীপুরের জমিদারের নাট্যসমিতিই সবচেয়ে ভাল যাত্রা থিয়েটার করে।”

যতীশ উত্তেজিত হয়ে উঠল, “বলছিল! কে—কে—?”

## প্রান্তরের গান

“ও আপনি চিনবেন না তাদের—ওরা বলছিল যে আমরা নাকি ওদের কাছে একটুও লাগি না, আমরা নাকি ওদের নখের যুগ্মি না—”

“বলছিল, বলছিল এমন বাজে কথা?” যতীশের গলা রাগে আর উত্তেজনায় কাঁপছে।

“বলছিলোই ত’। আমি আপনার নাম পর্যন্ত করলাম যে আমাদের যতীশদার এ্যাক্টিং তোমরা দেখনি বোধ হয়—”

“তারপর, তারা কি বলল?”

“তারা হেসে বলল যে দেখেছি, তা আর এমন কি এ্যাক্টিং—”

দাঁতে দাঁত চাপল যতীশ, “এমন কি—বটে!”

নন্দ উত্তেজিত ভাবে বলল,—“যতীশদা—”

“উঃ—”

“এর শোধ নিতে হবে—”

“কি করে?”

“তেতুলঝোঁরায় একদিন যাত্রার ব্যবস্থা কর”—

“আমিও তাই ভাবছি”—যতীশের মুখের অঙ্ককার দূর হল।

চা এল।

“ঠিক বলেছিল—ওদের নাকের ডগায় তুড়ী মেরে আসব আমরা।”  
মালতীপুরের দলকেও নেমস্তন্ন করব—স্পেশাল রিকোর্ডেট, কি বলিস?”

“আজ্ঞে হ্যাঁ”—

“নে চা খা—আচ্ছা দেখে নেব। যাত্রা শেষ হলে ডাকাব তোয়, সেই লোকগুলোকে, স্যাঙাতদের মুখে রা কাটে কিনা দেখা যাবে—”

“আজ্ঞে হ্যাঁ।”



## প্রান্তরের গান

হুদিন পরেই সব ঠিকঠাক হ'লো। মহলাও আরম্ভ হয়ে গেলো। তেতুলঝোয়ার শ্রীমন্ত সাহা যতীশের ভগ্নীপতি, বড় মহাজন। তারই বাড়ীতে যাত্রাগান হবে। দশদিন বাদে। যে পালাটা তাদের করা আছে সেইটে। পালার নাম “কুরুক্ষেত্র”।

রোজই নন্দ বিকেল হ'লেই তেতুলঝোয়ার উধাও হয়। মাঝে হু'দিন মাত্র সে কাজললতাকে দেখতে পায়নি। কিন্তু কাজললতা ধরাছোঁয়া দেয় না। হয়ত এক মিনিট, কখনওবা মিনিট পাঁচেক হয়ত তাকে দেখে নন্দ। হু'একটা কথা বলে কাজললতা—কিন্তু তাও হেয়ালিভরা। আসল কথার জবাবই দেয় না সে, ঘাটের দিকেও বেশী আসে না আজকাল। বিলের ধারে মাত্র হু'দিন এসেছিল। বাড়ীতে নাকি একটু নজর পড়েছে তার ওপর—ফুরকুনীর সেই বুড়ী ঠান্ডি নাকি বাড়ীতে এসে নালিশ করেছে। সুতরাং কয়েকদিন যে নন্দ আর ভাল করে দেখা পাবেনা তার একথা কাজললতা জানিয়ে দিয়েছে নন্দকে। ভালবাসার কথা? নন্দ তা জানে না। কাজললতার সব কিছুই হু'কোঁথ্য রহস্তে ঢাকা। একবার মনে হয় ভালবাসে আবার মনে হয় না, শুধু কৌতুক করে কাজললতা। নন্দ কিছু বুঝতে পারছে না। না বুঝুক, নন্দ এটা জানে যে সে কাজললতাকে ভালবাসে।

জন্মনা কল্লনা করে সময় কাটে নন্দর। তাদের গ্রামে যে যাত্রাগান হবে একথা নন্দ কাজললতাকে জানানো। অবাক করে দেবে কাজল-

## প্রান্তরের গান

লতাকে এই ঠিক করেছে সে। মনে মনে কল্পনা করে সে আনন্দ পায় যে তেতুলঝোরা গ্রামে শ্রীমন্ত সার'র বাড়ীর বড় উঠোনটাতে, বড় সামিয়ানার নীচে, যাত্রার আসর তৈরী হয়েছে। গ্রামের লোক ভেঙ্গে পড়েছে, মালতী-পূরের জমিদারের দল যতীশের “স্পেশাল রিকোয়েস্টে” সামনে এসে গম্ভীর মুখে বসে আছে, আসর গম্গম্ করছে, তাদের দলের হরিপদ'র হাতে বেহালাটা যেন মানুষের মতই কথা বলছে; আবহাওয়া জমে উঠেছে। চিকের আড়ালে মেয়েরা বসেছে, সে চিক অবশ্য দেওয়াল নয় যে কাজললতাকে দেখা যাবে না। কাজললতাকে সে দেখতে পাবে সামনেই, ঝড়লগ্ননের আলো যেখানে তির্যকভাবে গিয়ে পড়েছে সেইখানে সে আবিষ্কার করবে কাজললতাকে। পাল্ল যখন বেশ জমে উঠবে, ভীমবেশী যতীশ যখন আশ্ফালন আরম্ভ করবে একটা মস্ত বড় গদা নিয়ে সেই সময় সে—নন্দলাল—অর্জুন সেজে আসরে ঢুকবে (তাদের গায়ের অর্জুন নয়, মহাভারতের মহারথী—মধ্যম পাণ্ডব অর্জুন)। মাথায় তার মণিমানিক্যের মুকুট, জরির কাজকরা মিরজাই আর রক্তাশ্বর পরণে; হাতে আর গলায় চক্চকে মতির মালা, কাঁধে লাল শালু আর জরি দিয়ে জড়ান মস্তবড় ধনুক আর হাতে একটা ঝকঝকে তীর (বোধ পাণ্ডপত অস্ত্র)। যাহ্নমস্ত্রের মত ধ্বনিত হবে অর্জুনের কণ্ঠস্বর, তার গানে (হ্যাঁ, অর্জুনেরও গোটা চার পাঁচ গান থাকবে। বীরেরা বুঝি গাইতে জানে না?) আসরের লোক মুগ্ধ হয়ে বাহবা দেবে, হাততালি দিয়ে উচ্ছ্বসিত হয়ে বলবে—‘সাধু’ ‘সাধু’। ঠিক সেই সময়ে সে কাজললতাকে দেখতে পাবে। তার নাকের ডগায়

• ভীড়ের গরমে ঘাম জমেছে, ডাগর ডাগর চোখছটো আরও ডাগর হয়ে উঠেছে বিস্ময় আর মুগ্ধতার আবেশে। একেবারে অবাক হয়ে গেছে সে অর্জুন-বেশী নন্দকে দেখে। এত অবাক হয়েছে যে তার মাথার

## প্রান্তরের গান

ভারী ধোঁপাটা কখন যে ভেঙ্গে পিঠের ওপর এলিয়ে পড়েছে সেদিকে তার হুঁশই নেই।

আশ্চর্য্য, একটু ভাবলেই মানুষ কত আনন্দই না পেতে পারে!

তাই হলো।

একদিন তেতুলঝোঁরায় শ্রীমন্ত সা'র বাড়ীতে ২রা চৈত্রের রাত্রে বড় বড় পেট্রোম্যাক্স বাতি আর ঝাড়লঠনের আলোকে উদ্ভাসিত সামিয়ানার নীচে কলাতিয়ার স্রবিখ্যাত সরস্বতী নাট্য সমিতি “কুরুক্ষেত্র” অভিনয় করল। ঢাকা থেকে নূতন পোষাক ভাড়া করে নিয়ে আসা হয়েছিল। পোষাক পরিচ্ছদের সে কি বাহার, কি জাকজমক, আর কি কমার্শ! ছেলেবুড়ো সবাই একেবারে থ' হয়ে গেল। ভীম, ভীষ্ম, দ্রোণ, ধৃতরাষ্ট্র এবং সৈনিকেরা ছাড়া আর সবাই গান গেয়েছিল। কিন্তু মাং করেছিল সব দিক থেকে নন্দ, যতীশ আর শ্রীকৃষ্ণবেশী নিতাই। অর্জুন, সর্ষগুপারিত ছিলেন বটে কিন্তু তিনি যে উচুদরের সঙ্গীতশিল্পীও ছিলেন তা এইবারে বেঝা। গেলনন্দর গানেতে। বাশীর মত রিণ-রিণে, কাজ-করা গলা তার—মানুষেরা বাহবা দিতে দিতে প্রায় পাগল হয়ে উঠলো। আর ভীম—কি তর্জন, কি গর্জন, গদা বিঘূর্ণন করে কি আফালনটাই যতীশ করল! ধন্য ধন্য রব উঠেছিল চারদিকে। সকলে, এমনকি মালতী-পুরের দলও মুক্তকণ্ঠে স্বীকার করল যে সরস্বতী নাট্য সমিতির গীতাভিনয় চমৎকার হয়েছে। বস্তুতঃ এ তল্লাটে তাদের জুড়ি নেই।

## প্রান্তরের গান

অভিনয় আরম্ভ হয়েছিল রাত সাড়ে আটটায় আর শেষ হলো ভোর পাঁচটায়। তখন ভোরের ফিকে আলোর আন্তরগতা ছড়িয়ে পড়েছে চারদিকে। কুরুক্ষেত্রের মত এলাহি ব্যাপার যে সরস্বতী নাট্য সমিতি মাত্র সাড়ে আট ঘণ্টায় শেষ করলো, এ চারটিখানি কথা নয়।

অভিনয় শেষ হলোও অনেকক্ষণ যাবৎ যতীশের মধ্যে একটা বীররসের ভাব বিস্তারিত থাকে। আজ আরও বেশী মাত্রায় ছিল।

বেশ তখনো সে ছাড়েনি, ভীমের দুটো মোটা গৌফ মুচড়ে রোষ-কষায়িত লোচনে যতীশ বলল, “নন্দ, আনুত’ সেই সব স্তাঙাংদের ডেকে যারা বলেছিল যে আমরা বাজে অভিনয় করি।”

নন্দ হাসল, “তারা কি আর আছে যতীশদা, তারা গেছে, তারা পালিয়েছে।”

“পেলে নাকে খৎ দেওয়াতাম ব্যাটারদের।” হুইস্কির বোতল থেকে একটা গেলাসে একটু ঢেলে যতীশ পান করল। নেশা না করলে তার অভিনয় জমে না।

“নিশ্চয়ই।”

“খাবি নাকি রে একটু?”

“না যতীশদা।”

সবাই পোষাক ছেড়ে রঙ-বুগ্গাই শ্রীমন্ত সা’র বড় কাছারী ঘরটার মেঝেতে শুয়ে পড়ল। আজ তাদের যাওয়া হবে না—শ্রীমন্ত সা’র অসুস্থতা। কালী দুপুরে ভোজ হবে। তারপর ফিরবে তারা নিজেদের গাঁয়ে।

নন্দদের গ্রাম থেকেও অনেক লোক এসেছিল। নন্দ অনেককে বলেছিল, প্রবীরকেও বলেছিল। প্রবীর আসেনি, ওর এসবে বেশী ক্রটি নেই। মাধবী এসেছিল তার বাপের সঙ্গে অর্জুনের নৌকায়, কারণ

## প্রান্তরের গান

নিজেদের নৌকোতে তিনচারজন, দলের লোককে নিয়ে ছপুৰ থাকতেই নন্দ এখানে চলে এসেছিল। ওরা একটু আগে অৰ্জুনের নৌকোতেই ফিরে গেল।

সবাই চোখ বুজে পড়ে আছে। সারারাতের লাফালাফি আর চীৎকারের পর সেটাই স্বাভাবিক। নন্দ কিন্তু জেগে রইল, ভাবতে বসল।

ই্যা, কাজললতা এসেছিল। সে নিজে কাজললতাকে বলেনি বটে কিন্তু শ্রীমন্ত সার একজন লোককে পাঠিয়ে গৌরদাসকে সে নিমন্ত্ৰণ জানিয়েছিল। একটা লালরঙের জামদানী ষাড়ী পরে কাজললতা এসেছিল। চিকের আড়ালে সে বসেনি বসেছিল চিক ঘেঁষে, বাইরের অনেকগুলো ছোট ছেলেমেয়েদের মাঝখানে। চাঁপার মত সুন্দর রঙ তার উজ্জ্বল আলোতে আরও অপৰূপ হয়ে উঠেছিল। গলার সুন্দর চিকণ সোনার হারটা যেন তার গায়ের রংয়ের কাছে নিম্প্রভ হয়ে গিয়েছিল। বড় বড় চোখ দুটো তার এদিক ওদিক ঘুরছিল, বিস্ময় পূঞ্জীভূত হয়েছিল তাতে। পানের রসে ঠোঁট দুটো রাঙিয়েও নিয়েছিল সে, পরণের লালশাড়ীর সঙ্গে সেটা এমন খাপ খেয়েছিল যে বলবার নয়। দেখে অবাক হয়ে গিয়েছিল নন্দ।

বেশ মনে পড়েছে। কাজললতা যখন তাকে চিনতে পারল তখনকার কথা। চোখের পলক পড়ছে না তার, নিঃশ্বাস যেন বন্ধ হয়ে গেছে বিস্ময়ে, ঠোঁট দুটো কাঁপছে আনন্দে, অজ্ঞাতে একটু হাসিও যেন খেলে গেল তার মুখে। সম্মোহিত হয়ে গিয়েছিল কাজললতা, পুষ্পরেণুর মত গুঁড়ো গুঁড়ো ঘাম জমে উঠেছিল তার ললাটে, তার নাসিকাগ্রে। দৃষ্টি নিবন্ধ ছিল সারাক্ষণ তারই উপর।

মাঝে কিন্তু একটু বেগ পেতে হয়েছিল নন্দকে। ভীমবেশী যতীশও হঠাৎ দেখে ফেলেছিল কাজললতাকে। তখন ভীম আর অগ্রদিকে

## প্রান্তরের গান

তাকায় না, কাজললতার দিকের আসরের শেষপ্রান্তে দাঁড়িয়েই শুধু তর্জন গর্জন করে। অর্জুন কিছুতেই ফেরাতে পারে না তাকে, তখন অত্মদিকে মুখ ফিরিয়ে কথা বলা আরম্ভ করতে এবং দর্শকেরা ভীমকে ঘুরে দাঁড়াবার জ্ঞাত চেষ্টানোতে ভীম ফিরে দাঁড়িয়েছিল। সাংঘাতিক।

যাত্রা শেষ হতেই নন্দ সকলের অলক্ষ্যে গিয়ে দাঁড়াল পথের একপাশে।

সকলের অলক্ষ্যে মানে অত্যাশ্চর্য অভিনেতাদের লক্ষ্য এড়িয়ে, কিন্তু যার লক্ষ্যপথে পড়তে সে চেয়েছিল তার দৃষ্টিকে সে এড়াল না।

সারি সারি দর্শকেরা গুঞ্জনধ্বনি তুলে বিভিন্ন মুখে চলে যাচ্ছিল।<sup>x</sup> অনেকেই তাকিয়ে তাকিয়ে দেখল যে গাণ্ডীবধারী মহাবীরটি পথের একপাশে দাঁড়িয়ে সিগারেট টানছে। •

এমন সময়ে এল কাজললতা, সঙ্গে তার মা, বাপ ও আরও কয়েকজন বর্ষিয়সী।

কাজললতা সম্মিত দৃষ্টি নিক্ষেপ করল নন্দর উপর।

নন্দ যেন পাঁট আওড়াচ্ছে কিম্বা কাউকে উদ্দেশ্য করে বলছে এমনি ভাবে বলল—“কাল হুপুরে যাব বিলের ধারে।”

কাজললতা ঘাড় নাড়ল—পরিষ্কার বোঝা গেল সে ঘাড় নাড়ল।

“আসতেই হবে”—নন্দ বলল আকাশের দিকে তাকিয়ে।

কাজললতা আবার ঘাড় নাড়ল, এবার একটু হাসলও। সোনার যে সন্ধ্যা হারটা তার স্নগোর কণ্ঠদেশকে বেঁধে করে চিক্চিক্ করছিল তারি মতন সুন্দর তার হাঁসি।

• আনন্দে নন্দর শরীর ঝিমঝিম করে উঠল। মহাবীর কণ্ঠকে বাছা বাছা তীর দিয়ে ভূতলশায়ী করে বিমুগ্ধ দর্শকমণ্ডলীর অক্লেশ হাততালি ও বাহবাতেও তার এত আনন্দ হয়নি।

## প্রান্তরের গান

মধ্যাহ্ন শেষ হতে চলেছে।

চৈত্রের প্রথম ভাগ, খর রোজ্রে মাটির ঊপরকার সব কিছুই যেন মুহূমান হয়ে পড়েছে। চারদিক খাঁ খাঁ করছে। দূরে তাকালে দেখা যায় যে মাটির উপর থেকে ভাঁপ উঠছে কাঁপতে কাঁপতে। সেতারের তারে ঝঙ্কার দিলে যেমন কাঁপে তেমনি ভাবে কেঁপে কেঁপে উপর দিকে উঠে মিলিয়ে যাচ্ছে। কোন্ অদৃশ্য সেতারী যেন মধ্যাহ্নের আকাশে তার সেতারে ঘা মারছে। তার সেতারের আলাপ শুনতে শুনতে যেন উদাস হয়ে উঠছে সমস্ত প্রকৃতি।

সেই আলাপ শুনতে শুনতে সুন্দরী বিল যেন ঝিমোচ্ছে।

গ্রামের শেষ প্রান্তে এই সুন্দরী বিল—প্রায় আধ মাইল পর্য্যন্ত বিস্তৃত। বিল অধিকাংশ জায়গাতেই শুকিয়ে গেছে। শুকনো জমিতে কচুরীপানা-গুলো বর্ষাঋতু দেখছে। গ্রামের কাছাকাছি জায়গাটাতে অল্প জল আছে—অল্প রক্তপদ্মে ভর্তি। রোজুর তেজে পদ্মগুলোকে বিবর, শুকনো শুকনো মনে হচ্ছে। পদ্মবন থেকে একটা মৃদু সুবাস ভেসে আসছে থেকে থেকে।

বিলের ধারে বাঁশ আর বেতের বন। আশে পাশে নারকেল আর আমজামের গাছও ভীড় করে আছে।

লোকজনের যাতায়াত এদিকে খুব কম। দেখাই যায় না কাউকে।

## আন্তরের গান

শুধু মাঝে মাঝে পদ্মকুল আহরণ করার জন্য ছোট ছোট ছেলেমেয়েরা দল বেঁধে আসে।

কেউ আসে না এদিকে। অতদিন যদি বা আসত আজ আর কেউ আসবে না। ‘কুরুক্ষেত্রের’ বিরাট ব্যাপারের পর একটু ঘুমোবার ব্যবস্থা না করে চৈত্রের এই খর রৌদ্রের মধ্যে পুড়ে মরতে কেউ আসবে না। আজ সবাই ঘুমুচ্ছে।

কেবল নন্দ জেগে আছে। একটা নারকেল গাছের গুঁড়িতে ঠেসান দিয়ে সে বসে আছে। এদিকটায় গাছপালা ঘন, তাই ছায়াও ঘন, শীতল।

মাঝে মাঝে দম্কা হাওয়া আসে পশ্চিম থেকে। গরম হাওয়া। শুকনো পাতাগুলো সশব্দে উড়তে থাকে। নন্দ চমকে ওঠে। কাজললতা এল নাকি ?

রাগ হয় নন্দর। ঘণ্টাখানেক ধরে বসে আছে সে, ড়পুন্ন গড়িয়ে চলেছে, বিকেল হতে আর দেবী নহে। কেন আসছে না কাজললতা ? সে কি কোতুক করছে তার সঙ্গে ? সারারাত জাগার পর ড়পুন্ন বেলায় রোদ্ধুরের মধ্যে তাকে বসিয়ে রেখে একটু জন্ম করছে তাকে !

কিষা হয়ত ঘুমিয়ে পড়েছে কাজললতা। পুরুষমানুষেরা ছাংলার জাত, মেয়েদের চেয়ে তাদের গরজই বেশী এই ভেবে সে হয়ত নিশ্চিন্ত হয়ে ঘুমুচ্ছে। খোশ হয় সে নিশ্চয়ই ভেবেছে যে আজ নন্দ ফিরে গেলে আবার কাল আসবেই।

কিন্তু না। নন্দ আর আসবে না। না হয় তার কষ্টই হবে, উদাস মনে হবে, ঘুম আসবে না, তবু সে আর আসবে না। এ খেলা আর তার ভাল লাগছে না। আজ এর নিশ্চিন্তি করবে সে। এলেও



## প্রান্তরের গান

করবে, না এলে ত' কথাই নেই। আজ সে পাষ্ট জিজ্ঞেস করবে কাজললতাকে—

শব্দ হলো। শুকনো পাতার মর্ম্মরধ্বনি। কার পায়ের চাপে তারা যেন ভেঙ্গে ছুরছুর হয়ে যাচ্ছে। এবার ভুল হবার নয়। মাঝুয়ের চলার শব্দ বোঝা যায়। কেউ এসেছে।

নন্দ ফিরে তাকাল। তার চোখের তারা দুটো জীবন্ত হয়ে উঠল। অনেকক্ষণ পরে, দেহে জাগল চাঞ্চল্যের একটা ঢেউ।

কাজললতা এসেছে।

রাত্রি জাগরণের কালো ছায়া ওর চোখের নীচে, মস্তুর গতিতে আলস্তের ইঙ্গিত। বিন্দু বিন্দু ঘামে মুখখান চক্চক করছে কাজললতার, ব্লাউজের হাতাও একটু ভিজ্জে উঠেছে। গরমের ভেতর দিয়ে আসতে আসতে রোদ্দুরের তাতে তার গাল দুটো লাল হয়ে উঠেছে, উল্লুনের ধারে অনেকক্ষণ বসে থাকলে যেমন হয়। নন্দের হাত দশেক দূরে একটা আমগাছের তলায় এসে দাঁড়াল কাজললতা। এসেই অত্মদিকে মুখ ফেরাল সে, যেন সে জানেই না যে নন্দ বলে একজন লোক কাছাকাছি বসে আছে।

নন্দ রাগ করবে ঠিক করেছে। ঠিক কেন, করবেই, কারণ সে রেগেছে। এত দেরী করার কি কারণ দেখাবে কাজললতা? নন্দও অত্মদিকে মুখ ফেরাল।

চুপ্চাপ্।

পশ্চিমের দম্কা বাতাসে শুকনো পাতার একটা ঘূর্ণাবর্ত তাদের সামনে দিয়ে ঘুরতে ঘুরতে চলে গেল।

ঘুঘুর ডাক ভেসে আসছে।

“এতক্ষণে মনে হল আসার কথা? না এলেই পারতে হুন্দরী”

## প্রান্তরের গান

—নন্দ বলল। আরও কয়েকটা কথা, সে এখুনি বলবে, শ্লেষভিত্তিক কয়েকটা কথা।

কাজললতা শুনল কথাগুলো। একটু দাঁড়িয়ে কি যেন ভাবল সে। আকাশের ঝলসানো শূন্যতায় যে ছ'একটা বাজপাখী উদ্দেশ্যহীনভাবে ভেসে বেড়াচ্ছিল তাদেরই ডানার মত বাঁকা তার ভূঁরু ছোটো ক্ষণকালের জন্য কেঁপে উঠল। তারপরেই সে চলতে আরম্ভ করল—যে রাস্তা দিয়ে এসেছিল সেইদিকে।

নন্দর অন্ত্যন্ত শ্লেষভিত্তিক কথাগুলো তামাদি হয়ে গেল। বাড়াবাড়ি হয়ে গেল নাকি? রাগ করা আর হলো না তার।

“চললে বে—বা—রে!”

কাজললতা যেন কিছুই শুনতে পায়নি।

ছুটে গিয়ে কাজললতার পথ আটকাল নন্দ।

“সামনে থেকে সরে যাও”—রাগ করেছে কাজললতা। কিন্তু কেন?

“না—ফিরে চল লক্ষ্মীটি—”

“সরে দাঁড়াও বলছি—ভাল হবে না কিন্তু।”

“মাপ করো লক্ষ্মীটি, পায়ে ধরছি তোমার।” একটুও লজ্জা হলে না নন্দর, একটুও দ্বিধাবোধ করল সে না। সরল বাংলায় ‘দেহিশদপল্লব-মুদারম’ আউড়ে কাজললতার সামনে হাঁটু গেড়ে বসে হাত ছুটো বাড়িয়ে দিল সে তার পাখের দিকে।

সারা দুপুর কাজললতা বিলের স্বপ্ন দেখছিল। ভাবছিল কখন সে যাবে সেখানে। সবাই না যুঁমোনো পর্য্যন্ত কি ভয়ঙ্কর কষ্টটাই তাকে পেতে হয়েছে, ছট্ ফট্ করতে হয়েছে। তা না জেনে, জানবার চেষ্টা না করে, এরকম ব্যবহার করলে কে না চটে? তাই নন্দ যা করল, তাতে হিতে বিপরীত হলো।

## প্রান্তরের গান

তীব্রকণ্ঠে ভৎসনা করে উঠল কাজললতা, “ওরকম করলে আর কোনো দিন তোমার সামনে আসব না আমি, সত্যি বলছি”—রাগে তার চোখের উপর জলের একটা হাল্কা আন্তরণ দেখা দিল।

ঘাবড়ে গেল নন্দ। ভয়ঙ্কর।

উঠে দাঁড়াল সে, আমতা আমতা করে বলল, “আচ্ছা, আর ওরকম করব না, কিন্তু তুমি চল”—

মিনিট খানেক গুম হয়ে দাঁড়িয়ে রইল কাজললতা, তারপরে ধীরে ধীরে ফিরে গিয়ে আবার সেই গাছটার নীচে দাঁড়াল।

“বোস”—নন্দ বলল।

কাজললতা নিরন্তরে ধপ করে বসে পড়ল। বোঝা গেল তার রাগ কমেনি। কেন রেগেছে সে?

একটু চুপ করে থাকে হুজনেই।

নন্দ একটু বাদে হেসে জিজ্ঞেস করল, “কাল যাত্রা দেখতে গিয়েছিলে?”

কাজললতার ভুরু দুটো আবার কঁপে উঠল, তার অপ্রশস্ত, সুন্দর ললাটে হুঁএকটা রেখাও খেলে গেল।

“ন্যাকা সাজছ কেন? তুমি আমায় দেখনি কাল?”

নন্দ হাসল, “পাট করতে করতে কি সব দিকে নজর দেওয়া যায়?”

“ড্যাভ্‌ড্যাভ্‌ করে তাকিয়ে ত’ ছিলে হাঁ করে।”

নন্দ হাসল।

“হাসতে লজ্জা করে না তোমায়”—কাজললতা গ্রীবা উন্নত করে কঠিনকণ্ঠে বলল।

“লজ্জা করবে—কেন?”

“খুব ত’ যাত্রা করা হোল—আমায় বলতে কি হয়েছিল?”

## প্রান্তরের গান

“ও এমনি, তোমায় অবাক করে দেব বলে।”

“ইস—ভারী তো—যদি না আসতাম ? একটা খবরও যদি না পেতাম ?”

“আমি নিজে লোক পাঠিয়ে খবর দিয়েছি তোমার বাপকে—”

“যদি না আসতাম তবু ?” অভিমানে কাঁপছে কাজললতার গলা।

“তাহলে অর্জুন গিয়ে ডেকে আনত তোমায়—সত্যি বলছি, তোমায় অবাক করে দেবার লোভেই তোমায় বলিনি।”

“হয়েছে—হয়েছে”—

“বিশ্বাস করো কাজল, সত্যি বলছি। এ যাত্রা শুধু তোমায় দেখানোর জন্তেই”—

“মিথ্যেবাদী কোথাকার”—

“বিশ্বাস করো কাজল”—কাজললতার দিকে এগিয়ে এল নন্দ। কণ্ঠে তার মিনতি।

কাজললতা নন্দর দিকে তাকাল। খানিকক্ষণ থেকে সে চোখ ফিরিয়ে নিল।

“কেমন হয়েছিল কালকে বলত ?”—নন্দ বিজেস করল।

“ভাল।”

“কার কার পাঁট ভাল লেগেছে কল ?”

“ভীম, হৃষ্যোদন, অীকৃষ্ণ, দ্রৌপদী, নিয়তি—আর—”

“আর ?”

“আর ভীষ্ম, শকুনি, গান্ধারী।”

“আর অর্জুন ?” মিহিস্বরে প্রশ্ন করল নন্দ। একটু নিরাশ বোধ করছে সে।

খিলখিল করে হেসে উঠল কাজললতা। সে হাসি আর ধামতে

## প্রান্তরের গান

চায় না। এতক্ষণ গরমের মধ্যে বসে থেকেও বার কিছু হয়নি কাজল-  
লতার হাসি শুনতে শুনতে আর দেখতে দেখতে সেই নন্দই মুখচোখ  
এবার লাল হয়ে উঠল।

“বা-রে—হাসছ যে!”

তবুও হাসতে লাগল কাজললতা।

নন্দ অন্যদিকে মুখ ফেরাল। নির্ঝাঁপিত দীপের মত তার ভিতরটা  
উত্তাপহীন হয়ে উঠছে।

হাসি ধামাল কাজললতা। ছুঁতিনবার জ্বোরে জ্বোরে নিঃশ্বাস ফেলে  
হাসির বেগে বিপর্যস্ত হৃদয়স্রকে সহজ করে নিয়ে সে বলল, “ভাল  
লেগেছে—খুব ভাল হয়েছে তোমার পার্ট।”

নন্দর বিশ্বাস হয় না। হয়ত ঠাট্টা করছে কাজললতা।

“হাসি দেখে ঘাবড়ে গেছ বুঝি? ও হাসি কি তোমার পার্টের জন্য  
—ও তোমার নিজের বিষয়ে জানবার জন্য আকুলি বিকুলি দেখে।  
তোমার বিষয়ে কিছু বলছি না দেখে কি দুঃখের ভাব ফুটে উঠেছিল  
তোমার মুখে—মাগো।”

নন্দ ফিরে তাকাল, “ঠাট্টা করছ!”

“ঠাট্টা? সত্যি না, মাইরি না। সত্যি বলছি, তোমার পার্ট আমার  
খুব ভাল লেগেছে। শুধু আমার কেন, সবাই বলছে। অর্জুন ছাড়া  
আর কারও কথা কারও মুখে নেই।”

“সত্যি বলছ?” আনন্দে নন্দর চোখের তারা ছোটোতে আগুনের  
মত দীপ্তি দেখা যাচ্ছে।

“সত্যি বলছি। কি সুন্দর পার্ট কর তুমি—আর কি সুন্দর যে  
দেখাচ্ছিল তোমাকে, উঃ”—উচ্ছ্বসিত হয়ে বলে উঠল কাজললতা।  
বলেই কিন্তু হঠাৎ লজ্জায় মুখ নত করল সে। একটু বেশী বলে ফেলেছে

## প্রান্তরের গান

সে। যে কথাটা কাল সে সারারাত মুগ্ধচিত্তে স্মরণ করে রোমাঞ্চিত হয়েছে, অধীরে আনন্দে বারংবার শিউরে শিউরে উঠেছে, সেই কথাটাই মুখ দিয়ে বেরিয়ে গেল তার।

কিন্তু সত্যিই কি তাই? সত্যিই কি কথাটা মুখ দিয়ে ফস্ কল্পে বেরিয়ে গেল? কাজললতার অবচেতন মনে এই কথাটা বলার একটা হৃদমনীয় আকাজ্জক কি জাগেনি?

ডানপায়ের বুড়ো আঙ্গুল দিয়ে নরম মাটিতে আঁচড় কাটছে কাজললতা। পায়ে সে আলতা পরেছে, ভারী স্নন্দর দেখাচ্ছে তার পা দুটো।

দেখতে দেখতে নন্দর মাথা ঝিম্‌ঝিম্‌ করে। এ ঝিম্‌ঝিম্‌মানি দৈহিক হুর্ললতা নয়—এ একটা বসনা ও পুলকের, আকুলতা ও ব্যাকুলতার মিশ্রিত দোল।

“কাজললতা”—স্বপ্নের ঘোরে যেন কথা বলছে নন্দ—টেনে টেনে।

“ঐ?”

“তোমায় ছাড়া আর আমার চলবে না”—

কাজললতা তাকাল পদ্মবনের দিকে, শরীরটা তার যেন কেঁপে উঠল একবার।

“তোমায় ছাড়া আমার বাঁচাই হচ্ছে মরা আর মরাই হচ্ছে বাঁচা”—  
আবেগে ধরধর করে কাঁপছে নন্দর গলা।

“কি স্নন্দর পদ্মফুলগুলো”—কাজললতা বলল।

“কাজল—”

“আমায় ছোটো পদ্ম তুলে দাও না”—দাঁতে দাঁত চেপে কথা বলছে কাজললতা।

ধামতে হল নন্দকে। মনে মনে একটু রাগ হয় কাজললতার এই

## প্রান্তরের গান

আচরণে। তার কথাগুলো একটু কাণ দিয়ে শুনে কি হস্ত মেয়েটার !  
নেশা জমে আসতে আসতে, ঘুমে চোখ বুজে আসতে আসতে হঠাৎ বাধা  
পেলে, তা ভেঙ্গে গেলে যেমন মনে একটা বিরক্তিকর অস্বস্তি জাগে,  
তেমনি অবস্থা হল নন্দর।

কিন্তু আপাততঃ পদ্মফুল তুলতে হবে। যাই হোক তবু ত' একটা  
আব্দার করেছে কাজললতা। প্রথম আব্দার। ভয়ঙ্করভাবে  
রাগবার উপায় থাকে না নন্দর।

জলের মধ্যে সে পা ডোবাল। ইচ্ছে এই যে ঐ শ্রামাঘাস, বনকল্মী  
আর কাদা ঠেলে সে বেছে বেছে কতকগুলো পদ্ম তুলে আনবে।

“কোথায় যাওয়া হচ্ছে ?”—কাজললতা সম্ভ্রান্তভাবে প্রশ্ন করল।

“জলে—ফুল তুলতে।”

“জলে নামতে হবে না।”

“বা-রে, ফুল পাব কি করে তবে ?” নন্দ বিস্মিত হল।

“তা আমি কি জানি—তীর থেকেই কি ফুল তোলা যায় না ?”

“ও ফুল ছোট।”

“হোক—বড় ফুলের জন্ত এখন ঐ কাদা আর জলের মধ্যে নেমে  
সাপের কামড় খেতে হবে না।”

কাজললতা নন্দর নিরাপত্তার বিষয়ে ভাবে তাহলে ! তাকে সাপে  
কামড়াতে পারে ভেবে সে রীতিমত ভয় পেয়েছে, আশঙ্কায় আকুল হয়ে  
সে তাকে বাধা দিচ্ছে, কড়া সুরে নিষেধ করছে জলে নামতে ! বেশ  
লাগে নন্দর, সে খুশী হয়ে ওঠে।

তবু আরও একটু চলুক এই ভাবনার পালা।

“সাপ ?”—নন্দ জিজ্ঞেস করল।

“হ্যাঁ।”

## প্রান্তরের গান

“বয়ে গেছে—তবু যাব। আমি ঘুরে গেলেই বা কি”—মুখ চোখে একটু বিষন্নতার ছায়া টেনে এনে নন্দ বলল। বলেই আর এক পা এগিয়ে গেল জলের মধ্যে।

“ভাল হবে না কিন্তু—” চোঁচিয়ে বলল কাজললতা। ছুচোখ তার জলে উঠছে।

“থাক তবে”—নিষ্প্রহতা ধ্বনিত হস্ত নন্দের কণ্ঠে।

দূরে একটা কঞ্চি পড়ে ছিল, তাই দিয়ে সামনের ছোটো পদ্ম-ফুলকে টেনে তুললো নন্দ। ছোটোর মধ্যে একটা কলি।

“গ্রহণ করুন দেবী”—যাত্রার অজুর্ন যেন কথা বলছে, ফুল ছোটোকে অঞ্জলিবদ্ধ হাতে নিয়ে।

একটু হাসল কাজললতা। নন্দের হাত থেকে ফুলছোটো তুলে নিল সে, কিন্তু অত্যন্ত আলগাভাবে। নন্দের স্পর্শকে এড়িয়ে গেল সে।

ফুলছোটোকে নাড়াচাড়া করতে লাগল কাজললতা। একবার মুখের কাছে নেয়, একবার আঁত্রাণ নেয়, একবার গালের উপর দিয়ে বুলিয়ে নেয়।

নন্দ তাকিয়ে থাকে তার দিকে। রক্তপদ্মের স্পর্শ লেগেছে কাজললতার গালে, কপালে, ঠোঁটে। নীচের ঠোঁটের বাঁ দিকের কোণটা উপরের দাঁত দিয়ে চেপে ধরেছে সে। চাপের চোটে তা আরও লাল হয়ে উঠেছে। মনে হয় এখুনি হমত লাল রক্ত ফেটে বেরোবে পাকা আঙ্গুরের রসের মত।

হারানো নেশাটা আবার যেন ফিরে আসছে ধীরে ধীরে। সমস্ত চেতনাকে ভোলপাড় করে একটা ঝড় উঠছে। বুকের মধ্যে, কপালের হৃদাশয়ের রগে, শরীরের সমস্ত শিরার মধ্যে সেই আসন্ন ঝড়ের বাঁজা যেন ছড়িয়ে পড়ছে পলে পলে।



## প্রান্তরের গান

তাকিয়ে তাকিয়ে দেখে সে কাজললতাকে। নন্দর স্বপ্ন, তার বাসনা মুর্তিমতী হয়ে দাঁড়িয়ে আছে তার সামনে। কাজললতার স্নগৈর বর্ণচ্ছটার দিকে তাকাতে তাকাতে চোখে ধাঁধা লাগে নন্দর—সূর্যের আলোর দিকে চাইলে যেমন হয়। বন্ধিম ভুরু, প্রজাপতির পাখনার মত ঠোঁট ছটো, পদ্মের ছায়ার মত কালো ছটো চোখ, নিটোল ছটো হাত, উন্নত বন্ধের উদ্ধত আত্মপ্রকাশ, ক্ষীণ কটিদেশ, সমস্ত দেহের রেখায় রেখায় একটা অপক্লপ লীলায়িত ছন্দ—কোনো প্রতিভাবান ভাস্করের শ্রেষ্ঠ সৃষ্টি যেন জীবন্ত হয়ে দাঁড়িয়েছে নন্দর সামনে।\*

গুধু নেশা নয়—নেশায় বেসামাল হয়ে গেল নন্দ। যে নিষ্পত্তি আজ সে করতে চেয়েছিল আপনা থেকেই সেট! এখন সহজ হয়ে এল।

“কাজললতা—”

“ঐ?”

“এবার আমার কথা জবাব দিতে হবে।”

“কি?”

“তোমায় ছাড়া আমার চলবে না।”

কাজললতার কোমর ছাড়িয়ে যে একরাশ চুল নীচে নেমে গেছে দম্কা হাওয়ায় তার উড়তে থাকে। হু’একটা চূর্ণ কুন্তল এসে তার ললাটে পড়ল। কলঙ্কযুক্ত চাদের মত তাতে অপক্লপ হয়ে উঠল তার মুখত্ৰী।

“কাজললতা”—ধর ধর করে কাঁপছে নন্দ। কাজললতার হাতের দিকে সে হাত বাড়াল।

“আমায় ছুঁয়োনা”—তীক্ষ্ণকণ্ঠে বলল কাজললতা।

নেশাখোর আর পাগলে কি সব কথা গ্রাহ করে?

কাজললতার কথা যেন নন্দর কানে যায় নি। তার হাত ছটো সে চেপে ধরল।

## প্রান্তরের গান

“আমি তোমায় ভালবাসি কাজললতা—তুমি ?”

“ছেড়ে দাও আমার হাত”—চোখ দুটো জ্বলছে কাজললতার।  
সেটা কি রাগ ?

“না। বল, তুমি কি আমায় ভালবাস না ?” নিশ্বাস ঘন ঘন পড়ছে  
নন্দর, উত্তেজনায় চোখ দুটো ছল্ ছল্ করছে।

“ছেড়ে দাও বলছি”—এবার ভাঙ্গা গলায় মিনতি জানাল কাজললতা।

“না।” দৃঢ় কণ্ঠে নন্দ উত্তর দিল।

কাজললতারও সারা শরীর কাঁপছে। সে বসে পড়ল মাটির উপর—  
দম্কা বাতাসের উদ্দাম বেগে দুর্বল নব-মালতী লতা যেমন মাটিতে  
এলিয়ে পড়ে তেননি ভাবে।

“বল”—নন্দ জিজ্ঞেস করল কাঁপতে কাঁপতে। তার হাতের মুঠোয়  
কাজললতার হাত দুটো। একরাশ ফুলকে যেন চেপে ধরেছে সে।  
তারও হাত কাঁপে।

“বল কাজললতা—তুমি কি আমায় ভালবাস না ?”

কাজললতা মাটির দিকে চেয়ে আছে।

“বল”—

কাজললতা এবার মাথা নাড়ল।

“জোরে বল—জোরে”—

কি যেন অস্ফুট কণ্ঠে বলল কাজললতা। তাই যথেষ্ট। তার মানে  
হ্যাঁ। হ্যাঁ, সেও নন্দকে ভালবাসে। সে ত ভালবেসেছিল নন্দকে  
প্রথম দিন থেকেই। এতদিন সে কেবল ধরা দেয়নি কারণ নন্দ তাকে  
এমন দুর্বলভাবে রোজ পায়নি কাছে। ধীরে ধীরে তার মন নরম হয়ে  
জাসছিল কয়েকদিন ধরে—বৈশাখের আতপ-শুক মাটি যেমন বুড়িধারার  
ক্রমে ক্রমে সিস্ত হয়, নরম হয়। গতকল্যকার মহাবীর অর্জুন তাকে

## প্রান্তরের পান

একেবারে জয় করে ফেলেছে। রাতের বেলায়, আলোয় ঝলমল সামিয়ানার নীচে, ঝকঝকে পোষাকপরা শ্রীমণ্ডিত বীরের অপূর্ণ ভদ্রী আর হুমধুর কণ্ঠস্বর তার নবীন যৌবনের স্মৃতির সঙ্গে মিলেমিশে একাকার হয়ে তাকে বিমুগ্ধ, তাকে হুর্দল, তাকে বিজিত হবার জ্ঞাত প্রেরণা জাগিয়েছিল। আর ত' দূরে থাকা যায় না।

“আমায় বিয়ে করবে কাজললতা?”

কাজললতার মাথা যেন ক্রমশঃ নীচের দিকে ঝুঁকে পড়ছে।

“বল—

উত্তর নেই।

“বল—বল লক্ষ্মীটি, বল—”

“হ্যাঁ”—

ঝড় এসে গেছে। বাঁধ ভেঙ্গে গেল।

অধীর আগ্রহে, সুবিপুল আনন্দ-বতায় প্রাবিত হয়ে কাজললতাকে নন্দ বুকের মধ্যে টেনে নিল। অন্তরের বহিঃজালায় জর্জর গুণ্ঠনকে সে কাজললতার মুখের কাছে এগিলে নিল।

“না—না”—বাধা দিল কাজললতা। নারীর একটা অতি পুরাতন রীতি। সে বাধা কে মানে?

“হ্যাঁ।”

“না—কেউ দেখবে”—কাজললতার চোখ নীমিলিত।

“কেউ যেখানে কোনোদিন আসেনা?”—নন্দ হাসল।

প্রথম চুষন। জালাময়। নিঃশ্বাস বন্ধ হয়ে আসে। শরীর লিউরে উঠল হজনের। পায়ের নীচের মাটীও যেন অসহায় পুলকে ঝাঁপছে।

পশ্চিমের অশান্ত বাতাসের হুর্দম বেগ। শুকনো পাতার ঘূর্ণি গুঁঠে।

## প্রান্তরের গান

ধূতুরা ফুল আর আকন্দ ফুলগুলো মাটিতে লুটিয়ে পড়ে। বাঁশঝোপ আর আম জামের বনে একটা সাড়া জেগেছে—কে জানে কি বার্তা পেয়েছে তারা পশ্চিমা বাতাসের কাছে। রৌদ্রের প্রার্থ্য কমে আসছে, শত্ৰুচিল আর বাজপাখীর ডানা ঝলসায় ধূসরনীল আকাশের শূন্যতায়। পদ্মবনের ওপাশে, একটু ছায়ায়, তিনচারটে বক মাছের স্বপ্নে বিভোর। সবই সুন্দর। সবই বিচিত্র রঙে রঙীন। বসন্তের অলোপ গাইছে সব কিছু। চেতনায় একটা সুনিবিড় শান্তি নেমে আসে। একটা সুগভীর তৃপ্তি। •

কাজললতার কালো চুলের রাশিতে চুষন করে নন্দ বলল, “কি সুন্দর তোমার চুলগুলো কাজললতা! কাহ্নলা রাত এসে বাসা বেঁধেছে বুঝি এখানে?” •

কাজললতা আর চোখ মেলবে না। লজ্জায়, আনন্দে সে মুহমান, অবশ। কোথায় ছিল এত আনন্দ! অল্পভূতির এমন উগ্র মাধুর্য! চোখ মেলতে আজ আর সে পারবেনা। •

নন্দর মনে আর সুখ নেই। নেই স্বস্তি, নেই শান্তি।

কাজললতার সঙ্গে কয়েকদিন ধরেই পরামর্শ হয়েছে। বিয়ে তাদের শিগ্গীরই হওয়া চাই। কিন্তু কি করে? নন্দর বাপ রাজী হবে—নন্দ চেনে তার বাপকে। কিন্তু গৌরদাস শক্ত লোক। তাকে ধরবে কে, বলবে কে? নন্দ নিজেই গিয়ে বলতে চেয়েছিল, কাজললতা নিষেধ করেছে। কাজললতাও ত’ চেনে তার বাপকে। সে জানে গৌরদাসের অহঙ্কার আছে, পুরোনো জাঁকজমকের গৌরববোধ আছে। হয়ত সে রাজী হবে না। তাছাড়া গ্রাম দেশ, নন্দর অমন সহরে সাহস বরদাস্ত করবে না গৌরদাস।

## প্রান্তরের গান

সুতরাং কি উপায় হবে ? কাজললতা বলেছে যে হরিচরণ যেন নিজেই তার বাপকে বলে ।

তা কি হয় ? পাত্রের পিতা যেচে বলবে প্রথমে ? অবশু নিজে যেচে না বললেও চলবে, অল্প কাউকে পাঠালেও হবে ।

যেই যাক, হরিচরণকে জানাতে হবে ত' কথাটা । কি করে বলবে তা সে ?

ভাবনায়, চিন্তায় নন্দর মুখকে মলিন দেখায় আজকাল, দু'একটা অস্পষ্ট রেখাও মাঝে মাঝে জেগে ওঠে তার ললাটে ।

বড় ভাবনা । রাতে ভাল ঘুম হয় না । দিনের বেলা সারাটা সময় এদিকে ওদিকে, বাঁশঝোঁপে, খালপাড়ে, ধলেশ্বরীর ধারে, একা একা সে ঘুরে বেড়ায়, বিকেল হলেই তেতুলঝোঁরায় গিয়ে হাজির হয় । সারাক্ষণ এক চিন্তা ।

কাকে দিয়ে বলে সে তার বাপকে ? প্রবীর ? উহু, প্রবীরকে মনে মনে একটু ভয় করে নন্দ । অর্জুন ? না লজ্জা করবে । মা ? পাগল । মনোরমাকেও না । মাধবী ? মাধবীটাকে হয়ত বলা যেতে পারে । হুঁ, ঠিক । মাধবী বলবে মাকে । মা বলবে বাবাকে । বাস্, হয়েছে । একটা হুঁভাবনা গিয়ে অনেকটা হালকা মনে হয় নন্দর ।

সঙ্গে সঙ্গে আরও একটা সমস্যা এসে সামনে দাঁড়ায় । স্ত্রিবিধে মত সময় পায় না মাধবীকে কণ্ঠাটা জানাতে । ছট করে ডেকে বলতে বাধে নন্দর । হাজার হোক ছোট বোন ত' ।

মাধবীকে বলার চিন্তাটা মনে উদ্ভিত হতেই নন্দ আর বাইরে যায় না, সবসময়েই বিছানাটার ওপর শুয়ে শুয়ে এপাশ ওপাশ করে, স্তম্ভগের অপেক্ষায় ।

যে স্তম্ভ লোকটা এতদিন নিয়ত আড্ডা দিয়ে বেড়িয়েছে, খাবার আর

## প্রান্তরের গান,

শোবার সময় ছাড়া যাকে কচিৎ কদাচিৎ বাড়ীতে দেখা গিয়েছে তাকে এমন ভাবে ওপরের দিকে তাকিয়ে শুয়ে থাকতে দেখলে বাড়ীর লোকের মনে প্রশ্ন জাগা খুবই স্বাভাবিক। নন্দর কি অসুখ হয়েছে কোন? না, অসুখ হলে মানুষ খাওয়া বন্ধ করবে, ওষুধ খাবে। নন্দ তো তা করছে না। তবে?

হুকোয় একটা লম্বা টান্ মেরে হরিচরণ রাসমণিকে শুধায়, “ই্যাগা, ব্যাপার কি বলো দেখি?”

“কিসের ব্যাপার?”

“নন্দর হয়েছে কি? ক্ষেতে টেতে গিয়ে জমিটা একটু ঠিকঠাক করতে হয়, চন্ডির মাসের শেষ হতে আর কদিনইবা—তা ত’ যায়ই না, অথ কোথাও যায়না কদিন ধরে। কি হল ছেলেটার?”

“কি জানি বাপু। আমি কিছু বুঝি না ওর ধরণ ধারণ।”

হরিচরণ চুপ করে তামাক টানতে থাকে।

রাসমণি আবার রান্না করতে করতে মনোরমাকে ডাক দেয়, “মানু—”

“এ্যা?”

“তোর দাদার কি হয়েছে রে, দিনরাত শুয়ে থাকে খালি?”

মনোরমা গৃহস্থালী নিয়ে মসৃণল, ওর ভাববার অবসর নেই, “কি জানি মা, তোমার কচি ছেলে, ওদের মেজাজই আলাদা বাপু।”

তবু মনোরমা এক সময়ে মাধবীকে ডেকে চুপি চুপি প্রশ্ন করে, “আচ্ছা মাধু, তুই কিছু জানিস?”

“কি?”

“দাদা ওরকম শুয়ে শুয়ে কাটায় কেন?”

“আমিও ত’ তাই ভাবছি রে দিদি”—মাধবী খানিকটা আচ্ করতে

## প্রান্তরের গান

পারে নন্দর ব্যাপার। মানুষকে উদাস, কন্দীবমুখ, দুর্বল করে দেয়  
কিসে—তার অভিজ্ঞতা সে লাভ করছে দিন দিন।

“বুঝলি দিদি—”

“কি?”

“দাদা নিশ্চয়ই কাউকে ভালবেসেছে।”

“দুর্ মুখপুড়ী—”

“বিশ্বাস হচ্ছে না? আচ্ছা আমি সব জানতে যাচ্ছি।”

“ইস, দাদা যেন তোকে সব খুলে বলবে।”

“দায়ে পড়লে বলতেও পারে রে, এক আধটা চিঠিপত্র দিয়ে  
আসবার লোকের দরকারও পড়তে পারে ত—”

“তুই কি রে!”

ছ’বোনে হাসাহাসি করে।

মাধবী কিন্তু থামল না।

ছপুর বেলায় সবাই সেদিন ঘুমোচ্ছে। প্রবীরের দেওয়া বইটা শেষ  
করে সে ভাবছে কি করবে, এমনি সময়ে তার মাথায় একটা বুদ্ধি এল।

নন্দ ঘুমোয় নি, বসে বসে বিড়ি টানছিল।

“দাদা—”

“উ—”

“কি ভাবছ?”

“কিছু না তো—”

“তা হয় না, মানুষ সব সময়েই কিছু না কিছু ভাবে।”

নন্দ অস্বাভাবিক পেয়েছে।

“আমি জানি কি ভাবছ তুমি।” মাধবী মুখ টিপে হাসল।

“কি?”

## প্রান্তরের গান

“কাকুর কথা ।”

“কার কথা ?”

“বোদি’র কথা ।”

“কোন্ বোদি’র কথা রে ?” নন্দ বুঝতে পারে না ।

“কোন্ বোদি আবার, আমার দাদা নন্দলাল দাসের বো—সেই বোদি’র কথা ।”

“বিয়ে করলাম না বো হল কোথেকে রে ?” নন্দ হাসল ।

“সেই ত’ হচ্ছে কথা—সেই ভাবী বোদি কবে এসে ঘর আলো করবে, তোমার মুখের অঁধার দূরে যাবে তাই ভাবছ তুমি ।”

নন্দ মাথা নাড়ল, “তাই রে, ঠিক তাই—এবার বলা উচিত, আর দেবী করা উচিত’না ।

“মানে ?”

নন্দ তীক্ষ্ণদৃষ্টিতে একবার তাকাল বোনের দিকে, “মাধু—”

“কি বলছ ?”

“সত্যি কথা শুন্বি ?”

“কি ?” মাধবী উৎসুক হয়ে উঠল ।

“বিয়ের কথাই ভাবছি ।”

“সত্যি ?”

“হ্যাঁ, কিন্তু যাকে তাকে বিয়ে করব না আমি—”

“কাকে বিয়ে করবে ?”

“ভেতুলঝোয়ার গৌরদাসের মেয়ে কাজললতাকে—নাম শুনেছিসঃ ওদের ?”

“গৌরদাসের নাম শুনেছি ।” মাধবী হেসে বলল ।

“একটা কাজ করবি ?”



## প্রান্তরের গান

“কি ?”

“মাকে কোনও রকমে কথাটা জানা যাতে বাবা জানতে পারে।”  
নন্দর কণ্ঠে মিনতির রেশ।

“বলব দাদা।”

“বলবি যত শিগ্গীর হোক বাবা যেন এ বিষয়ের ব্যবস্থা করে দেয়।”

“আচ্ছা।” মাধবী হসে চলে যাচ্ছিল।

“শোন—”

“কি ?”

“বাইরের আর কাউকে কিন্তু বলিস না কিছু, কেমন ? এবার আমি বাইরে চল্লাম, সন্ধ্যার পর ফিরব, এর মধ্যে সব ঠিক করে ফেলা চাই।”

“আচ্ছা দাদা—কি রকম দেখতে বোদি ?” কৌতূহল উপ্চে পড়ছে মাধবীর চোখে মুখে। কে সে ভাগ্যবতী লীলাবতী, কেমন দেখতে সেই কণ্ঠ। যে তার দাদার মত সুপুরুষকে মুগ্ধ করেছে, জয় করেছে ?

“ঘরে এলেই দেখতে পাবি”—নন্দ হেসে উঠে দাঁড়াল।

গুনগুন করে একটা গান ভাঁজতে ভাজতে সে বেরিয়ে গেল।

“দিদি—এই দিদি—এই—”

মনোরমা ঘুমোচ্ছিল, মাধবী তাকে ঠেলে জাগাল।

“কি হোল ?” মনোরমা বিরক্ত হয়ে জাগল।

“শোন, বাইরে আয়—”

“কি আবার হোল ?”

বাইরে গিয়ে দাওয়ার উপর দাঁড়াল তারা।

“যা বলেছিলুম তাই”—মাধবী ফিস্ফিস্ করে বলল।

মাধবীর ভঙ্গী দেখে মনোরমার মনেও ঔৎসুক্য জাগে, “কিরে ?”

## প্রান্তরের গাম

“দাদা ভালবেসেছে—তেতুলঝোরা গাঁয়ের গৌরদাসের মেয়ে কাজললতাকে ।”

“নামটা ত’ বেশ রে”—মনোরমা হাসল, “তোকে দাদা বলল ?”

“হ্যাঁ—আর বলল মাকে বলতে যাতে বাবা জানতে পায়, শিগগীরই বিয়ে হওয়া চাই ।”

মনোরমা মুখে আঁচল চাপা দিল, “অবস্থা সাংঘাতিক তাহলে—তর সহিচে না ।”

“হ্যাঁ!—চল্ মাকে বলিগে ।”

“চল্ ।”

রাসমণি রান্নাঘরের বারান্দায় বসে মুড়ী মাজার চাল ঝাড়ছিল ।

“মা”—মনোরমা ডাকল ।

রাসমণি মুখ তুলে তাকাল ।

“দাদার আজকাল এরকম কেন হয়েছে জান ?”

“কেন রে ?” রাসমণি যুগপৎ কৌতূহলাধ্বিত ও শঙ্কিত হয়ে উঠল ।

“তেতুলঝোরা গাঁয়ের গৌরদাসের মেয়ে কাজললতার সঙ্গে বিয়ে না হলে দাদা বিবাগী হয়ে যাবে । বাবাকে বলো আজই, বুঝলে ?”

রাসমণির চোখে বিস্ময়, আনন্দ ।

“সত্যি ?” সে বলল ।

“হ্যাঁ মা ।”

ছেলের উপর অগাধ ভালবাসা রাসমণির, অপরিণীত গর্ভ তার মনে ছেলের জন্ত ।

“বলো কিন্তু বাবাকে মা —”

“বলব রে বলব—কিন্তু কে বললে এসব কথা ?”

“মার গরজ সেই ।”

## প্রান্তরের গান

“নন্দ ?”

“হ্যাঁ।”

হরিচরণ বাড়ী ছিল না। রাসমণি ছটফট করে তাকে সব কথা জানাবার জন্ত।

অবশেষে ছপুর পড়ে আসতেই হরিচরণ বাড়ী ফিরল।

“কোথায় থাক বলত ?” রাসমণি বিরক্ত হয়ে বলল।

“কোথায় আর থাকব, একটু কাজে গিয়েছিলাম।”

“শোন, কথা আছে।”

“দাঁড়াও, আগে একটু জিরোই, একটা পাখা দাও।”

হাতপা ধুয়ে হরিচরণ বসল, রাসমণি একটা পাখা নিয়ে এসে তাকে বাতাস করতে আরম্ভ করল।

“কি বলছ ?” হরিচরণ শুধোল।

“মেয়েদের বিয়ের কথা তা’ ভাবছই না—ছেলেটারও কি বিয়ে দেবে না ?”

“দেখ নন্দর মা, তোমার কথার ধরণ ভাল না।”

আড়ি পেতে শুনতে শুনতে মাধবী মনোরমার গা টিপল। বাপ বাড়ী আসতেই ওরা বুঝতে পেরেছিল যে মা এখুনি কথাটা পাড়বে। তাদের মায়ের পেটে কোন কথা খেজীক্ষণ থাকতে চায় না, এটা ওরা জানে।

“কেন ?” রাসমণি ঠোট উলটাল।

“মেয়েদের বিয়ের জন্ত চেষ্টায় নেই আমি ? মাইকে দেখতে আসছে সামনের সোমবার, মাধুর জন্তও খোঁজে আছি। নন্দর বিয়ের জন্য আটকাবে না কি ? ও ত’ পুরুষ মানুষ, তা ছাড়া আমার ইচ্ছে মাইর বিয়ের পর ওর আর মাধুর বিয়ে একসঙ্গে হবে।”

## প্রান্তরের গান

“হয়েছে, অত দেরী করলে আর চলবে না।”

“কেন?”

“শিগ্গীরই যদি তেতুলঝোরায় গৌরদাসের মেয়ে কাজললতার সঙ্গে তার বিয়ে না দেও তবে ছেলে তোমার বিবাগী হয়ে যাবে।”

হরিচরণ হাসল, “কে বললে?”

“কে আবার বলবে, তোমার ছেলেই বলেছে।”

“হঁ, গৌরদাস, মানে গৌরদাস ঘোষ, চিনি ত’ তাকে।”

“তুমি ঘটকালি করাও।”

“বরের বাপ যেচে যাবে?”

“তাতে কি—দায়ে পড়েছ—কাউকে পাঠাও তুমি।”

“দায় না হাতী, হঁ—, মেয়েটা দেখতে কেমন?”

“তোমার ছেলে ত’ কুচ্ছিৎ নয়, তার মনে ধরেছে যখন তখন নিশ্চয় স্তন্দরী।”

“বটে—ওরে মাধু”—

মাধবী দরজার আড়াল থেকে মুখ বাড়াল—“এঁ?!”

“হঁকোটা সেজে আন’ ত’ মা।”

তামাক টানতে টানতে গম্ভীর মুখে হরিচরণ ভাবতে আরম্ভ করল। ছেলেটা শেষে প্রেম করে ফেলল। •দিন কাল বদলে গেছে, সত্যি। বেহায়ার মত মুখ ফুটে জানিয়েছে যে কাজললতাকে ছাড়া আর কাউকে বিয়েই করবে না, বিবাগী হয়ে যাবে! নিঃশব্দ। তবু সঙ্গে সঙ্গে অতীত দিনের কথা মনে পড়ে হরিচরণের, যৌবনের কথা। একই ইতিহাস, শুধু প্রকাশের ভঙ্গীটাই বদলেছে। আর সবই এক, চিরন্তন। হরিচরণের সাধারণ মনের অন্তরালে একটা রসিক মন প্রচ্ছন্ন হয়ে ছিল, সেটা মাথা চাড়া দিয়ে চাক্ষুষ হয়ে উঠল আজ। মান সম্মান, সামাজিক

## প্রান্তরের গান

আদবকায়দা ! কোন্টাই বা ঠিক আছে আজকাল ? সবই ত' ভেঙ্গে যাচ্ছে । একটু মান যায় তো যাক না, ছেলেটার বিয়ের ব্যবস্থাটা করতেই হবে । নিজেদের জীবনে যে অমৃত লাভ হয়নি, ছেলের জীবনে তা সফল হোক । যতই সকলে নাক সিঁটকাক্, মুখে তারা যাই বলুক, মনে মনে কে না স্বীকার করে যে পৃথিবীতে প্রেমের চেয়ে বড় কিছুই নেই ।

হরিচরণের মুখে হাসি ফুটে উঠল ।

হরিচরণ উঠে দাঁড়াল ।

“কোথায় চলে আবার ?” রাসমণি প্রশ্ন করল ।

“শিবেশ্বরের কাছে ।”

শিবেশ্বর পাল অর্জুনের বাবা । পিছনেই তাদের বাড়ী । শিবেশ্বর বয়সে হরিচরণের থেকে দু'একবছরের ছোট হলেও সেই তার বড় বন্ধু । কোনও কিছু করতে গেলেই শিবেশ্বরের পরামর্শ তার পক্ষে অত্যাাবশ্যক ।

ঘণ্টাখানিক পরে হরিচরণ আবার ফিরে এল ।

“ওনছ—অ' নন্দর মা ?”

“কি ?” রাসমণি কাছে এসে দাঁড়াল ।

“শিবেশ্বরকে বলে এলাম নন্দর বিয়ের কথা । অত সব বলিনি, খালি বলে এলাম যে গৌরদাসের মেয়েকে দেখে আমার ভারী পছন্দ হয়েছে, ওর সঙ্গে কোনও প্রকারে নন্দর বিয়েটা ঘটিয়ে দাও । সে রাজী হয়েছে, পরশুদিন সে যাবে গৌরদাসের কাছে ।”

রাসমণি খুব খুশী হয়ে উঠল, “বেশ করেছে ।” মনশ্চক্ষে সে দেখতে লাগল যেন একটি কিশোরী রূপসী নববধূ এসে ঘোমটা টেনে দাঁড়িয়েছে তার সামনে, তাকে মা বলে ডাকছে, এষর ওঘর চলতে ফিরতে তার পায়ের মল ( রাসমণির যৌবনকালে ওসবের খুব রেওয়াজ ছিল ) ঝন্ ঝন্ করে বেজে উঠছে । ভাবতে বেশ লাগে তার ।

## প্রান্তরের গান

নন্দর ফিরতে বেশ রাত হল।

হরিচরণ বাড়ী ছিল না, আখড়ায় গিয়েছে সে।

নন্দর ডাক শুনে মাধবী ছুটে এল।

দরজা খুলেই সে সুর করে বলল—

“ডালিমগাছে পক্ষী নাচে,

তাক ডুমাডুম্ বাদ্যি বাজে,

হেই দাদা তোর পায়ে পড়ি,

বৌ এনে দে খেলা করি।”

নন্দ হাসল, “মানে?”

“মানে সব আল রাইট”—

“অত চোঁচাচ্ছি কেন—আন্তে বলতে পারিস না?”

“আন্তেই বলছি বাপু, আর এত লজ্জাই বা কেন?”

“বলনা কি হলো?” আগ্রহ ধরা পড়ে যায় তার কণ্ঠস্বরে।

“কি আবার হবে? আমি বললাম দিদিকে, দিদি বলল মাকে, মা বলল বাবাকে আবার বাবা বলল গিয়ে শিবেশ্বর কাকাকে। শিবেশ্বর কাকা পরশুদিন যাবে তেতুলঝোঁরায় গৌরদাসের মেয়ে কাজললতার সঙ্গে মাধবীর দাদা নন্দলালের বিয়ের সম্বন্ধ নিয়ে কথা বলতে। তারপর রাঙা বউ ঘরে আসবে, আমরা বৌদির সঙ্গে খেলা করব। তারপর”—

“হয়েছে—ধাম্ দেখি”—নন্দর মুখ আনন্দে, লজ্জায় একটু লালচে দেখাচ্ছে, চোখে তার ঔজ্জল্য ঘনিয়ে এসেছে।

“ধাম্ কি? কি দেবে এবার বল।”

“কি আবার দেব—একটা রাঙা বৌদি এনে দেব, খেলা করবি।”

“ইস, তা বললে চলছে না।”

## ‘প্রান্তরের গান

“আচ্ছা আচ্ছা, ভেবে দেখব; এখন যা। খেতে দিবি? ক্ষিদে পেয়েছে।”

“ক্ষিদে পায় তবে? হ্যাঁ দাদা, ক্ষিদে পায়?”

“বড় ফাজিল হয়েছিস্, মুখপুড়ী—”

রাত্রে আর ঘুম আসে না। উত্তেজনায় ছটফট করে নন্দ। পরশু! পরশু কেন আবার? কালকেই কি শিবেশ্বরকাকা যেতে পারে না? যত সব—।

মাধবীরও ঘুম আসে না। দাদার বিয়ের কথা ভাবে সে। তার দাদা ভালবেসেছে কাজললতাকে। তাকে বিয়ে না করলে তার চলবে না। তাই মুখ ফুটে সে লজ্জার, বাধা অতিক্রম করে জানিয়েছে যে সে বিয়ে করবে সেই মেয়েটিকে। প্রবীর কি বলতে পারে না তারিণী অ্যাঠাকে অম্মনি করে যে সে হরিচরণ দাসের মেয়ে মাধবীকে বিয়ে করবে, মাধবীকে ছাড়া তার দিন আর চলবে না?

নন্দ সকালে উঠেই অর্জুনের বাড়ী গেল।

“কি খবর রে নন্দ?”

“এই এম্মনি এলাম একবার—”

“আজকাল তো তোর দেখাই পাওয়া ভার, কোথায় থাকিস?”

“এদিক ওদিক ঘুরি আর কি।”

## প্রান্তরের গান

“সেদিন তোদের যাত্রা ফাটো কেলাশ হয়েছিল রে”—ইঠাৎ একটু হেসে সে নিম্নকণ্ঠে বলল, “যাত্রা করতে গিয়েই বুঝি মন মজিয়েছিলি?”

নন্দ হাসল।

“বাবার কাছে শুনলাম যে পরশু দিন তেতুলঝোঁরায় যাবে তোর সম্বন্ধ ঠিক করতে।”

নিম্নজ্জের মত নন্দ বলে ফেলল, “মাকে দিয়ে একটু বলাসু, শিবেশ্বর কাকা যেন বেশ ভাল করে গৌরদাসকে বলে। রাজী করাতেই হবে বুঝলি?”

অৰ্জুন চোখ বড় করল, “সকালে উঠেই এই জন্ত এসেছিস! দূর গাধা—”

নন্দ মাথা নাড়ল, “প্রেমে পড়লে বুঝবি কি জালা রে ভাই—”

“প্রেমে পড়তে ত’ চাই—কিন্তু তোর মত ভাল বরাত নয় রে ভাই।” হুজনেই হাসল।

“আচ্ছা আচ্ছা বলবখন, কিন্তু আসল ব্যাপার খুলে বল ত’ যাহু— আরও কাহিনী আছে নিশ্চয়ই।”

“শুনবি?”

“হ্যাঁ—”

“কাউকে বলবি না দিবি্য কর।”

“বলব না।”

নন্দ সব খুলে বলল। একেবারে প্রথম থেকে।

সব শুনে অৰ্জুন বলল, “জীতা রহো বাবা—লে বিড়ি থা।”

“বাবাকে বলাবি, বুঝলি?”

“আচ্ছা, আচ্ছা। নে, চল দেখি, আমি দোকানে যাব।”

একটা ছোট্ট লোহালকড়ের দোকান আছে অৰ্জুনের। পরিবারে



## প্রান্তরের গান

লোক অনেক, অবস্থাও ওদের খুব স্বচ্ছল নয়। তবু অন্ন জমি আছে আর এই দোকান। চলে যায় কোনমতে।

“চল।”

হুজনে বেরোল।

নন্দ বাড়ীর ভিতরে গিয়ে ঢুকল। একটু আশ্বস্তবোধ করছে সে।

অর্জুন চলল আখড়ার দিকে। প্রবীরদের বাড়ীর দিকের রাস্তাটা থেকে একটা শাখা আখড়ার পিছন দিয়ে চলে গেছে সেই দিকে। সেখানে কার কাছে ছোটো টাকা পাওনা আছে ওর।

প্রবীরদের বাড়ীর রাস্তায় পড়তেই সে মাধবীকে দেখতে পেল।

“মাধু—কোথায় যাচ্ছিলসু, রে?” সে হেসে বলল।

মাধবী থমকে দাঁড়াল, একটু খতমত খেল সে। সকালবেলা উঠেই তার প্রবীরকে দেখতে ইচ্ছে করছিল। হুদিন ধরে সে প্রবীরের দেখা পায়নি। মনে হচ্ছে যেন কত যুগ দেখিনি। বই ছোটো ফেরৎ দেবার অছিলায় সে যাচ্ছিল প্রবীরকে দেখতে। কিন্তু সত্যি কথা কি সব সময় সকলকে বলা চলে?

“এই—এই যাচ্ছি একটু কমলাদের বাড়ী অর্জুনদা।” বই ছোটোকে আঁচলের নীচে লুকোলে মাধবী।

“ওঃ—”

অর্জুন তাকিয়েছিল মাধবীর মুখের দিকে। ছোটবেলা থেকেই ত’ সে মাধবীকে দেখে আসছে। বাড়ীর পাশেই বাড়ী। তাদের বাড়ীতে যায়ও সে। মেয়েদের নিয়ে সে বেশী মাথা খামায় না, তাই কারও বিষয়ে ভাববারও নেই তার যেমন নন্দ’র আছে। কিন্তু আজ হঠাৎ এক-মুহুর্তে কি যেন হয়ে গেল অর্জুনের মধ্যে। মাধবীর গায়ের রং, তার মাথার কুঞ্চিত কেশরাশি, তার হরিণের মত ছোটো নিম্পাপ চোখ, আজ মুখ

## প্রান্তরের গান

করে দিল অর্জুনকে। মুহূর্তমাত্র। তাঁরি মধ্যে অপ্রত্যাশিত একটা পরিবর্তন ঘটে গেল অর্জুন পালের। মাধবীকে সে ভালবেসে ফেলল।

“আজকাল আমাদের বাড়ীতে যাস্ না ত’ মাধু?”

“যাই ত’ প্রায়ই, সজ্জ’র সঙ্গে, খুড়ীর সঙ্গে গল্প করি গিয়ে—”

“ও—কিন্তু আমি ত’ দেখি না।”

“বাঃ রে, তুমি দেখবে কি করে, তুমি ত’দোকানেই থাক।”

“ও—হ্যাঁ, তা বটে”—অর্জুন হাসল।

আরও কথা বলতে ইচ্ছে করে অর্জুনের, আরও খানিকক্ষণ দাঁড়িয়ে মাধবীর নবাবিষ্কৃত রূপ দেখে তার নুতন, উপলব্ধিকে আরও উদ্দীপ্ত করে তুলতে ইচ্ছে করে। কিন্তু কথা খুঁজে পায় না সে। সে লাজুক, ভীক। সে নন্দ নয়। গায়ে জোর থাকলেই যদি বড় প্রেমিক হওয়া যেত তবে অর্জুন নন্দ’র চেয়েও বড় প্রেমিক হত। তা নয়। তা ছাড়া রাস্তায় দূরে লোক দেখা যাচ্ছে।

“আচ্ছা, যাও মাধু”—অনিচ্ছাসত্ত্বেও সে বিদায় নিল।

যে অর্জুন বাড়ী থেকে বেরিয়েছিল সেই অর্জুন কিন্তু আর বাড়ী ফিরবে না।

মাধবী হাঁফ ছেড়ে বাঁচল। উঃ, আর একটু হলেই বই ছোটো দেখেছিল আর কি। তাড়াতাড়ি এগিয়ে চলল সে। প্রবীর বুদ্ধি বেরিয়ে গেল।

কিন্তু না, প্রবীর বাড়ীতেই আছে। পেছন দিক দিয়ে ভিতরে যাচ্ছিল মাধবী। যেতে যেতে পাশের একটা জানালা দিয়ে প্রবীরের ঘরের ভিতর সে দৃষ্টি নিক্ষেপ করল। প্রবীর বসে কি যেন একটা কাগজ পড়ছে।

## প্রান্তরের গান

সোজামুজি প্রবীরের কাছে গেলে ভাল দেখাবে না। বাধ্য হয়ে প্রবীরের পিসীর সঙ্গে গিয়ে গল্প করতে হয় খানিকটা।

“পিসীমা, কি করছ?”

“কে, মাধবী? আয় মা, বোস”—পিসী রান্না করছিল।

মাধবী বসল না, দাঁড়িয়েই জিজ্ঞেস করল, “কি রান্না করছ পিসী?”

পিসীর নাম সিদ্ধেশ্বরী, সে বলল, “এই একটা চচ্চড়ি আর কি, দাদা হাটে গেছে, দেখি কি মাছ আনে।”

উত্তনের মুখে একটা ঘটতে জল ফুটছিল, সেদিকে নজর পড়তেই সিদ্ধেশ্বরী বলল, “একটা কাজ করবি মাধু?”

“কি কাজ পিসীমা?”

“এই গরম জলটা নার্মিয়ে দিচ্ছি—এক কাপ চা তৈরী করে নিয়ে দে ত’ প্রবীরকে, পারবি? আমার হাতটা জোড়া—”

“কি যে বল পিসীমা, এতটুকুও পারব না?”

হাতে স্বর্গ পেল সে।

চা তৈরী করে, বই ছোটো বগলে নিয়ে, পা টিপে টিপে প্রবীরের ঘরের সামনে গিয়ে সে দাঁড়াল। তাকে দেখে প্রবীর কেমন অবাক হয়ে যাবে তাই ভেবে রোমাঙ্কিত হয়ে উঠল সে।

আর তাই হল।

প্রবীর অবাক হয়ে বলল, “মাধু, তুমি! আবার চা নিয়ে?”

“হুঁ—তাতে কি, আমার ছোঁয়া খাবে না?”

“কেন?”

“তুমি যে বামুন ঠাকুর।”

প্রবীর হেসে উঠল, “বামুন আর ঠাকুরদের যুগ আর নেই মাধু; মানুষদের যুগ আরম্ভ হয়েছে এবার।”

## প্রান্তরের গান

“ওসব বড় বড় কথা বুঝি না”—মাধবী হেসে বলল।

“না বুঝলে, দেখি চা কেমন মিষ্টি হয়েছে—বাঃ, ঠিক হয়েছে।”  
চায়ে চুমুক দিয়ে প্রবীর বলল।

পুলকে মাধবীর মুখেচোখে রক্ত উছলে উঠলো।

“কোথাও বেরোচ্ছ নাকি প্রবীরদা?”

“হ্যাঁ, যাচ্ছি জমিদারবাবুর সঙ্গে একটা বোঝাপড়া করতে।”

একটু হতাশ হল মাধবী। একটু দেখেই তার আশা মিটে  
চায় না।

“কিসের বোঝাপড়া?”

“ও মজুরদের বিষয়ে।”

নিঃশব্দতা।

প্রবীরের চ-পান করা দেখে মাধবী।

“তারপরে, নন্দর কি খবর? খুব ত’ অজুনের পাট করল শুনলাম।”

মাধবী হাসল, “দাদার কি হয়েছে শুনবে?”

“কি?”

“কাউকে বলবে না?”

প্রবীর হাসল, “না, কি হয়েছে?”

“তেতুলঝোয়ার গৌরদাসের মেয়ে কজলতাকে বিয়ে করার জন্ত  
সে ক্ষেপে গেছে।”

প্রবীর উচ্চকণ্ঠে হেসে উঠল, “তাই নাকি, হতভাগার পেটে পেটে  
এত! তাই দেখি প্রায়ই বিকেলে নৌকো নিয়ে ভেসে পড়ে। ভাবি  
কোথায় যায় রোজ—তা এই ব্যাপার?”

“হ্যাঁ।”

“ভাল ভাল, তারপর কদুর এগোল?”

## প্রান্তরের গান

“শিবেশ্বর কাকা কথাবার্তা চাঁলাতে যাবে পরশু ।”

“বেশ, ভোজের জন্ত তৈরী থাকব ।”

প্রবীর উঠে দাঁড়াল, এবার আমি বাঁই মাধু—

“যাবে ?”

“ই্যা—ওঃ, বই ছোটো এনেছ ? পড়া হয়েছে ?”

“ই্যা ।”

“কেমন লাগল ?”

“ভাল ।”

“আচ্ছা পরে কথা বলব, কেমন ? এখন যাই । জমিদারবাবুদের কথাই আলাদা, কোথায় চলে যাবে কে জানে ।”

“এসো ।”

“রাগ করো না কিন্তু আমি চলে যাওয়ায়, আমার ঘরে আরও বই আছে, নেবার ইচ্ছে থাকলে নিয়ে যেও ।”

“আচ্ছা ।”

প্রবীর বেরিয়ে গেল ।

প্রবীরের ঘরের মধ্যে দাঁড়িয়ে রইল মাধবী । খানিকক্ষণ চুপচাপ দাঁড়িয়ে সে প্রবীরের জিনিষপত্রগুলো দেখে । অনেক বই । বইগুলোতে হাত বুলায় সে । জামাকাপড় । সেগুলোকে নাড়াচাড়া করে সে । শয্যা । তার উপর বসে মাধবী । সব কিছুর ভিতর থেকে সে যেন তার স্পর্শেক্রিয় দিয়ে প্রবীরের স্পর্শকে আহরণ করতে চায় । দিবাস্বপ্ন দেখে মাধবী । অলঙ্কারে বিভূষিতা হয়ে, একমাথা সিঁদুর মেখে, লাল শাড়ী পরে, ঘোমটা টেনে সে যেন সলজ্জভাবে এই ঘরটাতেই দাঁড়িয়ে আছে । ই্যা, এই ঘরটাতেই ।

## প্রান্তরের গান

পনেরো মিনিট লাগে যেতে।

জমিদারবাবুর অট্টালিকার বাইরে একজন পশ্চিমা দারোয়ান বসে ছিল। সে বল্ল যে জমিদারবাবু ভিতরে আছেন।

বাইরে দুটো বড় ঘর কাছারী-ঘর রূপে ব্যবহৃত হয়। প্রবীর সেদিকে গেল না। জমিদারবাবুর থাম্ বৈঠকখানার দিকে সে এগোল।

সেখানে চাকর বাকর কেউ নেই।

থানিকক্ষণ দাঁড়াল প্রবীর। অবশেষে পর্দা ঠেলে ভিতরে প্রবেশ করল সে।

ঘরে একটি ইজিচেয়ারে বসে একটি মেয়ে বই পড়ছিল। বছর কুড়ি একুশ বয়স হবে।

তাকে দেখেই প্রবীর বলল, “মাফু করবেন—”

সে বেরিয়ে আসছিল, কিন্তু মেয়েটি তাকে দাঁড় করাল, “শুনুন— কাকে চান আপনি?”

“জমিদারবাবুকে, তিনি আছেন?”

“বাবা? হ্যাঁ, ভেতরে আছেন, বসুন আপনি।” মেয়েটি একটু তীক্ষ্ণদৃষ্টিতে প্রবীরকে পর্যবেক্ষণ করতে লাগল।

প্রবীর মেয়েটির উপর একবার চোখ বুলিয়ে নিল। প্রজাপতির জাত। রঙীন ডানাটাই সার। সাজসজ্জায় একটু বাহুল্য, নিজেকে

## প্রান্তরের গান

জাহির করে আনন্দ পেতে চায়, গর্ব বোধ করে। জমিদারের মেয়ে তা বোঝা গেল। জমিদার-স্বলভ আভিজাত্যের অহঙ্কার বেশ সুস্পষ্টভাবে মুখের উপর লেগে আছে। লোকে বলবে যে তার চেহারা ভালই। গৌরাদ্বী বটে, কিন্তু এমন কিছু মারাত্মক গৌর নয়। চোখটা শার্পিত দৃষ্টিতে প্রখর। মুখের পাউডারের ছোপটা বেশ বোঝা যাচ্ছে। একটা রুক্ষতা লুকিয়ে আছে সর্বাক্রান্তিতে। দেহসৌষ্ঠব সম্বন্ধে সে সচেতন তাই আঁটসাঁট পোষাকের ভিতর দিয়ে যে যৌবনোচ্ছল দেহ-রেখাকে সে সুপ্রকাশ করতে চায় সেটা বোঝা যায়। প্রবীর মুখ ফিরিয়ে নিল। কিন্তু মেয়েটার মুখ যেন দেখেছে সে কোথাও। আর এর কথাও সে শুনেছে। বিন-এ পাশ করেছে নাকি মেয়েটি। মেয়েটি ছোট, তার বড় আর একটি ছেলে আছে সে নাকি কলকাতায় পড়ে।

“কিছু মনে করবেন না, আপনার নাম জানতে পারি কি?” মেয়েটি বলল।

“নিশ্চয়ই, আমার নাম প্রবীর চৌধুরী।”

“ওঃ, আপনার নাম শুনেছি। ঢাকায় কলেজ মহলে খুব নাম ছিল আপনার। আপনাকে দেখেছিও আমি। জগন্নাথ হলে রবীন্দ্র-স্মৃতি বার্ষিকী উপলক্ষে—”

প্রবীর হাসল, “আপনাকেও দেখেছি মনে হচ্ছিল।”

মেয়েটিও হাসল, মাথা হাসি, “তাছাড়া বাবার মুখেও কয়েকদিন আগে আপনার নাম শুনেছি। পাটকলের মজুরদের আপনি নাকি মুকুবি—”

“মুকুবি নই, বন্ধু।”

মেয়েটি হাসল, “আপনি একজন পাকা কম্যুনিষ্ট হয়ে উঠেছেন মনে হচ্ছে।”

## প্রান্তরের গান,

প্রবীর মূহ হাসল। উত্তর দেওয়া সে নিরর্থক মনে করল। মেয়েটিক  
এই অতিমাত্রায় সপ্রতিভভাবে আর কথার ধরণ ধারণ তাকে উৎসাহিত  
করছিল না মোটেই।

“ভোলা”—মেয়েটি ডাকল।

একজন চাকর এসে দাঁড়াল।

“বাবাকে বল্গে যে একজন বাবু এসেছেন দেখা করতে, বিশেষ  
কাজ আছে।”

চাকরটি চলে গেল।

“আজকাল ফাঁদার ষ্টাডি করছেন নাকি?” মেয়েটি প্রশ্ন করল।

“না।” সংক্ষিপ্ত উত্তর দিল প্রবীর।

“সব ছেড়ে দেশের কাজে লেগেছেন? ভাল—”

ভিতর থেকে চটির শব্দ ভেসে আসল।

“বাবা আসছেন।” মেয়েটি ঘোষণা করল।

পরক্ষণেই শশাঙ্ক রায় ভিতরে এলেন।

“কে রে শিখা?”—বলতে বলতেই তার নজর পড়ল প্রবীরের উপর।  
তিনি এগিয়ে এলেন।

মেয়েটির নাম তাহলে শিখা।

প্রবীর উঠে দাঁড়াল। “নমস্কার।”

শশাঙ্কবাবু প্রতি নমস্কার জানালেন না, একটি চেয়ারে বসে বললেন,  
“তুমিই প্রবীর চৌধুরী—তারিণী চৌধুরীর ছেলে?”

“আজ্ঞে, হ্যাঁ।”

“হু”—একদৃষ্টে তাকালেন তিনি প্রবীরের দিকে। যেন যাচাই  
করতে চান যে ছোকরা কোন শ্রেণীর কর্মী।

প্রবীরও তাকাল শশাঙ্কবাবুর দিকে। অর্থ আর আরাম, আভিজাত্য



## প্রান্তরের গান

আর অহঙ্কার যেন একসঙ্গে মিশে তাঁকে তৈরী করেছে। খ্যাতি আর ঐশ্বর্যের লালসা তার ছুচোখের জ্বলন্ত পিঙ্গল চক্ষু-তারকায় প্রখর হয়ে উঠেছে। জমিদার সহরেই বছরের মধ্যে ছ'মাসে থাকেন। এই মিলের জগতই তাকে এখানে আসতে হয়, থাকতে হয়। ষ্টেটের জগত এবং মিলের জগত দুজন সুদক্ষ ম্যানেজার আছে, তাঁর অনুপস্থিতিতে কাজ আটকায় না মোটেই। আগে দু'একবার দূর থেকে প্রবীর তাঁকে দেখেছিল, তাতে বেশী বোঝা যায়নি। আজ সে অনুভব করল যে আকাশের উদার শূণ্যতার মধ্যেও যে অনুদার, হিংস্র ও লোভ-ক্ষুধাতুর শ্রেন পাখীরা উড়ে বেড়ায় তাদের সঙ্গে কোথায় যেন একটা মিল আছে শশাঙ্কবাবুর।

“জান বাবা, প্রবীরবাবুকে আগে দেখেছি কলেজ-মহলে, খুব নাম করা ছাত্র ছিলেন উনি।”

“হুঁ—নাম তো এখানেও হয়েছে।” শশাঙ্কবাবু একটু তিক্ত হাসি হাসলেন, পরে বললেন, “চাকরী বাকরী পাওনি বুঝি?”

“পাইনি কারণ চেষ্টা করিনি?”

“কেন?”

“স্থান, কাল, পাত্র ভেদে রুচি বদলায় জানেন না?”

শশাঙ্কবাবু ক্রুদ্ধিত করলেন, “ওঃ, আমি ভাবলাম যে আজকালকার বেকারদের মত কিছু না পেয়েই বোধ হয় এই সব ছোটলোকদের নিয়ে মাতব্বরী করে বেড়াচ্ছ।”

শিখা হাসল।

প্রবীরও হাসল, “আপনার ভাবতে বাধা নেই। কিন্তু বেকার মাতব্বরদের দোর নেই, অন্ততঃ তারা পরের খেয়ে মোটা হয় না আর

## প্রান্তরের গান

আমাদের ভগবান তাদের ক্ষমা করবেন কারণ যাদের নিয়ে তারা মাতব্বরী করে বেড়ায় তারা ছোটলোক হলেও মানুষ, পশু নয়।”

শিখার মুখের হাসি আস্তে আস্তে মিলিয়ে এসেছে। একদৃষ্টে সে চেয়ে আছে প্রবীরের দিকে।

শশাঙ্কবাবু শ্লেষতিক্তকণ্ঠে বললেন, “ওঃ, তুমি কম্যুনিষ্ট মনে হচ্ছে, তারা আজকাল ঐসব কথাই বলবে বটে। যত সব ছোটলোক আর বিড়িওয়ালারা দল বেঁধে সাম্যের বুলি আওড়াচ্ছে। মহাত্মা গান্ধী টান্ধীর মত লোক কিছু করতে পারলে না, এবার এরা এসেছেন দেশোদ্ধার করতে!”

প্রবীরের মুখে রক্ত উঠে এসেছে, “যে যুগের যে ধারা। একটা বিরাট মহীকুহ একটা বীজ থেকেই হয়—বীজ থেকে অঙ্কুর, অঙ্কুর থেকে শাখাসমাকুল বৃক্ষ, পরে মহীকুহ। মাটি, জল, আলো, বাতাস এবং তার প্রত্যেকটি পরিবর্তনই তাকে ছোট অবস্থা থেকে মহীকুহে নিয়ে যেতে সহায়তা করেছে। আমাদের জাতীয় জীবনেও তাই। স্বাধীনতা লাভের যে প্রচেষ্টার অঙ্কুর অনেকদিন আগে রোপন করা হয়েছিল তাকে একটা রূপ দিয়েছেন মহাত্মাজী ও অগ্নাগ্ন নেতৃবৃন্দ। ছোটলোক আর বিড়িওয়ালাদেরও কিছু করবার আছে, তারাও চেষ্টা করছে, করবেই। মহাত্মাজীর দ্বারা শেষ পর্যন্ত কি হল তার বিচার কি এখনই করা যাবে? আর কার দ্বারা দেশোদ্ধার হবে তা কি আপনিই বলতে পারেন?”

শশাঙ্কবাবু মৃদু হাসলেন, “বেশ বক্তৃতা দিতে পারো ত তুমি?”

শিখা আবার হাসল নিঃশব্দে। হাসলে তাকে ভাল দেখায়। প্রবীরের দিকে তীক্ষ্ণ দৃষ্টি মেলে সে একহাত দিয়ে শাড়ীর আঁচলটা ঠিক করে নিল। ফিনফিনে ব্লাউজের নীচেকার কসেটটা পর্যন্ত দেখা যায়।

প্রবীর বিরক্ত বোধ করছে, কিন্তু তা দমন করে শান্তকণ্ঠে হেসেই

## প্রান্তরের গান

বলল, “বক্তৃতা দেওয়ার ইচ্ছে আমার ছিল না, কিন্তু ওসব কথা যাক, আমার কয়েকটা কথা আছে।”

“জানি।” শশাঙ্কবাবু খাড়া হয়ে বসলেন। মুহূর্তে তাঁর চেহারা বদলে গেল, মুখমণ্ডলে রেখাসমাকুল গাভীরা নেমে এল, চোখের তারায় নিষ্ঠুর একটা দীপ্তি জ্বলজ্বল করে উঠল। মাথা নেড়ে তিনি বললেন, “জানি—মজুরদের বিষয়ে ওকালতী কর্তে এসেছ তুমি।”

“ই্যা।”

“কিন্তু ফিরে গেলেই ভাল করতে তুমি। তোমার খাবাকে চিনি আমি, তার সঙ্গে হৃদয়তাও আছে আমার। আমার মজুরদের ব্যাপারে মাথা গলাতে না এসে ফিরে গেলে ভাল হোত, তোমার।”

প্রবীর হাসল, “আমার কিসে ভাল, সে আমি জানি। আর কলটা আপনার হলেও শ্রমিকেরা আপনার কেনা সম্পত্তি না বলেই ওতে আমাকে মাথা গলাতে হচ্ছে।”

শশাঙ্কবাবুর চোখে ক্রোধ পুঞ্জীভূত হয়ে উঠল, “বাজে কথা থাক।”

“সত্যি, বাজে কথা থাক—আমিও বলছি।”

শিখার চোখে বিস্ময়।

“কি চাও তুমি?”

“মজুরদের তরফ থেকে যে দরখাস্ত করা হয়েছিল, তার কি করলেন আপনি?”

“পরে জানানো হবে।”

“মজুররা সাতদিনের মধ্যে উত্তর প্রার্থনা করেছিল আপনার কাছে। সে জায়গায় একপক্ষকাল হয়ে গেল, আর অপেক্ষা করার ঐখ্য নেই তাদের। তারা আজই জবাব চায়।”

“এই হুমকী, এই জুলুম আমাকে সহিতে হবে?”

## প্রান্তরের গান

“এত’ হুমকী বা জুলুম নয়—এ দাবী। তাদের শ্রমে আপনি ধনবান, লাভবান হচ্ছেন, তারা সহজেই এ দাবী করতে পারে।”

“তবে শোন”—ড্রয়ার থেকে একটা চুরুট বের করে ধরালেন

“বলুন।”

“তাদের বাড়ীঘর ইত্যাদির সংস্কার পরে হবে কিন্তু অগাধ দাবী মানে মজুরী বাড়ান ইত্যাদি এখন হবে না।”

“তার মানে—সব ব্যাপারেই আপনার অস্বীকৃতি?”

“যদি এই মনে কর তবে তাই।”

“আপনি সহৃদয়তার সঙ্গে ভেবে দেখুন ব্যাপারটা—আমার অনুরোধ।”

“আমি যা ভেবে দেখলাম তা তোমায় বললাম এখুনি।”

প্রবীর উঠে দাঁড়াল, “তবে এই শেষকথা। ভাল। আমাকেও হৃৎকের সঙ্গে আপনাকে জানাতে হচ্ছে যে আপনার এই বিরূপ মনোভাবের উত্তরে মজুরেরা ধর্মঘট করতে বাধ্য হবে।”

শশাঙ্কবাবু হাসলেন, “টাকায় সবাইকে স্বেচ্ছা বোধ করা যায়, তা জান?”

“হয়ত যায়। যারা টাকা চায় তাদের যায়, যাদের সে লোভ নেই তাদের?”

“তারা ক’জনইবা?”

“অনেক—আপনি টাকাই চেনেন তাই তাদের চিনবেন না।”

শশাঙ্কবাবু উঠে দাঁড়ালেন, “আমার জবাব দিয়েছি—তুমি এবার আসতে পার।”

“আচ্ছা, নমস্কার—”

মুখ ফিরিয়ে নিয়ে ভিতরের দিকে চলে গেলেন শশাঙ্কবাবু। তিনি উত্তেজিত হয়েছেন বেশ বোঝা গেল।

## প্রান্তরের গান

প্রবীর পা বাড়াল।

“আপনি চললেন নাকি?” পেছন থেকে শিখা ডাকল।

“সেইটেই স্বাভাবিক।”

“সেকি! বসুন—প্লীজ। বাবার সঙ্গে আলোচনায় তিক্ততা হতে পারে কিন্তু তা আমাদের বন্ধুত্বের বিচ্ছেদ কেন ঘটাবে?”

প্রবীর হাসল নিজের মনে। গায়ে পড়ে আলাপ করার এত স্পৃহা কেন মেয়েটির?

“এক কাপ চা খেয়ে যান প্রবীরবাবু।”

“ধন্যবাদ। বসতে আমার আপত্তি নেই কিন্তু সত্যি উষ্ণ সময় নেই বলেই চললাম। নমস্কার।”

প্রবীর বেরিয়ে গেল ঘর থেকে।

শিখার ঠোঁট দুটো কেঁপে উঠল, অঁকা জুহুটো ঘন সন্নিবিষ্ট হলো। উঠে সে পর্দাটা সরিয়ে দেখল গমনরত প্রবীরকে।

রূপকথায় পড়া যায় যে আগেকালের দিনে রাজকন্ঠারা মুগ্ধ হত রাজপুত্রদের দেখে। রূপকথার দেশে রাজাদের সংখ্যাই বেশী। কিন্তু মাটির পৃথিবীতে রাজাদের সংখ্যা খুব কম, আরো কম হয়েছে আজকাল। তবু যারা আছে তাদের কদর নেই। আজকালকার রাজকন্ঠারা মুগ্ধ হয় গরীবের ছেলেদের দেখে, নিম্ন, রিক্ত, শূণ্যপকেট দরিদ্র মজুরকে দেখে, নির্ভীক দেশকন্ঠাকে দেখে। কারণ পুরুষের পৌরুষ। রূপকথার রাজপুত্রদের মধ্যে যে পৌরুষ ছিল তা আজকালকার সংখ্যায় নগণ্য মৃত্তিকার রাজপুত্রদের নেই। কারণ পৌরুষ আদর্শহীনের হয় না, চরিত্রহীনের হয় না, দুর্বলের হয় না।

জমিদার-কন্ঠা শিখার প্রবীরকে ভাল লেগেছে। প্রবীরের স্পষ্ট কথার, দৃষ্ট ভঙ্গীতে, নির্ভীক ব্যবহারে যে পৌরুষের দীপ্তি ফুটুত হচ্ছিল

## প্রান্তরের গান

প্রতি মুহূর্তে তা মুগ্ধ করেছে তাকে। বহু বিলেত-ফেরৎ আর খনীর  
তুলালদের সান্নিধ্যে গেছে সে, বহু নিবিড় সঙ্গ লাভ করেছে তাদের,  
তাদের পুরুষ মনের নানা প্রকাশকে সে দেখেছে, তারিফ করেছে। কিন্তু  
তাঁর এরকম পৌরুষ নয়। এ একেবারে একটা নূতন অভিজ্ঞতা।  
রোমাঞ্চকর।

সন্ধ্যাবেলায় সবাই ইউনিয়নে এলো।

হারিকেনের কাঁচটা ময়লা ও ভাঙ্গা। একটা পোর্টকার্ড এঁটে ভাঙ্গা  
দিকটা ঢেকে দেওয়া হয়েছে। তার ম্লান আলোতে দেখা যায় যে  
ঘরের দাওয়ায় ও উঠানে সব মিলে প্রায় দেড়শ লোক বসে আছে।

প্রবীর বলল, “সব কথা ত শুনলে ভাই সব—এবার?”

আবদুল গম্ভীরভাবে বলল, “এবার ধর্মঘট—এ ছাড়া উপায়  
নেই।”

বতীন, রাম সিং, অবিনাশ আর তাহের সাথ দিল।

প্রবীর আতাউল্লাহকে জিজ্ঞেস করল, “তোমার কি মত?”

আতাউল্লাহ হাসল, “আমার আবার মত কি বাবু, পাঁচজনের ভালর  
জগত যা ঠিক হয়েছে আমারও তাই মত।”

“খুশী হলাম ভাই—তোমার লীগ এতে বাধা দেবে না ত’?”

## প্রান্তরের গান

“লীগের এতে স্বার্থটা কি?”

প্রবীর মাথা নাড়ল, “তা বটে, তাহলে শোন ভাই সব—এবার তবে ধর্মঘট শুরু হবে। কেমন, রাজী?”

একসঙ্গে বেশীরভাগ লোকই সম্মতি জানাল।

চুপ করে রইল গণি মিঞার দল। তাদের মধ্যে ভোলা আছে, যহু আছে, শম্শের আছে, তাছাড়া আরও জনকুড়ি লোক। গণি মিঞার এই নৈশংক পূর্বেই অনুমান করা হয়েছিল। প্রবীর জানত যে শশাঙ্কবাবু টাকা দিয়ে যাদের সুবোধ করে রেখেছেন—তাদের মধ্যে গণি মিঞাই প্রধান।

“তুমি যে চুপ করে রইলে গণি ভাই?”—প্রবীর প্রশ্ন করল।

গণি মিঞা মাথা নাড়ল “হ্যাঁ, চেষ্টায়ে কি লাভ তাই ভাবছি।”

“কেন?”

আবহুলের চোখ হুটে জলে উঠল।

“ধর্মঘট করলেই কি দাবী মিটবে মনে করেন?”

“নিশ্চয়ই।”

“আমার মনে হয় না।”

“তোমার ধারণা ভুল—তোমরা যদি ঠিক থাক তবে তোমাদের দাবী মিটবেই।”

“কিন্তু ধর্মঘট এখনই আরম্ভ করার দরকারটা কি? আর কিছুদিন দেখা যাক না—মালিকবাবু তো বলছেন ভেবে দেখবেন।”

প্রবীর হাসল, “তুমি মিথ্যে আশা করছ গণি ভাই—যার ইচ্ছে থাকে সে সঙ্গে সঙ্গেই একটা ব্যবস্থা করে দেখায়। প্রায় পনের দিন যাবৎ আমরা তাঁকে জানিয়েছি—তার আগেও তোমরা জানিয়েছ—কোথায়, কি ফলটা হয়েছে?”

## প্রান্তরের গান

গণি মিঞা তবু মাথা নাড়ল, “না বাবু, আমার মনে হয় তিনি একটা কিছু ঠিক করবেন।”

“আচ্ছা গণি ভাই?”

“জী -”

“আসল খাটুনি কার?”

“আমাদের”

“বেশ। আর আমাদের শ্রমের ফলেই মালিকের ধনবৃদ্ধি হচ্ছে, নয় কি?”

“হ্যাঁ”

“তবে আমরা অত ভয়ে ভয়ে, মুখাপেক্ষী হয়ে থাকব কেন?”

গণি মিঞা চুপ করে রইল। স্পষ্ট বোঝা যাচ্ছে সে ভাবছে। যে টাক; শশাঙ্কবাবু তাকে ও তার লোকদের দিয়েছে তার প্রতিদানে তাঁকে কি উপকার করা যায় সেই কথা।

“বল”—প্রবীর জিজ্ঞেস করল।

অগ্রাগ্র শ্রমিকদের মধ্যে ইতিমধ্যেই অস্ফুট গুঞ্জনধ্বনি আরম্ভ হয়েছে। উত্তেজিত আলোচনা।

গণি মিঞা মাথা নাড়লো, “না বাবু, আমি রাজী নই—আমি হয়ত ধর্মঘটে যোগ দেব না এবার।”

“ওঃ—তোমার সঙ্গে আর কজন আছে?”

“তাঁ কি বল। যায়—সে পরে বুঝতে পারবেন।” গণি মিঞা হাসল।

অগ্রাগ্র সকলের চাপা আলোচনা এবার বেশ পরিস্কার ভাবে কাণে আসছে।

যতীন একটু রগচটা লোক, সে ক্ষুব্ধকণ্ঠে বলল, “আপনি ওসব কথা



## প্রান্তরের গান

ছাড়ুন প্রবীরবাবু। ভালমাহুষ হলে না ভাল কথা। শুনবে—যত সব  
বেইমান ঘুষখোর—”

গণি মিঞা লাফ দিয়ে উঠল—“খবরদার শালা—জবান টেনে ছিঁড়ে  
ফেলব কিন্তু।”

তার সঙ্গীরাও লাফিয়ে দাঁড়িয়েছে।

প্রবীর উঠে দাঁড়াল, “ছিঃ—থাম, থাম গণি ভাই।”

যতীনও রুখে এসেছিলো, রাগে তার বিশাল দেহটা ফুলে ফুলে  
উঠছিল। আবহুল তাকে চেপে ধরে বসিয়ে দিল।

“এরকম কথা কেন বলবে তবে?”—গণি মিঞা প্রশ্ন করল।

“সত্যি অগ্রায় কথা, যাক্—এসব ব্যাপারে ও হয়েই থাকে।”

কিন্তু ব্যাপারটা থামল না।

অগ্রায় লোকেরা এবার চৈচিয়ে উঠল।

“শালা বেইমান—”

“শালা টাক। খেয়েছে—”

“হারামী কোপাকার—”

“বেইমানটাকে বের করে দাও—”

প্রবীর একটু শঙ্কিত হয়ে উঠল। এরা দাঙ্গা হাঙ্গামা করে  
ধর্মঘটটাকে পণ্ড না করে।

“থাম—তোমরা ভাই নিজেদের লোকের সঙ্গে এমন ভাবে ঝগড়া  
করো না।”

তবু কেউ থামল না।

গণি মিঞা দলবল নিয়ে উঠে দাঁড়াল। উত্তেজনা, ক্রোধে তার  
চোখ দুটো জ্বলছে বাঘের চোখের মত। কটুবাক্য-বর্ষণকারী ক্রুদ্ধ  
সহকর্মীদের উপর বারকয়েক সে চোখ বুলিয়ে নিল পরে পা বাড়াল।

## প্রান্তরের গাভ

“গণি ভাই চললে নাকি ?”—প্রবীর এগিয়ে গেল।

“হ্যাঁ বাবু।”

“তাহলে তুমি সত্যি সত্যি আমাদের সঙ্গে নেই ?”

“না বাবু, সঙ্গে আছি কিন্তু এই ধর্মঘটে আমার মত নেই।”

“ভেবে দেখো গণি ভাই”—আবদুল বলল।

“ভেবেছি।”

“কিন্তু এই কজন লোক কাজ করলে কি লাভ হবে ?”—প্রবীর প্রশ্ন করল।

“হয়ত আরও লোক বাড়বে—যারা মুখে বলছে তারাও হয়ত পরে আসবে কাজ করতে। পেট বড় কঠিন ব্যাশার বাবুসায়ের।”

প্রবীর হাসল, “হয়ত তাই। কিন্তু এই কি তোমার শেষ কথা ?”

“হ্যাঁ।”

“আচ্ছা—এসো”

গণি মিঞা দলবল নিয়ে চলে গেল।

পেছনে কোলাহল উঠল।

“আচ্ছা দেখে নেব—”

“বেইমান—বাটপাড় কোথাকার।”

“শালাদের ঠ্যাং খোঁড়া করব কাজে গেলো—”

“ধাম”—প্রবীর বাধা দিল, “এমনভাবে চোঁচামেচি আর গালিগালাজ করলে লোকে তোমাদের গুণ্ডা ছাড়া আর কিছু বলবে না ভাই, ধাম।”

কোলাহল একটু ধামল।

“এবার বল কি করবে তোমরা ? তোমরাও কি কাজে যাবে ?”

সকলের সম্মিলিত উত্তর এল, “না।”

“এর জগৎ যদি অনাহারেও থাকতে হয়, তোমরা রাজী ?”

## প্রান্তরের গান

“হ্যাঁ।”

“টাকার লোভে বা হুমকীতে বিপথে যাবে না?”

“না।”

“তাহলে ধর্মঘটই হবে।”

“আজ্ঞে হ্যাঁ।

“বেশ। কালবাদে পরশু থেকে ধর্মঘট আরম্ভ হবে। কালকে কাজে যেরো। চূপচাপ কাজ করো। আর কাউকে কিছু বলোনা।”

মিটিং ভাঙ্গল। সবাই একে একে উঠে গেল।

রইল প্রবীর, আবদুল, তাহের, যতীন আর অবিনাশ।

অনেকক্ষণ বসে বসে গুরা ধর্মঘটের, বিষয়ে ও তৎসংলগ্ন ভবিষ্যৎ প্রতিবন্ধক সমূহকে অতিক্রম করার বিষয়ে আর ইউনিয়নের তহবিলে কত টাকা আছে সে বিষয়ে আলোচনা করল।

বেশ খানিকক্ষণ কাটল।

এদিকে শ্রমিকেরা যে যার বাড়ী ফিরেছে। দূর থেকে ছল্লোড়ের শব্দ ভেসে আসছে। পাশেই একটা কুড়েতে একটা ভাঙ্গা হারমোনিয়মের বেলো প্রাণপণে টিপতে টিপতে আমির শেখ ভাঙ্গা গলায় গজল গান ধরেছে—“দে-খা দিয়ে, কো-খা গেলে-এ—”। দূরের ঝিল্লীমুখর ঝোপঝাড় থেকে থেকে শেয়ালেরা ডাকছে। চাঁদ এখনও ওঠেনি, নক্ষত্রের আলোয় আবছা আলোকিত আকাশের স্তব্ধতাকে ভেঙ্গে মাঝে মাঝে মাতাল শ্রমিকদের মত্ত কোলাহলের রেশ ভেসে বেড়ায়।

অনেক রাতে প্রবীর বাড়ী ফিরল।

টেবিলের উপর একটা কাগজ কে যেন পাথর চাপা দিয়ে রেখে গেছে। প্রবীর তা তুলে নিল।

## শ্রীমদ্ভগবদ্গীতা

লিখেছে মাধবী ।

লিখেছে—শ্রীমদ্ভগবদ্গীতা, প্রবীরদাস (‘প্রি’ কথাটা ভুলে লিখে কেটে দিয়েছে), রবী ঠাকুরের একটা বই লইয়া গেলাম । ইতি সেবিকা—মাধবী ।

প্রবীর হাসল চিঠি পড়ে । মাধবীর হাতের লেখা খুব কাঁচা, আঁকাবাঁকা, লেখার অভ্যাস যে নেই তা বেশ ধরা পড়ে ।

কিন্তু চিঠি লেখার কি দরকার ছিল ? আর প্রবীর লিখতে গিয়ে ‘প্রি’ লেখাটাই কি স্বাভাবিক ভুল ? কে জানে মাধবীর মনে কি ছিল ।

অবশ্য প্রবীর এসব কথা ভাবে না । অত সময় নেই । তার এখন অনেক কাজ ।

পরদিন সকালবেলাতেই শিবেশ্বর তেতুলঝোরায় গেল ।

হুপুরের সময় সে আবার ফিরে এল । গৌরদাস অবশ্য ভক্ততা করে তাকে হুপুরে থাকতে ও খেতে বলেছিল, কিন্তু শিবেশ্বর থাকেনি । কারণ কথাবার্তায় কোন ফল হয়নি ।

গৌরদাস তার মেয়ের জন্য আরও অবস্থাপন্ন ঘরের স্বপ্ন দেখে । অবস্থায় না কুলালেও সে যে সে জায়গায় তার মেয়ের বিয়ে দেবে না । মেয়ের রূপের জন্য সে রীতিমত গর্কবোধ করে ।

## প্রান্তরের গান

শিবের মাথা নেড়ে বলল, “বুঝলে হরি, গৌরদাসের অহঙ্কার শোভা পায়, সত্যি তার মেয়ের রূপের তুলনা নেই, যেন সাক্ষাৎ অন্নপূর্ণা।”

হরিচরণ গম্ভীরমুখে বলল, “হু”—

আড়ালে সবাই ছিল। তারা দেখল যে গম্ভীর ও অহঙ্কার মুখ নিয়ে নন্দ জামাটা গায়ে দিয়ে ঘর থেকে বেরিয়ে গেল। এত রুদ্ধরে কোথাও যাচ্ছে সে তা জিজ্ঞেস করার ভরসা আজ কেউ পেল না।

সুন্দরী বিলের অজস্র রক্তপদ্মের শোভা আজ ম্লান হয়ে গেছে।

ধরধর করে কাঁপছে কাজললতা নন্দর বুকে মাথা রেখে। চোখ ছলছল করছে, বুকটা দীর্ঘনিঃশ্বাসে ফুলে ফুলে উঠছে, দেহ শিথিল, অবশ হয়ে পড়েছে।

নন্দ পাথরের মত বসে আছে।

“কথা বলছনা যে?”—কাজললতা জিজ্ঞেস করল।

নন্দ উত্তর দেয় না।

“কথা বল”—নন্দর চিন্তাকুল মুখ, তার নৈঃশব্দ তাকে ভীত করে তোলে।

“কি বলব?”

“কি হবে এবার?”

## প্রান্তরের গাম

২৬- ১১- ৪০

“ভাইত ভাবছি।”

“বাবা নাহয় না করল, আমি ত’ করিনি”—

“হু”—

“আমায় তুমি নিয়ে চল”—

“এ্যা ! যাবে ? সত্যি যাবে ?” নন্দ হঠাৎ যেন আশা ফিরে পায়।

“যাব।”

“কিন্তু লুকিয়ে লুকিয়ে কি এসব হয়—পাশের গাঁয়ে বাড়ী। তোমার বাপ রাজী নয়, আমার বাপ যদি মত না দেয় এবার ?”

আবার অঙ্ককার দেখে নন্দ।

কাজললতা বোধ হয় এবার কেঁদে ফেলবে আরও নিবিড়ভাবে নন্দকে আঁকড়ে ধরে সে প্রশ্ন করল, “তবে কি হবে—বলনা, কি হবে ?”

নন্দ তার মুখের দিকে তাকাল, দুহাতে তার মুখটা তুলে ধরল নিজের দিকে। অপরাহ্নের সোনালী আলোর স্পর্শে, বসন্ত শেষের উত্তাপে তার মুখটা লালচে হয়ে উঠেছে। স্তম্ভরী বিলের রক্তপদ্মগুলো এর পাশে নিম্ভ্রম মনে হয়।

সে বলল, “ভয় পেয়ো না কাজললতা, তোমায় আমি নিয়ে যাবই—আজ না হোক, কাল পরন্তু একদিন না একদিন তোমায় আমি নিয়ে যাবই। একটা কিছু ঠিক হবেই, হতেই হবে, তা নইলে আমার চলবে না। তোমায় ছাড়া আমি ত’ বাঁচব না কাজললতা—”

“হাওয়া নেই। ঝুঁশের ডগাগুলো পর্য্যন্ত নিখর নিস্তক। হু’একটা বক সতর্ক পদক্ষেপে মাছ খুঁজে বেড়াচ্ছে বিলের আনাচে কানাচে, কলমীশাকের দামে। কতকগুলো শালিক আর ছাতারে পাখী কিচমিচ করছে বন অপরাজিতা আর আকন্দ গাছগুলোর আশে পাশে। অপরাহ্নের সোনালী আলোমাখানো নির্জনতার পাদপীঠে বসে, কোণায় কোন

## প্রান্তরের গান

পাতার আড়ালে, অশ্রান্তভাবে একটা ঘুঘু ডাকছে ঘু—ঘু—ঘু। ওদিকে কয়লার গাঢ় ধোয়ার মত একখণ্ড মেঘ পূর্ব দিগন্তের বন রেখার উপর দিয়ে মাথা চাড়া দিয়ে উঠছে বোধ হয় ঝড় উঠবে।

বিকেলের দিকে বেরোল প্রবীর। ইউনিয়নে যেতে হবে—অবশ্য সময় আছে, মিল থেকে সবাই ফেরেনি এখনও। তবু বাড়ীতে ভাল লাগছে না। নন্দর ওখানে হয়ে একটু স্নেহের সঙ্গে দেখা করার ইচ্ছে হল। স্নেহের তার বন্ধু, কংগ্রেস কর্মী। বার তিনেক জেল খেটেছে এ পর্যন্ত। তার চেয়ে এক আধবছরের বড় হবে। সে গান্ধীবাদে বিশ্বাসী, চিন্তায় ও কর্মে সেই বিশ্বাসকে রূপ দেয় সে।

নন্দদের বাড়ীর দাওয়ায় হরিচরণ আর, শিবেশ্বর হুঁকে টানছিল। হরিচরণ বড় ভাবনায় পড়েছে। 'দুপুর বেলায় নন্দ যখন ঘর থেকে বাঁ বাঁ রোদ্দুরের মধ্যে মুখ অন্ধকার করে বেরিয়ে গেল তখন তার বড় দুঃখ হয়েছিল। অগ্ন্যস্ত্র সংকীর্ণমনা বা কুসংস্কারাচ্ছন্ন প্রবীরদের মত সে নয়, যৌবনের নিয়ম ও প্রেমকে সে অমর্যাদা করে না। কিন্তু কি করবে সে? মেয়ের বাপ যদি মেয়ের বিয়ে না দেয়, কি আর করা যেতে পারে সেক্ষেত্রে? শিবেশ্বরও তাই বলছিলেন। উপায় নেই, নন্দ ওসব মোহ ত্যাগ করুক, ফুটফুটে দেখে আর কোনও মেয়েকে হরিচরণ নিয়ে আসুক তার বোমা করে।

“এসো—এসো বাবা”—হরিচরণ আহ্বান করল।

প্রবীর গিয়ে একটা জলচৌকিতে বসল।

“কেমন আছেন আপনারা?”—

“চলে যাচ্ছে বাবা কোন ক্ষেত্রে”—শিবেশ্বর হেসে বলল।

হরিচরণ মাথা নাড়ল, “আমি কিন্তু বড় অশান্তিতে আছি বাবা—”

“কেন?”

## প্রান্তরের গান

“নন্দর বিয়ে নিয়ে ;”

“ওঃ ঠিক ঠিক। কি হল শিবেশ্বর খুড়ো, আজকে গিয়েছিলেন না তেতুলঝোঁরায় ?”

“তুমি জান নাকি তাহলে সব ?” হরিচরণ প্রশ্ন করল।

“হ্যাঁ—গুনেছি সব কথা।”

“কিছুই হলো না বাবা, সেই ত’ দুঃখ। এদিকে নন্দ ত’ একেবারে মুষড়ে পড়েছে। আজকাল ছেলেদের ব্যাপারই আলাদা, আর আমাদের সময়ে এসব ব্যাপারে আশাভঙ্গ হয়েছে তো আর একটা বিয়ে হলে রোগ সেরে গেছে।”

“কি ব্যাপারটা বলুন ত’ ?”

শিবেশ্বর সব খুলে বলল।

“নন্দ কোথায় খুড়ো ?”

“কি জানি”—হরিচরণ হাঁকো থেকে মুখ তুলল, “ছেলে মুষড়ে পড়েছে—কিন্তু কি করা যায় বল দেখি বাবা ?”

“তাইত—”

প্রবীরের একটু দুঃখ হল নন্দর জন্ত। বেচারী। এত কষ্ট করে একটি রূপসীর চিত্তজয় করেও শেষরক্ষা হচ্ছে না! সেই সনাতন সমাজ আর ভীকৃতাকে এড়াতে পারছে না। কি করে এদের মিলন ঘটানো যায়? কনের বাপ গররাজী, বরের বাপ অসহায়, পাত্রপাত্রীর সব বাধাকে জয় করার সাহস নেই।

সত্যি ভাবতে লাগল প্রবীর। খানিকক্ষণের জন্ত স্বাধীনতা আর ধর্মঘটের চিন্তার মোড় ফিরাল সে।

ঠঠাৎ সে বলল, “আপনারা বিয়ের তারিখ ঠিক করে ফেলুন হরিচরণ খুড়ো—”



## প্রান্তরেরগান

“এ্যা?—”

“ই্যা, যত তাড়াতাড়ি হয়—”

“তারিখ ত’ ঠিক করেই ছিলাম—ওরা বৈশাখ—কিন্তু তুমি বলছ কি? তুমি কি এ বিয়ে ঠিক করতে পারবে?”

প্রবীর হাসল, “সে যা হয় একটা কিছু যে নিশ্চয়ই করব সে বিষয়ে আপনার নিশ্চিত থাকুন। তবে ঐ ওরা তারিখেই যেন ঠিক থাকে সব। আর একটা কথা, এ খবর যেন আপনারা ছাড়া আর কেউ না জানতে পায়।”

হরিচরণ ও শিবেশ্বর মাথা নাড়ল, “বেশত বাবা, বেশত। আমরা নিশ্চিত হলাম বাবা।”

“আর নন্দ এলে আমার কাছে পাঠিয়ে দেবেন রাতে—”

“আচ্ছা।”

প্রবীর উঠে দাঁড়াল। সামনের দরজার দিকে তার নজর গেল। দরজার পাশে কখন এসে যে মাধবী দাঁড়িয়েছে তা সে টের পায়নি। দেখল যে মাধবী একদৃষ্টে তার দিকে তাকিয়ে আছে। সেই দৃষ্টির কোমলতা, স্নিগ্ধতা প্রবীর নিজের সর্কাজে যেন অমুভব করে। সে হাসল।

“এখনই যাচ্ছ নাকি প্রবীর দাঁ—বোস।”

“না ভাই বড় জরুরী কাজ, যেতেই হবে—পরে আসবখন।

সে দাওয়া থেকে নামল।

মাধবীর একটু অভিমান হল। সে ক্ষুণ্ণপদে ভিতরে চলে গেল। সে আর দেখবে না প্রবীরের দিকে তাকিয়ে। না।

কিন্তু এ অভিমান কতক্ষণ?

## প্রান্তরের গান

সুভ্রতর সঙ্গে অনেক আলোচনা আছে প্রবীরের। কংগ্রেসের মধ্যে ভাঙন ধরেছে যেন। বামপন্থী ও দক্ষিণপন্থীদের ঝগড়া। সুভাষচন্দ্রের সভাপতি পদে ইস্তফা ও ফরোয়ার্ড ব্লক দল তৈরী করায় অবস্থা ক্রমেই জটিল হয়ে উঠছে। বাঙালী যুবকেরা অনেকেই সুভাষের অনুরাগী—এ গ্রামেও তাদের মধ্যে উত্তেজনা দেখা যাচ্ছে। কম্যুনিষ্ট পার্টি কি করবে এক্ষেত্রে? জাতীয় ঐক্য বজায় রেখে আপোষহীন সংগ্রামকে তাদের ব্যাপক করতে হবে। এসব দলাদলিতে কি যাবে তারা? সুভ্রত গান্ধীবাদী, তার কি মত? সুভাষচন্দ্রের দোষ যাই থাক বামপন্থীদের স্বাসরোধ করার যে একটা প্রচেষ্টা চলছে কংগ্রেসের ভিতর থেকে তাতে সন্দেহ নেই। কিন্তু সে যাই হোক একদলের অবিচার সহ্য করেও তাদের এখন চুপ করে কাজ করে যেতেই হবে। কোন্ পথ দরকার তা লোকেরাই একদিন বেছে নেবে। নিশ্চয়ই নেবে।

সুভ্রতর বাড়ীর দিকে এগোতেই নন্দ আর অর্জুনের সঙ্গে দেখা হলো। বেলপাড়ে এসেছে সোনালী আলোতে লালচে আমেজ ধরেছে—একটু বাদেই সন্ধ্যা হবে।

“কোথায় যাচ্ছিস নন্দ?”—প্রবীর মুখ টিপে হাসল।

“এই—বাড়ী”—উদাস কণ্ঠে, শ্লানমুখে নন্দ উত্তর দিল।

“আমিও গিয়েছিলাম তোদের বাড়ী—সব শুনলাম।”

## প্রবীরের গান

“কি গুলি ?”

“কি আবার—জানিস তো সবই।”

“হু—”

“তোর সঙ্গে বিশেষ কথা আছে—”

“কি এমন কথা ?”

“অমন বৈরাগীর মত ভাব দেখাচ্ছিস কেন ? শোন এদিকে—”

অর্জুন হাসল।

প্রবীর নন্দকে একটু আড়ালে নিয়ে গেল।

অনেকক্ষণ ধরে কি সব কথা বলল প্রবীর। নন্দর মুখের কালো ছায়া ক্রমে দূর হতে লাগল যেই সব কথা শুনে। অর্জুনকেও কাছে ডাকা হল। তিনজনে মিলে অক্ষুটকণ্ঠে কি যেন ঠিকঠাক করল তারা।

“এবার যা তবে—আর হাহতাশ করে দীর্ঘনিঃশ্বাস ফেলিস না বাপু, বুঝলি—”

প্রবীর হো হো করে হেসে উঠল।

“তাহলে এই ঠিক রইল, কি বল অর্জুন ?”

“হ্যাঁ—”

“আচ্ছা—তোমরা এসো। আমি ইউনিয়নেই যাচ্ছি—স্বতন্ত্র কাছে আজ আর যাওয়া হবে না, দেবী হয়ে গেছে।”

প্রবীর চলে গেল।

নন্দ ভাবতে ভাবতে চলছে।

“কিরে ভয় পেলি নাকি ?”—অর্জুন হেসে জিজ্ঞেস করল।

“ভয় ! কিসে ?”

“প্রবীরের কথায় ?”

## প্রান্তরের গান

“না—ভয় কি—প্রবীরের উপর আমার বিশ্বাস আছে।”

সব প্রস্তুত। সব আগুন-লাগানো বাক্সদের মত তৈরী। বিস্ফোরণ হবে। ধন্দ্বঘট।

প্রবীর মনে মনে খুসী, উৎফুল্ল। গণি-মিঞার দল বাড়তে পারেনি। রক্তমুদ্রার প্রলোভনকে ঘৃণার সঙ্গে প্রত্যাখান করেছে অন্যান্য শ্রমিকেরা। কিন্তু কাল একটা দাঙ্গা না হয়। গণি-মিঞার উপরে বেশীরভাগ লোকই চটে রয়েছে। সেটা হলে কিন্তু বিপদ বাড়বে। পুলিশ প্রভুদের হস্তক্ষেপ প্রবীর পছন্দ করে না। ওতে কাজ পণ্ড হবে। দাঙ্গা না হওয়ার জন্ত তাকে সতর্ক থাকতে হবে।

আজ ষষ্ঠী তিথি। একফালি চাঁদ বুঝি পূবদিকে উঠেছে। দেখা যায় না কিন্তু হঠাৎ আলোর স্পর্শে বিক্ষুব্ধ অন্ধকারকে দেখে তার অস্তিত্ব অনুভব করা যায়।

বড় বড় পা ফেলে প্রবীর বাড়ী ফিরেছে। ক্ষিদে পেয়েছে খুব। নন্দর কথা মনে পড়ল। হাসি ফুটে উঠল প্রবীরের মুখে। যা ঠিক হয়েছে তা বেশ রোমাঞ্চকর। উপন্যাসের কাহিনীর মত। কিন্তু এছাড়া উপায় নেই। প্রেম করতে গেলে দুঃসাহস থাকা চাই। কিন্তু এই প্রেমই কি জীবনের সব? আজকালকার যৌবনে কি ঐটিই সবচেয়ে বড় কথা? না। অনেক সমস্যা। অনেক কাজ করতে হবে। সে যেন

## প্রান্তরের গান

প্রেমে না পড়ে। বন্ধনের মধ্যে, দাসত্বের মধ্যে, অসাম্যের মধ্যে ওই জৈব বিলাসে সুখ কোথায়, শান্তি কোথায়? কোথায় যেন একটা পীড়া। একটা দুঃসহ বেদনা নিরন্তর খচ্ খচ্ করে বুকের মধ্যে। না, প্রবীরের ওতে রুচি নেই।

“প্রবীরদা”—

“কে? মাধু—কি ব্যাপার?”

দাওয়ার নীচে দাঁড়িয়ে মাধবী তাকে ডাকছে।

“দাদার মুখ দেখে খুসী মনে হচ্ছে—কি ঠিক করেছ তুমি তার বিয়ের সম্বন্ধে?”

“ওরে বাপু—সে বলবার নয়, বিয়ে হবার সময়ে জানবে।”

“বলবে না?”—মাধবীর ঠোঁট ফুলে উঠেছে।

“না।” প্রবীর হাসল।

“না বললে।” মাধবী ছুটে দাওয়ায় উঠল। মাধবী রাগ করেছে।  
এতটুকু বিশ্বাস তাকে প্রবীর করতে পারে না!

“মাধু—মাধু—শোন, আমার দিবি”—

মাধবী দাঁড়াল।

“শোন—বলছি”—

“কি?”

“ঠিক হয়েছে যে বিয়ের রাতে কাজলতাকে চুরি করে নিয়ে আসব আমরা।”

“এঁ্যা!”

“ই্যা।”

মাধবী আবার এগিয়ে এল কাছে। চোখে তার ত্রাস।

“চুরি করে!”

## আন্তরের গান

“তাতে ভয় কি—কাজললতা ত’ কচি মেয়ে’ নয় আর সে রাজীও আসতে—”

“যদি তার বাপ-মা পুলিশে খবর দেয়, যদি দাঙ্গা হাঙ্গামা হয়?”

“হলেই বা—বেআইনী কিছু ত’ হবে না—মন্ত্রপড়ে, রীতিমতো আগুন জালিয়ে বিয়ে হবে।”

মাধবী মুহূ হাসল, তবুও সে যেন আশ্বস্ত হতে পারছেন না।

“তুমি—তুমিও যাবে নাকি কাজললতাকে নিয়ে আসার সময়?”

“দরকার হলে যেতেও পারি।”

“না”—হঠাৎ মাধবী যেন উত্তেজিত হয়ে পড়ল, “না, তুমি যেয়ো না।”

“কেন?” প্রবীর একটু অবাক হল।\*

মাধবী আবার নিজেকে সামলে নিল, “মানে—বেশী ভীড় করে গেলে লোক জানাজানি হতে পারে ত।”

“তা বটে—তবে আমায় যেতেও হবে না বোধ হয়।”

মিনতির স্বরে মাধবী বলল—“সত্যি তুমি যেও না প্রবীরদা, তুমি গেলে এদিকের ভার কে নেবে?”

“আচ্ছা—আচ্ছা, সে হবেখন, এবার যাই—কিঁদে পেয়েছে।”

মাধবী হাসল। চাঁদের আলো এবার স্পষ্ট হয়ে রূপ নিচ্ছে, তার স্পর্শ লেগেছে মাধবীর মুখে চোখে, তার এলো খোঁপায়।

“খেয়ে যাও না প্রবীরদা, তুমি বলছিলেন না খাবে?”

“বললেই বা কি, ও রকম হঠাৎ খেলে ভাল ভাল জিনিষ বাদ পড়বে যে।”

“সত্যি খাও না চাটি—এস—”

“না ভাই—আর একদিন খাব। এবার যাই, কেমন?”

মাধবী কিছু বলল না। প্রবীরকে সে যেতে বলবে কেমন করে ?  
হঁ। না সে কিছুই বলল না, চুপ করে দাঁড়িয়ে রইল শুধু।

“বাইরে এভাবে দাঁড়িয়ে থাকলে লোকে পাগল বলবে মাধু, ভেতরে  
যাও।”

“বলুকগে যার যা খুসী”—

প্রবীর হেসে চলে গেল।

বলুকগে যার যা খুসী। ভয় করে না মাধবী। ভয়ে ভয়ে ভালবাসা  
যায় না। মাধবী তা জানে।

আচ্ছা। প্রবীর কি মাধবীকে কোথাও নিয়ে যেতে পারে না ?  
নন্দর মত ? হায়, সে আর বলে কি হবে। একবার শুধু হাত বাড়াক  
না প্রবীর। কিন্তু তা হবার নয়, হবার নয়। প্রবীর, মানুষ নয় যে।  
কেন যে মাধবী তাকে কার্জলতাকে নিয়ে আসতে যেতে নিষেধ  
করল সে কি প্রবীর বুঝতে পারল ? মোটেই না। প্রবীরের  
অখ্যাতি হওয়ার চেয়ে, তার বিপদের চেয়ে নন্দর বিয়ে না হওয়াই  
ভাল। দাদার বিয়ে না হলেও মাধবীর সহ্য হবে কিন্তু প্রবীরের গায়ে  
যেন আচড়টুকুও না লাগে। কিন্তু প্রবীর বুঝবে না এ সব কথা।  
প্রবীর পাথর।

## আবদুলের দান

দশমঘট আরম্ভ হলো।

বেলা ন'টা নাগাদ বস্তীতে গিয়ে হাজির হল প্রবীর। প্রায় সবাই আছে।

আবদুল বলল, “গণি মিঞা কিন্তু গেছে তার লোকজন নিয়ে”—

“ক’জন গেল সবশুদ্ধ?”

“গোটা বাইশজন।”

“হু—আচ্ছা, কয়েকজন মিলে চল একবার ছপুরে যাব, আর একবার চেষ্টা করে দেখা যাক, যদি গণিমিঞার মতি বদলায়।”

আবদুল হাসল, “মানুষ চিনলেন না বাবু?”

“চিনেছি—তাই ত’ ভরসা হয় যে ও বদলে তোমাদের মত হতেও পারে।”

আবদুল চুপ করে রইল। অবশ্য কথাটায় তার মত যে বদলাল না তা বোঝা গেল।

ছপুরে গিয়ে সব হাজির হলো মিলের সামনে। জন দশেক। প্রবীর, আবদুল, যতীন, তাহের, অবিনাশ, আরও কয়েকজন। সবাই হাসতে চেয়েছিল কিন্তু প্রবীর আসতে দেয়নি তাদের।

ছপুরের বাঁশী বাজল।

গণি মিঞা ও তার সঙ্গীরা বেরিয়ে এল।

প্রবীরদের দেখে গণি মিঞার মুখে অন্ধকার ঘনিয়ে এল। আচম্কা হুত দেখার মত ভাব খানিকটা ফুটে উঠল তার মুখে, মুহূর্তকাল দাঁড়িয়ে থেকে সে ফিরে যাচ্ছিল আবার মিলের মধ্যে।

প্রবীর ডাকল, “গণি ভাই—শোন—”

গণি মিঞা দাঁড়াল, “কি বলছেন?”

তার হু’ তিনজন সঙ্গী ভিতরে চলে গেল, প্রবীর তা দেখতে পেল।



## প্রান্তরের গান

“শোন, আমি যা বলি তা মন দিয়ে শোনো ভাই—”

“বলুন”—গণি মিঞার চোখে সন্দেহ, কণ্ঠে বিরক্তি।

“তোমরা স্বাধীন—তোমাদের বাধা দেওয়ার অধিকার আমাদের নেই, কিন্তু একটা জিনিষ মনে রেখো—পৃথিবীতে পরের কথা না ভাবলে তোমার কথাও কেউ ভাববে না। এই নিয়ম।”

“কি বলতে চান আপনি?”

“তুমি তোমার সঙ্গীদের জন্ত একটু আত্মত্যাগ কর ভাই। এতে ওদেরও ভাল হবে, তোমারও হবে।”

“আমি ত’ আপনাদের বলেছি আমার মত।”

“তুমি কি একবার ভেবে দেখবে না ব্যাপারটা?”

“আজ্ঞে না।”

“আমার অনুরোধ ভাই, শ্রমিক হয়ে তুমি অগ্র ভাইদের সঙ্গে বিশ্বাসঘাতকতা করো না।”

“বিশ্বাসঘাতকতা নয় বাবু, মালিকের সঙ্গে নিমকহারামী করতে পারব না। আমরা মারফ করবেন।”

“এই তাহলে শেষ কথা?”

“জী।”

“আচ্ছা চল আবছল।”

ষতীন আর তাহের রাগে ফুলছিল, কিন্তু প্রবীর বারংবার নিষেধ করে দিয়েছিল বলে চুপ করেই রইল।

ইতিমধ্যে কলের ম্যানেজার মিঃ সেন এসে হাজির হল। মাঝারী বয়সের ভদ্রলোক। গণি মিঞার কয়েকজন সঙ্গীর ভেতরে যাওয়ার তাৎপর্য বোঝা গেল।

## প্রান্তরের গান

সাহেবী পোষাক পরা মিঃ সেন গট্‌গট্‌ করে এসে দাঁড়াল সামনে  
মুখে তার জ্বলন্ত সিগারেট।

প্রবীরের দিকে দিকে কটমট করে খানিকক্ষণ তাকিয়ে মিঃ সেন  
বলল, “আপনিই সেই notorious প্রবীর চৌধুরী—এদের লীডার?”

প্রবীর হাসল, “হয়ত notorious কিন্তু লীডার নই—আমি এদের  
একজন বন্ধু।”

“বন্ধু! Rot—কাজ নেই তাই বনের মোষ ত্যাগেছেন!”

“তাতে ক্ষতি কি? পরের রক্ত খেয়ে জেঁক না হয়ে বনের মোষ  
ত্যাগে চের ভাল।”

“বাক্ ওসব কথা—আপনি এখানে এসেছেন কেন?”

“দেখতেই পাচ্ছেন।”

“আপনি একে ত’ এদের incite করেছেন তাছাড়া আবার এদের  
মধ্যে এসে উস্কাচ্ছেন—এর ফল ভাল হবে না।”

“ত জানি—কিন্তু আমার ভয় নেই।”

“বান্ধ হয়ে আমাকে আজকে পুলিশে report করতে হবে।”

“পুলিশদের সঙ্গে আমার আলাপ আছে তা ছাড়া report ত’  
করেছেনই। লুকোচ্ছেন কেন?”

“বাক্—I have no spare time to waste on you, আপনি  
আর এদের উস্কাবেন না এই বলে দিলাম।”

“স্বাপনার যা বলবার বলুন, আমার যা করবার আমি করব।”

“Da—rot”—মুখের সিগারেট ছুড়ে ফেলে মিঃ সেন গগি মিঞার  
দিকে তাকিয়ে বলল, “দাঁড়িয়ে রয়েছ কেন, ভেতরে যাও—go and  
work—”

মিঃ সেন গগি মিঞাদের নিয়ে চলে গেল। যাবার আগে আবহুল

## প্রান্তরের গান

প্রভৃতির দিকে তাকিয়ে সে একবার বলল, “I thought as much, বাক্—তবু তোমাদের সাবধান করে দিচ্ছি—এখনও সময় আছে। ভাল চাও ত’ কাজে এসো”—

আবহুল হাসল, উত্তর দিল না।

মিঃ সেন চলে যাওয়ার পর যতীন ফেটে পড়লো, “ইচ্ছে করছিলো গণি মিঞার ঘাড় ধরে টেনে নিয়ে আসি।”

তাহের সায় দিল।

প্রবীর বলল, “সাবধান, অশান্তি যেন কোন মতেই না হয়। চুপচাপ শান্তভাবে তোমরা থাকবে। এটা জেনো যে ও কুড়ি বাইশজন লোক দিয়ে মিল চলবে না। আমি এখন, বাড়ী যাচ্ছি, কিন্তু তোমাদের আবার বলে যাচ্ছি—কোনো রকম উত্তেজনা দেখিয়ে, ঝগড়াঝাটি করে কাজ পিছিয়ে দিও না”

বিকেল হতেই অবিনাশ ছুটে এলো।

“মুন্সিল হয়েছে বাবু।”

“কি হলো আবার? প্রবীর জিজ্ঞেস করল।

“আপনি চলে আসার পর যতীন, তাহের ও আরও অগ্রাগ্র জন পঞ্চাশেক লোক গিয়ে মিলের সামনে খুব চৌকামেচি করেছে, পরে গণি-মিঞা ওরা যখন ফেরৎ আসছিলো তখন ওদের ধরে খুব মাথখোর করেছে।”

“এ্যা! সেকি!”

প্রবীর ছুটল।

আবহুলকে নিয়ে প্রথমেই গেল সে গণি মিঞার ওখানে।

## প্রান্তরের গান

গনি-মিঞা তাকে দেখেই কাৎরে উঠল, “আপনি শেষে এই করলেন বাবু?”

“সে কি গনিভাই! বিশ্বাস করো, আমার অগোচরে হয়েছে এসব, আবছলও এসব জানত না।”

গনি মিঞা বিশ্বাস করলো না তার কথা, “আমাকে ভাল করে সবাই বললে কি আমি আর যেতাম ফেলে—কি দরকার ছিল মারপিটের? দেখুন—কি রকম চামড়া ফেটে ফেটে রক্ত বেরিয়েছে—”

গনি-মিঞা দেহের ক্ষত ও প্রহারের চিহ্নগুলো দেখাতে দেখাতে প্রায় কঁদে ফেললো।

প্রবীর মনে মনে ক্রুদ্ধ হলো যতীন ওদের ওপর। কিন্তু সঙ্গে সঙ্গে মনে মনে একটু হাসলও। অনেক লোক থাকে যারা শক্তের ভক্ত, মিষ্টিকথা কানে তুলবেই না। গনি-মিঞা সেই দলের।

“আমায় বিশ্বাস করো গনিভাই, আমি মিথ্যে কথা বলিনা। আমি এসব জানতাম না, যাই হোক—এর বিহিত আমি করবই। ধর্মঘট চলুক, এরি মধ্যে আমি এর বিচার করাব, তুমি সে বিচারের ফলাফলে যাতে খুশী হও, সে দায়িত্ব আমি নিলাম।”

গনিমিঞা কাৎরাতে লাগল।

এমনিভাবে যারা যারা প্রহৃত হয়েছিল তাদের সবার কাছে যেতে হল প্রবীরকে।

সন্ধ্যার পরে সকলে ইউনিয়নে জড় হ'ল। যতীন, তাহের ও বিজ্ঞোভ-প্রকাশকারী অন্যান্য সকলকেই কঠিনভাবে তিরস্কার করেছিল প্রবীর। তারা অপরাধ স্বীকার করে ক্ষমা চাইল।

প্রবীর সকলকে বলল, “আজ যা ঘটেছে তা মেটেই আমায় খুশী করেনি। আমি যা চাইনি, যা করলে তোমাদের নিজেদের ক্ষতি হবে

## আন্তরের গান

তাই তোমরা করেছে। আমার এবং তোমাদের সকলেরই হুর্ণাম রটল আমাদের গুণ্ডা ভাবলেও কিছু বলবার নেই। কিন্তু একথা তোমরা মনে রেখো যে শ্রমিকদের জীবনে আজ এই ধর্মঘট আর মারামারিটাই শেষ কথা নয়। একদিন দেশের শাসনভার আসবে তোমাদের হাতে, একদিন দেশের সব কিছু তৈরী করবে, বদলাবে তোমরা। সে কথা তোমরা বিশ্বাস না করলেও তা একদিন ফলবে। সুতরাং তোমাদের কি এসব সাজে?”

সকলেই চুপচাপ। অথগু নিঃশব্দতা।

“যাক্, যা হবার হয়ে গেছে। কাল থেকে শান্তিপূর্ণভাবে যেন ধর্মঘট চলে, নইলে—নইলে—দুঃখের সঙ্গেই বলছি আমি—আমায় তোমরা হারাবে।”

নিশ্চিন্ততা। একটা ছুঁচ পড়লেও যেন আওয়াজ শোনা যাবে।

জমিদারের পাইক হারাণ মণ্ডল এসে সামনে দাঁড়াল। শশাঙ্কবাবু নমস্কার জানিয়েছেন প্রবীরবাবুকে।

প্রবীর বেরোল।

আবার সেই খাস বৈঠকখানা।

অভ্যর্থনা জানাল শিখা। জড়ির পাড়ওয়ালা আকাশের মত নীল শাড়ীতে তার রূপচর্চাকে আরও প্রকট, আরও জ্বালাময় করে তুলেছে সে।

“বলুন, বাবা কাছারীতে গেছেন—এখুনি আসবেন।”

## প্রবীরের গান

প্রবীর বলল।

“ধন্যবাদ। আশা করি ভাল আছেন?”—প্রবীর বলল।

শিখা হাসল, “ধন্যবাদ। ভালই আছি—আপনি?”

“বেশী ভাল না, কেন বুঝতেই পারছেন।”

শিখা মাথা নাড়ল, “বুঝতে পারছি। কিন্তু ভাল কাজ করে যারা তাদের এই ত’ অদৃষ্ট-লিপি।”

প্রবীর একটু বিস্ময় বোধ করল, “আমি তাহলে ভাল কাজ করছি বলছেন!”

“তাইত বলছি।”

“আপনি আমার কার্যকলাপে বিশ্বাস করেন?”

শিখা আবার হাসল, মেমসাহেবদের মত ঠোঁটটা বেঁকিয়ে একটু চিবিয়ে চিবিয়ে বলল, “বিশ্বাসের কথা বলতে পারিনা কিন্তু I have sympathy for it, I don’t know why.”

প্রবীর বুঝল সব। অভিজাত্যের আধুনিক মুখোশ। সে চুপ করে রইল।

ঘরে একটা মুহূর্ত সৌরভ। জমিদার-তনয়ার দেহ-নিম্নত বিলাতী এসেন্সের গন্ধ।

শিখা এতক্ষণ একদৃষ্টে তাকিয়েছিল প্রবীরের দিকে। যেমন করে চিত্রানুরাগীরা তাকিয়ে থাকে ভাল ছবির দিকে। উৎকর্ষ হয়ে গুনছিল সে প্রবীরের প্রতিটি কথা আর তার কণ্ঠস্বরের ওঠানামা। যেমন করে গৌতমাদ্দ শ্রোতা সব ভুলে ওস্তাদ গায়কের গান শোনে। গভীর উৎসাহের সঙ্গে সে লক্ষ্য করেছিল প্রবীরের হাত-পা নাড়া, আঙ্গুলের চঞ্চলতা, তার চোখের তারার ইতস্ততঃ নড়াচড়া। যেমন করে

## প্রান্তরের গান

নৃত্যচ্ছন্দোমুগ্ধ দর্শক কীর্ত্তিমান নর্তকের প্রতিটি দেহভঙ্গিম: নিম্পলকনেত্রে পর্যবেক্ষণ করে।

“আপনার বাবা ত’ আসছেন না—দয়া করে”—

“আপনি দেখছি ঘোড়ায় চড়ে এসেছেন?” শিখার মুখ অন্ধকার হল।

“না, সত্যি অনেক কাজ আছে।”

“বাবা আপনার আসবার খবর পেয়েছেন। আর একটু ধৈর্য্য ধরুন”—

গ্রামের জমিদার, মিলের মালিক, তাঁর কথাই আলাদা অগত্য: রহ্ন ধৈর্য্যং।

“আচ্ছা প্রবীরবাবু, আপনার বুঝি গ্রাম খুব ভাল লাগে?”

“হঠাৎ এ প্রশ্ন কেন?”

“কারণ শিক্ষিত ছেলেরা কাজের জগত সহর ছাড়তে চায় না। তাছাড়া রুটির দিক থেকেও একঘেঁয়ে লাগে।

“আমার ত’ কাজের—মানে চাকরীর মোহ নেই আর গ্রামও আমার একঘেঁয়ে লাগে না। আমি নিজেকে দেশসেবক বলে ভাবতে চাই, আর আমাদের দেশ মানে গ্রাম, সহর নয়, তাই গ্রামেই আমাকে থাকতে হবে।”

“আপনি কি সত্যি নিজেকে উৎসর্গ করেছেন সম্পূর্ণভাবে?”

“চেষ্টায় আছি।”

“ওঃ”—

“আপনার কি গ্রাম ভাল লাগে না?”—প্রবীর প্রশ্ন করল।

“লাগত না আগে, খুব dull লাগত, তবু যে এসে থাকতে হয় সে বাবার জন্য। কাজের জন্য বাবা এসে থাকেন আর তিনি একা থাকতে পারেন না বলেই আমাদের আসতে হয়।”

## প্রান্তরের গান

“বুঝেছি,” প্রবীর হাসল, “মানে সহরকে যতই ভাল লাগুক, অন্ন ও জীবনের খোরাক জোগাচ্ছে এই গ্রাম।”

শিখার চোখমুখ খানিকটা লজ্জায়, খানিকটা অপমানে কালো হয়ে উঠলো।

“কিছু মনে করবেন না আমার কথায়। যাক—আগে লাগত না হয়ত, কিন্তু এখন? এখনও কি ভাল লাগে না?”

শিখা ক্ষণকাল চুপ করে প্রবীরের মুখের দিকে তাকিয়ে রইল। সে যে একটা অন্তর্জন্ম সামলে নিচ্ছে তা বেশ বোঝা গেল। তারপরে আস্তে আস্তে তার মুখের স্নানিমা দূর হয়ে গেল, চক্চকে ধারাল ছুরির ফলার মত শানিত ও দীপ্তিময় হয়ে উঠল তার সারা মুখমণ্ডল, দেহে আসল একটা চাক্ষু্যের স্রোত।

নিচের ঠোঁটের একটা কোন একটু চেপে ছেড়ে দিয়ে, একটু হেসে, শিখা বলল, “লাগছে। I am now changed—গ্রামকে এখন আমার সত্যি ইন্টারেস্টিং মনে হচ্ছে।”

“খুশী হলাম আপনার কথা শুনে।”

“দিদিমণি”—দ্রুত করে চায়ের পেয়াল। ও জলখাবারের প্লেট নিয়ে চাকর এসে দাঁড়াল।

“বাবুর সামনে রাখ্”—শিখা হুকুম করল।

“এসব কি?”—প্রবীর প্রশ্ন করল।

• “দেখতেই পাচ্ছেন—চা আর জলখাবার।”

“কিন্তু আমায় মাফ করতে হবে।”

“কেন?”

প্রবীর চুপ করে রইল।

“কেন বলুন ভ?”—শিখা প্রশ্ন করল।



## প্রান্তরের গান

“শুনবেন ? আমি এখানে এসেছি দশজনের হয়ে—কাজে, চা আর জলখাবার খেতে নয়।”

“খেলই বা দোষ কি ? কাজ না হয় বাবার সঙ্গে, আমার সঙ্গে সে সম্পর্ক নয়। বন্ধুত্ব কথাটায় কি বিশ্বাস নেই আপনার ?”

“আছে। কিন্তু আপনাতে আমাতে অনেক প্রভেদ। গরীবের সঙ্গে ধনীর বন্ধুত্ব কোন কালে টেকে না। যাই হোক, অভদ্রতারও সীমা আছে, আমি চা খাচ্ছি।”

“ধন্যবাদ।” একটু শ্লেষ যেন মেশানো আছে শিখা’র কণ্ঠস্বরে।

প্রবীর হেসে চায়ের কাপ তুলে নিল। খাবার ছুঁল না।

শিখা গম্ভীরভাবে অতৃদিকে মুখ ফিরিয়ে বসে রইল।

নিঃশেষিত চায়েব কাপ সশব্দে ট্রের উপর রাখিত হল।

প্রবীর শিখার দিকে তাকাল। কেন এই মেয়েটি এত গায়ে পড়ে তার সঙ্গে আলাপ করে, তাকে খুশী করার চেষ্টা করে ? এ সাধারণ গৃহস্থ-কথা নয়, মাধবী নয়, তবু কেন এই আগ্রহ ? বিলেতের আব-হাওয়ায় পরিপুষ্ট এই যুবতী, ঐশ্বর্যের সুখ-বিলাসে অভ্যস্ত এই বাস্তববাদী, শিক্ষিতা ও আধুনিকা কি প্রত্যাশা করে তার কাছে ?

কারণটার আভাস পায় প্রবীর। সে একবার শিউরে উঠল। না, তার অত সখ নেই, সময় নেই, রুচি নেই।

দূরে থাক। প্রবীরের মন,, প্রবীরের আদর্শ তাকে জানাল। সে মনে মনে মাথা নাড়ল। তাই থাকবে সে, ওসব চাকচিক্যের মোহ থাকলে নায়েবের ছেলে জমিদারের সঙ্গে ঝগড়া করত না, জমিদার হবারই চেষ্টা করত।

চট জুতোর শব্দ শোনা গেল।

“বাবা আসছেন”—শিখা বলল।

## প্রান্তরের গান

শশাঙ্কবাবু ভিতরে ঢুকলেন।

“নমস্কার”—প্রবীর উঠে দাঁড়াল।

“নমস্কার—বোস, ওঃ, চা খাচ্ছ?”

“আজ্ঞে না, ও শেষ হয়ে গেছে।”

“বেশ, বোস।”

“আমাকে ডেকে পাঠিয়েছেন—বোধ হয় ধর্মঘটের ব্যাপারে?”

“হ্যাঁ।”

“কি বলতে চান?”

“বলছি। তার আগে একটা কথা জবাব দাও।”

“বলুন।”

“তুমি কি জীবনে প্রতিষ্ঠা চাও না?”

“চাই না। বললে হয়ত মিথ্যে কথা বলা হবে। চাই বৈকি। তবে তার জন্ত চেষ্টা করার সময় নেই আমার।”

“তাহলে এমনি অর্থ-হীন ভাবেই ভেসে বেড়াতে চাও?”

“আমি যে কাজ করে বেড়াই তা যদি ভেসে বেড়ানোই হয় তাতে আমার কোনো অনিচ্ছা নেই, বরঞ্চ আমি তাতে নিজেকে খন্য মনে করব।”

শিখা চুপ করে বসে আছে। তার নজর এবার বাইরে নয়, প্রবীরের মুখের উপর।

“শোন”—শশাঙ্কবাবু মুহূ হেসে বললেন, তোমাকে যদি মিলের ম্যানেজার করে দিই—কাজ করবে?”

বলেই তিনি তীব্রদৃষ্টিতে চেয়ে রইলেন প্রবীরের দিকে। শিখাও এবার তীব্রদৃষ্টিতে তাকিয়ে আছে তার দিকে। হৃৎকেন্দ্রই দেখতে চায় কি ভাবান্তর হয়।

## প্রান্তরের গান

প্রবীর হাসল, “ব্যাপারটা বুঝতে পারছি। সরকারের পররাষ্ট্র নীতির একটা প্রধান প্যাঁচ হচ্ছে দেশের সবচেয়ে ভাল মাথাগুলোকে কিনে অকেজো করা—আপনি সেটার মর্ম উপলব্ধি করেছেন মনে হচ্ছে। আপনি আমায় বড় চাকরী দিয়ে ঘুস দিতে চাচ্ছেন?”

“ধর তাই”—

“তবে শুনুন, আমার রক্তে বিশ্বাসঘাতকতার বিষ নেই।”

“ভেবে দেখ।”

“ভাববার কিছু নেই। এই সব কথা ছাড়া অণু কিছু যদি আলোচনার না থাকে তবে আমি উঠছি।”

“উঠো না—বোস।”

শিখার মুখ শ্লান। সে যেন নিস্তেজ হয়ে পড়েছে।

“তোমার সঙ্গে আমার আপোষ হবে না মনে হচ্ছে।” শশাঙ্কবাবু ললাটদেশ কুঞ্চিত করে বললেন।

“আমারও তাই মনে হচ্ছে।”

“দেখ—তোমাদের ধর্মঘটে আমার যে বিশেষ ক্ষতি হচ্ছে তা আমি স্বীকার করছি কিন্তু তোমাদেরও যে ক্ষতি হচ্ছে তাও তোমাকে স্বীকার করতে হবে।”

“স্বীকার করতেই যে হবে তার কোন অর্থ নেই। যাদের আছে তাদেরই ক্ষতি হয়, যাদের কিছুই নেই তার লাভও নেই ক্ষতিও নেই। বরঞ্চ লাভই যে হতে পারে এই আশাটাই বেশী করা যায়।”

“সে যাই হোক, তোমার প্যাঁচালো কথা শুনেও আমি বলছি যে ব্যাপারটাকে আর টেনে বাড়ানো সুবিধের হবে না।”

“আমি তা স্বীকার করি। এখন আপনিই বলুন কি করবেন, কারণ দাবী আমাদের এবং আমাদের দাবী বজায় থাকবেই তা না মেটা পর্য্যন্ত।”

## প্রান্তরের গান

“কিছুই কি বদলাবে না ? আমি ঘরবাড়ী অবিলম্বে মেরামত করিয়ে দিচ্ছি—একটু খাটুনীর জুতাও একটা অতিরিক্ত মজুরীর ব্যবস্থা হবে। কিন্তু আপাততঃ এই পর্য্যন্ত—”

“আমি তাতে রাজী নই। আমাদের সবগুলো দাবীই সমান গুরুত্বপূর্ণ—”

“তোমার মনোভাব বিরক্তিকরভাবে আপোষ-বিরোধী—”

“না, আপোষ-বিরোধী নয়, হার স্বীকারের বিরোধী।”

“তাহলে তুমি রাজী নও ?”

“আজ্ঞে না।”

শিখা অগ্নি-স্পৃষ্ট বাকুদের মত এতক্ষণ পরে ধব্ধ করে জলে উঠল, “তুমি জোর করে নিজেকে এত ছোট করে না বাবা—তুমি কি চুরি করেছ নাকি যে এত মাথা নীচু করবে ?”

শশাঙ্কবাবু মাথা নাড়লেন, “তুই চুপ কর মা।”

প্রবীর উঠে দাঁড়াল, “তাহলে আসি ?—”

“ভেবে দেখবে কথাস্থলো।”

“সব দাবী মেটাতে রাজী না হলে ভাবার মত কিছু নেই। এতে আপনি রাগ করছেন হয়ত কিন্তু আমার উপায় নেই—”

“উপায় নেই কেন ? তুমিই ত লীডার এদের—”

“লীডার বলেই ত মুন্সিল। দশের লীডার হতে গেলে দশজনকে যে মানতে হয়। না মানলে লীডারেরা যা হন তার বিরুদ্ধেও ত’ আমাদের অভিযান।”

“তাহলে এসো।” শশাঙ্কবাবু উঠে দাঁড়ালেন, একটু হেসে বললেন, “তুমি অনমনীয় কন্যা দেখছি। কাল বদলেছে তাই, নইলে যদি

## প্রান্তরের গান

আগেকার দিন থাকত তবে তোমার মুণ্ডটা বোধ হয় কাঁধের উপর থেকে বিচ্ছিন্ন হয়ে মাটিতেই লুটাত ।”

প্রবীরের মুখ মিষ্টি হাসিতে ভরে উঠলো, “কাল বদলেছে, নিজেকে স্বীকার করলেন, তাই বলছি আমাদেরও স্বীকার করুন আপনি ।”

“স্বীকার করব ! তোমার শিষ্যদের বোলো যে তাদের না খাইয়ে শুকিয়ে মারব আমি ।”

প্রবীর আবার হাসল, “তারা বেশী ঘাবড়াবে না, কারণ তারা জানে যে আপনিও ক্ষুধার্ত । তবে তফাৎ এই যে তাদের ক্ষিদে একমুঠে ভাতের আর আপনার ক্ষিদে ঐশ্বর্যের, প্রতিপত্তির, খ্যাতির—”

“তুমি এসো এখন”—প্রচ্ছন্ন ক্রোধের ও নিঃফল আক্রোশের আগুনে চক্চক্ করছে শশাঙ্কবাবুর চোখ ছুটো । হাত দিয়ে তিনি দরজাকে নির্দেশ করলেন ।

“স্বচ্ছন্দে”—হেসে বলল প্রবীর, “আচ্ছা নমস্কার । ধর্ম্মঘট তবে চলবে ।”

“চলুক ।”

প্রবীর মৃদু হেসে বেরিয়ে গেল ঘর থেকে ।

শশাঙ্কবাবু বোধ হয় দাঁতে দাঁত ঘষছিলেন, প্রবীরের গমন-পথের দিকে তাকিয়ে তিনি বললেন, “হয়ত, হয়ত ওর কাছে শেষ পর্য্যন্ত আমাকে হার মানতেই হবে, ট্রাইক সফল হবে । কিন্তু তারপর ? আজ না হয় কাল, কাল না হয় পরশু—দেখা যাক ।”

“তারপর কি ?—কি বলছিলে বাবা ?” শিখা প্রশ্ন করল ।

“কিছু না ।” শশাঙ্কবাবু একটি বই খুলে বসলেন ।

ছুটো হাত কঠিনভাবে মুষ্টিবদ্ধ করে শিখা দাঁড়িয়ে দাঁড়িয়ে কি যেন ভাবছে । যেন কোনও একটা অদৃশ্য বস্তুকে সে তার হাতের তালুতে পিষে ফেলতে চায় ।

## প্রান্তরের গান

থানিক পর ।

ইউনিয়নে সবাই এসেছে । ছেলে বুড়ো, মেয়ে পুরুষ সবাই  
আশঙ্কায়, আগ্রহে ওদের বুক ধুকধুক করছে অস্থগ্ন ।

আবদুল বলল, “এরা একটু ঘাবড়ে পড়েছে”—

“কেন ?” প্রবীর প্রশ্ন করল । প্রশ্ন করে সকলের মুখের দিকে  
গতাল ।

গিজ্‌গিজ্‌ করছে শ্রমিক নরনারীর দল । ইউনিয়নের ঘরের  
দারান্দায় বসেছে মুকুব্বিরা, সামনের উঠোনটায় বাকী সকলে—কেউ  
দাঁড়িয়ে, কেউ বসে । এত ভীড়, অথচ একটিও টুঁ শব্দ নেই । সবাই  
আগ্রহের সঙ্গে প্রতীক্ষা করছে ফলাফল ও পরিণতি সম্বন্ধে জানবার  
জন্য ।

আকবর আলি প্রাচীন লোক । রাশভারী অথচ নম্র । সে হেসে  
বলল, “মজুরের ত’ জমানো টাকা থাকে না বাবু, হাতে পেটে টান  
লেগেছে যে—”

প্রবীর বলল, “সব কথা ত’ শুনলেই তোমরা । আজ না হয় দু’দিন  
বাদে যে রফা হবেই এ বিশ্বাস আমি রাখি । তবে তোমাদের ধৈর্যের  
উপর এর সাফল্য নির্ভর করছে । কষ্ট করতেই হবে ভাই—জিতলে  
সে কষ্ট ভুলে যাবে ।”

## প্রান্তরের গান

আকবর মাথা নাড়ল, “আমি তা মানি ব’ব, কিন্তু ছেলেপিলে, অ’গ’বোদের নিয়েই যে মুশ’কিল”—

“আবদুল”—

“এ’্যা?”

“কাণ্ডে কত টাকা আছে এখন?”

“বা আছে তাতে দিন দুই সকলকে সাহায্য করা যায় ”

“বেশ। শোন ভাই সব—কষ্ট আমাদের কর্তেই হবে। যথাসম্ভব টেনে তোমরা আরও দু’একদিন কাটাও, নিতান্ত প্রয়োজনে ইউনিয়নের টাকা তোমাদের ভাগ করে দেওয়াও হবে কিন্তু একথা জেনে রেখো যে যদি তোমরা হার মনো তবে তোমাদের গলায় দড়ি দেবার পথটাই পাকা হবে।”

সকলে নিরুত্তরে কথাগুলো শুনল।

হঠাৎ সমবেত লোকদের মধ্যে একটু চাঞ্চল্য দেখা গেল। তাদের ভেদ করে দারোগা প্রিয়তোষবাবু ছুজন কনষ্টেবল নিয়ে এগিয়ে এল প্রবীরদের সামনে।

“প্রিয়তোষবাবু যে—আমুন, বসুন।” প্রবীর হেসে বলল।

প্রিয়তোষবাবু মাথা নাড়ল, “বসব না প্রবীরবাবু। আমি এসেছি on duty—”

“কি ব্যাপার?”

“ব্যাপার কিছু নয়, এ মিটিং ভেঙ্গে দিন—”

“কেন? আর এত ঠিক মিটিং নয়, ঘরোয়া আলোচনা”—

“আমি তা বুঝলেও সরকারের তা মত নয়। দাঙ্গার ফলে situation আরও খারাপ হয়ে গেছে”—

শ্রমিকদের মধ্যে উত্তেজনার সঞ্চার হচ্ছে।

## প্রান্তরের গান

প্রবীর বলল, “মিটিং ভেঙ্গে দিতে আপত্তি নেই কারণ আমাদের এতে বিশেষ কোন ক্ষতি হবে না। হ্যাঁ, দাস্কার হত্যার কতদূর এগোল?”

“এগিয়েছে অনেক দূর কিন্তু তাতে আপনার ক্ষতিই সবচেয়ে বেশী হবে।”

“সে জানি।”

“কিন্তু আমার একটা কথা মনে রাখবেন। আপনাদের সমগ্র এই দাস্কার বিষয়েও নিষ্পত্তি করে নেবেন। একে বাড়তে দেবেন না।”

“পন্থবাদ প্রিয়তামবাবু, আপনার কথাগুলো আমি নিশ্চয়ই মনে রাখব।”

মিটিং ভেঙ্গে গেল।

বাড়ী ফিরবার ঘণ্টাখানিক পরেই সূত্রত এল। খন্দরধরী, শান্ত, সমাহিত ভাব তার, মাথার চুলগুলো অবিচল। বুদ্ধির চেয়ে হৃদয়বৃত্তিকেই বড় করে দেখে ও, আকাশের চেয়ে মটিকেই বেশী বিশ্বাস করে। তাই বলে বুদ্ধির তীক্ষ্ণতা যে তার কম তা নয়।

হেসে বলল, “তোকে অভিনন্দন জানাতে এলাম রে—”

প্রবীর হাসল, “আয় ভাই, আয়”—



## প্রান্তরের গান

সুব্রত বলল “তোদের ধর্মঘট খুব জোর চলছে—সবাই সহায়ত্বভূতি জানাচ্ছে।”

“সবাই?” প্রবীর প্রশ্ন করল।

সুব্রত বুঝল, বুঝে হেসে মাথা নাড়ল, “সবাই নয় বটে, কিন্তু তারা ক’জনই বা? সবাই বলতে গরীব আর চাষীদের কথাই বলছি আমি।”

“ত’ বটে।”

“জমিদারবাবু কি বলছেন?”

“জোর বার মুল্লুক তার।”

“বটে!”—সুব্রত একটু গম্ভীর হয়ে উঠল।

“হ্যাঁ।”

“কিষণ সভার রামনাথের সঙ্গে ঠিক হয়েছে যে শশাঙ্কবাবুর অধীনস্থ চাষী প্রজাদের একটা মিছিল বেরোবে কাল সকাল বেলায়—ধর্মঘটীদের অভিযোগ দূর করার জগ্ন। কংগ্রেস সমিতির তরফ থেকে আমি আর শ্রুতিবাবুও যাব। যে ভাবে হোক তোমাদের এ প্রচেষ্টাকে সফল করতেই হবে ভাই।”

প্রবীর সুব্রতের একটা হাত চেপে ধরল, আবেগে তার কণ্ঠস্বর একটু কেপে উঠল, “সব কিছুতেই আমরা কি এমনভাবে কাঁধে কাঁধ মেলাতে পারব না?”

সুব্রত হাসল, “পারব না কেন রে—সাময়িকভাবে মনান্তর বা মতান্তর হলেও এটা মনে রাখতেই হবে যে সবাই একসঙ্গে মিলে কাজ না করলে আমাদের মুক্তি নেই।”

প্রবীরের চোখ দুটো জ্বলতে লাগল।

## প্রান্তরের গান

ঠিক সেই সময়েই নন্দ ফিরে আসছিল জমিদারের কাছারী থেকে। চোত্ কিস্তি শোধ করে। সে যেত না, এখুনি সে যাবে কাজললতার সঙ্গে দেখা করতে, নেহাৎ হরিচরণের বাতের বেদনা আবার গুরু হয়েছে বলেই তাকে যেতে হয়েছিল। ধৈর্য ধরছে না তার, ক্রতগামী ভীষের মত সোজা তেতুলঝোঁরায় গিয়ে হাজির হতে ইচ্ছে হয়। এখন সে সোজা যাবে ধলেশ্বরীর ধারে, তারপরে নৌকো ভাসাবে পাল তুলে দিয়ে। তারপরেই সুন্দরী বিল আর পদ্মের স্বপ্ন। মধ্যাহ্ন-সূর্য্যের স্বর্ণ-দীপ্তিকে স্নান করে দিয়ে এক অপক্লপ মোহিনীমূর্ত্তি এসে তখন সামনে দাঁড়াবে।

হঠাৎ কে বেন ডাকল, “ওস্তাদজী—”

নন্দ থমকে দাঁড়াল। আর একটি মোহিনী মূর্ত্তি! কিন্তু এ মূর্ত্তি পুলকের শিহরণ জাগায় না, জাগায় একটা এড়িয়ে যাবার অনুরূতি। আলোয় দেখে প্রাণভয়ে যেমন নাবিকেরা সতর্ক হয়, নিশ্চিত মৃত্যুর দীপ্ত শিখার আমন্ত্রণকে যেমন তারা এড়িয়ে চলতে চায়—সেই অনুরূতি।

ডানদিকে খালের দিকের সংকীর্ণ পথটা বেয়ে ললিতা আসছে। সিন্ধু-বসনা, বঁ। হাতে কয়েকটা ধোয়া শাড়ী। অত্যাচার, অনিয়মের মধ্যেও তার যে দেহসৌষ্টব পঙ্কমগ্ন পদ্মের মত যৌবনশ্রীতে অপক্লপ রয়েছে, গায়ের যে রঙে এখনো স্বর্ণচাঁপার ছায়া আছে—সেই দেহরেখা, সেই রূপ তার সিন্ধু বসনের অন্তরাল থেকেও উদ্ধতভাবে আত্মপ্রকাশ করছে।

“কি ভাবছ গো ওস্তাদজী?” বলিতা হাসল, দাঁতগুলো তার ঝকঝক করে উঠল।

আলোয়!

“ভাবব আবার কি—বাচ্ছি বাড়ী।” নন্দ ক্লক্লিত কবে এগোতে গেল।

ললিতা মাথা নাড়ল, ওর চোখের তারার কুটে উঠল পছন্ন হাসি,

## প্রাস্তরের গান

“ত ত’ যাচ্ছই কিন্তু তবু কি যেন ভাবছ তুমি। কাউকে ভালবেসেছ নাকি ওস্তাদজী?”

“এঁয়া!”

“বলি কাউকে নিশ্চয়ই ভালবেসেছ—সে কে?”

“দেখ, ঠাট্টা: ভাল লাগে না ললিতা”—নন্দর কান ঝালা হয়ে উঠল, ঢেংখ ঘনাল ক্রোধের কালো ছায়া।

“তা ত’ লাগবেই না। কিন্তু ভেবে দেখ, আমায় ভালবাসনি তো?”

নন্দ জ্বল উঠল, “আস্পর্শ তোমার তো কম নয় ললিত। আমার ঐ মিলের ইতরনের মত মনে কোরোনা তুমি—”

ললিতা জিভ কাটল, “তুমি চটেছ ওস্তাদজী—মাফ্ করো বাবা। ওকি, চলে? শোন—”

“কি?”

“একদিন এসো না আমার বাড়ী—তোমার গান অনেক দিন শুনিনি—”

“যেদিন যাত্রা হবে—শুনো।”

“তার জন্ত যে তর্ক সয় না গো।” ললিতা খিলখিল করে হেসে উঠল।

নন্দ ললিতার এই গায়ে-পড়া ভাব আর সহ করতে পারছিল না। দেখা হলেই ললিতা এমনভাবে তাকে ঠাট্টা করে, নিঃসঙ্গার মত অমঙ্গল জানায়।

সে এবার গর্জে উঠল, “আমি তোঁর দালাল নই, বেশী কোথাকার—আবার যদি দেখা হলেই ইয়াকি করবি তো মেয়েলোক বলে রেহাই দেব না।”

মিনিটখানিক। ললিতার হাসি থেমে গিয়েছিল। অবাক হয়ে সে

## প্রাস্তরের গান

নন্দর মুখের দিকে তাকাল। নন্দর চোখ ছুটোতে ঘুণা আর রাগ যেন ছুটো বিষাক্ত সাপের মত ফণা মেলে রয়েছে, আর উত্তেজনায় নাকটা তার ফুলে ফুলে উঠছে।

পরক্ষণেই মূহু হেসে, মূহু কণ্ঠে ললিতা বলল, “সব সময়ে মনে থাকে না যে আমি বেঞ্চা, মাইরি বলছি—”

নন্দ ছুটে চলে গেল।

হঠাৎ ললিতার রূপান্তর হল। ক্ষুধার্তা বাণিণীর পিঙ্গল চোখের হিংস্রতা যেন তার চোখের তারা ছুটোতে আত্মপ্রকাশ করল। উত্তেজনা খাড়া হয়ে দাঁড়াল সে, হাড়মাংস চিবোনোর সময় যেমন কড়মড় শব্দ হয় তেমনি শব্দ হল তার দাঁতে দাঁতে লেগে।

যেন হাওয়াকে বলল সে, “এই বেঞ্চার কাছে একদিন তোমায় গড়াগড়ি দেওয়াব ওস্তাদ—মাইরি বলছি—”

পশ্চিমের হাওয়া উদ্দাম হয়ে উঠেছে। মধ্যাহ্নের আকাশটা থেকে যেন চুয়ে চুয়ে আগুন পড়ছে। গলিত আগুন।

মনটা বিস্তী হয়ে গিয়েছিল। মন্দিরে যাবার পথে অন্তিচি-স্পৃষ্ট হলে যেমন মনে হয়।

কিন্তু মন্দিরে গেলে যেমন স্বতঃস্ফূর্ত ভাবে একটা পবিত্রতা বোধ হয় তেমনিভাবে আবার সব যেন মুহূর্তে স্বন্দর, ভালো, পবিত্র হয়ে উঠল। মাথার উপরকার সূর্য্যের দীপ্তি যেন ম্লান হয়ে গেল। সুরসভা থেকে যেন কোন অপ্সর-কন্যা নেমে এসেছে। তার অপরূপ মোহিনী মূর্তি ইন্দ্রাণিকেও লজ্জা দেবে।

## প্রান্তরের গান

বুকের উপর এলিয়ে 'আছে সেই মোহিনী। নিজের রক্তের তালে তালে সেই অম্পর-কন্তার কক্ষ-বক্ষের ভীক স্পন্দন প্রতিধ্বনিত হচ্ছে।

ওদিকে পশ্চিমের বাতাস উদ্দাম হয়ে উঠেছে। বর্ষশেষের রিক্ততার বাণী, বিরহের বাণী, বিদায়ের বাণী চারদিকের গাছপালায়, লতায় পাতায় মর্ম্মরিত হচ্ছে। সুন্দরী বিলের শুষ্কপ্রায় জলের উপরকার নিবিড় পদ্মের বনে একটা বিদেহী সুর গুঞ্জরিত হচ্ছে। মধুলোভী ভ্রমর-গুঞ্জন। একটা জামরুল গাছের তলায় ক্লান্ত পক্ষ ছড়িয়ে দিয়ে ছোটো ঘুঘু বিশ্রাম করছে—আলস্তমহুর গতিতে গ্রীবা নেড়ে নেড়ে মাঝে মাঝে তারা এদিকে ওদিকে চকিত দৃষ্টি হানছে।

যে কান থেকে ছলছে একটা সোনার ছল, যার উপরে লতার মত ভীড় করে রয়েছে কয়েকগুচ্ছ 'অলক, তার কাছে মুখটাকে এগিয়ে নিয়ে গেল নন্দ।

“কুনছ ?”

“উ ?”

“আর আটদিন বাদে।”

“উ ?”

“ওরা বৈশাখ।”

“উ ?”

“সন্ধ্যার পরে, রাত হোতেই—”

“হু—”

“তোমায় নিয়ে যাব—”

“হু—”

“তারপরে কি হবে জান ?”

“উহু—”

## প্রাস্তরের গান

“চন্দন আর চেলী—মস্ত্র আর আশুনা—”

“হুঁ—”

“তারপর ? তারপর কি হবে বলতে পার ?”

“উহু—”

চোখে স্বপ্ন ঘনায়। কঠিন ও কোমল বুকে ঝড় ওঠে, নিঃশ্বাস ভারী হয়, দেহে শিহরণ জাগে, আর একটা জলন্ত পিপাসার ওদের ঠোঁটগুলো কাঁপে থর থর করে।

মাথার উপরে, আতপ-দগ্ধ শূন্যতার কোন প্রান্তে যেন একটা চিল ডাকছে। কর্কশ কণ্ঠে।

তারিণী চৌধুরী ছেলেকে ডাকলেন।

“এই ধর্মঘট কবে থামবে ?”

“কি করে বলব”—প্রবীর হাসল।

“জমিদার শক্তিশালী লোক, তার সঙ্গে পারবে কি করে ?”

“পারতেই হবে।”

“ওরা সব কালসাপের জাত প্রবীর—ওদের চটিয়ে লাভ নেই।”

“কালসাপকে নিব্বাঁষ করবার মস্ত্র আমরা শিখেছি বাবা।”

তারিণী চৌধুরী চুপ করলেন। চোখের সামনে গোটা পৃথিবীটা কেমন দ্রুতগতিতে রূপ বদলাচ্ছে সেই কথাই ভাবতে লাগলেন তিনি। সে যুগ আর নেই।

তবু একটু ভেবে তিনি বললেন, “যদি ধর্মঘট অনেকদিন ধরে চলে তখন কি করে চালাবে সবাই ? ধর্মঘট বারাকরছে তারা তো আর সবাই জমিদার নয় যে অনির্দিষ্ট কাল পর্যন্ত না খেয়ে লড়াই করবে।”

## প্রান্তরের গান

প্রবীর হেসে বলল, “কেন আপনারা চালাবেন—গ্রামের সব উদার লোকেরা সাহায্য করবেন।”

“আমরা ?”

“ই্যা, তাতে আশ্চর্য্য হবার কি আছে ? বারা গ্রামের জন্ত, অবিচারের বিরুদ্ধে লড়াই করছে তাদের কি আপনারা সাহায্য করবেন না ? না খেয়ে ওদের মরতেই দেখবেন ?”

তারিণী চৌধুরী নিঃশব্দে ছেলের দিকে তাকালেন। ছেলে বড় হোক, লেখাপড়া শিখুক, হাকিম হোক—এই তিনি চেয়েছিলেন। ছেলে আর পড়বে না, চাকরী করবে না, দেশ সেবার দিন কাটাবে জেনে কিছু না বললেও তিনি খুব খুশী হন নি, মনের মধ্যে তার একটা অভিযোগ, একটা বেদনা-বোধ রয়েই গিয়েছিল। এই একমাত্র সম্ভাবনাই পৃথিবীতে তাঁর একমাত্র অবলম্বন বলে তিনি কিছুই বলেন নি। কিন্তু অন্তরে রক্ষিত সেই অভিযোগ ও উদ্বেগ, নিরাশা ও বেদনা যেন হঠাৎ অকারণে, এক মুহূর্ত্তে এখন উড়ে গেল। ইতিহাসের ছরস্ত স্রোতে তিনি ভেসে গেলেন, যে মহান ও অনিবার্য্য পরিণতির দিকে সভ্যতা এগিয়ে যাচ্ছে আপাতদৃষ্ট বৈষম্য ও দুর্দশার ভিতর দিয়েও তাকে তিনি আবার নূতন করে উপলব্ধি করলেন।

প্রবীর পিতার চিন্তাকুল মুখের দিকে তাকিয়ে, একটু হেসে, তিক্ততার সঙ্গে বলল, “হয়ত আপনারা ওদের সাহায্য করবেন না, মানুষে মানুষে ভাই ভাই যে একটা সম্পর্ক আছে তা হয়ত আপনারা স্বীকার করবেন না। কিন্তু তাতে ভ্রুংখ নেই—কিছু লোক না হয় মরবেই।”

তারিণী চৌধুরীর প্রশান্ত মুখ হাসিতে উদ্ভাসিত হয়ে উঠল, “দশ বছর আগে হয়ত তাই বলতাম—বলতাম ওরা মরলে আমার কি। আজ

## প্রান্তরের গান

তা বলবার উপায় নেই। প্রাকৃতিক জগতের অবশ্যস্বাবী পরিবর্তনের মত মনের মধ্যেও নিরন্তর একটা পরিবর্তন হয়, বাহ্য জগতের চেউ' অন্তরেও ভাঙ্গন ধরায়। আমিও বদলেছি, তাই আজ বলছি যে ওরা মরতে-পারে না—ওদের বাঁচাতে হবে—”

“বাবা ! আপনি বলছেন !” প্রবীর উল্লাসে সোজা হয়ে উঠল।

“হ্যাঁ, আমি বলছি। অনেক ভেবে চিন্তে আজ প্রাণ খুলে তোকে আশীর্বাদ করছি প্রবীর। তুই যে পথ বেছে নিয়েছিস তা অমানুষের পাপ নয় বলে আজ তোকে বারংবার আমি আশীর্বাদ করছি।”

অনির্বচনীয় 'আনন্দে প্রবীরের মুখ ভরে উঠল, দেহের মাংসপেশী গুলোতে যেন নূতন শক্তির জোয়ার এল আর ধমনীতে ধমনীতে যেন অঙ্গের স্বনংকার ধ্বনিত হল।

বাপের পায়ে প্রণাম করে প্রবীর যখন নিজের ঘরের দিকে বাচ্ছিল তখন হঠাৎ তার নজর পড়ল পিছনের জানালার দিকে। মাধবী থাকিয়ে আছে।

মুহূর্তমাত্র। সেই এক মুহূর্তেই মাধবীর মুগ্ধ দৃষ্টি আর তার লজ্জাকর্ণ রঙীন রঞ্জের ছবিটাকে প্রবীর দেখে নিল। তারপরেই তাকে আর দেখা গেল না।

বাইরে গেল প্রবীর। না, মাধবী পালিয়েছে। কিন্তু কেন ?

লজ্জা। দিনান্তে প্রবীরকে একবার, না দেখলে মাধবীর যে কিছুতেই চলবে না তা একমাত্র শিবঠাকুরই জানেন। প্রবীর জানবে কি করে ? শুধু দেখার লালসা, কারণে অকারণে অন্ততঃ একবারও দেখার কামনা। তার জন্তই এসেছিল সে। তারিণী জ্যাঠার সঙ্গে প্রবীরকে কথা বলতে দেখে সে আর সাহস করে এগোতে পারে নি, তাই আড়াল থেকে, চুরী করে সে প্রবীরকে দেখছিল। হঠাৎ প্রবীর তাকে দেখতে



## প্রান্তরের গান

পেল, মাধবীর চৌর্য্যবৃত্তি ধরা পড়ে গেল। তাই চলে গেল মাধবী।  
চলে গেল নয়, পালাল। লজ্জা, লজ্জা।

সেদিনও ধর্ম্মঘট চালু রইল।

মিঃ সেনের সিগারেটের ছাই টেবিলের উপর শু পৌরুত হয়ে উঠল।

তার পরের দিন। একশ চাষী মিছিল করে গেল জমিদার বাড়ী।  
জানাল যে পার্টকলের শ্রমিকদের দাবী মানা হোক। শশাঙ্কবাবু  
তাদের তাড়িয়ে দিলেন।

সেদিনও কলের বাঁশী বাজল না। ভেড়ার মত শ্রমিকেরা ভীড়  
করল না কারখানায়।

শশাঙ্কবাবু শুধু কটমট করে তাকিয়ে রইলেন মিঃ সেনের দিকে।  
মিঃ সেন তাকাল অগ্ন দিকে।

স্বত্ৰত আর যতুপতিবাবু সন্ধ্যাবেলায় আবার শশাঙ্কবাবুর কাছে  
গেল। তিনি বললেন তিনি ভেবে দেখবেন তাদের কথা। চাকা ঘুরচে।

তার পরের দিন।

একই ইতিহাস। নিগর বস্ত্রগুলো ঠাণ্ড হয়েই রইল। মাঝে  
মাঝে শব্দ শোনা যায়। জুতোর মস্‌মস্‌ শব্দ। শ্রমিকদের নয়। মিঃ  
সেনের আর ভজুয়ার আর অগ্নাগ্ন কয়েকটা চাকরের

## প্রান্তরের গান

শ্রমিকদের ইউনিয়নের তহবিল শূন্য হয়ে গেছে। অনেকেরই পেটে টান লেগেছে। তবু ওরা চুপচাপ, নির্বিকার।

শশাঙ্কবাবু মিঃ সেনকে বাড়ীতে ডেকে পাঠালেন। শশাঙ্কবাবু মশক্কে কি সব আলোচনা করলেন যেন। চাকা আরো ঘুরছে।

সারা গ্রামে, ঘরে ঘরে, দাওয়ার দাওয়ার উত্তেজিত আলোচনা। সবাই ভাবছে।

তারও পরের দিন

পাটকলের চিম্নী বেয়ে কালো ধোঁয়া আর বেরোল না। এবার বস্ত্রগুলোর উপর ধুলোর একটা স্তূপ আস্তরণ জমল। কলের বাঁশী আর বাতাস কাঁপিয়ে বাজল না। শ্রমিকেরা আর ভেড়ার মত ছড়মুড় করে কারখানায় এল না। বস্ত্রের শব্দে, কলগুঞ্জে, চীৎকার আর কশ্ম-বাস্ততায় গ্রামের মাটি সেদিনও কাঁপল না। শশাঙ্কবাবু চালু রইল।

শ্রমিকদের পেটে টান লেগেছে। তাতে কি? পেট থাকলেই ও হয়। তাই বলে হার মানতে হবে! পেট ত' কুকুরদেরও আছে। কিন্তু মানুষ ত' আর কুকুর নয়।

সকাল থেকে রাত পর্যন্ত প্রবীর করছে ছুটোছুটি। আবহুল আর তাহের, বতীন আর রামসিং, আতাউল্লা আর অবিনাশ সবাই মিলে বোরাঘুরি করছে প্রতি শ্রমিকের বাড়ী। সবাই মাথা নাড়ছে। না, কেউ হার মানবে না।

ওদিকে মিঃ সেন যাচ্ছে দারোগা প্রিয়তোষ বাবুর কাছে, ডাকছে গণি মিঞাকে চুপি চুপি। সবাই মিলে আবার শশাঙ্কবাবুর কাছে

## প্রান্তরের গান

যাচ্ছে। অনেক আলোচনা, অনেক তর্ক, অনেক বিতর্ক। কণ্ঠে তাদের ক্রোধ, উত্তেজনা। ক্রমে তাতে ভাঁটা পড়ে, স্তর নীচু হয়, নরম হয়।

চাকা ঘুরে গেছে

চাকা সত্যি ঘুরে গেল। ভেড়ার পালের কাছে হিংস্র বাঘকে মাথা নত করতে হল। স্বার্থ। হয়ত আত্মসম্মানে লাগল, কিন্তু অনিবার্য ঘটনাকে আজ উপেক্ষা করলেও কাল তো করা যাবে না। আজ কণ্ঠেচুপে চাকার উপরে থাকলেও কাল চাকার নীচে পিষে যেতে হবেই। তার চেয়ে খানিক অপমান না হয় সহ্য করাই যাক, আত্ম-মর্যাদা না হয় খানিকটা কমলই, কাজ উদ্ধার হোক ত। হয়ত ভেড়ার পালকে জব্দ করা যেত—কিন্তু তাতে ক্ষতিও ত' কম নয়। নূতন লোক আমদানী করাও ত' চারটি কথা নগ্ন। আপাততঃ রফা হোক—আপোষ হোক—কাজ চলুক। সময় আছে, সুযোগও হবে, তখন না হয় ধারালো নখের তীক্ষ্ণতাকে আবার দেখানো যাবে। সময় বদলেছে একথা সত্যি, তাই নিয়মের পরিবর্তনকেও আজ মানতে হবে।

সকাল বেলাতেই ডাক এলো।

জমিদার শশাঙ্ক রায়ের চিঠি সমেত লোক এসেছে। ধর্মঘট স্থগিত করার বিষয়ে আলোচনা করতে চান। তিনি শ্রমিকদের দাবী মেনে নিয়েছেন। এখুনি যেতে হবে প্রবীরকে।

## প্রান্তরের গান

তারিণী হেসে বললেন, “কালসাপকে পদানত করলে শেষে ! ভাল, দেখো, বিষটুকু নিংড়ে ফেলো কিন্তু ।”

প্রবীর হাসল ।

আবছলকে নিয়ে প্রবীর গেল ।

ঘরের ভিতর শশাঙ্কবাবু, প্রিয়তোষ বাবু ও মিঃ সেন ।

“বোস”—শশাঙ্কবাবু নির্দেশ করলেন প্রবীরকে ।

প্রবীর বসল ।

আবছলও বসল ।

মিঃ সেন ক্রুদ্ধিত করলেন, আবছলকে বললেন, “তুমি দাঁড়িয়েই থাক, বুঝলে ?”

প্রবীর তাকাল মিঃ সেনের দিকে, অগ্নিগর্ভ অগ্নেয়গিরির মত ছটো ছোঁচ ঘেন জ্বলতে লাগল তার, সে বলল, “না, ও বসেই থাকবে । আর যদি তা সত্ত্বেও ‘না’ বলেন তাহলে আমি বলব যে আপনাদের অন্তরের কোনো পরিবর্তন হয়নি । অন্তরের পরিবর্তন না হলে আপোনা হসন্তব ।”

প্রিয়তোষ বাবু কি ঘেন বলতে যাচ্ছিলেন, শশাঙ্কবাবু বাধা দিলেন, বললেন, “থাক, বসেই থাক না দোকটা । যাক—এখন কাজ শুরু হোক । শোন প্রবীর । আজ থেকে ষ্ট্রাইক বন্ধ করো, আমি তোমাদের সমস্ত দাবী মেনেই নিচ্ছি । বাড়ীঘরের মেরামত এখনই হবে—অগ্নাত দাবী মেনে নিচ্ছি । কিন্তু কারখানার কাজ বেড়ে গেছে—এক ঘণ্টা উপরি খাটুণীটাকে শ্রমিকদের মানতেই হবে ।”

## প্রান্তরের গান

প্রবীর মাথা নাড়ল, “আপোষ করতে গেলে ছ’পক্ষকেই খানিকটা খানিকটা স্বার্থত্যাগ করতে হয়। বেশ, তারা না হয় তাই খাটবে, কিন্তু তার জন্ত তাদের অতিরিক্ত কিছু দিতেও হবে।”

অনেকক্ষণ আলোচনা হল। শেষে ঠিক হল যে আজ থেকেই কাজ শুরু হবে, বাড়ীঘর কয়েকদিনের মধ্যেই মেরামত করা হবে—বেতন আপাততঃ শতকরা দশ টাকা করে বৃদ্ধি করা হবে এবং অতিরিক্ত পরিশ্রমের জন্য দণ্টা ও বেতনের হিসাবানুযায়ী অতিরিক্ত পারিশ্রমিকও দেওয়া হবে। আরো কথা হল। শশাঙ্কবাবু ফোজদারী মোকদ্দমাটা প্রত্যাহার করলেন প্রবীর ও শ্রমিকদের উপস্থিতি থেকে। প্রত্যাহার-পত্র লিখে প্রিয়তোষবাবুকে দিয়ে দিলেন তিনি।

প্রবীর আবছল ও প্রিয়তোষবাবু চলে গেল। তাদের পায়েয় শব্দ মিলিয়ে গেল দূরে।

কড়া চুরুট ধরিয়ে শশাঙ্কবাবু ক্লান্তভাবে টানতে লাগলেন। ভয়ানক ইচ্ছা যেমন করে তাকিয়ে থাকে শিকারী বিড়ালের দিকে তেমনিভাবে মিঃ সেন তাকিয়ে রইল শশাঙ্কবাবুর দিকে। লজ্জায় ও ভয়ে মুখটা তার ফাঁসা বেলুলের মত হয়ে গেছে আর অসহায় আতঙ্কে ও বিস্ফোরণের প্রত্যাশায় চোখ দুটো তার নিরন্তর মিটমিট করছে।

গাড়ি, নীলচে ধোঁয়ার কুণ্ডলী নিঃশব্দ-সঞ্চরণশীল সরীসৃপের মত শশাঙ্কবাবুর মুখ থেকে বেরিয়ে আসছে। তার মনের অন্তরালে যে সাপগুলো নিঃস্রীব হয়ে এসেছিল তারা যেন আবার বাতাসের সংস্পর্শে জীবনীশক্তি ফিরে পাচ্ছে, ফণাবিস্তার করে ক্রুর কামনায় যেন তারা মাথা দোলাচ্ছে।

খানিকটা অন্ধ-স্বগতভাবে শশাঙ্কবাবু বললেন, “আজ না হয় হারই মানলাম, কিন্তু কাল? কাল—”

## প্রান্তরের গান

বিশ্ফোরণ নয়, বাঁচল মিঃ সেন, মনিবের কথার পরিপূরণ করে ক্রুদ্ধ কণ্ঠে সে বলল, “আজ্ঞে হ্যাঁ—কাল আমরা ওদের পিষে মারবই”—

খিল খিল হাসি শোনা গেল।

হাসছিল শিখা, হাসতে হাসতে ছলছিল সে। পেছনে, দরজার পর্দার সামনে সে দাঁড়িয়েছিল, একটু আগেই এসেছিল সে, নীরবে ধর্মঘটের অবসানকে দাঁড়িয়ে দাঁড়িয়ে দেখছিল।

হাসতে হাসতে সে বলল, “রাইট্ মিঃ সেন। কি বল বাবা, আজ না হয় হার মেনেছি, কিন্তু কাল? কাল ওদের পিষে মারতেই হবে, হেরেও আমরা হারব না।”

আর একবার হাসির হিল্লোল তুলে সে ঘর থেকে চলে গেল।

শশাঙ্কবাবু মাথা নীচু করলেন। কিন্তু সেই নীচু মাথায় যে চোখ তেঁটে ছিল, তা কিন্তু জ্বলতে লাগল। আহত বাঘের মত।

মিঃ সেনের তৃষ্ণা বোধ হয়। সিগারেটের তৃষ্ণা।

ইউনিয়ন।

শত কণ্ঠের ধ্বনি উঠল—“ইনক্লাব জিন্দাবাদ”—

বিপ্লব দীর্ঘজীবী হোক। অত্যাচার, অবিচার, প্রতারণা, নীচতা, লোভ ও শঠতার বিরুদ্ধে নিরন্তর সংগ্রাম চলুক। বিপ্লব দীর্ঘজীবী হোক।

একঘণ্টা পর।

পাটকলের বাঁশী বাজল। কু—উ—উ—কু—উ—উ—

সারা গ্রাম চমকে উঠল।

## প্রান্তরের গান

বস্ত্রের উপরকার ধুলো অপমৃত হল, তৈলাক্ত মন্থণতায় আবার তা ঝক্ ঝক্ করতে লাগল। আবার তা চলতে লাগল। শত কণ্ঠের আনন্দোচ্ছ্বাস-পূর্ণ কলগুঞ্জন আর চীৎকার ; ব্যস্ত পদক্ষেপ আর বলিষ্ঠ বাহুর আন্দোলন। প্রাণের জোয়ারে সারা কারখানাটা যেন কাঁপছে।

বাঁশীটা বেজেই চলেছে। কু—উ—উ—উ—। যেন অনেকদিন বাদে বেজেছে বলে আনন্দাতিশয্যে আর ধামতে চাইছে না।

কারখানার চিম্নী থেকে ধোঁয়া উঠছে আবার। কুণ্ডলীকৃত ধোঁয়া। যেন উপরকার বিরাট আকাশকে ধূপের ধোঁয়া দিয়ে সম্বর্দ্ধনা জানানো হচ্ছে।

আলোচনার একটা নূতন বিষয়বস্তু জুটল। পাটকলের মজুরেরা জমিদারকে কাবু করেছে—সবাই খুশী হল। কিন্তু এ খুশী হওয়াটা বুদ্ধি-প্রণোদিত নয়, অত্যাচার উপর ত্রায় জয়ী হল বলে নয়। সবলের উপর, ধনীর উপর, দুর্বল ও দরিদ্রের যে ঈর্ষ্যা ও ক্রোধ আছে তারি জ্বালা খানিকটা প্রশমিত হল বলেই এই খুশী হওয়া।

ইউনিয়নের দিকে যাচ্ছিল প্রবীর।

আখড়ার নিকটবর্তী তারক বাড়ুঘ্যের চাতালের উপর প্রবীরদের জমায়েৎ দেখা যায়। জোতদার হরিভূষণ গাঙ্গুলী, বুড়ো মোক্তার নীলেশ রায়, অঘোর পণ্ডিত, নিমাই বাড়ুঘ্যে আর কৃষ্ণদাস বসু। ছোটো

## প্রান্তরের গান

খেলো হাঁকো সেই রস-চক্রে রস পরিবেশন করছে। থেকে থেকে  
হস্তান্তরিত হচ্ছে সেগুলো, কল্কের আগুন টানের চোটে জলে জলে  
উঠছে, লালচে আভা বিকীরণ করছে। অবচ্ছিন্ন স্বাক্ষরকে আরো  
আবচ্ছা করে তুলেছে সেই তামাকের ধোঁয়া।

প্রবীর হাসল। জীর্ণতার ধ্বংসস্তুপ। অতীতের প্রেত।

বুড়োরা প্রবীরকে দেখল। উৎসুক হয়ে উঠল সবাই।

“ওহে প্রবীর—শোনো শোনো—” অঘোর পণ্ডিত ডাক দিলেন।

প্রবীর দাঁড়াল তাদের সামনে।

“কোথায় যাচ্ছ বাবা?” পণ্ডিত প্রশ্ন করলেন।

“যাচ্ছি মজুরদের ইউনিয়নে”—

“খাসা কাণ্ড করেছ বাবাজী”—গাঙ্গুলী হেসে বলল, “বাবুসায়ের  
একেবারে জব্দ হয়ে গেছেন—হেঁ হেঁ হেঁ—” হাসির প্রাবল্যে তার  
গজাননকেও হার মানানো ভুঁড়িটি নেচে উঠতে লাগল।

কৃষ্ণদাস সায় দিল, “খাসা বলে খাসা, খোদার উপর গোদুকাদী  
হয়েছে বাবা”—

অর্থহীন কথাবার্তা।

“আচ্ছা, আমি তা হলে এবার আসি, জানার জন্যে সবাই  
অপেক্ষা করছে।” প্রবীর বলল।

“আচ্ছা বাবা, এসো—” অঘোর পণ্ডিত মীথো নেড়ে বললেন।

প্রবীর চলে গেল।

আবার তামাকের ধোঁয়া।

প্রবীরের গমন-পথের দিকে তাকিয়ে তারক বাড়ুয়ে এতক্ষণে  
কথা বলল, চোখ ছটো কুঞ্চিত করে, টাকের উপর একবার হাত বুলিয়ে  
বলল, “খাসা খাসা ত’ বলছ সবাই কিন্তু ছেলেটার আচরণ লক্ষ্য



## প্রান্তরের গান

করলে ? এতগুলো বুড়ো লোকের সঙ্গে কথা বলার কয়দাটাও জানে না ! একটা প্রণামও ত' করতে পারত ! আমাদের না হয় না-ই করল, অঘোরদার মত প্রবীণ, বিজ্ঞ লোককেও কি একটা প্রণাম জানানো যায় না !”

নূতন একটা উত্তেজনার সঞ্চার হল। তাই তো, ছেলেটো তো সত্যি অর্কচীন !

হরিভূষনের কণ্ঠে শ্লেষ ধ্বনিত হল, “হুঃ, দেশোদ্ধার করছে—যত সব—। তারিণী চৌধুরী ছেলেটাকে আদ্বারা দিয়ে মাথায় তুলেছে। যত সব কথাটে ছোঁড়াগুলো ঘরের খেয়ে বনের মোষ তাড়িয়ে ফিরছে, কাজ নেই কস' নেই মজুর আর চাষীদের খালি খেপিয়ে তুলছে”—

অঘোর পণ্ডিত হাসতে লাগলেন, শাস্ত্র আর তত্ত্বের অধিকারী ব্যক্তি তিনি, তিনি কি আর এসব কিছু জানেন না ? জানেন, এবং সব জানেন বলেই তিনি মৃহুমন্দ হাসতে লাগলেন। মানেটা এই যে কি তোমরা বল্লে, ও আমি বহুদিন আগে থেকেই জানি।

অতি প্রশান্ত হাসি হেসে তিনি বললেন, “কলি—কলির প্রকোপ ভায়া—ও ত' হবেই। ধর্ম্যঃ সংকুচিতস্তপো বিরহিতং সত্যঞ্চ দূরং গতং। পাপ, অধর্ম্ম আর অসত্য যেমন বৃদ্ধি পাবে তেমনি বৃদ্ধি পাবে ঐক্যতা। উচ্চের প্রতি 'নীচের অবজ্ঞা, ব্রাহ্মণের প্রতি শূদ্রের ঘৃণা এবং প্রবীণের প্রতি নবীনের বিক্ষোভ।”

নিমাই বুড়ো যেন ত্রাসে কঁপে উঠল সেই বর্ণনা শুনে, মাথা নেড়ে সেও সায় দিল, বলল, “ঠিকই বলছেন দাদা। এই প্রবীর ছোঁড় যে দলের তারা নাকি সাম্য চায়—বামুন আর শূদ্র, ধনী আর গরীব সবাইকেই নাকি ওরা এক করে দেবে”—

তারক বাড়ুয়ে অনুকম্পার হাসি হাসল, অর্থাৎ নিমাই বাড়ুয়ে

## প্রান্তরের গান

আরো অনেক কিছুই জানে না, চোখ নাচিয়ে সে বলল, “শুধু কি তাই ভায়া ? আরো আছে । জানোইত দেশোদ্ধার করার পথ এক গান্দাই দেখিয়েছে—ভগবানকে সহায় করে ইংরাজদের সঙ্গে লড়াই করে । কমই বা কি করল ভায়া ? দেশের কত জায়গায় মল্লীত করছে তার লোকেরা!—এটা কম কথা নয় । অর্থাৎ ভগবানে বিশ্বাস করেছে বলেই ওটুকু হয়েছে । কিন্তু এই সব সাম্য বাদীরা কি বলছে জানো ? বলছে ভগবান নেই ?”

আবার উত্তেজনার সঞ্চার হলো ।

অঘোর পণ্ডিত হাসলেন, “ভগবানের বিধান উল্টে বারো সবাইকে সমান কর্তে চায় তারা যে ভগবানকে মানবে না এ এমন কি নতুন কথা ? কিন্তু সব ঠিক হয়ে যাবে ভায়া । কাল পূর্ণ হলে, সত্যসন্ধিসময়ে, আবার কঙ্কির্ভবিষ্যতি”—

ঠিক ঠিক । সব ঠিক হয়ে যাবে । ভগবানকে বাদ দিয়ে কি কিছু চলে !

আবার আলোচনার মোড় ঘুরে যায় । নূতন করে তামাক সাজা হয় । ধোঁয়ার কুণ্ডলী বাতাসে মিলায় । অন্ধকার গাঢ় হয়, পিছনের বাঁশবনে মন্মথধ্বনি উথিত হয় আর সামনের নারকেল গাছগুলোকে অতিকায় দৈত্যের মত দেখায় । ব্রাত হলো ।

## প্রান্তরের গান

ইউনিয়নে সবাই এসেছে। ছেলে বুড়ো থেকে মেয়েরা পর্যন্ত।  
মায়া গণি-মিঞার দল। তারা দোষ স্বীকার করেছে, মাফ চেয়েছে।  
এসেছে কৃষক সভার তরফ থেকে কয়েক জন লোক, এসেছে সূত্রত আর  
যত্নপতি বাবু। সবাই অভিনন্দন জানাচ্ছে।

প্রবীরকে ওরা মা'ল' পরিষে দিয়েছে। কৃতজ্ঞতায় চোখ-ওদের  
চক্চক্ করছে।

ঘরোয়া আলোচনা চলল। হাসি গল্প। জয়ের আনন্দে সবাই  
বিভোর। তারা গরীব হয়েও ধনী, দুর্বল হয়েও আজ সবল।

সূত্রত ওদের অভিনন্দন জানাল। বলল যে তাদের বিজয়লাভ  
গুরুত্বপূর্ণ। এই সব যুদ্ধে তাদের শক্তি বাড়বে বটে কিন্তু সেই শক্তিকে  
কেন্দ্রীভূত করতে হবে। সঞ্চিত রাখতে হবে বৃহত্তর যুদ্ধের জন্ত। সে  
স্বাধীনতার যুদ্ধ। কবে ডাক আসবে ঠিক নেই, তবে ডাক আসবেই।  
পশ্চিম দেশে ওলোট পালট চলছে, হয়ত কিছুদিন বাড়েই যুদ্ধ লাগবে।  
পৃথিবীতেও একটা বিগব ঘনিয়ে আসছে। তাদেরও তাতে অংশগ্রহণ  
করতে হবে। কিন্তু সব দলকে মিলতে হবে। একতার ফলে যেমন  
আজকে সবাই জয়ী হয়েছে তেমনি সর্বদলের একতার ফলে সেই  
আগামী যুদ্ধেও তারা বিজয়ী হবে। অস্ত্র নাই-বা থাকল, সত্য আর গায়  
হবে তাদের অস্ত্র—‘অস্ত্রহীনতাই’ হবে তাদের বর্ষ্ম। তাদের স্বাধীনতার  
স্বর্গ্য আবার উদ্ভূত হবে। তাদের জীবনের অন্ধকারকে বিদূরিত করবে।  
শেষ কথা এই যে আগামী কালের পৃথিবী তাদের—শ্রমিকের, কৃষকের,  
নির্যাতিতের।

সবাই হয়ত সব কথা বুঝল না। কিন্তু এটা বুঝল যে তারা  
শক্তিমান। আর বুঝল যে এখনো তাদের অনেক কাজ বাকী  
আছে—অনেক কাজ।

## প্রান্তরের গান

একটা রোমাঞ্চকর উত্তেজনায় সকলের শরীর মন ভরে উঠল, হ্রস্ব শক্তির একটা উন্নত উল্লাস তাদের বুকের ভিতর ফুলে ফুলে উঠল, যে স্বর্ধ্য আজকের মত অন্ত গেছে তা যেন তাদের চোখে আবার উদিত হল।

“ইনকিলাব জিন্দাবাদ”—শতকণ্ঠে ধ্বনিত হল।

বিপ্লব দীর্ঘজীবী হোক। অত্যায, অবিচার, প্রতারণা, নীচতা, লোভ ও শঠতার বিরুদ্ধে নিরন্তর সংগ্রাম চলুক। বিপ্লব দীর্ঘজীবী হোক।

ঘণ্টা ছ’য়েক বাদে প্রবীর বাড়ী ফিরছিল। বেলফুলের মালাটি পকেটের ভিতর রয়েছে, একটা মুহু সৌরভ পাচ্ছে সে চলতে চলতে। হঠাৎ তার মনে পড়ল যে ওরা বৈশাখ নন্দর বিয়ে। এ কয়-দিন ওসব কথা তার মনেই ছিল না।

নন্দদের বাড়ীতে গিয়ে সে হাজির হল।

দাওয়ার উপর ছিল হরিচরণ আর শিবেশ্বর।

হরিচরণ ডাক দিল, “এসো বাবা এসো। তোমার জুই এখানে বসে আছি, নন্দকে তোমার বাড়ী পাঠিয়েছিলাম কিন্তু তুমি ছিলে না।”

“ই্যা—মজুরদের ওখানে ছিলাম।”

শিবেশ্বর উৎসাহিত হয়ে উঠল, “বড় ভাল কাজ করেছ বাবা, বড় ভাল কাজ করেছ। মানুষকে মানুষ বলে মানেনা বড়রা—সব সহ হয় কিন্তু ও সহ হয় না—”

## প্রান্তরের গান

হরিচরণ মাথা নাড়ল, আবেগে কণ্ঠটা তার কেঁপে উঠল একটু,  
“মানুষকে মানুষ করার কাজ নিয়েছ, মানুষকে সুখী করার, স্বাধীন  
করার ব্রত নিয়েছ তুমি—এর চেয়ে বড় আর কি হতে পারে? ভগবান  
তোমার মঙ্গল করবেন।”

খানিকক্ষণ নিশ্শব্দতায় কাটল।

প্রবীর নৈশব্দ ভাঙ্গল, “তাহলে কাঁকা, বিয়ে ঠিক তো?”

হরিচরণ ব্যস্ত হয়ে উঠল, “হ্যাঁ বাবা, ঐ কথাই ত বলতে চাই।  
তা হলে কি করব—সব জোগাড় করব?”

“নিশ্চয়। কালই সহরে যান, জিনিষপত্র কিনুন, তৈরী থাকুন।”

“কিন্তু পুরুত? তারক বাড়ুঘ্যো বা আর কাউকে বললেই কথাটা  
হয়ত ফাঁস হয়ে পড়বে”—

“ও ভার আমায় দিন—আমি ঠিক করে রাখব। আর দেখুন,  
বেছে বেছে মাত্র কুড়ি পঁচিশ জনকে নেমস্তন্ন করবেন’ বেশী নয়।  
আর একটা কথা, কনে কে সেকথা কিন্তু প্রাণ স্তেও বিয়ের আগে  
বলবেন না।”

শিবেশ্বর সায় দিল, “আমিও তাই বলছি বাবা।”

“নন্দ কোথায়?”

“ভিতরে—যাওনা।”

প্রবীর ভিতরে গেল।

দরজার পাশেই নন্দ দাঁড়িয়ে ছিল, আর ছিল মাধবী।

নন্দ আড়ি পেতে শুনছিল বিয়ের কথা আর মাধবী আড়ি পেতে  
দেখছিল প্রবীরকে।

প্রবীর চোখ পাকাল, “কি হচ্ছে—এঁরা?”

সবাই মুখে হাতচাপা দিয়ে হেসে উঠল।

## প্রান্তরের গান

“বোস্”—নন্দ বলল।

“বস্ছি, কিন্তু তোর খবর কি—সব ঠিক?”

নন্দ মাথা নাড়ল।

“বেশ তাহলে আমি পুরুত ঠিক করছি, কেমন?”

নন্দ নিঃশব্দে হাসল।

মাধবীও মুখ টিপে হাসল, “দাদার যে কনের মত লজ্জা হল, না প্রবীরদা?”

নন্দ কথার মোড় ঘুরিয়ে দিল, “যাক্, ও সবত’ হল—তোর ধর্ম্মঘটের ত’ জয় জয়কার—”

“আমার নয়, শ্রমিকদের।”

“তাই—সবাই ধন্য ধন্য করছে।”

আনন্দোজ্জল দৃষ্টি মেলে, মাধবী প্রবীরের দিকে তাকাল। বিজয়ী বীরের দিকে মুগ্ধ জনতা যেমন সশ্রদ্ধ দৃষ্টি মেলে তাকায় তেমনি ভাবে। শত শত লোক প্রবীরকে শ্রদ্ধা করে, তার কথায় ওঠে বসে, তার প্রতাপের কাছে প্রতাপশালী জমিদারেরও মাথা নত হয়েছে। প্রবীর, যে প্রবীরকে মাধবী ভালবাসে, মাধবী’র প্রবীর।

মাধবী হঠাৎ বলল, “কোথেকে যেন ফুলের গন্ধ আসছে, না? বেলফুল”—

প্রবীর পকেট থেকে মালাটাকে বের করল।

“ঠিক ধরেছ মাধু—”

মাধবী ভারী খুশী হয়ে উঠল, ওর চোখের তারা ছটোয় গর্ক দেখা দিল, “বেশ সুন্দর ত, ওরা তোমায় দিয়েছিল বুঝি?”

“হ্যাঁ—তুমি নেবে?”

## প্রান্তরের গান

“দূর—তোমায় দিয়েছে আমি কেন”—সে মাথা নাড়ল। কিন্তু তার কণ্ঠের মধ্যে একটা প্রচ্ছন্ন কামনাও যেন ধ্বনিত হ'ল।

বাধা দিয়ে প্রবীর বলল, “তাতে কি, নাও”—

মাধবীর প্রসারিত হাতের উপর সে মালাটা দিল। মাধবী যেন অঞ্জলি পেতে দেবতার আশীর্বাদ নিল, লজ্জার রক্তিমভায়ে গাল দুটো তার উজ্জ্বল হয়ে উঠল, চোখে একটা কৃতজ্ঞতার দীপ্তি ঘনিয়ে এল। সে ধন্য।

প্রবীর ফিরে দাঁড়াল, “এবার তা হলে যাই নন্দ। তবু বৈশাখের সন্ধ্যার সময় আমিও যাব তোদের সঙ্গে”—সে থামল, একটু হেসে নন্দ'র পিঠি চুঁকে দিয়ে আবার বলল—“সুভদ্রা-হরণ করতে, কেমন?”

নন্দ মিষ্টি হেসে বলল—“আচ্ছা আচ্ছা”—

“চললাম মাধু—”

কম্পিতকণ্ঠে মাধবী বলল—“এসো”—

বাইরে হরিচরণকে প্রবীর বলল—“সব ঠিক কাকা। বা বা বললাম সেইমত সব ঠিক করে ফেলুন। কিছু ভাববেন না, সব ঠিক হয়ে যাবে।”

“আচ্ছা বাবা—” হরিচরণের কণ্ঠস্বরে নির্ভরতা ধ্বনিত হ'ল। পারে, প্রবীর সব পারে। জমিদার শশাঙ্কবাবুকেও যে হার মানায় সে সব পারে।

প্রবীর চলে গেল।

নন্দ নিজের শয্যায় শুয়ে কাজললতার স্বপ্ন দেখে।

একটু আড়ালে আব'ছা অন্ধকারের মধ্যে মাধবী দাঁড়াল। বাইরে সব সুন্দর দেখাচ্ছে, ভারী সুন্দর। নিঃশঙ্কতা আর চাঁদের আলোর কুহেলিতে মোড়া গ্রামের মধ্যে এখন কোনো কোলাহল নেই। বাতাস

## প্রান্তরের গান

পড়ে গেছে, স্থির চিত্রপটের মত বিরাট আকাশটা মাথার উপরে চন্দ্রালোকে বাক্বাক্ব করছে। নক্ষত্র-সমারোহ আছে কিন্তু স্নানায়িত, পাণ্ডুরবর্ণ। ভারী ভালো লাগল মাধবীর।

উগ্র রসায়ণ পান করলে যে মত্ততা আসে, যে আবেশে আচ্ছন্ন হয় সমস্ত শিরাস্নায়ু তেমনি মত্ততা, তেমনি আবেশ হয়েছে মাধবীর। হাতের মধ্যে ধরা রয়েছে বেলফুলের মালাটা। একটা তুলুভ সম্পদ। হাতের তালুর অদৃশ্য রক্তপথগুলো দিয়ে একটা অনির্কচনীয় অম্লভূতি যেন ফুলগুলো থেকে তার দেহে সঞ্চারিত হচ্ছে, তার সমস্ত অন্তস্তল যেন ক্রমেই স্তরভিত হয়ে উঠছে। আঃ—

মালাটা সে পরল। সেই মালা—যে মালা ছিল প্রবীরের কণ্ঠকে বেঁধে রাখতে, যে মালা ছিল প্রবীরের বক্ষ-সংলগ্ন হয়ে। সেই মালা এখন মাধবীর কণ্ঠদেশকে বেঁধে রাখতে, সেই মালা এখন মাধবীর কম্পিত-কোমল বক্ষের হৃদস্পন্দনের সঙ্গে উঠছে, নামছে। একটি মালা হৃদয়কেই যুক্ত করেছে। আর এ মালা দিয়েছে প্রবীর—প্রবীর। কিন্তু তবু—প্রবীর তাকে মালাটা পরিয়ে দিল না কেন? নন্দ? তাতে কি, একটু আড়ালে এসেও ত সে তা করতে পারত! হে মা কালী, প্রবীর তা কেন করল না?



## প্রান্তরের গান

পরদিন বিকেলে প্রিয়তোষবাবুর সঙ্গে গিয়ে প্রবীর দেখা করল।

“কি ব্যাপার প্রবীরবাবু—আম্মন—”

“দরকার আছে।”

“তা ত’ বুঝছিই, বিনা দরকারে আমাদের মত পাণ্ডুর সঙ্গে ত’ লোকেরা দেখা করেনা। কি দরকার?”

প্রবীর হাসল, “অভয় পাই ত’ বলি”—

“দিচ্ছি অভয়—বলুন না মশাই।”

“সাহায্য করতে হবে।”

“কি ব্যাপারে?”

“হৃদয়গত ব্যাপারে?”

“মানে?”

“বলছি।”

প্রবীর সব বলল। নন্দ আর কাজললতার বিয়ের কথা।

প্রিয়তোষবাবু শুনে হেসেই আকুল। বেশ লোক এই প্রিয়তোষবাবু, দারোগাশুলভ ভয়ঙ্করত্ব একটুও নেই।

“যত রাজ্যের ঝামেলা নিয়ে আপনি থাকেন দেখছি।” প্রিয়তোষবাবু বলল।

“ঘাড়ে এসে পুড়ে যে—তাছাড়া দুটো জীবনের ভুল মন্দ—উপেক্ষার বস্তু নয়।”

“তা ত’ বুঝলুম, কিন্তু আমার চাকরীটি কি খেতে চান?”

“কেন?”

“আমাদের দেশের বাপমায়ের অবাধ্যতা করা যে বে-আইনী ব্যাপার—তারপরে এত রীতিমত ইলোপমেন্ট মশাই।”

প্রবীর হাসল, “আইনের গণ্ডী থেকে বাঁচবার এক আধটা

## প্রান্তরের গান

নির্গমন-পথ সব সময়েই থাকে—এক্ষেত্রেও আছে। অসবর্ণ বিয়ে নয়, তা ছাড়া পাত্রপাত্রী দু'জনেই প্রাপ্তবয়স্ক ও বয়স্ক।”

প্রিয়তোষবাবু ক্ষণকাল চুপ করে কি ভাবল, পরে মুখ তুলে হাসল। “আপনার অন্তঃকরণকে প্রশংসা করছি মশাই। যাই হোক—আমার দধাসাধ্য সাহায্য করব। তবে একথা মনে রাখবেন—আপনার উপর আক্রোশ রয়েছে অনেকের—মায় আমাদের”—

“তা জানি—অজস্র ধন্যবাদ প্রিয়তোষবাবু।”

চৈত্র সংক্রান্তির দিন। বর্ষশেষের বাজনা বাজছে; গ্রামের প্রান্তে অবস্থিত বুড়ো শিবের মন্দিরের কাছে ছোট একটা মেলা বসেছে। একটা নাগরদোলাও এসেছে। কোলাহলের রেশ ভেসে আসছে। হাসি, চীৎকার, বাঁশী আর ভেপুর আওয়াজ আর ঢাকের শব্দ।

মেলায় দিকে না গিয়ে আর একটু পূর্বদিকে গেল প্রবীর। ক্ষেতের উন্মুক্ত আবহাওয়াটা যেন হাতছানি দিয়ে ডাকছে। বেলা পড়ে এসেছে, রৌদ্রের তেজ হয়েছে মন্দীভূত, বাতাসের স্পর্শে এখন আর জ্বালা বোধ হয় না বরং স্নিগ্ধতা অনুভূত হয়।

চার পাঁচটা নারকেল গাছ ভিড় করে আছে একটা টিপির উপর। প্রবীর বসল সেখানে। সামনের দিকে তাকাল সে। স্থানে স্থানে কর্ষিত রিক্ত প্রান্তর ধুঁকু করছে। দূরে দক্ষিণ দিগন্তের কোলে, একটা

## প্রান্তরের গান

ঘন মসী-রেখার মত ময়নাগঞ্জ গ্রামটাকে অস্পষ্টভাবে দেখা যাচ্ছে। দক্ষিণে ঝোপঝাড়, বেতবন আর জায়গায় জায়গায় পানায় ভরা শুকনো বিলের বিস্তৃতি। উল্কাৎক্লিপ্ত অগ্নিরাশির মত রক্তবর্ণ মেঘখণ্ডগুলো দিগন্তের উপরে স্থির হয়ে আছে। জানা অজানা নানা পাখী উড়ে চলেছে। সূর্যাস্তের রক্তলিপিতে ওদের বিশ্রামের নির্দেশ ঘোষিত হয়েছে। মাথার উপরকার শূন্যতাকে আলোড়িত করে ওদের ক্লাস্ত-পক্ষ যে শব্দ সৃষ্টি করছে তা অনবরত ভেসে আসছে—দূরাগত পূরবীর আলাপের মত।

অপরূপ এই পটভূমিকা, অপূর্ব এই দেশ। কিন্তু দেশের মানুষেরা? মুষ্টিবদ্ধ করে প্রবীর মাটিকে স্পর্শ করল। অনেক কাজ—অনেক কাজ করতে হবে। ছরুহ কাজ। সাত সমুদ্র তের নদী পার হয়ে, ছর্গম অরণ্য আর প্রান্তর ভেদ করে, অতিকায় দৈত্য ও হিংস্র দানবদের বধ করে অচিন্ত দেশের রাজকন্যাকে উদ্ধার করার মতই ভয়ানক ছরুহ কাজ। কিন্তু তবু তা করতেই হবে, করতেই হবে।

দূরে আলের উপর একটিনারীমূর্তি দেখা গেল। গোলাপী রঙের শাড়ী-পরিহিতা আধুনিক। শিখা।

প্রবীর উঠে দাঁড়াল। পালাতে হবে। শিখার সঙ্গে তার ভাল লাগে না। তার কথাবার্তায়, হাবভাবে কি যেন একটা আবেদন লুকিয়ে থাকে। সে পা বাড়াল, লুকিয়ে গোলাবার জন্য।

কিন্তু শিখা তাকে দেখে ফেলেছে।

“প্রবীরবাবু নাকি?”

অভ্যস্ত হওয়া যায় না। প্রবীর দাঁড়াল।

“নমস্কার”—কাছে এসে শিখা হেসে বলল।

“নমস্কার। বেড়াতে বেড়িয়েছেন দেখছি।”

## প্রান্তরের গান

“তাতে সন্দেহের কোন কারণ আছি নাকি?” শিখার কণ্ঠে যেন একটু শ্লেষ মিশ্রিত আছে।

প্রবীর একবার শিখার দিকে তাকাল, একটা কঠিন কথা এসেছিল ওষ্ঠাগ্রে, তা দমন করে সে বলল, “তেমন কিছু নেই বটে তবে. স্নানশিক্ষিতা ও আধুনিক ধর্মীর ছলালীদের এই সব গ্রাম্য পারিপার্শ্বিক সাধারণতঃ ভাল লাগে না।”

“ব্যতিক্রম কি থাকতে পারে না?”

“এখন তাই মনে হচ্ছে। সে বিষয়ে আপনার প্রশংসা কর্তেই হবে আমাকে, আপনি ত’ দিনের পর দিন এখানে বেশ কাটিয়ে দিচ্ছেন।”

শিখা নিরুত্তরে হাসল।

প্রবীর আকাশের দিকে তাকাল। অন্ধকার হয়ে এসেছে।

“বাড়ী ফিরবেন না শিখাদেবী?” সে প্রশ্ন করল।

শিখা প্রবীরের দিকে আড়নয়নে একবার তাকিয়ে মৃদুকণ্ঠে বলল, “আপনি কি তাই চান?”

“সন্ধ্যা হয়ে এল কিনা, তাই বলছি।”

“তাতে কি, আপনি ত’ চোর ডাকাত নন।”

প্রবীর আবার তাকাল শিখার দিকে, আসন্ন সন্ধ্যার আবছা আলোতেও সে দেখতে পেল যে উত্তেজনার একটা গাঢ় ছায়া তার মুখে চোখে ধম্ধম্ করছে।

সে দৃঢ়কণ্ঠে বলল, “মাফ্ করবেন শিখা দেবী. আমার এবার ফিরতে হবে, কাজ আছে।”

প্রবীরের কণ্ঠস্বরের কাঠিন্য উপলব্ধি করে শিখার চোখ দুটো স্তিমিত হয়ে এল, পা বাড়িয়ে সে বলল, “চলুন তবে।”

নিঃশব্দতা নেমে এল দুজনের মাঝে।

## প্রান্তরের গান

মেলায় কোলাহল আর ঢাকের বাজনা শোনা যাচ্ছে। ক্রমশঃ সুস্পষ্ট হয়ে উঠছে, নিকটবর্তী হচ্ছে।

জোর করে হাসবার একটা দুর্বল প্রচেষ্টা করে শিখা বলল, “আমার অভিনন্দন জানবেন প্রবীর বাবু।”

“কি জন্য বলুন ত?”

“আপনাদের ট্রাইকের সাফল্যের জন্য।”

“ধন্যবাদ শিখা দেবী।”

আবার নিঃশব্দতা।

মাঝে মাঝে শিখা মুখ ঘুরিয়ে প্রবীরের দিকে তাকায়। প্রবীরের দৃষ্টি সামনের দিকে, তার ললাটে ছটো রেখা।

ডানদিকে মেলা বসেছে। তার কাছাকাছি গিয়ে তারা থামল। হুজনে এবার ছ’দিকে যাবে। ডানদিকের রাস্তার শেষে শিখাদের অট্টালিকা দেখা যাচ্ছে। প্রবীর যাবে বাঁ দিকে।

“কাল আসবেন প্রবীর বাবু”—শিখার কণ্ঠে মিনতিপূর্ণ আবেদন।

“কোথায়?”

“আমাদের বাড়ী। কেন আসেন না বলুনত? বাবার কথা বলবেন? বাবা’র ত’ কোনো ব্যক্তিগত আক্রোশ নেই আপনাকে উপর।”

প্রবীর মাথা নেড়ে বলল, “তবু তা হয় না শিখা দেবী। আমরা ছ’জনে ছ’পক্ষের—তেল আর জল জাতীয়—বাদী আর বিবাদী—আপোষ আমাদের হবে না।”

শিখার চোখ জলে উঠল, “এ আপনার অন্যায্য ধারণা। প্রবীর বাবু—শিক্ষিত লোকের মুখে এ কথা শোভা পায় না। মতের বিরোধ ঘটলেই যে মানুষে-মানুষে কায়েমী শত্রুতা হবে এ একটা কথাই নয়।”

## প্রান্তরের গান

প্রবীর কঠিন হয়ে উঠল। শ্লেষভিত্তক কণ্ঠে সে কেটে কেটে বলল, “পাপকে ভুগা করো, পাপীকে নয়—কথাটা ভাল হলোও আমি মানি না শিখা দেবী। মানলেও কাজের সময় তা পারি না। তা’ছাড়া আপনার বাবার সঙ্গে শুধুই মতের বিরোধ হলে অন্য ব্যাপার ঘটত—আমাদের বিরোধ যে স্বার্থের। যাক ওসব কথা, এবার আসি, কেমন?”

নির্দোষিত দীপের মত অন্ধকার মুখ তুলে শিখা প্রশ্ন করল, “তা’হলে সত্যি আসবেন না?”

প্রবীর এবার স্বর নরম করল, “তবু বলছেন? আমার দৃঢ়তাকেও আপনি সহ্য করলেন! আচ্ছা যাব, যাব একদিন।”

“আপনি ভারী নিষ্ঠুর প্রবীর বাবু!” শিখার কণ্ঠস্বর কৈপে উঠল।

প্রবীর চমকে উঠল সে কণ্ঠস্বর শুনে। শিখার মুখের উপর চকিতে একটা দৃষ্টি নিক্ষেপ করে সে বলল, “আচ্ছা, নমস্কার।”

দ্রুতপদে সে এগিয়ে চলল। শিখা সেখানেই দাঁড়িয়ে রইল চিত্র-পুস্তকীর মত। নিম্পন্দভাবে।

ব্যাপারটা বুঝতে পেরেছে প্রবীর। এতদিনে সব সংশয় কেটে গেছে। সব স্বচ্ছ হয়ে গেছে দিবালোকের মত।

কিন্তু তা হয় না। না।

## প্রান্তরের গান

ওরা বৈশাখ ।

সব ঠিকঠাক । মাত্র কয়েকজন লোককে খবর দিয়েছে হরিচরণ । আগের দিন সহরে গিয়ে সব নিয়ে এসেছে সে । শাড়ী, কাপড় আর টোপার—সব । রাসমণির গহনা দিয়েই কনেকে সাজানো হবে আপাততঃ, পরে আন্তে আন্তে গড়িয়ে দেওয়া যাবে । বাড়ীর উঠানের ভিতরে বিয়ে হবে, কলাগাছ আর মঙ্গলকলসও রেখেছে হরিচরণ । একদল বাজনদারদেরও বলা হয়েছে । কনে এলে পর তাদের আওয়াজ পাওয়া যাবে, তার আগে নয় ।

এক কথায় সব ঠিক ।

কিন্তু একটা ‘কিন্তু’ আছে । যদি শেষ মুহূর্তে সব ভেঙে যায় ? যদি মেয়েটি না আসে ?

মনের এই আশঙ্কাকে হরিচরণ প্রবীরের কাছে ব্যক্ত করল ।

প্রবীর দমবার পাত্র নয়, সে উৎসাহ দিয়ে বলল, “কিছু ভাববেন না, বিয়ে হবেই কাকা ।”

হরিচরণ আর কিছু বলল না । কিন্তু তবু শঙ্কা দূর হয় না । রাত না হলে, শাঁখের আওয়াজ আর উলুধ্বনির মাঝে শুভকার্য্যটা না হওয়া পর্য্যন্ত বুক তার ছক্ ছক্ কাঁপবেই, অস্বস্তিতে সব কিছু বিশ্বাস লাগবেই, সময়কে মধুর ও দীর্ঘ মনে হবেই । তারপরও অনেক ব্যাপার হবে হয়ত, গৌরদাস হয়ত এসে মারামারিই বাধিয়ে দেবে । না, কাজটা ভাল করেনি হরিচরণ । হঠাৎ দমে যায় সে । ছোকরাদের আঙ্কার দিয়ে নিজেকে হয়ত সে খুবই বিপদগ্রস্ত করে কেলেছে । কে জানে কি হবে । না, হরিচরণ ভারী ছেলেমানুষী করে কেলেছে ।

অন্ধকার মুখ নিয়ে হরিচরণ দাওয়ার উপর বসে থাকে ।

## প্রান্তরের গান

সেই ঘাটে, যেখানে মীনকেতনের অদৃশ্য শায়ক এসে নন্দলালের বুককে অশোক মঞ্জরীর মত লাল করে তুলেছিল, সেইখানে এসে ছুটো নৌকে। ভিড়ল। সন্ধ্যা পার হয়ে গেছে, অন্ধকারের মধ্যে আবছা আবছা দেখা যায় আরোহীদের। একটা নৌকোতে আছে প্রবীর, নন্দ আর অর্জুন। অগ্ৰাতিতে গ্রামের দুটি যুবক, দীনেশ ও নারায়ণ, প্রবীরের নতুন শিষ্য-শ্রেণীয়।

“নাম্”—প্রবীর নন্দকে বলল।

নন্দ নামল। আশায় আশঙ্কায় নন্দ’র বুকের স্পন্দন যেন ধেমে গেছে।

“দীনেশ”—প্রবীর ডাকল।

“কি প্রবীরদা?”

“তুমি নন্দ’র সঙ্গে যাও, ওর খণ্ডের বাড়ীটা দেখে ফিরে এসো, তারপরে আমরা চলে যাবার ঘণ্টা তিনেক বাদে গৌরদাসকে খবর দেবে যে তার মেয়ের বিয়ে হচ্ছে, তাকে যেতেই হবে। ঘড়িটা ঠিক আছে ত?”

“হ্যাঁ—”

“আচ্ছা, তোমরা এসো।”

নন্দ আর দীনেশ এগিয়ে চলল। ঘাটের উপর উঠে বৃক্ষ-সমাকুল পথের অন্ধকারে তারা পরমুহূর্তেই মিলিয়ে গেল।

মুহূর্তের পর মুহূর্ত কাটতে লাগল।

অন্ধকারাচ্ছন্ন নদীতটে জোন্নাফিরা জলছে নিভ্ছে, ঝিঁ ঝিঁ পোকাদের তীব্র ঐক্যতানের সঙ্গে জলকল্লোলের সুগভীর শব্দ নিরন্তর ভেসে আসছে, নৌকে। ছুটো জ্বলছে এপাশ ওপাশ, নদীপথে চলমান নৌকের ভিতরকার লণ্ঠনটা বহুদূরবর্তী স্পন্দমান নক্ষত্রের মত মনে হচ্ছে। মাদকতাময় পারিপাশ্বিকে মুহূর্তের পর মুহূর্ত কাটছে। উদ্গ্রীব উত্তেজনায় কম্পমান মুহূর্তগুলি।



## প্রান্তরের গান

“অর্জুন”—প্রবীর ডাকল।

“এ্যা?”

“দেবী হচ্ছে. না?”

অর্জুন একটু হাসল, “তা হবেই ত’, ব্যাপারটা ত’ সহজ নয়। ইংরেজ রাজত্বে এমন কাণ্ড যে ঘটে তা জানতাম না।”

প্রবীরও মৃদু হাসল, “ইংরেজ রাজত্বে আরো কাণ্ড ঘটে এবং ঘটছে. তা ত’ জাননা—একদিন জানাব। কিন্তু আজ বা কাণ্ড ঘটছে তা চিরদিনই ঘটেছে এবং ঘটবেও। এটা যে একটা চিরন্তন ব্যাপার—”

জলের দিকে তাকিয়ে অর্জুন চুপ করে গেল। প্রেম। তা ঠিক। জলের উপর দৃষ্টি নিবদ্ধ করে সে যেন কি ভাবতে লাগল। ভাবতে ভাবতে তার পেশীগুলো হঠাৎ কঠিন হয়ে উঠল।

আধঘণ্টা পরে অনেকগুলো পায়ের শব্দ শোনা গেল।

সবাই উদগ্রীব হয়ে উঠল।

পরমুহূর্তেই তিনটি ছায়াসৃষ্টি দেখা গেল। তার মধ্যে একজন স্ত্রীলোক।

“এসেছি?” প্রবীর উৎসুকভাবে প্রশ্ন করল।

“হ্যাঁ।—” নন্দর কণ্ঠস্বর ভেসে এল। উদ্বেজনায কাঁপছে তা।

কচ্ছ এল তারা। কাজলতার হাত ধরে নন্দ নোকোয় তুলে দিল, তারপরে নিজেও চড়ল।

প্রবীর তাকাল দীনেশের দিকে, “তাহ’লে আমরা আসি দীনেশ। নারায়ণ, তোমরা তাহ’লে অপেক্ষা কর ভাই। একটু কষ্ট হবে হয়ত. কিন্তু তা সহ্যেই হবে।”

দীনেশ আর নারায়ণের হাসি শোনা গেল।

## শ্রোতরের গান

“নৌকো ছেড়ে দাও অর্জুন—”

“হুঁ”—লগির খোঁচার নৌকো এগিয়ে গেল, তারপর স্রোতের মুখে, ভাঁটার টানে তরতর করে ভেসে চলল।

একটা মুহূর্ত ঠাণ্ডা ভাব নদীর জলের আবহাওয়ায়, কিন্তু হাওয়ায় জোর নেই, পাল ফুলবেনা। দাঁড় বাইতে হবে।

নন্দ দাঁড় টেনে নিচ্ছিল, প্রবীর বাঁধা দিল।

“কেন?” নন্দ জিজ্ঞেস করল।

“বরকে আজ চুপ্‌চাপ্‌ কনের পাশে বসে থাকতে হয়, বুঝলি?”

দাঁড়টা টেনে নিল প্রবীর। অর্জুন আর সে দুজনে দাঁড় বাইতে লাগল। একে স্রোতের টান তায় ছুটো দাঁড়, নৌকো যেন ময়ূরপঙ্খী হয়ে উঠল, তীরবেগে এগিয়ে চলল।

প্রবীর তাকাল কাজললতার দিকে। কেমন দেখতে মেয়েটি যার জন্য নন্দ সব কিছু করতে রাজী? ভাল করে তাকাল সে। অন্ধকার হাঙ্কা হয়ে এসেছে। খানিক পরেই চাঁদ উঠবে, দ্বাদশীর চাঁদ। উপরের নক্ষত্র-শোভিত জ্যোতিঃমান আকাশের প্রতিচ্ছায়ায় জলের উপর একটা অম্পষ্ট আলোর সৃষ্টি হয়েছে। সেই আলোকে সে কাজললতাকে দেখল। সেজে গুজে আছে কাজললতা। গলুইয়ের কাছে পা ছুটো মুড়ে বসে বাঁ হাতে, ভর দিয়ে বাঁদিকের জলরাশির উপর সে তাকিয়ে ছিল। মুখের সম্পূর্ণতা দেখা গেল না, শুধু পার্শ্ব দেশটুকু দেখা গেল। আবছা অন্ধকারের সুবিশাল পটভূমিকায় একটু সুবর্ণরেখা। কাজললতা সুন্দরী।

প্রবীর হেসে বলল, “বোঁঠানু, আগে থেকেই আলাপ হয়ে গেল, ভাড়াই হল।”

কাজললতা একটু নড়ে উঠল। কিন্তু নিরুত্তরে এক দৃষ্টিতে,

## প্রান্তরের গান

পশ্চিমমান জলরাশির দিকেই সে তাকিয়ে রইল, শুধু মাথাটা তার আর কটু ঝুঁকে পড়ল।

অর্জুন বলল, “না, নন্দর পছন্দ আছে, তারিফ করতেই হবে। স্মীর মত দেখতে আমাদের বোঠাকুরুণ।”

নন্দর দিকে তাকাল প্রবীর। নন্দ কাজললতার হাতখানেক রে বসেছে। আরো আলো থাকলে হয়ত দেখা যেত যে সে কাঁপছে তার প্রতি রোমকূপের মুখে স্বৈদকণা সঞ্চিত হয়েছে, চোখের তারায়। কটা স্তিমিত আবেশ আসন্ন হয়ে এসেছে।

“কোনো গোলমাল হয়নিত’ রে ?” প্রবীর প্রশ্ন করল।

“না।” নন্দর গলার সুর এখনো কাঁপছে, আনন্দোচ্ছ্বাসে ওর ষষ্ঠনাগী যেন রুদ্ধ হয়ে গেছে।

“তোমার খবর কোথায় ?

অর্জুন হাসল একটু।

“আজ্ঞা দিতে গেছে কোথাও।”

“শ্রীমতী একেবারে রেডি ছিলেন তবে ?”

“হ্যাঁ”—একটু হাসবার চেষ্টা করল নন্দ।

নিঃশব্দতা।

শব্দ উঠেছে দাঁড়ের আর জলের, বাঁশের উপর দাঁড়ের ঘর্ষণে কাঁচ কাঁচ আওয়াজ হচ্ছে।

শব্দ আর নৈঃশব্দের মাঝে তাদের বুকে চিস্তার ঝড় চলেছে।

কাজললতা ভাবছে কি হবে? বাবা কি বলবে, কি করবে? মা! কি ভাববে, কি হবে? বিয়ে হবে! ভয় আর লজ্জা, আশঙ্কা আর আশা, বেদনা ও আনন্দে তার বুক ছলছে বড়ির দোলকের মত। এদিক দাঁড় ওদিক।

## প্রান্তরের গান

নন্দর নিঃশ্বাস যেন বন্ধ হয়ে এসেছে। অনেক বিপদ হয়ত আছে, হয়ত ঝগড়া বিবাদ বাঁধবে, অনেক কেলেকারীও হবে। কিন্তু তবু পরম সম্ভাবনা আর পরম আনন্দের আশ্বাস আছে। আরো হৃৎঘণ্টা বাদে পাশের এই রূপসীটি হবে তার বধু—একান্ত তারি। রঙীন স্বপ্নে অন্ধকারেরও যেন রূপান্তর ঘটে। আনন্দের প্রাবল্যে বুকটা ফুলে ওঠে তার। তর সহিছে না নন্দর, অর্থৈর্য্য হয়ে উঠেছে সে একটু স্পর্শের জন্য। সকলের অলক্ষ্যে কম্পিত বাম হাতটা বাড়িয়ে দিয়ে সে কাজললতার ডান হাতটিকে চেপে ধরল। আকাশের বিদ্যুৎ যেন তখনকে স্পর্শ করল।

ছপ্ ছপ্ দাঁড় পড়ছে, কাঁচাচকোচ আওয়াজ হচ্ছে, দাঁড় উঠছে আর পড়ছে। বাঁধা তালে, ত্রিতাল ছন্দে।

অজুনের মাংসপেশীগুলো কঠিন হয়ে উঠেছে, কপাল বেয়ে ঘাম নেমেছে। নন্দ আর কাজললতার দিকে তাকাল সে। প্রেম। ওদের জীবন সার্থক হ'তে চলেছে। একটা জালা বোধ হয় অজুনের বুকে, একটা আকুল তৃষ্ণায় সে ছটকট করতে থাকে, চোখের সামনে আলোর মত একটা স্ত্রী মুখের ছবি বারংবার ভেসে ওঠে। না, এবার প্রকাশ করতে হবে তাকে, মনের কথা মনে রাখলে আর চলবে না, তাহ'লে তার দিন আর কাটবে না।

প্রবীর ভাবে। বিস্তীর্ণ নদীর কি অপরূপ রূপ! ছপাশের গ্রামে প্রসন্ন ব্যক্তি নেমেছে। দারিদ্র্য আর অজ্ঞতা, পরাধীনতা আর নীচতা, কুসংস্কার আর ব্যাধির দেশের শীর্ণ, নিরীহ, অজ্ঞান মানুষেরা তৈরী হচ্ছে বিশ্রামের জন্য। মড়ার মত খানিক পরে তারা ঘুমিয়ে পড়বে। আবার কাল জাগবে, ক্লান্ত জানোয়ারের মত ক্ষতবিক্ষত কাঁধের উপর জীবনের গুরুভার বোঝাটাকে বয়ে অন্ধভাবে এগিয়ে চলবে একটি সংকীর্ণ

## প্রান্তরের গান

পথের বন্ধুরতার উপর দিয়ে । ওদের জাগাতে হবে । প্রবীণের অনেক কাজ । ভালবাসবে নন্দ , ভালবাসবে অর্জুন, ভালবাসবে শিখা আর কাজললতা । প্রবীরের সে অবকাশ নেই । পতঙ্গের মোহ তার হবে না ।

বাদের বাদের নেমস্তন্ন করা হয়েছিল তার। সবাই এলোছে । অর্জুনের মা এবং আরো ছ’তিনজন মেয়ে রান্নার উদ্যোগ করছে । লুচি তরকারীই হবে । মেয়েরা ভিতরের দাওয়ায় ভীড় করেছে, বাইরের দাওয়ায় পুষ্করেরা । নবীন কুতুর দোকান থেকে . ছ’খানা গ্যাসলাইট ভাড়া করে আনা হয়েছে, বাজনদাবেরা বাইরের উঠোনে চাটাইয়ের উপর বসে বিড়ি ফুঁকছে । ঘরের মধ্যে বারান্দায় ও ছাদনাতলায় মনোরমা আর মাধবী আলপনা এঁকেছে । কলরব শোনা যাচ্ছে । কিন্তু উত্তেজিত কলরব ।

উত্তেজনাট। পাত্রী সম্পর্কে ।

মেয়েরা প্রশ্ন করছে রাসমনিকে, মনোরমাকে আর মাধবীকে ।

“ই্যাগা নন্দ’র মা, বলি কনেটি কে ? এঁ্যা ? পাত্রের বাড়ীতে এনে মেয়ে বিয়ে দিচ্ছে এত’ ভুভারতেও শুনি নি বাছা !”

“ই্যাংরে মমু, কনে কে রে ? \*কখন আসবে ? বলনা লো”—

“এই মাধু—কখন আসবে তোর দাদার বৌ ? এখানে. কেন বিয়ে হচ্ছেরে, এঁ্যা ? বলনা ছুঁড়ি”—

তিনজনেই আব্ছা আব্ছা এলোমেলোভাবে উত্তর দেয়,  
“এখুনি দেখবে, এখুনি জানতে পারবে । নাঃ খাম এখন বলতে পারছি না—মানা আছে ।”

## শ্রান্তির গান

“মানা ? কার মানা ?” বহুকণ্ঠের প্রশ্ন। ঔৎসুক্যে, কৌতুহলে, রহস্যভেদের হুঁনিবার আকাঙ্ক্ষায় সবাই জর্জর করে তোলে তাদের তিনজনকে।

ব্যাকুল দৃষ্টি মেলে ওরা তিনজনে বাইরের দিকে ঘন ঘন তাকায়।  
এল না—এখনও এল না ?

বাইরে হরিচরণের অবস্থা আরো কাহিল। জনদশেক লোক সেখানে রয়েছে। শিবেশ্বর, নীলমনি ঘোষ, কান্ত মণ্ডল, বেনী সাহা, মথুরা দাস, এমনি কয়েকজন।

সকলেরই এক প্রশ্ন। অন্তঃপুরের অভাগতাদেরই প্রশ্ন। পাত্রীটি কে হে ? কার মেয়ে ? এখানে বিয়ে হচ্ছে কেন ? কখন আসবে ?

হরিচরণের কণ্ঠ শুষ্কপ্রায়, গলাটি সিক্ত করে নেবার চেষ্টা করতে করতে শুষ্ক হাসি হেসে সে সবাইকে বলে, “ওসব বলার এখন নিষেধ আছে ভাই। জানবে, এখনি সব জানবে।”

শিবেশ্বর বলে, “আসলে ব্যাপার কি জান ভাই ? তোমাদের একটু চমক লাগিয়ে দেব—দেখই না মজাটা।”

ভয়ে, আশঙ্কায় হরিচরণের দুর্বলবোধ হয়, বুকের ভিতরে অনবরত কাঁপতে থাকে। শিবেশ্বরও কম চিন্তিত নয়। ছেলেগুলো এখনো ফিরছে না কেন ? ব্যাপার কি ? অধীর আগ্রহে ওরাও রাস্তার দিকে বারংবার তাকায়। কাদেরও কি দেখা যাচ্ছে রাস্তার উপর ?

হঠাৎ চারটি মুষ্টি রাস্তা বেয়ে এগিয়ে এল। দৃষ্টি বিস্ফারিত করে ওরা তাকাল। ই্যা, এলেছে, কনে-সমেত সবাই ফিরে এসেছে :

অর্জুন নন্দকে নিয়ে এগিয়ে এল।

প্রবীর কাজললতাকে নিয়ে খিড়কির দিকে গেল।

সেখান থেকে সে ডাকল, “মাখু”—

## প্রান্তরের গান

সঙ্গে-সঙ্গেই মাধবী ছুটে এল। হাজার কোলাহলের মধ্যেও এ ডাক তার কানে পৌঁছোবেই।

উত্তেজনার অধীর হয়ে মাধবী প্রশ্ন করল, “এই আমাদের বৌদি?”

“হ্যাঁ—ভিতরে নিয়ে যাও চুপি চুপি—শিগুগীর সাজ গোজ করিয়ে দেও—আর আধঘণ্টা পরেই কিন্তু লগ্ন”—

মাধবী ছুটে এসে কাজললতাকে জড়িয়ে ধরল, “তুমি! আমার সোনা বৌদি! এসো, এসো ভাই। আচ্ছা, আচ্ছা প্রবীরদা, ব বললে ঠিক তাই হবে।”

মিনিট ত্রয়েক বাদেই শঙ্করবনি শোনা গেল আর শোনা গেল উলুধবনি। বাইরের বাজনদারদের চমক ভাঙ্গল। হঠাৎ শঙ্করবনি শুনে তাদের হাঁস হল, এতক্ষণ চুণচাপ বসে বসে তাদের ক্লান্তি এসেছিল। সজোরে বাজনা বাজাতে শুরু করে এতক্ষণের সঙ্কীর্ণ ক্লান্তিকে তারা দূর করে দিল। জ্যোৎস্নাপ্লাবিত বৈশাখী আকাশের বায়ুতরঙ্গে বাঁশী আর ঢোলের আওয়াজ ভাসতে লাগল মুক্তপক্ষ বিহঙ্গমের মত।

স্বরের ইন্দ্রজাল মুহূর্তে সব কিছুকে বদলে দিল, গ্যাসলাইটের আলোতে সকলের মুখে চোখে একটা ঔজ্জ্বল্য পরিলক্ষিত হল। হরিচরণের গায়ে বল ফিরে আসছে, রাসমণি, মনোর মা আর মাধবীর চোখ চক্চকে হয়ে উঠেছে।

এঘরে নন্দ ওঘরে কাজললতা—

অর্জুন সাজাচ্ছে নন্দকে। মাধবী সাজাচ্ছে কাজললতাকে।

মেয়েরা কাজললতার খুঁত বের করার চেষ্টা করছে কিন্তু পারছেন না। পারার জালায় তারা ছটফট করে, নিজেদের মধ্যে কানাকানি করে। কে জানে কার মেয়ে, চেহার। থাকলই বা, অজ্ঞাত কুজাত কিনা কে জানে।

## প্রান্তরের গান

“কার মেয়ে গা নন্দর মা ?”

“কার মেয়ে রে মনু—এঁয়া ?”

“কার মেয়ে ? বাপের নাম কি ?”

কাজললতাকে দেখে রাসমণির চোখে জল এসেছে। আনন্দ্রা পুত্রবধূকে দেখে আনন্দে তার বুক ভরে উঠেছে।

এবার সে বলল, “তেতুলঝোয়ার গৌরদাসের মেয়ে গো—গৌরদাসের মেয়ে।”

“ওঃ!”—প্রতিকণ্ঠে ধ্বনিত হল। নামটা যে চেনা চেনা।

ওদিকে এখানকার উত্তেজনা আর রহস্যভেদের কোতূহল গ্রামের মধ্যেও ইতিমধ্যে সঞ্চারিত হয়েছে। কোতূহলী লোকদের উকিঝুঁকি মারতে দেখা যাচ্ছে। কয়েকজন অনাহতভাবেই এগিয়ে এল মোড়লী করার জন্ত। তারক বাড়ুঘোও এল।

এমনভাবে এল তারক বাড়ুঘো যে দেখে মনে হয় না সে কিছু জানে। যেন সে রাস্তা দিয়ে যেতে যেতে আলো দেখে আকৃষ্ট হয়েছে

“কি হরিচরণ, ব্যাপার কি ?”

“আমুন ঠাকুরমশায়—আমুনন” হরিচরণ হাত জোড় করে সজ্জম জানাল।

“কিস্তি ব্যাপার কি হে ? এত আলো, বাস্তি আর লোকজন কিসের জন্তে ?” তারক বাড়ুঘো চোখ নাচাল চারদিকে।

“আজ্ঞে বিয়ে হচ্ছে।”

“কার ?”

“আমার ছেলের ?”

“এঁয়া!” যেন আকাশ থেকে পড়ল তারক বাড়ুঘো, যেন এই পতনের জন্য সে তৈরী ছিল না।



## প্রান্তরের গান

“এ্যা !” বল কি—তা এখানে কেন, পাকীর বাড়ীতে না গিয়ে ?—”

“আজ্ঞে পারিবারিক কারণ ।”

“কারণ মেয়ে ?”

“ভেতুলঝোরার গৌরদাসের মেয়ে ।”

“সে কোথায় ?”

“আসবেন—একটু বাদেই আসবেন—শরীর একটু অসুস্থ কিনা”—  
আমতা আমতা করে মিথ্যে কথাগুলোকে বলল হরিচরণ ।

তারক বাড়ুঘ্যের দৃষ্টি তীক্ষ্ণ, কানও খারাপ নয় । হরিচরণের আমতা আমতা ভাব, তার কণ্ঠস্বরের কম্পনকে সে লক্ষ্য করে ত্রুক্ষিত করল, মাথায় হাত বুলিয়ে, শিখায় একবার স্পর্শ করে, ধারালো হাসি হেসে সে বলল, “উহ, ঠিক, তা নয় । ব্যাপারটা ঠিক তা নয়, আরো কিছু আছে বলে মনে হচ্ছে । বলই না হরিচরণ, কি ব্যাপার ?”

প্রবীর দাওয়ার উপর ছিল, এবার এগিয়ে এসে বলল, “কিন্তু আপনার এত কোতূহল কিসের জন্য বলুন ত ? ব্যাপার যা তা বলতেও আপনি খুশী হচ্ছেন না কেন ?”

তারক বাড়ুঘ্যে রোষকষায়িত লোচনে প্রবীরের দিকে তাকাল,  
“তুমি এর মধ্যে শিং গলাচ্ছ কেন হে ?”

“আপনার শিং গলানো দেখে । আপনার ছেলেমেয়ের বিয়ে ত’ হচ্ছে না !”

একটুপাচ্ কালি যেন তারক বাড়ুঘ্যের মুখের উপর ছড়িয়ে পড়ল, প্লেবতিস্তকণ্ঠে টেনে টেনে সে বলল, “কুলিদের সদস্য হয়ে বড় মাতব্বর হয়ে গেছে দেখছি যে ।”

প্রবীরের চোখের তারা ছটোতে ফুলিঙ্গের আলো খেলে গেল,  
একটু হেসে বলল, “আপনি কি ঝগড়া কর্ত্তে জান নাকি ?”

## প্রান্তরের গান

শিবেশ্বর বাধা দিল তারক বাড়ুঘ্যেকে, “আপনার পায়ে পড়ি ঠাকুর মশাই, এই সব ছেলেদের কথায় মাথা খারাপ কর্তে নেই। আপনি বসুন”—

হরিচরণও হাত জোড় করে বিপন্নভাবে বলল, “আজ্ঞে ই্যা বখন পায়ের ধুলো দিয়েছেন। থাকলেই দেখবেন গৌরদাস আসবে আর ব্যাপার কি। বিয়ে ব্যাপারটাই যে জটিল তা ত’ জানেনই।”

তারক বাড়ুঘ্যে কিছু বলল না বটে কিন্তু রাগে যে সে জলে বাচ্ছে তা বেশ বোঝা গেল।

অর্জুন এল ভেতর থেকে। প্রবীরকে সে কি যেন বলল।

প্রবীর পুরোহিতকে ডাক দিল, “বসুন পণ্ডিত মশাই—এবার বিয়ে শুরু হোক”—

এককোনে পাঠশালার পণ্ডিত রামময় ভট্টাচার্য্য বসে ছিলেন। নিরীহ, নিরভিমান পণ্ডিত লোক। তিনি উঠে দাঁড়ালেন।

তারক বাড়ুঘ্যে ব্যঙ্গভরে বলল, “তুমিই তাহলে বিয়ে দিচ্ছ পণ্ডিত?”

“ই্যা দাদা।” অমায়িক হাসি হেসে রামময় বললেন।

“ব্রাহ্মণের অপমানটা ব্রাহ্মণ হয়েও সহ্য করলে?”

রামময় সোজা হয়ে দাঁড়ালেন, প্রশান্তদৃষ্টি মেলে তারক বাড়ুঘ্যের দিকে তাকালেন, হেসে বললেন, “ছেলেমানুষের কথায় রাগ করতে নেই দাদা।”

“ছেলেমানুষ! কাকে ছেলেমানুষ বলছ তুমি?”

রামময় এবার গম্ভীর হয়ে উঠলেন, “কিন্তু ও ত’ তোমার কোনো অপমান করেনি দাদা, আর যদি করেই থাকে তবে ওকে ক্ষমা করুন।”

তারক বাড়ুঘ্যে কুটিল হাসি হাসল, “বটে! বড় বড় কথা বলছ যে! বেশ, বাও, মস্তুর পড়গে। তবে মনে রেখো বামুনকে বামুনদের নিয়েই থাকতে হয়।”

## প্রান্তরের গান

“চলুন পণ্ডিত মশাই”—প্রবীর অসহিষ্ণু ভাবে ডাক দিল।

রামময় সেদিকে মুখ না ফিরিয়ে স্থিরদৃষ্টি মেলে তারক বাডুঘোর দিকে তাকালেন, “ভয় দেখাচ্ছ দাদা? কিন্তু আমি তো কোনো অত্যাচার কাজ করছি না তাই আমার ভয়ও নেই।”

“আচ্ছা বেশ, তবে এসো।” তারক বাডুঘো প। বাড়াল ঘাবার জন্য।

হরিচরণ বাধা দিয়ে অনুরোধ জানাল, “যখন পায়ে ধুলো দিয়েছেন তখন বিয়েটা দেখে যান ঠাকুর মশাই”—

প্রবীর হাসল, “আজ্ঞে হ্যাঁ, ব্যাপারটা দেখেই যান বাডুঘো মশাই।”

অগ্নিবর্ষী দৃষ্টি মেলে প্রবীরের দিকে তাকাল তারক বাডুঘো। সত্যযুগ হলে বোধ হয় প্রবীরের জায়গায় খানিকটা ভয়বশেষই থাকত। তার পরেই সে হন্ হন্ করে বেরিয়ে গেল।

ওদিকে শঙ্করানি হল, তার সঙ্গে উদ্ধরানি। বাইরে বাঁশী মন্দির। আর ঢোল বেজে চলেছে। অর্জুনের ম। এবং অত্যাচার বয়স্কার। তখন গান ধরেছে। সে গান পুরাতন, গ্রাম্য, একেবারে মাটির মত।

রামময় প্রশ্ন করলেন, “কিন্তু কন্যা সম্প্রদান করবেন কে?”

শিবেশ্বর এগিয়ে গেল, “আমিই করব পণ্ডিত মশাই।”

বিয়ে শুরু হল। খানিক পরে শুভদৃষ্টি হয়ে গেল।

প্রবীর গিয়ে দাঁড়াল ভিতরের দাওয়ার একপাশে। তার চোখ জুড়িয়ে গেল। আনন্দে, অপকৃপ একটি নিঃসৃত্য তার অন্তর ভরে উঠল। সুন্দর মানিয়েছে এই দম্পতিকে। যেন ইজ্র আর ইস্রানী। নন্দ যেন আবার কোথাও অভিনয় করবে বলে রাজপুত্রের সাজ পরেছে। আর কাজললতা। এখন ত’ আর আবছা আলোর অস্পষ্টতা নয়। মুখের একাংশ-দর্শন নয়। এখন আলোর অপ্রাচুর্য নেই, আকাশে রয়েছে শুভ্র আলোর মশাল, নীচে রয়েছে গ্যাসলাইট। জড়ির কাজ করা লাল রঙের

## প্রান্তরের গান

একটা জামুদানো শাড়ি পরেছে কাজললতা, হাতে রাসমণির অনন্ত আর বালা, কানে হল, গলায় তার নিজের হারটা। লজ্জাবনত শুভ্র ও চন্দন-চর্চিত মুখমণ্ডলে একটা রক্তোচ্ছ্বাসের আরক্ত দীপ্তি ঝক্ ঝক্ করছে। ঘনপদ্ম চোখ দুটো নীমিলিত, মাথায় চুম্বকি বসানো টোপর। সুন্দর। ওরা স্তম্ভী হোক্, স্তম্ভী হোক্।

মাধবী এসে গা ঘেঁষে দাঁড়ালো, চাপা কণ্ঠে ডাকল, “প্রবীরদা”—  
“কি?”

“পালিওনা না যেন”—একটা অস্বাভাবিক চাঞ্চল্যে মাধবী যেন অস্থির হয়ে উঠেছে, সঞ্চারিনী বিদ্যুৎস্রোতের মত এদিক ওদিক ঘুরে বেড়াচ্ছিল সে।

“কেন?” প্রবীর তাকাল তার দিকে। চূর্ণ অলক তারে বাম চোখে ঝাঁক। ভূঁকুর উপর এসে পড়েছে, ললাটে, নাসিকাগ্রে আর চিবুকে মুক্তা বিন্দুর মত চক্চকে ঘাম, চোখের তারায় প্রখর দীপ্তি। মাধবী যেন বদলে গেছে।

প্রবীরের গা ঘেঁষে দাঁড়াল মাধবী, যেন কাকে সে খুজছে, দেখছে-চলছে দিকে চেয়ে চেয়ে। হঠাৎ মাধবী প্রবীরের একটা হাত চেপে ধরল। একটা স্পর্শ অমূল্য। আকস্মিক। কোনো কিছু ভাববার আগেই প্রবীরের শরীরটা রোমাঞ্চিত হয়ে উঠল। মাধবীর দেহটাকেও একটা গৃহ কম্পন চলেছে সে তা অনুভব করল। স্বপ্নের পর ঐশতারের তারে যেমন একটা কম্পন থাকে তেমনি।

কিন্তু সে মুহূর্ত মাত্র।

মাধবী আরক্তিম মুখ তুলল, ঝক্ঝকে দাঁত মেলে হঠাৎমীর হাসি ছেলে বলল, “কেন? বাঃ রে, বিয়ে দেখবে না? খাবে না?”

প্রবীর সম্ভ্রান্ত দৃষ্টি মেলে মাথা নাড়ল, “দেখছিই ত’ আর খামে নিশ্চয়ই।”

## প্রান্তরের গান

“বাঁচালে”—মাধবী খুশী হয়ে উঠল। বললই সে চলে গেল মায়ের কাছে। তার এখন অনেক কাজ।

কিন্তু বাবার সময় হঠাৎ তার নজর পড়ল অর্জুনের উপর। বিবাহ মণ্ডপের পিছন দিকে দাঁড়িয়ে সে নিম্পলনেত্র তারি দিকে তাকিয়ে আছে। আহত দৃষ্টি। শুধু তাই নয়, বেদনার আভাসও যেন তার উপর টলমল করছে। নিশ্চল পাথরের মত স্থির হয়ে দাঁড়িয়ে সে তারি দিকে তাকিয়ে আছে। মনে হল যেন সে অনেককণ ধরেই তাকে লক্ষ্য করছে, প্রবীরের পাশে দাঁড়িয়ে কথা বলতেও দেখেছে। একটু অবাক হয় মাধবী। তার মুখের দিকে তাকিয়ে অর্জুনদা অমন করে কি দেখছে! আর কি-ই বা দেখবার আছে?

রামময় পণ্ডিত মন্ত্র আওড়াচ্ছেন।

কুমারীরা আর ছেলেমেয়েরা ছুচোখ বড় বড় করে নবদম্পতির দিকে তাকিয়ে আছে।

“বন্দ্যোৎকল প্রোঢ়ার তখন গান গাইছে। কলগুঞ্জন, মন্ত্রোচ্চারণ। বাঁশী, তোল আর মন্দিরার তান ও শব্দ—সব কিছুর মধ্যে সেই অলঙ্কার-হীন সাধারণ সুরের রেশটা মিশে এক হয়ে বাচ্ছে। সপ্তবর্ণের তৈরী ইঙ্গুগুর মতই বহু শব্দ ও সুরের এক বিচিত্র ও মিলিত শব্দ মনের মধ্যে মোহ ঘনায়, রক্তশ্রোতে শিহরণ জাগায়।

মেয়েরা গান গাইছে—কৌশল্যার উক্তি—

“রাম আমার বিয়া করবার যায়রে

বিয়া করবার যায়।

কার টানে রাম যায়

কিরাও না চায় হায়,

## প্রান্তরের গান

অভাগিনী মা যে তার

ধুলায় লুটায় রে

ধুলায় লুটায় ॥”

মিলিতকণ্ঠে সবাই গাইছে। ভাঙ্গা, মোটা, কনকনে, বেহুয়ো, সব রকম কণ্ঠস্বর মিলে এক নূতন সুর। সে গানে রাগ রাগিনীকে চেনা বাবে না; তান নয়, আলাপও নয় বরঞ্চ অনেকটা বিলাপের মত তা। একঘেঁয়ে, হাস্যকর, কিন্তু তবু মিষ্টি, আবেগময়, প্রাণস্পর্শী।

প্রবীর হঠাৎ নিজের মনে হাসল। নন্দকে দেখে। কুশগুণিকা হচ্ছে তখন। বজ্রাঘ্নির সামনে বসে মন্থ আবৃত্তি করতে করতে হঠাৎ মাঝে মাঝে কাজললতার দিকে চোরা চাহনি নিক্ষেপ করছে। হঠাৎ মাধবীর স্পর্শকে মনে পড়ল প্রবীরের। মুহূর্তে গম্ভীর হয়ে গেল সে। নিজেকে শাসন করে, নিজেকে ঝিকার দিয়ে মনে মনে সে বলল, প্রবীর তুমি পাষাণ, তুমি আদর্শহীন; মনকে সংযত করো, ভুল ভেবো না, ভুল করো না, শাস্ত হও, গুচি হও।

বজ্রাঘ্নির দীপ্ত শিখার দিকে চেয়ে সে যেন নিজেকে অগ্নিশুষ্ক করে নিতে চাইল।

কুশগুণিকা-পর্ক শেষ হয়েছে। বর কনে বাসর ঘরে গেছে। হারি তামাসা চলছে মেয়েদের মধ্যে। ঠিক সেই সময়েই গণ্ডগোল বাধল। বহু-প্রত্যাশিত বিস্ফোরণ ঘটল।

দীনেশ আর নারায়ণ এসে উত্তেজিত কণ্ঠে ডাক দিল, “প্রবীরদা, প্রবীরদা—শিগরীর আগুন—”

প্রবীর ভিতরে ছিল, ছুটে বাইরে এল।

“কি? কি ব্যাপার দীনেশ?”

“গৌরদাস আসছে লোকজন আর দারোগাকে নিয়ে—”

## প্রান্তরের গান

“বেশত—আসুন না”—প্রবীর হাসল।

প্রবীর হাসল বটে কিন্তু উত্তেজন। ছড়িয়ে পড়ল আর সকলের মধ্যে। হরিচরণের চোখে মুখে ভয়জনিত বিবর্ণতা ঘনিয়ে এল। বাড়ীর ভিতরে বাসর-বরের হাসি তামাসা স্তব্ধ হয়ে গেল, কাজললতার পাংশু মুখমণ্ডলে অসহায় বেদনা ফুটে উঠল, তার ললাটের চন্দনরেখা ঘামের সঙ্গে গলে গলে পড়তে লাগল। নন্দও ছুটে এল বাইরে। অতিথি অভ্যাগতদের খাওয়ার পান চুকে গেছে, পান দেওয়াও তাদের হয়ে গেছে। তবু তারা গেল না। শেষ অঙ্কের নাটকীয় দৃশ্যটাকে উপভোগ করার জন্য তারা দাঁড়িয়ে দাঁড়িয়ে পান চিবোতে লাগল।

মৃদুকণ্ঠে শিবেশ্বর বলল, “কি হবে বাবা, দারোগাকে নিয়ে আসছে যে!” আতঙ্ক বিহ্বলতার ছাপ শিবেশ্বরের চোখে মুখেও পরিস্ফুট হয়ে উঠেছে।

গৌরদাস এলো। ভয় পাবারই কথা। এলো যেন ঝড়ের মত। ক্রান্তির মত ভয়াল ক্রকুটি করে, রোষকষায়িত চোখের দৃষ্টি দিয়ে চারদিকে তাকাতে তাকাতে। অস্থচররাও কম নয় সংখ্যায়, বারো চোদ্দ জন হবে। সঙ্গে প্রিয়তোষবাবু।

প্রিয়তোষবাবু প্রবীরের দিকে তাকিয়ে মুচকি হাসল একবার। অর্থাৎ এইবার কাণ্ডখানা দেখুন মশায়।

গৌরদাস হরিচরণের সামনে দাঁড়াল, গর্জন করে বলল, “কৈ, আমার মেয়ে কই?”

হরিচরণ গুনগুনো জিভকে ভিজিয়ে নিয়ে ঢোক গিলে বলল, “আসুন, আসুন বেয়াই মশাই, আসুন সবাই”—

এই সম্ভাষণে গৌরদাস হঠাৎ ক্রোধের প্রাবল্যে স্তব্ধ হয়ে গেল, তারপরেই বিকৃত মুখভঙ্গি করে বলল, “বেয়াই না খুশর—শা—”

## শ্রীমদ্ভগবদ্গীতা

প্রিয়ভোষবাবু এগিয়ে এল, “থামুন মশাই, ঢের হয়েছে। গালি গালাজ করে আর কলেঙ্কারী বাড়াবেন না। চুপ করুন, শুনি ব্যাপার কি?”

সে হরিচরণের দিকে তাকাল, “গৌরদাসের মেয়ে এখানে?”

হরিচরণ কম্পিতকণ্ঠে উত্তর দিল, “আজ্ঞে হ্যাঁ—”

“কে নিয়ে এসেছে?”

প্রবীর হেসে বলল, “আজ্ঞে, তিনি নিজেকে এসেছেন, তবে সঙ্গে আমরাও ছিলাম বটে।”

“হু—সে কোথায় এখন?”

“ভিতরে।”

“কি করছে?”

“বিয়ের পর বাসর ঘরে বসে আছে।”

“তার কাছে যাব আমরা।”

“হ্যাঁ, আমি যাব তার কাছে, তাহলেই সব জারিজুরি ধরা পড়বে দারোগাসাহেব”—গৌরদাসও ক্রোধ-কম্পিতকণ্ঠে সাগ দিল

দর্শকজন নিরুদ্ধনিঃশ্বাসে নাটক দেখছে।

হরিচরণ আর শিবেশ্বর এগিয়ে চলল। পিছনে চলল সবাই

বাইরের ঘরে ঢুকতেই প্রবীর নন্দকে ইসারা করল। নন্দ এসে গৌরদাসের সামনে টিপ করে একটা প্রণাম করল।

“মানে?” গৌরদাস চোখ দুটো ছোট করে প্রশ্ন করল। নন্দর দিকে সুন্দর আর ক্রোধমিশ্রিত দৃষ্টি মেলে সে তাকাল।

“মানে ও আপনার জামাই—”

যেন সাপে ছোবল মেরেছে। ছিটকে এগিয়ে গেল গৌরদাস।

বাসর ঘর। বাইরে দাঁড়াল সবাই। গৌরদাস আর প্রিয়ভোষ ভিতরে গেল।



## প্রান্তরের গান

ফুল আর আল্পনা। অলঙ্কার আর আলো। তারি মধ্যে কাজললতা দাঁড়িয়ে আছে। সোজা, ঋজুভঙ্গীতে, উদ্ধত, গর্কিত দৃষ্টি বেলে। স্রগোর মুখের রেখায় রেখায় একটা স্রুতিন দৃঢ়তা ফুটে উঠেছে, ললাটের ও সীমস্তের সিন্দুর-চিহ্ন রক্তবর্ণ প্রবালের মত ঝকঝক করছে। মেয়েকে আর গৌরদাস চিনতেই পারে না।

ধমকে, বিস্ফারিতনত্রে সে দাঁড়িয়ে রইল। মেয়ের এই মহিমময়ী মূর্তি, তার এই রূপান্তর দেখে সে অভিভূত হয়ে পড়ল; ধমনীতে ধমনীতে শিরায় শিরায় ক্রোধের যে প্রচণ্ড আবেগ পাথরের মত জমাট হয়ে ~~ঠাছিল~~ তা যেন হঠাৎ গলে যেতে লাগল। চারদিকে তাকাল সে। তক্তকে, ঝকঝকে। প্রাচুর্য নেই, তবে দৈন্যও নেই। স্বাচ্ছন্দ্য আর শুচিতা ঘরবাড়ীর সর্বত্র। নন্দর দিকে তাকাল সে। মুহূর্তের জন্য। সবল, রূপবান যুবক, দেখেই মায়া জন্মায়। হঠাৎ গৌরদাস ভারী দুর্বল বোধ করে।

“কাদ্দা”—তবু গম্ভীরকণ্ঠে সে ডাকল।

“বাবা”—কাজললতা এগিয়ে এল, হাঁটু গেড়ে বসল, বাপের পায়ের কাছে মাথা লুটিয়ে প্রণাম করল।

গৌরদাস নড়ল না, কথা বলল না। অন্তর্দৃষ্টি কেবল মাথার বিরল কেশে হাত বুলোতে লাগল।

উদ্ভাব হয়ে আছে সবাই। দেখছে সবাই। নিঃশব্দতা। শুধু স্বাস-প্রশ্বাসের আওয়াজ শোনা যায় আর চুড়োর টুংটাং।

কাজললতা মাথা তুলল, “বাবা, আমার আশীর্বাদ কর। রাগ করে না বাবা, কারো দোষ নেই। আমি নিজেই এসেছি। আর কোথাও গেলে যে স্বখী হতাম না তাই তোমার অব্যাহতা করেছি। এবার তুমি আশীর্বাদ করলেই আমার সব সাধ ঘিটে যাবে বাবা। বাবা—”

## প্রান্তরের গান

গৌরদাস নিঃশব্দে মেয়েকে বুকে টেনে নিল।

প্রবীর হাসল। জয় হয়েছে। হরিচরণ হাসল, শিবেশ্বর হাসল, রাসমণি হাসল, মাধবী হাসল, সবাই হাসল। কেবল হাসল না তারা যারা ভেবেছিল যে বেশ কয়েকটা মাথা ফাটবে, লাঠি ভাঙবে, হাতকড়া পরিয়ে দারোগাবাবু গোঁফে তা দেবে। কিন্তু কিছুই হল না! আশাভঙ্গের কষ্টে তারা মুখ বিকৃত করল শুধু।

প্রিয়তোষ বাবু গম্ভীরভাবে বলল, “কি ফ্যাসাদ বলুন দেখি—কেস্টা যে বিগড়ে গেল! কি মশাই—কি করব? ফিরে যাব, না এখনো কিছু করতে চান?”

গৌরদাস নিঃশব্দে মাথা নাড়ল।

প্রিয়তোষ বাবু হাসল, “কিন্তু ফাই বলুন, লাভ আপনাই হল। পাত্র পাত্রীকে কি স্নানর মানিয়েছে বলুন দেখি, তাছাড়া বেশ ত’ ঘর বাড়ী, অজাত কুজাতও নয়। কোলাকুলি করে ফেলুন মশাই, কোলাকুলি করুন।”

ভিতরে আবার একচোট শঙ্কস্বনি হল, তার সঙ্গে ~~কলকল~~ বাজনদারেরা পান চিবোচ্ছিল, হঠাৎ হক্চকিয়ে উঠল সে আওয়াজে, ভাবল কোনও ক্রিয়াকর্ম বোধ হয় বাকী আছে। তারাও আবার আন একদফা বাজনা শুরু করল।

হরিচরণ এগিয়ে এল, সহাস্তে দুহাত বাড়িয়ে বলল, “বেয়াই, মাইক করো—”

গৌরদাস যেন কেমন বেকুব হয়ে গেছে, হরিচরণকে সে আনিজ্ঞন করল বটে কিন্তু নীরবে।\* মুখের মধ্যে তখনো একটা ধমধমে ডাব।

প্রবীর প্রিয়তোষবাবুর হাত চেপে ধরল, “ধন্যবাদ—অনেক ধন্যবাদ। শুধু ধন্যবাদ না, কৃতজ্ঞতাও জানাচ্ছি প্রিয়তোষ বাবু। কিন্তু বুড়োটার মুখ যে পেচকের মতই রইল মশাই?”

## প্রান্তরের গান

“ওসব ঠিক হয়ে যাবে মশাই, ঠিক হয়ে যাবে। কিন্তু ওসব যাক, একটু মিষ্টিমুখ করান দেখি। খেয়ে বাড়ী যাই। ঘুম পেয়েছে।”

“নিশ্চয়ই, নিশ্চয়ই। অর্জুন, ব্যবস্থা করে। ভাই—”

বাসর ঘরে আবার বর-কনে বসল। হাসি তামাসা শুরু হল।

অতিথিদের মধ্যে যাদের খাওয়া হয়েছিল তারা এবার বিদায় নিল। যবনিকা-পতনের পরেও কি ভাঙ্গা আসরে থাকতে হয়? কুরুক্ষেত্র পর্বের পর শান্তিপর্বের মতই বৈচিত্র্যহীন। বীররসের পরে আর কোনো রসই জমে না।

“বেয়াই, খেতে আসুন”—শিবের এসে মিনতি জানাল।

গৌরদাস গম্ভীরভাবে তার দিকে তাকাল শুধু, কথা বলল না।

হরিচরণ অমুরোধ জানাল, “এসো ভাই”—

এতক্ষণ গৌরদাসের মুখে কথা ফুটল, বলল, “কালই আমি মেয়ে জামাইকে নিয়ে যাব বেয়াই”—

“হরিচরণ! এমন কৃতকৃতার্থ হয়ে গেল, “বেশত, নিশ্চয়ই নিয়ে যাবে। এখন খেতে চল”—

শিবের মুচকি হাসল।

গৌরদাসের সঙ্গীদের মধ্যে একজন বয়স্ক লোক, নাম নিতাই পাল, হেসে বলল, “যাই, বল গৌর, পাত্রটি মন্দ হয়নি”—

গৌরদাস মুখবিকৃত করল, হরিচরণের দিকে কটমট করে তাকিয়ে বলল, “ভাল, আমার মেয়ের কাছে কোথায় লাগে?”

হরিচরণ সবগে মাথা নাড়ল, যেন অপরাধী দোষ স্বীকার করছে এমনভাবে বলল, “নিশ্চয়ই, ঠিক কথা, ঠিক কথা। তোমার মেয়ে সাক্ষাৎ মা অন্নপূর্ণা বেয়াই—ঘর আমার আত্মলায় আলো হয়ে গেছে সে আসায়।”

## প্রান্তরের গাম

“হুঁ”—গৌরদাস একটু খুশী হয়ে উঠছে, “কিন্তু ব্যাপার কি বলত ?”

হরিচরণ ফিস্ ফিস্ করে বলল, “ভালবাসা বেয়াই।”

“এ্যা”—গৌরদাস চোখ বড় করল, “তাই তো—তাই—ওঃ”—কাজললতা যে প্রায় ছপ্পুরেই বাড়ীতে থাকত না তার কারণ আজ সে খুঁজে পেল।

“ভাবছ কি বেয়াই, আমাদের দিন গেছে। হেঁড়া ছুঁড়ীরা আমাদের আর গেরাখিই করে না। শহর আর গ্রাম আজ এক হয়ে গেছে।”

“হুঁ”—গৌরদাস মাথা নাড়ল, পরে হরিচরণের দিকে তাকিয়ে ব্যঙ্গভরে বলল, “কিন্তু এত সাধু সেজে কি আমায় ভোলাতে পারবে ভাবছ ? তুমিও তো এই ষড়যন্ত্রের মধ্যে ছিলে বেয়াই।”

“না থাকলে মা অন্ন পূর্ণাকে পেতাম কি করে ?”

“নিজে গেলেই পারতে আমার কাছে।”

“পাত্রের বাপের একটা অহঙ্কার থাকবে না ?”

“হয়ত ছিল, এখন ছাই আছে। এমনভাবে আমার সঙ্গে এখন কথা বলছ যেন তুমিই মেয়ের বাপ আর আমি ছেলের বাপ।”

“কিন্তু তাই নয় কি ?”

সবাই হো হো করে হেসে উঠল।

শিবধর ডাক দিল, “চল বেয়াই—পাঁত ঠাণ্ডা হয়ে যাচ্ছে।”

গৌরদাস নিজের সঙ্গীদের দিকে ডাকাল, “চলহে সব পড়েছি। মোগলেন্ন হাতে—বুঝছ না ? কিন্তু বেয়াই”—

“এ্যা”—

“তেতুলঝোঁরা লোক পাঠাও, সব খবর জানাও—বাড়ীতে সবাই চিন্তিত আছে।”

## প্রান্তরের গান

“এখুনি পাঠাচ্ছি ভাই।”

প্রবীর উকি মারল বাসর ঘরের জানালায়।

যাত্রার অৰ্জুন মেয়েদের ঠাট্টা বিক্রপে লালচে হয়ে উঠেছে।

রাজকন্টারও মুখে রক্তজ্যোতি।

একটি মেয়ে বলল, “একটা গান গাও নন্দদা”—

নন্দ বলল, “ইস, বললেই যেন গান গাইব—না? ওসব হবে না বাপু, বড় কষ্ট করে বিয়ে করেছি, আমাকেই বরঞ্চ গান শোনান উচিত।”

হি হি হি মেয়েরা মুখে আঁচল দিল। কাজললতা ঘোমটাটা বাড়িয়ে দিল। ঘোমটার আড়ালে হাসতে সুবিধে হবে।

ওরা সুখী হোক।

পা টিপে টিপে প্রবীর বাইরের দিকে ছাচ্ছিল। এতক্ষণে ক্লান্তিবোধ হচ্ছে। জামায় টান পড়ল।

“কোথায় পালাচ্ছ তুনি?” মাধবী চোখ রাঙাল।

“লাচ্ছি আবার কোথায়?”

“খেয়ে যাও—”

বেশ দাঁও

হাতে বসল প্রবীর। বাইরে ফুটফুটে জ্যোৎস্নায় সব উদ্ভাসিত। নিঃসঙ্গ আকাশে পাণ্ডুরবর্ণ নক্ষত্র-সমারোহ। সামনে মাধবী বসে দেখছে। রাসমণি ভাববধান করে যাচ্ছে, হরিচরণ ঘুরে গেল। প্রবীর একবার ভাকাল মাধবীর দিকে। হরিণীর কালো চোখের আড়ালে অরণ্যের যে রহস্য লুকানো থাকে তা যেম ভাকে ঘেরাও করছে। অনেক দূরের নক্ষত্রের মত স্থির দৃষ্টি মেলে মাধবী চেয়ে আছে। প্রবীর চোখ নামোল। আর ভাকাবে না সে।

বয়স্করা তখন আবার গান ধরেছে—

## প্রান্তরের গান

“বিনা কইর্যা রাম আমার

আইল ফির্যা ঘরে রে,

আইল ফির্যা ঘরে ।

তোরা দেইখ্যা যা লো দেইখ্যা যা,

রাম কারে আনিল ঘরে ।

“এষে রাজার খিয়ারী

এষে সোনার পুতুলী,

এ যে আকাশের চাঁদ আইয়াছে ধইয়া রে ॥”

“প্রবীরদা”—মাধবী ডাকল ।

“ঐ ?”

মাধবী চুপ করে রইল ।

“কি বলছ মাধু ?” খেতে খেতে নতমুখেই প্রবীর প্রশ্ন করল ।

“কিছু না—এমনি । তুমি খাও ।”

নীচের ঠোঁটটাকে দাঁত দিয়ে চেপে ধরল মাধবী ।

খেয়ে দেয়ে প্রবীর চলে গেল । হঠাৎ এমন তাড়াতাড়ি গেল যেন কেউ তাকে তাড়া করেছে বলে পালিয়ে গেল । নিমস্ত্রিত মেয়েরাও প্রবীরের চলে গেল । ক্রমে বাড়ীর কাজকর্ম কমে আসল । বরতনে এবং প্রায় আর সবাই শুয়ে পড়ল । হরিচরণ আর রামমণি ছাড়া রাত হল ।

মাধবীও শোয়নি ।

দাঁড়ায় অপেক্ষাকৃত অন্ধকার কোণে দাঁড়িয়ে ছিল সে, বাইরের দিকে তাকিয়ে । চাঁদের আলোর অল্পটুকু একটা রেশ এসে তার শরীরের উপর পড়েছিল । ভাল করে কেউ যদি লক্ষ্য করত তবে হয়ত সে দেখতে পেত যে তার বুকের সঙ্গে মিশিয়ে আছে একটা শুকনো মালা,

## প্রান্তরের গান

আর তার চোখের মধ্যে টলমল করছে জল। কেউ কি জানে  
মাধবীর কি হয়েছে ?

কলির সন্ধ্যাতেও ব্রাহ্মণ্যতেজ কমেনি। তারক বাঁধুঘো সেদিন যে  
অপমান মাথায় নিয়ে বাড়ী ফিরেছিল, ব্রাহ্মণ হয়েও ব্রাহ্মণের কাছ থেকে  
নিজের জন্মের কোতুহলের দাবী করে নিরাশ হওয়ার যে জ্বালায় জ্বলছিল,  
সেই প্রত্যুত্তর পাওয়া গেল তিন দিন পর, সন্ধ্যার একটু আগে।

যতপতি বাবুর বাড়ী থেকে স্বতন্ত্র সঙ্গ প্রবীর ফিরে আসছিল।  
পথে রামময় ভট্টাচার্য্যের সঙ্গে দেখা হল।

“নমস্কার পণ্ডিত মশাই।” প্রবীর আর স্বতন্ত্র হাত তুলল।

রামময় শীর্ণ হাসি হাসলেন। উত্তর দিলেন না, নীরবে প্রতি নমস্কার  
জানালেন শুধু।

তার অবসন্ন ভাব, হাসির রূপণতা ও রেখাকুল গলাটকে প্রবীর  
লক্ষ্য করল।

“রামময় কেন পণ্ডিত মশাই?”

রামময় একটু কাঁশলেন, গলাটা পরিষ্কার করে বিষয় ভঙ্গীতে বললেন,  
“কুনবে?”

“বলুন—”

“আসছি পঞ্চায়েৎ থেকে, গ্রামের ব্রাহ্মণদের পঞ্চায়েৎ থেকে, আমার  
বিচার হচ্ছে—”

“মানে?” স্বতন্ত্র রিসিকতকণ্ঠে প্রশ্ন করল।

## প্রান্তরের গান

“মানে সুস্পষ্ট—আমি দুর্বল, আমি অত্যাগকে প্রশ্রয় দিই নি। প্রবীরকে ন্যায্য কথা বলার জন্য ধমকাই নি, তারক বাড়ুঘোর অশোভন কোতুহলের সমর্থন করিনি, নন্দর আত্মরিক বিবাহে পৌরহিত্য করতে অস্বীকৃত হইনি। প্রবীর যুবক, তাকে কিছু বলার সাহস ওঁদের নেই, হরিচরণের ব্যাপারটার শেষরক্ষা হয়েছে বলে তাকেও জবাই করা গেল না, তাই কোপাগ্নিতে ভস্ম হলো আমি।”

“তারপর?” প্রবীরের কণ্ঠস্বরে চাপা উত্তেজনা।

“তারপর আর কি—অনেক শাস্ত্রোক্তি আর তীক্ষ্ণ সমালোচনা, অবশেষে একঘরে করবার হুমকী—”

“কি করলেন আপনি?”

“ক্ষমা চেয়ে এলাম। গরীব বামুন পণ্ডিত, দুচারটি ছাত্র ঠেঙিয়ে বা পাই তাও বন্ধ হয়ে গেলে খাব কি বাবা?” ক্লিষ্টহাসি হাসলেন রামময় ভট্টাচার্য্য।

“আমি এখনি যাচ্ছি সেখানে”—প্রবীর রুদ্ধকণ্ঠে বলল।

রামময় মাথা নাড়লেন, “না বাবা, ওসব করে না। অন্তরের পরিবর্তন না হলে চোঁচামেটি বুধা, ওতে যেও না। ক্ষমা চেয়েই কি আমি ছোট হয়েছি? একজনও কি আমার বুঝবে না?”

স্বত্রত মাথা নাড়ল। “পণ্ডিত মশায়ের কথাই ঠিক প্রবীর। ~~অবশ্য~~ আপনাকে একঘরে করবার ক্ষমতা আমরা থাকতে হাত দিতাম না, সেদিন গেছে। তবু নিষ্পত্তি যখন এঁত অগ্নেই হয়েছে। এতটুকুতেই যখন দেবতার খুশী হয়েছেন তখন আর এর জের টেনে লাভ নেই।”

প্রবীর চূপ করে রইল।

রামময় বললেন, “পরশুরাম একবিংশতিবার পৃথিবীকে নিক্ষেপিত করেছিলেন—আজ ভাবছি যে শূন্য-কুলোস্তব কোনো পরশুরাম কি



## প্রান্তরের গান

জন্মাবেন না যিনি একবারেই পৃথিবীকে ব্রাহ্মণহীন করে দিতে পারেন ?  
যদি জন্মান তবে কুঠারের নীচে আমার মাথাটাই সর্বাঙ্গে এগিয়ে দিতাম ।  
যাক্, এনার তাহলে আসি বাবারা ।”

রামময় চলে গেলেন ভিন্ন দিকে ।

খানিকক্ষণ ছুজনে নিঃশব্দেই পথ অতিক্রম করল ।

“এই হয়”—প্রবীর মুহূর্তে বলল, “মানুষের তৈরী দেবতা বেদিন  
মানুষের স্বাসরোধ করে, দেবতার নির্দেশের দোহাই পেড়ে পদবী যখন  
কায়েমী হয়, বংশগত বৃত্তিকে যখন পাপপুণ্য আর জন্মান্তরবাদের নজির  
দেখিয়ে ছোট আর বড় করে ভেদাভেদ করা হয় তখন এই হয়,  
এইভাবেই তখন মানুষ মানুষের মনুষ্যত্বকে অপমানিত করে ।”

স্বত্রত নিরাশ হতে চায় না, পথ খুঁজে বের করবেই সে একটা ।  
সে বলল, “একটি বিষয়কের অজস্র বিষফল । পরাধীনতাই এর কারণ,  
স্বাধীনতা এলেই এ ভেদাভেদ কমে যাবে ।”

প্রবীর মাথা নাড়ল, “স্বাধীনতা দেশের স্বাধীনতাই আনবে শুধু—  
ভেদাভেদ কমবে বটে কিন্তু দূর হবে না । স্বাধীনতারও পরে এর রফা  
হবে—এই ভেদাভেদ আর মনুষ্যত্বের অপমানের জন্ত চক্রবৃদ্ধি হারে,  
সুদের ও সুদ-সমেত আসলকে আদায় করা হবে । সেদিন রক্ত পড়বে ।”

মান্তি রাজী নয় । রক্ত ! রক্ত কেন ? হিংসা, শুধু  
হিংসাই কি শেষ পথ ? অন্তর দিয়ে জয় না করলে স্থায়ী জয় কি হয় ?”

প্রবীর হাসল, “তুই ভুল করছিস স্বত্রত । এ ত’ জয় পরাজয়ের  
কথা নয়—এষে ব্যাধি, বিকার, বিষ । কিন্তু থাক্, তর্ক বাড়িয়ে আর  
লাভ নেই, বাড়ী এসে গেছে তোরা ।”

“আচ্ছা, আর একদিন ও নিয়ে আলোচনা হবে ।”

“আচ্ছা ।”

## প্রান্তরের গান

সুত্র চল গেল। প্রবীর এগিয়ে চলল।

আখড়ার কাছাকাছি হতেই পথের বাঁকে শিখার সঙ্গে মুখোমুখী দেখা। শিখার সঙ্গে দারোয়ান আছে একজন।

“নমস্কার”—প্রবীর বলল। অপ্রত্যাশিত এই সাক্ষাৎ।

“নমস্কার”—কোথায় যাচ্ছেন?” শিখার মুখ চোখ উজ্জল হয়ে উঠল।

সুযোগ পেল প্রবীর। তাড়াতাড়ি পালাবার একটা অভূত পেল সে।

“যাচ্ছি একটু কাজে—বিশেষ কাজে—”

“তা বিশেষ কাজ ত’ হবেই। আমায় এড়াতে হবে যে।” শিখা ধারালো হাসি হাসল।

প্রবীর চমৎকৃত না হয়ে পারে না। শিখা নিঃসন্দেহে তীক্ষ্ণবুদ্ধিশালিনী। কিন্তু তবু শিখাকে এড়াতে পারলেই যেন বাঁচে প্রবীর। শিখা এখানে বেমানান, মনে প্রাণে সে সহরের জীব, তবু ~~কিন্তু~~ ~~কিন্তু~~ ~~কিন্তু~~ পড়ে আছে? এই গ্রাম্য পারিপার্শ্বিকে ওর রুজ পাউডার আর জর্জেট বড় খাপছাড়া, বড় বেমানান। বেসুরো সুরের মত, তালহীন তালের মত, বিকৃত, অসহ্য।

“কি চুপ করে রইলেন যে?”

“আপনি আমায় লজ্জা দিচ্ছেন কেন? সত্যি কাজ আছে, আমার।” প্রয়োজনে মিথ্যা বললে পাপ নেই। ‘পথের দাবীর’ সব্যসাচীকে প্রবীর স্বরণ করল।

“বেশ আজ না হয় কাজ আছে, কিন্তু কাল, তারপর? আপনার রাগ মেটে নি, মিটবেওনা, কিন্তু আমাদের ওখানে আপনার বাওয়ার নেমস্তল ছিল—আপনি নিজেও যাবেন বলেছিলেন, মনে আছে?”

## প্রান্তরের গান

“আছে। যাব, সত্যি যাব এবার একদিন।”

“তবু অনির্দিষ্ট প্রতিশ্রুতি!” শিখার কণ্ঠস্বর একটু কঁপল, হঠাৎ হাত জোড় করে সে বলল, “আচ্ছা এবার তবে বাই, আপনার হয়ত দেৱী হয়ে যাচ্ছে। চল বিপিন”—শেষের কথাগুলোকে চিবিয়ে চিবিয়ে বলল শিখা।

ওরা চলে গেল।

একটু লজ্জা হল প্রবীরের।

মেয়েটির বুদ্ধি আছে, কচি আছে, শিক্ষা আছে। পাউডার আর বিনতির অন্তরালে খানিকটা রূপও আছে। কিন্তু তবু ওর সামনে যেতে ভয় করে। ও বড় বড়ক্ক, ওর চোখে মুখে তারই ছায়া যে নিরন্তর ফুটে ওঠে। প্রবীর তা সহ্য করতে শ্রদ্ধম। তাছাড়া সোনা আর ধূলা, তেল আর জল, অন্ধকার আর আলোর মতই অনেক ব্যবধানের প্রাচীর রয়েছে প্রবীর আর শিখার মাঝে। দুই মেক্রর ব্যবধান আর পার্থক্য। তাছাড়াও কারণ আছে। প্রবীর পতঙ্গ হবে না। না।

চলতে লাগল সে। সন্ধ্যার অন্ধকার এল। গাছপালার আড়ালে সোনার থালার মত পূর্ণিমার চাঁদকে মাঝে মাঝে দেখতে পাওয়া যায়।

বাড়ী ফিরল সে। আখড়ার পিছনকার রাস্তা দিয়ে।

আলো জ্বালতেই টেবিলের উপর একটি চিঠি নজরে পড়ল। মাধবীর অপটু হাতের আঁকাবাঁকা লেখা, লিখেছে—‘শ্রীচরনেষু’ প্রবীরদা আজ দুবার আসিয়াছিলাম। দাদা বোদি বিকেলে এসেছে। আজ কলশয্যা, আপনি অবশ্য আসিবেন। অন্যথা না হয়, দাদাও আপনাকে ডাকিতে এসেছিল। আর এক কথা—আপনি আর এ ক’দিন আসেন নাই কেন? আমার উপর কি রাগ করেছেন?—ইতি আপনার মাধবী।”

“আপনার মাধবী” কথাটার উপর ছ’তিনখার কালি বুলিয়েছে মাধবী।

## প্রান্তরের গান

প্রবীরের মুখ একটু গম্ভীর হয়ে উঠল। কিন্তু মাধবীর মুখচ্ছবি মানসনেত্রে ভেসে উঠতেই সে নিজের মনে হাসল। ছেলে মানুষ, ভারী ছেলে মানুষ মাধবী, ওকে ভয় নেই। মাধবী দহন করে না, মাধবীর মধ্যে শিখার মত সর্বগ্রাসী আগুনের বৃত্তকা সমাহিত নেই। কিন্তু মাধবী কি চায়? এর অর্থটা কি?

এমনি ধরণের কথা ভাবল প্রবীর। কিন্তু সে কি ঠিক বিচার করতে পেরেছে মাধবীকে? ভাবতে ভাবতে নন্দর বিয়ের রাতের কথা মনে পড়ল প্রবীরের। মাধবীর হাতের চাপ, তার মাওয়ার সময় মাধবীর নিষ্পলক চোখের চাহনি। প্রবীরের দেহ রৌদ্রকিত হয়ে উঠল।

যাবে কি যাবে না? দুটো মন হয়ে গেছে প্রবীরের। একটা ডান দিকের, একটা বাঁ দিকের। একটা ওপরের আর একটা ভিতরের একটা চোখ রাঙিয়ে নিষেধ করে অপরটা বলে যেতে। একটা বলে, নিশ্চয় হও; আর একটা বলে সহজ হও, তোমার ভয় কেন?

হঠাৎ ঠিক করে ফেলল প্রবীর। সে যারে নন্দদের বাড়ী। মনের দুর্বলতাকে দমন করবে সে, তাই বলে অস্বাভাবিক বা অভদ্র হবে না। আর—আর মাধবীকে দুঃখ দিতে বড় মায়া হয়, কষ্ট হয়। ভারী নিষ্পাপ, ভারী সরল, ভারী সুন্দর মেয়েটি। ভালবাসা নয়, তবে মাধবীকে তার ভাল লাগে।

## প্রান্তরের গান

দিন কেটে চলল ।

দিনের পর দিন কেটে মাস কাটল । জ্যৈষ্ঠ এলো । জ্যৈষ্ঠের প্রথমভাগে ঝড়ুটি হল । চারদিকের ক্ষেতে লাজল-চষা শেষ হয়েছে সবে । তৃষ্ণার্ত ধরণীর শুষ্কতা দূর হল, তার তৃষ্ণা বাষ্প হয়ে উড়ে গেল ধূপের ধোঁয়ার মত । বীজ বপন সারা হয়ে গেছে ।

নন্দকে সব সময়ে পাওয়া যায় না, হরিচরণ একাই বেশী খাটে । কিন্তু কোন অনুযোগ করে না সে । যৌবনের নিয়মকে সে মানে, জানে ।

প্রবীর আজিকাল টেঁ। টেঁ। করে ঘুরে বেড়ায় । অনেক সময় স্ত্রুতও সঙ্গে থাকে । যায় ইউনিয়নে । শ্রমিকদের বাড়ীঘর মেরামত হচ্ছে, মাইনেও বেড়েছে, আপাততঃ তারা নিশ্চিন্ত আছে । যায় ওরা চাষীদের কাছে । তাদের বাড়ীতে, মাঠে, আশপাশের গ্রামেও যায় ওরা । কংগ্রেসের বাণী, স্বাধীনতা আর সাম্যের বাণী শোনায়, বোঝায়, তাদের অভাব অভিযোগ শোনে, যথাসাধ্য চেষ্টা করে তা মেটাতে, গোপনে হস্তলিখিত সাম্যবাদী ইস্তাহারও বিলি করে প্রবীর ।

আষাঢ় এলো । ক্ষেতের বৃকে গাঢ় সবুজের শোভা । ধান আর পাটগাছ । প্রাণরসে চক্ চক্ করছে, বাতাসে হুল্ছে ।

একটা স্থল করার ঝোঁক হয়েছে প্রবীরের । অনেকদিন থেকে । তারি স্বপ্ন দেখে সে । গ্রামে হাইস্কুল আছে কিন্তু সেখানে কে যায় ? যার পয়সা আছে । যার নেই সে কোথায় বাবে ? এমনি ছেলেমেয়েই ত' বেশী । রামময় পণ্ডিতের কাছে 'কিছু যায়, বাকী যায় না । অথচ শিক্ষা চাই । শতবৎসরের কূটনৈতিক বিদেশী শাসনে মনের ভিতর ঝুঁগ ধরেছে সবার । পরাধীনতার স্বরূপ কেউ বোঝে না ও শুধু একটা শব্দ মাত্র । এই নিদারুণ জড়তা, অজ্ঞতা ও ক্রৈব্যকে দূর করতে হলে শিক্ষা চাই । দিনরাত ভাবে প্রবীর ।

## প্রান্তরের গান

আষাঢ় শেষ হল শ্রাবণ এল। এল ঝমঝমে বর্ষা। আকাশের নিলীমা কালোর আচ্ছন্ন হল, অসীম আকাশের বুকে এক মদমত্তা কৃষ্ণ রূপসীর রোদ্র নৃত্য সূক্ষ্ম হল। মেঘের মৃদঙ্গ বাজে, বাজে বজ্রের ডম্বরু। বিদ্যুতের বিদ্রম্বে নৃত্যরতা রূপসীর কটাক্ষ জলে। লক্ষ লক্ষ সেতারের ঝঙ্কার তুলে বৃষ্টি নামে। বাতাস বয়ে যায়। বৃষ্টিস্নাত সবুজের গাঢ় শোভা চেতনাকে নবযৌবন দান করে। ব্যাঙের ডাক শোনা যায়— কাঠব্যাং, কোলাব্যাং, সোনাব্যাং। জল বাড়ে। ধানের চাষ ছরস্ত উল্লাসে আকাশের দিকে মাথা তুলতে থাকে আর বাতাসে প্রবাহিত হয় নূতন জলের গন্ধ, পচা ঘাসপাতা আর ভিজ়ে মাটির ভ্যাপ্সা গন্ধ।

এমনি ভাবে দিন কাটে।

গ্রামের মধ্যে সেই নিরুদ্বেগ অতি সাধারণ জীবন যাত্রার ঘনিষ্ঠ চলে। চাষী, গৃহস্থ আর পাটকলের শ্রমিক। ভোর হয়, মানুষ জাগে। খাটে, খায়, শোয়, আড্ডা দেয়, তামাকের ধোঁয়ায় পরনিন্দা আর পরচর্চা করে, আখড়ায় গিয়ে হরি বলে ধুলো মাখে, মসজিদে গিয়ে মাথা মুইয়ে নামাজ পড়ে, আবার বাড়ী ফেরে, খায় আর ঘুমোয়। শ্রীর কিছু নয়। একসেয়ে, পুরাতন একটা ধারা। মরা নদীর কীর্ণ স্রোতধারার মত।

কিন্তু ওরি মধ্যে নূতন প্রাণের স্পন্দন পাওয়া যায়, আগামী কালের পায়ের ধ্বনি ধ্বনিত হয়। এই জল, নদী আর অমাহুষদের জীবন-দিগন্তে কালবৈশাখীর পিঙ্গল ছায়াও অলক্ষ্যে পড়ে। মত আর পথ ভিন্ন হলোই বা, সূত্রত, প্রবীর, আবহুল এবং আর সবাই সেই একই বিশ্লেষের অগ্রদূত। বোঝা যায় না, তবু কাজ হচ্ছে। বীজ থেকে অসুরোদগম যেমন দেখা যায় না, বোঝা যায় না একদিনে তেমনি ফাঁবে

## প্রান্তরের গান

কাজ এগোচ্ছে। দিন এগিয়ে আসছে—সবাই এগোচ্ছে। হয়ত দেৱী আছে—অনেক দেৱী, তবু এগোচ্ছে সবাই।

দিন কাটে। দিনগুলো কাটে—

ওরি মধ্যে জমিদারকত্তা শিখার দীর্ঘনিঃশ্বাস বাতাসে ভেসে যায়, মাধবীর চোখের জল বাষ্প হয়ে উড়ে যায়। প্রবীরের সময় নেই। প্রবীর নিষ্ঠুর। ওরি মধ্যে মুখ নন্দ'র আনন্দ-মুখর দিনগুলো মিশিয়ে আছে, আছে, কাজলতার হাসি, আছে হরিচরণ আর গৌরদাসের স্নেহ। ওরি মধ্যে ললিতার গান আছে, আছে শ্রমিকদের কোলাহল আর আছে পাটকলের বাঁশীর স্তবীকৃত শব্দ।

সব আছে, সব আছে। হাসি আছে, গানও আছে। কিন্তু তবু সব কিছু যেন রিক্ত প্রান্তরের মত মনে হয়। নিরবয়ব প্রেতের মত। থেকেও নেই। প্রাণ নেই, আত্মা নেই, স্বাধীনতা নেই, সাম্য, নেই, মানুষে মানুষে ভালবাসা নেই, মন্দিরে ও মসজিদে কোলাকুলি নেই।

এরনিভাবে দিন কাটে।

এল ভাদ্র। নদী, নালা, খাল, বিল, সব ভরপুর, সব ঠে ঠে করছে। সৈবিক জলের স্রোত ভৈরবী রাগিনী গায়। জলের ভিতর থেকে ধানের চারা মাথা তুলে হাওয়ায় দোলে। ধলেশ্বরীর জল বাড়ে। নিঝুম রাতে আওয়াজ ভেসে আসে—বড় বড় মাটির চাঙর ভেঙ্গে ভেঙ্গে পড়ছে, রাক্ষসীর মত ধলেশ্বরী গর্জাচ্ছে।

এই ভাদ্রেরই মাঝামাঝি একদিন প্রবীর বিকেলে বেড়াতে বেরোল। হাতে কোনো কাজ নেই, অনেকদিন উন্মুক্ত ক্ষেতের সাধনে গিয়ে চূপ কয়ে বসে থাকেনি সে। লোভ হল।

## প্রান্তরের গান

জল কাদা ভেঙ্গে চলল প্রবীর। বুড়ো শিবের মন্দিরের কাছাকাছি,  
সেই যেখানটায় শিখার সঙ্গে চৈত্র-সংক্রান্তির দিন দেখা হয়েছিল,  
সেইখানে গিয়ে বসল সে।

শরৎকাল। সূর্যের আলোতে সুবর্ণ মেশানো, মেশানো সোমরসের  
জ্বালা। গাঢ় সবুজ ধানের ক্ষেত আর জল দিগন্তে নীল হয়ে গেছে।  
দক্ষিণের বিল সমুদ্রের মত ধু ধু করছে, তার মধ্য থেকে নলঘাস আর  
বেতঝোপ মাথা তুলে রয়েছে। বিলের ধারে ধারে রয়েছে শুভ্র কাশের  
সুনিবিড় ঝোপ। তুলোর মত নরম আর সুন্দর। গুড়ি খর কচুরি  
পানার রাশি বিলের মধ্যে রাজ্য বাড়াচ্ছে। ফুটে আছে নীলপাপড়িওয়ালা  
কলমিফুল আলের ধারে ধারে, ফুটে আছে শালুক ফুল বিলের বুকে।  
ফিঙে পাখী ডাকছে, গাঙ শালিক উড়ছে। রৌদ্রতপ্ত বাতাসে ভাসছে  
জল আর কাদা, গাছপালা আর ধান ক্ষেতের একটা তীব্র গন্ধ।

“প্রবীর ভাই নাকি?”

প্রবীর মুখ তুলে তাকাল। মোলানা বসিরুদ্দিন। গ্রাম্য মুন্সিম  
লীগের পাণ্ডা। বয়সে প্রবীন, শিক্ষিত ও বেশ অবস্থাপন্ন লোক।  
জ্যোত জমি আছে অনেক, তা ছাড়া পাটের ব্যবসা আছে ঢাকায়।

“নমস্কার মোলানা সাহেব?” প্রবীর উঠে দাঁড়াল।

“আদাব ভাই, আদাব।” মোলানা বলল।

“কোথেকে আসছেন?”

“গিয়েছিলাম ক্ষেতের দিকে একটু। তা এখানে কি করছ, বেড়াচ্ছ?”

“তাই—”

“আজকের কাগজ পড়েছ?”

“না, সময় পাইনি সূত্রভর কাছে যাবার। যাব এবার—”

“বুদ্ধ লেগেছে।”



## প্রান্তরের গান

“যুদ্ধ!” প্রবীর যেন হোঁচট খেল।

“ই্যা, জার্মানী আর ইংলণ্ড।”

প্রবীর স্তব্ধ হয়ে গেল।

“অনেক আগেই আগুন জ্বলত, ছাই চাপা দিয়ে রাখা হয়েছিল কিনা। কিন্তু কতদিন আর তা চলবে?” বসিরুদ্দিন বলল।

“হু—”

কিন্তু প্রবীর সে কথা ভাবছিল না। সে ভাবছিল এবার কি কবতে হবে? এই যুদ্ধ বহু-প্রত্যাশিত। কয়েক মাস আগেই তা বোঝা গিয়েছে। যুগ বদলেছে। আপাতদৃষ্ট বিরোধিতার অন্তরালে মাহুযে মাহুযে, দেশে দেশে একটা ঘনিষ্ঠ সংযোগ স্থাপিত হয়েছে। তাই ইংলণ্ড ও জার্মানীর এই যুদ্ধ শুধু সেই দুটো দেশেই নীমাবদ্ধ থাকবে না। রাজ্যলিপ্সা ও আত্মরক্ষা—এর জ্ঞাত নূতন নূতন দেশে আগুন জ্বলবেই। আজকের যুদ্ধ মানেই বিশ্বযুদ্ধ। কিন্তু ভারতবর্ষ কি করবে? সুভাষচন্দ্রের কথা আংশিক সত্য হল—যুদ্ধ লেগেছে। সাম্রাজ্যবাদীদের স্বার্থরক্ষার যুদ্ধ। ভারতবর্ষ সুযোগ নেবে না কি? কিন্তু দেশে ঊভদনীতি প্রবল হয়েছে। দেশপ্রীতির চেয়ে আত্মাভিমান বড় হয়েছে। কৈতায় নেতায় যুদ্ধ লেগেছে, দলে দলে সংঘাত, ধর্ম্মে ধর্ম্মে ঠোকাঠুকি।

“আমাদের দায়িত্ব কিন্তু বেড়ে গেল মোলানা সাহেব”—প্রবীর বলল।

মোলানা মাথা নাড়ল, “বাড়লই ত”—কংগ্রেসের এবং লীগের ওয়ার্কিং কমিটি নাকি এ সম্বন্ধে ভারতবর্ষের মত ও স্থান সম্পর্কে আলোচনা করবেন।”

প্রবীর মাথা নাড়ল, “তার চেয়েও বড় কথা আছে—আমাদের মধ্যে সম্প্রীতি আর ঐক্য চাই।”

## প্রান্তরের গান

“মানি ভাই মানি, চেষ্টাও করতে হবে।” মোলানা আবেগের সঙ্গে  
সায় দিল।

চলতে চলতে একবার পিছন ফিরে তাকাল প্রবীর। শেষ অপরাহ্নের  
রক্তরাগে সমাচ্ছন্ন সুন্দরী ধরিত্রী। শান্ত, সমাহিত, যৌবনোচ্ছল।  
উন্মুক্ত প্রান্তর, উদার আকাশ, সবুজ শস্য। কিন্তু তার মাঝে ও কিসের  
ছায়া? ট্যাঙ্ক আর কামানের। মটার ও বিমানের। বাতাসে ভাসে  
কিসের শব্দ, কিসের গন্ধ? বোমা আর গুলি, আগুন আর বারুদ।  
লক্ষ লক্ষ সৈনিকের বুটের আওয়াজ। মৃত্যু-দীর্ঘ আর্ন্ত কোলাহল। মাটি  
কাটবে, ধোঁয়া উড়বে, খাসরোধী বিষবাম্পের ঢেউ আকাশের দিক  
উড়বে। কোথায় থাকবে এই হরিৎ শস্য-সম্ভার? শান্ত জীবনের  
এই ঘনি-ঘর্ষর, উদার আকাশের নীচেকার এই স্বপ্নাচ্ছন্ন শোভা?  
দুরালো—ভালবাসার দিন, গানের দিন, স্বপ্নের দিন। রঙীন স্বপ্নকে  
ছিন্নভিন্ন করে স্তীক স্তীনের মুখে এবার রক্ত দীপ্তি ঝলসাবে।  
শান্তির দিন গেল, কাজ বাড়ল। ভারতবর্ষ, তুমি এবার কি করবে?



ঝড়ের সংকেত

## প্রান্তরের গান

মধ্যাহ্ন-শেষে প্রবীর ভাবছিল।

কাহিনীর যবণিকা সরাতে দেখা যাচ্ছে যে একটি বছর কেটে গেছে।  
আবার ভাদ্র মাস এসেছে। সেই গভীরগতিক প্রাকৃতিক দৃষ্ট। ভরা  
মাঠ ঘাট, কাশফুল, সতেজ ধানের চারা আর বাছমাখানো শরভের দিন।

প্রাকৃতিক জগতের দিকে তাকালে মনে হবে হয়ত কোন পরিবর্তন  
হয়নি। কিন্তু পরিবর্তন হয়েছে, পৃথিবীতে ঘোর পরিবর্তন ঘটেছে,  
বিস্ময়কর রূপান্তর ঘটেছে এই একটি বছরের মধ্যে। হিটলারের  
বিজয়রথের লোহচক্র সারা ইউরোপের বুকের উপর ধুলো উড়িয়েছে,  
তার লালসার-আগুন সর্বত্র দাউ দাউ করে জ্বলেছে, একটার পর একটা  
করে দেশের পতন ঘটেছে। সমগ্র পৃথিবী এখন স্তম্ভিত বিস্ময়ে, গভীর  
ভয়ে কাঁপছে।

প্রবীর প্রশ্ন করেছিল—ভারতবর্ষ এবার তুমি কি করবে? ভারত-  
বর্ষও আলোড়ন এসেছে। ১৯৩৯ সালের ১৪ই সেপ্টেম্বর কংগ্রেস  
ওয়ার্কিং কমিটি একটি বিশেষ গুরুতর প্রস্তাব গ্রহণ করেছিল, ইংরেজ  
সরকারকে তার যথার্থ সামরিক উদ্দেশ্য প্রচার করার জন্ত আহ্বান  
জানিয়েছিল। আদর্শের বিষয় যে মোখিক প্রচার ইংরেজের।  
করেছিল তার সঙ্গে সাম্রাজ্যবাদের বাস্তব কার্যক্রমের নিদারুণ প্রভেদ  
দেখিয়ে কংগ্রেস দাবী করেছিল যে স্পষ্টভাবে সাম্রাজ্যবাদ পরিহার করে  
ভারতবর্ষকে স্বাধীন দেশ বলে ঘোষণা করা হোক, ভারতবাসীদের তৈরী  
শাসনতন্ত্রকে স্বীকার করে নেওয়া হোক। বড়লাট উত্তর দিয়েছিলেন  
যে অদূর ভবিষ্যতে ভারতবর্ষকে ঔপনিবেশিক স্বায়ত্তশাসন দেওয়া হবে  
হয়ত, আপাততঃ কিছু নয়। অর্থাৎ আকাশের দিকে তাকিয়ে থাক।

বুকের সঙ্গেই দেশরক্ষার জন্ত নূতন নূতন নাগপাশ তৈরী হল।  
আইন। অনেকেই ধরা পড়েছে। অতি ধীরে, সকলের অলক্ষ্যে জিনিষ-

## শ্রান্তির গান

পত্রের দামের মানদণ্ডে কাঁটাটা উপরে উঠছে। ইতিমধ্যে বোম্বাইতে শ্রমিক-ধর্মঘট হয়েছে দু'বার—বৃদ্ধ ও সাম্রাজ্যবাদী দমননীতির বিরুদ্ধে। বোম্বাই গেছে যে দেশের মধ্যে বিক্ষোভ ও অসন্তোষ দেখা দিয়েছে, অশান্তি ও অসন্তোষের আগুন জ্বলছে অদৃশ্যভাবে।

কিন্তু সে আগুন রূপ ধরে প্রকাশ পাচ্ছে না কেন? এই ত' সময়। দেশের মজুর কৃষককে সজ্জবদ্ধ করে স্বাধীনতা-সংগ্রামের রাস্তায় অগ্রসর হবার এইত উপযুক্ত অবসর। কিন্তু কংগ্রেসের মধ্যে যেন একটা স্তিমিত ভাব, বার্নিকোর মত প্রতীক্ষা আর অপেক্ষা। তারা ভাবছে সুযোগ আসুক। কিন্তু সুযোগ ত' এই মুহূর্তেই।

কিন্তু ঠিক উটেটা ব্যাপার ঘটেছে। ফ্রান্সের পতনের পর কংগ্রেস নেতারা সরকারকে জানালেন যে, জাতীয় সরকার পেলে তাঁরা ব্রিটিশদের সহায়তা করবেন। কিন্তু এক কথায় কি কেউ রাজ্য ছাড়ে? বড়লাট বললেন বিনাসর্তে সাহায্য করে যাও তোমরা, পরে মোয়া পাবে। সেই আকাশের দিকে তাকিয়ে থাকারই নির্দেশ। দেশে অসন্তোষের তীব্রতা আরো বৃদ্ধি পেল। দেবলোক বিপন্ন হলে বিষ্ণুর দিকে তাকান। ভারতবর্ষ তাকাল মহাত্মা গান্ধীর দিকে। তিনি বললেন সময় হয়নি, আর মনে রেখো যে শত্রুর প্রতিও আমাদের একটা নৈতিক কর্তব্য আছে। দাঁড়াও, ভেবে দেখি কি করা যায়। ধর্মের দেশ, অধ্যাত্মবাদের দেশ, ভগবানের দেশ ভারতবর্ষ। তাই ভারতবর্ষ চুপ করেই রইল। অপেক্ষা করতে লাগল।

কিন্তু আর কতদিন? আর কতদিন? সময় ও সুযোগ কি চিরদিন থাকে? ভারতবর্ষ, আর কতদিন?

ওদিকে জিনিষপত্রের দামের অঙ্ক সীতিলান্দ করছে। অতি সঙ্কোপনে, অতি ধীরে।

## প্রবীরের গ্রাম

আর বাংলা দেশ? প্রবীর ভাবে। দেশে বিভিন্ন ঈশ, বিবাদ বিসংবাদ, সাম্প্রদায়িকতা। আবেগপ্রাণ বাঙালীর অশোভন চিন্তাবিকার আর স্বার্থাঘেষী ও বশের কাকালদের নেতৃত্ব।

আর প্রবীরের গ্রাম? গেল আমন ফসল ভাল হয়নি। আখিরের শেষে প্রচণ্ড বর্ষণ হয়েছিল, অর্ধেক চার। পচে যায়। তারিণী চৌধুরী মারা গেছেন টাইফয়েডে। পাটকলের কাজ বেড়েছে, শ্রমিক বেড়েছে। শশাঙ্কবাবু সরকারী কন্ট্রাক্ট পেয়েছেন। প্রবীরেরও কাজ বেড়েছে। ক্রমেই গ্রামের সঙ্গে সে গভীরভাবে জড়িয়ে পড়ছে। মাঝে চার পাঁচবার সহরে গিয়েছিল সহকর্মীদের সঙ্গে পরামর্শ করতে, নির্দেশ পেতে।

কিন্তু প্রবীরের গ্রাম যে দেশে সেই ভারতবর্ষ এখন কি করবে? এখনো কি সময় হয়নি? পৃথিবীতে বিপ্লব ঘনিয়ে এসেছে, রাতারাতি সব ওলোট-পালট হয়ে যাচ্ছে—ভারতবর্ষে কি তেমনি রূপান্তর ঘটবে না?

অসহিষ্ণুতায় প্রবীর ছটফট করে। তার চোখে জল আসে। বড় অন্ধকার আমাদের জীবন। পথ কৈ? হে জীবন দেবতা, পথ কৈ আমাদের?

কোনো উত্তর পাওয়া যায় না।

প্রবীর বেরোল। চার পাঁচ দিন ধরে নন্দদের বাড়ী যায় নি সে। মাথবী এর মধ্যে একদিন এসে উঁকি মেরে গেছে, কাছে আসেনি। মাথবী আজকাল কম আসে, তার মধ্যে একটা পরিবর্তন পরিলক্ষিত হয়েছে। কেন? প্রবীর ভাবে। শিখার কথা মনে পড়ে। মাস দুয়েক তার খোঁজ রাখেনি, সে কি এখানে নেই? থাকলে তার ডাক নিশ্চয় আসত।

## প্রান্তরের পান

দাওয়ার উপর মাদুর বিছিয়ে বসে হরিচরণ তামাক খাচ্ছিল। তার মুখে চোখে তৃপ্তিস্তার অন্ধকার।

“এসো বাবা—এসো”—সে ক্লান্তকণ্ঠে আহ্বান জানালো।

হরিচরণের কণ্ঠস্বরে এমন বিষন্নতা ছিল যে প্রবীর বিস্মিত হয়ে তাকাল তার দিকে।

অবশ্য সব সংবাদই রাখে সে। হরিচরণের অবস্থা খারাপ হয়ে আসছে। সসাগরা পৃথিবীর রাজরাজেশ্বরও একদিনেই ভিক্ষুক হয়ে যায়, হরিচরণ ত’ সামান্য লোক। আর একদিন নয়, এক বছর কেটে গেছে। গত ফসল ভাল হয়নি, যা হয়েছিল তাতে কায়ক্লেশে সংসার চলেছে কিন্তু সঞ্চয় কিছুই হয়নি। তারপর একটা ক্রিয়াব্যাপারে তার বেশ কিছু খরচ হয়ে গেছে। গত শ্রাবণে মনোরমার বিয়ে হয়ে গেছে। টাকা নগদ দিতে হয়েছে পাত্রকে তাছাড়া দান সামগ্রী আর অলঙ্কারপত্র ত’ আছেই। পাত্র সাভার গ্রামের ছেলে। কিন্তু ময়মনসিংহে সে নাকি কোন সরকারী অফিসে পর্যট্রিশ টাকা মাইনের চাকরী করে। হাতছাড়া করার উপায় ছিল না, মনোরমার বেশ বয়স হয়েছিল। বয়স্ক মেয়ে ঘরে পুষে রাখা যে ভয়ঙ্কর পাপ। প্রায় সাতশর কাছাকাছি খরচ হয়ে গেছে তার। কিন্তু কোথেকে এল এ টাকা? এই সমস্ত অভাব মেটাবার জন্য লোকের অভাব নেই। মহাজন নিকুঞ্জ সা ছিল। রীতিমত দলিলের কাগজে নাম সই করে দশ বিঘা জমি বন্ধক দিয়ে টাকা ধার করেছিল হরিচরণ। ‘বসন্তের দাগে বিকৃতমুখ’ নিকুঞ্জ খুঁদে খুঁদে চোখে শয়তানকে দেখা যায়। সেই ছোট চোখছুটো আরো ছোট করে কঠিন কণ্ঠে সে বলেছিল, ‘মনে রেখো, পাঁচ মাসের বেশী আমি টাকা ফেলে রাখবনা কিন্তু। ই্যা ঠিক পাঁচমাস।’ তারপরও চিন্তা আছে। মাধবী। সেও বিবাহযোগ্য। কিন্তু একজনের বিয়ে



## প্রান্তরের গান

দিত্তেই যার বৃকের রক্ত শুকিয়ে এসেছে সে দ্বিতীয় জনের দিকে চাইবে  
কেমন করে ? হরিচরণ ভেঙ্গে পড়েছে, ক্ষয় হয়ে যাচ্ছে ।

“এবার ত’ ফসল খুবই ভাল হয়েছে কাকা, না ?”

হরিচরণ ক্লিষ্ট হাসি হাসল, “সেত’ গেলবছরও খুব ভাল হয়েছিল,  
কিন্তু শেষরক্ষা হল কৈ ?”

প্রবীর চুপ করে রইল খানিকক্ষণ ।

“নন্দ নেই ?”

“বলতে পারছি না, দেখ না ভিতরে গিয়ে ।”

ভিতরে ঢুকতেই দেখা গেল যে দরজার আড়ালে মাধবী দাঁড়িয়ে আছে ।

“মাধু”—

“বোস”—মাধবীর কণ্ঠস্বরে, কেমন যেমন একটা গাঙ্গীর্ষ্য এসেছে ।

“বসছি কিন্তু নন্দলাট কই ?

“লাটসাহেব হাওয়া খেতে গেছেন ।”

“তাই নাকি ?”

“হুঁ—কিন্তু তোমার ব্যাপার কি বলত প্রবীরদা ?”

“কেন কি হল ?” প্রবীর বুঝতে পারেনা কিছু । মাধবীর  
কথাবার্তার ধরণটাও বদলে গেছে । মাঝে মাঝে হক্চকিয়ে দেয় সে ।  
এই কিছুদিন আগে পর্যন্ত তার মধ্যে একটা অস্থিরচিত্তা বালিকাকে  
খুঁজে পাওয়া যেত, আজকাল তা মোটেই না । ইঠাৎ যেন সে বড় হয়ে  
উঠেছে ।

“কি হল বলত ?”

“হবে আবার কি—বাড়ীর পাশ দিয়ে লুকিয়ে লুকিয়ে যাও তবু  
একবার এসে জুটো কথা বল না । মনে হয় যেন তুমি এড়িয়ে চলতে  
চাও ।”

## প্রান্তরের গান

“ওঃ, এই”—প্রবীর হেসে ফেলল, “আমি ত’ রীতিমত ভয় পেয়ে যাচ্ছিলাম তোমার কথার ভঙ্গীতে।”

“তুমি কথা ঘুরিয়ে নিচ্ছ প্রবীরদা।” মাধবী মুখ টিপে হাসল। এই হাসিটুকুতেই পুরোনো মাধবী যেন ফিরে আসে।

প্রবীর মাধবীর দিকে পূর্ণদৃষ্টিতে তাকাল। নারী জাতির মধ্যে বোধহয় কতগুলো সহজাত গুণ থাকে, পুরুষকে নাস্তানাবুদ করার ক্ষমতা থাকে, একটা পরিণত মন থাকে। শিখার বুদ্ধির কারণ দেখানো যেতে পারে—তার শিক্ষা, দীক্ষা, আবহাওয়া। কিন্তু মাধবী সে সব গুণ কোথা থেকে পেল? এই গ্রাম্য পারিপার্শ্বিকে? শুধু তাই নয়, পরিপক্ক ফলের মত মাধবীর চেহারায় যে শ্রী ও মহিমা ফুটে উঠেছে তার সঙ্গে তার এই সহজাত বুদ্ধির তীক্ষ্ণতা মিশে শিখাকেও নিম্প্রভ করে দেয়। চটুলতা নেই মাধবীর, নেই শিখার মত কৃত্রিমতা। মাধবী অপক্লপ। ওকে দেখলে আজকাল মোহ আসে, আরো দেখতে ইচ্ছে করে, সাধ মেটে না।

গলার সুরটা নামিয়ে হঠাৎ প্রবীর প্রশ্ন করল, “আমার ছোটো কথার উপর তোমার এত লোভ কেন মাধু?”

মাধবী তার ডাগর ডাগর চোখ তুলল, তার মনের ভাবান্তর কিন্তু মুখের উপর কোনো ছায়া ফেলল না। একবার প্রবীরের হুচোখের উপর দৃষ্টি বুলিয়েই সে মুখটা ফিরিয়ে নিল, তারপরে মৃদুকণ্ঠে বলল, “ভালো লাগে।”

মাত্র ছুটি কথা। কিন্তু কি ভয়ানক ছুটি কথা! প্রবীর শুক ইয়ে গেল। তার ছোটো হৃদপিণ্ডে যেন একটা বিরাট সংঘর্ষ ঘটে গেল। সেই সংঘর্ষের ফলে সমস্ত চেতনা যেন বারংবার শিহরিত হয়ে উঠল তার।

হারপ্রান্তে কাজললতা এসে দাঁড়াল। ঘোমটা টেনে।

## প্রান্তরের গান

প্রবীর বাঁচল। অতলম্পর্শী একটা অন্ধকার গহ্বরে পড়ে যেতে যেতে মাঝপথে সে যেন একটা আকড়ে ধরার মত অবলম্বন পেল।

কলরব করে ডাকল সে, “এই যে লজ্জাবতী বোঁঠান, আসুন ভাই, আসুন।”

ঘোমটার আড়ালে কাজললতা হাসল।

“এ কিন্তু ভারী অগ্রায় বোঁঠান—”

“কি?” কাজললতা প্রশ্ন করল।

“কত কষ্ট করে, পুলিশ আর জেলের ভয়কে অগ্রাহ করেও আপনাকে গিয়ে উদ্ধার করে আনলাম, আনাড়ি হাতে ফোঁকা পড়ল দাঁড় বাইতে গিয়ে—এত করলাম, তবু আমার সামনে ঘোমটা?”

মাধবী হাসল।

কাজললতা ঘোমটা সরাল একটু, বলল, “লজ্জা করে ভাই।”

“ভাইকে দেখে লজ্জা, যার সামনে লজ্জা হওয়ার কথা সেখানে ত’ অগ্র ব্যাপার—”

কাজললতা মুখ টিপে হাসল, “সে যে ইয়ে ভাই।”

প্রবীর হো হো করে হেসে উঠল, মাধবী মুখে আঁচল চাপা দিল।

হাসি থামিয়ে প্রবীর হঠাৎ বলল, “একটু চা খাওয়াবে বোঁঠান?”

“এই যাচ্ছি ভাই—এখুনি।” কাজললতা এই ফরমায়েসে খুশী হয়ে উঠল।

মাধবী বাধা দিল, “না, আমি বাই বোদি—”

“উহ—তুই বোস, আমি বাই।” কাজললতা ছুটে চলে গেল।

স্বকৃত।

হঠাৎ যেন কথা ফুরিয়ে গেছে।

## প্রান্তরের গান

হরিচরণের হাঁকোর শব্দ শোনা যায়। জলোথিত গুড্ডুক্ গুড্ডুক্ শব্দ।  
সুস্কতা।

হুজনেই চেষ্টা করছে কিন্তু ঠিক বলবার মত কথা যেন পাওয়া  
যাচ্ছে না।

হঠাৎ লজ্জা বোধ করছে হুজনে। . অকারণ।

তবু প্রবীর মাধবীর দিকে তাকায়। সিঁহরের আভা মাধবীর মুখে  
আর তার নীচের ঠোঁটটা মাঝে মাঝে কাঁপছে। প্রসূরিত কয়তলের  
উপর নজর রেখে সে কি যেন ভাবছে।

মাধবী মুখ তুলল, প্রবীর দৃষ্টি ফিরিয়ে নিল।

মাধবী দেখল যে প্রবীর এদিক ওদিক অকারণে তাকাচ্ছে, বারংবার  
ডান হাত মুষ্টিবদ্ধ করছে আর খুলছে, মাঝে মাঝে ললাটদেশে তার  
চমৎকার রেখা ফুটে উঠছে।

সুস্কতা।

“প্রবীর দা—”

নিঃশ্বাস বন্ধ হয়ে আসে প্রবীরের।

“প্রবীর দা—”

“কি ?”

সুস্কতা।

চ। এল। কাজললতা আবার বাঁচালু প্রবীরকে।

চ। নিঃশেষিত হল।

“ঠিক হয়েছে ত ?” কাজললতা সহাস্তে প্রশ্ন করল।

“চমৎকার।”

“ঠাট্টা হচ্ছে ?”

“সত্যি না ভাই।

## প্রান্তরের গাথ

“বোমা”—রাসমনির ডাক শোনা গেল, “একটু তেল নিয়ে এসোত।”

“যাই মা—”

কাজলতা চলে গেল।

প্রবীর উঠে দাঁড়াল।

“আজ যাই মাধু।”

“আবার এসো।”

প্রবীর তার দিকে তাকাল না।

“বুঝলে আবার এসো—রোজ।”

“রোজ?”

“হ্যাঁ”—কঠিন কণ্ঠে মাধবী যেন আদেশ করছে।

“আচ্ছা।”

দ্রুতপদে বেরিয়ে গেল প্রবীর।

দীর্ঘনিঃশ্বাস। মাধবীর মর্ম্মস্তল মথিত করে একটা দীর্ঘনিঃশ্বাস বেরিয়ে এল। প্রবীর কি তা শুনতে পেল?

না, প্রবীর তা শোনে নি। রাস্তায় বেরিয়ে হঠাৎ যেন সন্ধিৎ ফিরে আসে প্রবীরের। এতক্ষণ যেন অরগ্রস্ত হয়ে ছিল, যেন তন্দ্রাচ্ছন্ন ছিল সে। কি হয়েছে তার, কি হয়েছে? হঠাৎ আবিষ্কার করল সে। মাধবীকে তারও ‘ভাল লাগে’। কিন্তু এত সহজেই কি সে আত্মাহারা হয়ে যাবে? ব্রতচ্যুতির পাপে পাপী হবে? অতি সাধারণের মত জীবনটাকে ক্রীপ্ত্রের মাঝে বিলিয়ে দেবে? সব কাজ কি তার ফুরিয়ে গেছে? ভারতবর্ষ কি তার জীবনকে দাবী করতে পারে না? অগণন নরনারীর বক্তিত দীর্ঘনিঃশ্বাস কি মর্যাদার যোগ্য নয়? মনে প্রাণে সর্ব্বক্ষণ, সারা জীবন, তাদেরই মুক্তির জন্য সে কি নিজের জীবনকে কিছুতেই বিলিয়ে দিতে পারে না? এতই দুর্বল প্রবীর চোখুরী?

## প্রান্তরের গান

মাধবী রোজ যেতে বলল। রোজ সে প্রবীরের কথা শুনতে চায়।  
রোজ রোজ তার 'ভাল লাগে'।

না, সে আর যাবে না।

কিন্তু ভাবতে কষ্টবোধ হয়, বুকের ভিতর কোথায় যেন খচ্ খচ্  
করে। মাধবীকে যে তারও 'ভাল লাগে'।

নন্দ আজকাল একটু সৌখীন হয়ে পড়েছে। মুগ্ধ কাজললতাকে  
আরো মুগ্ধ করবে সে। পরিপাটি করে সাজগোজ করে, ভাল করে চুল  
ওঁচড়ায়, মাঝে মাঝে সস্তা এসেন্সও সে জামায় লাগায়। আর  
কাজললতাকে ব্যতিব্যস্ত কোরে তোলে আদরের চোটে। কাজললতা  
অস্থির হয়ে ওঠে আদরের মাত্রাধিক্যে। মনে হয় যে ওরা স্মৃথী হয়েছে।

কিন্তু তবু স্বস্তি নেই। এত স্মৃথিও আনন্দ নেই। যখন তখন এটা  
ওটা কাজললতাকে দিতে পারেনা নন্দ। সেই আক্ষেপ। না দিতে  
পেরে ছটফট করে নন্দ। বাপের অবস্থা, সংসারের অবস্থা সে জানে,  
বোঝে। তবু সে প্রায়ই এটা ওটা কিনবার জন্ত পয়সা চায়, টাকা চায়।  
কাজললতা তিরস্কার করে, ক্ষেপে যায়। নন্দ শোনে না। দিন দিন নন্দর  
মাথা বিগড়ে যাচ্ছে।

এবার একটা আংটি কেনার সখ চেপেছে তার। মনোরমার বিয়ের  
সময় কাজললতার গয়নায় টান পড়েছিল। তাছাড়া তার আংটি নেই,

## প্রান্তরের গান

তাকে একটা না দিলে নন্দ আর শান্তি পাবে না। অনি চারেক  
সোনা হলেই চলবে।

নন্দ বাড়ী ফিরল।

হরিচরণকে ঘাটাতে ভরসা হল না তার। মায়ের কাছে গেল সে।

“মা”—

“উ”—

“বলব?”

“বল না—কি?”

“পনেরোটা টাকা দেবে?”

রাসমণি অবাক হয়ে গেল, মুখে তার রা সরেনা।

“তুই কি পাগল হলি নন্দ? টাকায় চিন্তায় তোর বাবার অবস্থা কি  
হয়েছে দেখছিস না? বন্ধকী জমি উদ্ধার করার চিন্তায় যে তার ঘুম  
হয় না।”

“বড় দরকার কিন্তু”—

“আমার মাথাটা চিবিয়ে খা তবে।”

রাগ করে নন্দ ঘরে এল। বোঝে সব, তবু রাগ হয়।

কাজলতা পিছু পিছু এল।

“কি জন্য টাকা চাইছিলে বলত?”

“ছিল দরকার।”

“কি দরকার তাই শুনি।”

“আংটি করাতাম।”

“কেন?”

“তোমার জন্য।” নন্দ হাসল, কাজলতার একটা হাত টেনে  
নিল।

## প্রান্তরের গান

ঝট্কা মেরে হাতটা ছাড়িয়ে নিল কাজললতা, চোপড়টোতে ফোঁস  
খনিয়ে এল আকস্মিক কালো মেঘের মত।

“কি হল?”

“কি হল! তোমার লজ্জা লাগে না?”

“কেন”

আমার অপমান করতে?”

“অপমান! কেন?”

“সংসারের এই অভাব অনটনের মধ্যে আমার তুমি আংটি  
গড়িয়ে দিতে চাও, তার জন্য মার কাছে টাকা চাও!”

“দিলামই না হয় একটা।”

“আমি চাই না, ফের যদি শ্রমণ কর তবে আমি গলব দড়ি দেব।”

নন্দ এবার ক্ষেপে গেল।

“বিয়ের আগে ত’ গোবেচারী ছিলে, এখন যে রকমো বাবালো  
কথা বলতে শিখেছ বড়।”

“তোমার জন্যই।”

“আমার জন্য! তুমি ত’ ভারী বেয়াদব হয়ে গিবেছ! হঠাৎ  
একদিন থাপ্পড় খাবে আমার কাছে।”

কাজললতা কেঁদে ফেলল। তার ভ্রমর-কুমুদ চোখ থেকে অশ্রুর  
বন্যা নামল।

নন্দ ঘর থেকে বেরিয়ে গেল। মাধবী ছুটে এল।

অবশ্য রাত্রে আঁবার সন্ধি হল। মান অভিমানের পর, ক্রমা  
প্রার্থনা। তারপরে হাসি। তারপরে সোহাগের কথা, আলিঙ্গন, চুম্বন  
আর আল্পেষকিণ্ড সুখাশ্বাস। ঘুম আর স্বপ্ন।

কিন্তু হঠাৎ এক সময়ে নন্দর ঘুম ভেঙ্গে গেল, চকিতে সে উর্ধ্বলক্ষি



## প্রান্তরের গান

করল যে স্ত্রী হয়েও তার স্বস্তি নেই কেন। বিয়ের আগে কাজললতার সান্নিধ্যে যে মানকতায় তার দেহমন কাঁপত আজকাল আর তা যেন হয়না। কাজললতা যেন পুরোনো হয়ে আসছে।

সকাল বেলায় উঠেও নন্দ ভাবতে থাকে। সত্যি কি তাই? মন কিছু বিস্ময় বিবর্ণ মনে হয়। কিছুই ভালো লাগে না। হঠাৎ তার মনে হয় যে একটা কাজটাজ পেলে বোধ হয় বেশ হত। চাষবাস নয়, যাত্রা থিয়েটার নয়, যে কাজে করকরে টাকা হাতের মুঠোয় আসে সেই কাজ।

পাটকলের বাঁশীর আওয়াজটা বাতাসে কাঁপতেই সে বেরিয়ে গেল। ফিরে এল ঘণ্টা তিনেক পর।

কাজললতা প্রশ্ন করল, “কোথায় গিয়েছিলে?”

“পাটকলে।”

“কেন?”

“চাকরী নিলাম—পাঁচশ টাকা মাইনে—কাল থেকে যেতে হবে।”

কাজললতা থমকে দাঁড়াল। খুশী হবার মত কথা বটে—কিন্তু জমি? স্বস্তির একা কি পারবে?

“বাবাকে সাহায্য করবে কে?”

“কি এমন কাজ, বাবা একাই চালাতে পারবে।”

খুশী হয়েও খুশী হয় না কাজললতা।

হরিচরণ, রাসমণি, মাধবী, সবাই শোনে এ খবর।

হরিচরণ একবার মূহু কণ্ঠে বলল, “আমি একা পড়লাম যে—”

## প্রান্তরের গান

নন্দ বলল “কিন্তু সংসারে টানাটানিও ত’ বাচ্ছে এখন। তাছাড়া  
ছিদেম বা গোপালকে বললেই কেউ না কেউ তোমায় সাহায্য করবে।”

অগত্যা তাই।

নন্দ বদলে যাচ্ছে। হরিচরণ, রাসমণি, কাজললতা, মাধবী, সবাই  
কথাটা বুঝতে পারছে।

আড়ালে গিয়ে কাজললতা খানিকটা কাঁদল। সঠিক কারণ নেইত  
তবু কাঁদবার মত ওই কারণই যথেষ্ট। নন্দ বদলে যাচ্ছে, কিন্তু কেন,  
কেন?

জ্যোতদার হরিভূষণ গাঙ্গুলীর বহির্কক্ষে উদ্ভাস ও উত্তেজিত  
আলোচনা চলছিল। যুদ্ধ সম্পর্কে। সব মানুষই যে একই পৃথিবীতে  
থাকে তা আজকাল যত বোঝা যায় আগে তা যেত না। বিজ্ঞান আজ  
বিচ্ছিন্ন দেশ ও মহাদেশকে এক করে দিয়েছে। তাই আজ ইউরোপের  
তাণ্ডব কলাতিয়ার মত নগণ্য গ্রামের লোকদের মনেও আলোড়ন  
তোলে। ইয়োরোপের জনসমুদ্রের ঢেউ আজ তাদের দোলা দেয়।  
তারা হয়ত ভিন্নভাবে তার অর্থ গ্রহণ করে, অতীতের মরা সংস্কার  
নিয়ে তারা হয়ত বর্তমানের ব্যাখ্যা করে, দুর্বল আক্রোশে তারা হয়ত  
অর্থহীন আলোচনা করে, তবু সবাই যে একই পৃথিবীর এপিঠে আর  
ওপিঠে বাস করছে তা আর আজকালকার মত কোনদিন ভালভাবে

## আশ্বরের গান

প্রকট হয়নি। হানাহানি, রেষারেষি, হিংসা ও রক্তপাতের আড়ালেও এক দেশ, এক মহাদেশ ও এক মানুষ আর এক দেশ, আর এক মহাদেশ ও আর এক মানুষের কাছে এগিয়ে যাচ্ছে।

অঘোর পণ্ডিতও এসেছেন, মৃদুমন্দ হেসে তিনি বর্তমান যুদ্ধের আন্দোলিত স্বরূপ বিশ্লেষণ করছিলেন। ফরাসের উপর গোল হয়ে বসে পণ্ডিতের সেই সব কথা সবাই উপভোগ করছিল।

অঘোর পণ্ডিত বলছিলেন, “কলির সন্ধ্যা। তারই পূর্বাভাস এই যুদ্ধ—ভেবেছ বুঝি যে এ যুদ্ধ স্নেহদেবেই সীমাবদ্ধ থাকবে? তা নয়, এ দাবানল, এর বিবৃতি ঘটবে সারা পৃথিবীতে—আমাদের দেশেও আগুন জ্বলবে, দাউ দাউ করে আগুন জ্বলবে”—তিনি চক্ষু মূদ্রিত করলেন, মানসনেত্রে যেন সেই আগামী অগ্নিকাণ্ডের লেলিহান দীপ্তিকে তিনি দেখতে পাচ্ছেন।

বুড়ো মোস্তার দীনেশ রায় সায় দিল, পানের ডিবা থেকে একটা পান মুখে ফেলে, ডান গালটা টিবির মত করে তুলে খন্খন্নে গলায় বলল, “দিক বলেছেন পণ্ডিত মশাই, কাগজেও দেখছিলাম এমনি কথা।”

অঘোর পণ্ডিত উৎসাহিত হয়ে উঠলেন, একটা শানিত আত্মতৃপ্তি তার মুখের কোনে পরিস্ফুট হল।

শ্রোতারাও উৎসাহিত হল। সিদ্ধ তাত্ত্বিক অঘোরনাথের দিব্যদৃষ্টি আছে।

তারক বাড়ুবে ফিস্ ফিস্ করে বলল, “হিটলারকে নাকি অনেকেই অবতার বলেছে অঘোরদা!”

হরিভূষণ একটু অবিশ্বাসের হাসি হাসল, “তোমার আবার সবতাতেই বাড়াবাড়ি তারকদা। অবতার কখনো ওদের দেশে হবে, পূণ্যভূমি ভারতবর্ষ ছাড়া আর কোনো দেশে অবতারের আবির্ভাব হয় নাকি?”

## প্রান্তরের গান

তারক বাড়ুঘ্যে চিরদিনই অপরাজ্যেয়, সবেগে মাথা নেড়ে সে চক্ষু-  
তারকা বিঘূর্ণিত করে বলল “বাড়াবাড়ি কেন ? হিট্‌লারের সব খবরই  
কি মানুষ জানে নাকি ? পরে হয়ত জানা যাবে যে তিনি এই দেশেই  
জন্মেছেন ।”

অঘোর পণ্ডিত মুহম্মদ হাসছিলেন, তিনি এবার মুখ খুললেন, হৃজনের  
তর্কের মীমাংসা করতে এগোলেন তিনি, বললেন, “ঠিকই তাই ।  
অবতারের বিষয়ে কি প্রথমেই সব কথা জানা যায় ? অশ্চর্য্য কিছু নয়,  
এ প্রলয়কাল, তাঁর আবির্ভাবের দিন এগিয়ে এসেছে, হয়ত হিট্‌লারই  
তাঁর শেষ অবতার । নইলে এত শক্তি কোথা থেকে পেল সে ?  
পাশ্চাত্য দেশ অনাচার আর ব্যাভিচারের পুঞ্জীভূত ম্লানিতে বিষাক্ত  
হয়ে উঠেছে, সেখানে মায়ের লীলা হবে অত্র প্রকার । হৃদয়ের দমনই  
ত’ অবতার করেন । হিট্‌লারের হিংসার পেছনে হয়ত সেই তথ্যই  
লুকায়িত আছে যে তব্ব লুকায়িত আছে আমার দিগ্বসন। মায়ের করাল  
মুণ্ডির পিছনে”—

হঠাৎ বাধা পড়ল । অঘোর পণ্ডিতের উচ্ছ্বসিত ব্যাখ্যা ও শ্রোতৃ-  
মণ্ডলীর বিমুগ্ধ নীরবতাকে ভঙ্গ করে ঢোলের আওয়াজ ভেসে এল ।

মদন চৌকিদারের হাঁক শোনা গেল “আজ বিকেল চারটায় থানায়  
সাম্নেকার মাঠে সভা বসবে—সহর থেকে মাননীয় এস, ডি, ও সাহেব  
এসেছেন । যুদ্ধ সম্পর্কে জরুরী কথা হবে, সবাইকে যত্নে হবে ।  
জমিদারবাবু আর দারোগাবাবুর হুকুম—”

ড্যাং ড্যাং ড্যাং—ঢোলট! বেজে উঠল ।

চৌকীদারের হাঁক ক্রমশঃ ক্ষীণ হয়ে এল ।

“হুকুম ! যত্ন সব”—কৃষ্ণদাস বসু মুখ বিকৃত করলেন, “জমিদার ত’

## প্রান্তরের গান

আছেনই, তাকেও ছাপিয়ে আবার দারোগা। এক নূতন জমিদার এসেছে—

হরিভূষণ মাথা নাড়ল, “প্রিয়তোষবাবু লোক খুব ভাল ছিল ভাই, এ লোকটা একেবারে—”

“মুসলমান যে”—নিমাই বাড়ুয়ে ঘুণার সুরে বলল। আজকাল সে মাঝে মাঝে হিন্দুধর্মের পাণ্ডা মনোহর মুখুয্যের ওখানে যাতয়াত করে।

“সবাইকে যেতে হবে, ‘জরুরী কথা’। শুনে হাতী, ঘোড়া গজাবে, হিট্‌লার অম্নি হেরে যাবে—হঃ—যত্ন সব”—হরিভূষণ চারদিকে তাকায়, এমন সব স্বদেশী কথার কি ফল হল তাই দেখবার জ্ঞাত।

“ওদের দিন ঘনিয়ে এসেছে”—তারক বাড়ুয়ে একটা ভবিষ্যদ্বাণী বলার গৌরব অর্জন করতে চাইল।

কিন্তু এত বলা সত্ত্বেও ওরা সবাই যাবে এস্, ডি, ও সাহেবের বক্তৃতা শুনতে। মাঠের মধ্যে উঁচু হয়ে বসে অর্থহীন কথাগুলোকে বুঝবার চেষ্টা না করলেও হাততালি দেবে। তারপরে বক্তৃতা-শেষে সাহেব আয় দারোগাকে বলবে—‘চমৎকার বলেছেন হুজুর। ঠিকই ত’, আমরা জিতবই, ধর্মের জয় হবেই।’

আসলে ওরা ভীক। ওদের ভয়কে দূর করতে হবে। ওরা অজ্ঞান, ওদের জ্ঞান দিতে হবে।

পাটকলের বাঁশী বাজল। কূ—উ—উ—উ : তীব্র, তীক্ষ্ণ শব্দ আর কলের শেষ কালো নিঃশ্বাসে ছুটীর ঘোষণা। দলে দলে লোক বেরিয়ে এল। খানিকটা জীবনীশক্তিকে শিছনে ফেলে। বাইরের

## প্রান্তরের গান

খোলা হাওয়ায় ক্রম-ক্ষীয়মান বুকটাকে ভরে তুলে ছ'হাত দিয়ে চোখ রগড়ায় সবাই। যেন একটা নূতন পৃথিবীতে ওরা এসে পড়েছে।

নন্দও ফিরছিল। মাসখানেক ধরেই সে কাজ করছে। প্রথম প্রথম ভারী বিস্ত্রী লাগছিল। সম্পূর্ণ নূতন ও অপরিচিত পারিপার্শ্বিকে সে অস্বস্তিবোধ করছিল। কিন্তু ক্রমেই সে অনুভূতিটা ভেঁতা হয়ে আসছে, এখন অনেক মানুষের সঙ্গেই হৃদয়তা হয়েছে তার। গ্রামের ওস্তাদ কবি, ভালো এ্যাক্ট করে বলে সবাই খাতির করে। স্বতি ও প্রশংসার বর্ষণে নন্দ ফুলে ওঠে।

বস্তির শেষ প্রান্ত অতিক্রম করার সময় সে ললিতার গান শুনেতে পেল। সে থমকে দাঁড়াল। ললিতা আগেই ফিরে এসেছে কল থেকে। এ কয়দিন সে সেখানে ললিতাকে দেখেছে, ললিতা তার সঙ্গে কথা বলেনি, দূরে দূরেই থেকেছে। কিন্তু যখনি মাঝে মাঝে ললিতার দিকে তাকিয়েছে সে তখনি একটা ক্ষুরধার বক্র হাসি সে লক্ষ্য করেছে। আগে যে ঘুণার ভাবটা ললিতার প্রতি ছিল নিজের অজ্ঞাতসারেই তা অনেক দুর্বল হয়ে এসেছে, আজকাল ললিতা তার দৃষ্টিকে বারংবার আকৃষ্ট করে। একটা অস্বাভাবিক চাঞ্চল্য আছে ললিতার মধ্যে যেন আগুনের জ্বালা।

আসলে সে দাঁড়াল অল্প কারণে। সে ললিতার গানের পদ। নন্দ কবি, নন্দ গায়ক। নূতন কথা, নূতন ভাব, নূতন স্বর তাকে চুপকের মত ছুঁনিবার প্রচণ্ডতায় আকর্ষণ করে, তাকে উন্মাদ করে তোলে। ললিতার এই গানের মধ্যে সেই সব নূতনত্ব গুলোই ছিল। ললিতার কণ্ঠস্বর যে খুব পরিষ্কার, খুব-কাজ করা তা নয়, কিন্তু তা না হলেও তার কণ্ঠস্বরে এমন একটা দরদ আর বাছ আছে যে পা সরানো যায় না। নন্দ শুনেছিল যে ললিতা ভাল গায়। কিন্তু এমন? এত ভাল?

## প্রান্তরের গান

ললিতা গাইছিল—“পিরীতির রীতি বোঝা দায় ।

কাছে লোহায় পিরীতি কইরা

জলে ভাসে ছুজনায়,

হায়রে হায়,

পিরীতির রীতি বোঝা দায়

নন্দ গানটাকে মনে মনে আবৃত্তি করতে লাগল । সুন্দর কথাগুলো,  
অব্যর্থ শরের মত ঠিক অন্তরের মধ্যস্থলে গিয়ে বিদ্ধ হয় । সুন্দর ।  
স্বরটাকে মনে মনে নকল করার চেষ্টা করে সে ।

স্বরটা কাছে এগিয়ে আসছে ।

হঠাৎ হাসি শোন গেল । গান থেমেছে ।

জানালায় পিছনে ললিতার মুখ, একরাশি এলোচুলের পটভূমিকায় ।

নন্দ লজ্জা পেল, মুখ চোখ লাল হয়ে উঠল তার । বড় বড় পা  
ফেলে সে চলতে আরম্ভ করল ।

ললিতা গাইল—এবার কীর্তন—

“আমার বধূয়া জান্ বাড়ী যায়

আমার আজিনা দিয়া—”

নন্দর ইচ্ছে করে একবার ফিরে তাকাতে । ললিতার বিদ্রূপ সে  
বুঝতে পারছে কিন্তু তবু ললিতার কণ্ঠস্বরের ইন্দ্রজাল তাকে মুখ ফেরাতে  
বলে, থামতে বলে, শুনতে বলে ।

কিন্তু না, ছিঃ । কাজললতার ছবিটা সে কল্পনা করতে চেষ্টা করে ।  
কিন্তু ছবিটা ঠিক কুটেও যেন মানসপটে কুটে উঠছে না ।

## প্রান্তরের গান

ওদিকে ভারতবর্ষের ভাগ্য নিয়ে জল্পনা কল্পনা চলছে। জাতীয় নেতাদের প্রতি সরকারের উপেক্ষা দেশের অসন্তোষকে আরো তীব্র করে তুলেছে। তাছাড়া সাম্রাজ্যবাদ বিপদে পড়েছে। ইয়োরোপের রণক্ষেত্রে হিটলারের বিজয়-অভিযান ইংলণ্ডকে পিবে মারবার সব বন্দাবস্তই করে ফেলেছে। ইংলণ্ডের প্রধান সহর ত্রান্সের শোচনীয় পতন হয়েছে, ইংলণ্ড একা, সমস্ত, সশক্তি। এই ত স্বেযোগ, দেশের জনসাধারণ উসখুস করছে, কিছু না করতে পেরে ছটফট করছে।

সেই আলোচনাই হচ্ছিল সুরত'র বাড়ীতে।

প্রবীরের মুখে গভীর বিরক্তির ছাপ, “কিছুতেই কি আমাদের চোখ খুলবে না? সাম্রাজ্যবাদী বৃদ্ধের বিরুদ্ধে ব্যাপক গণ-আন্দোলন চালাবার এখনো কি সময় হয়নি?”

সুরত মাথা নাড়ল, “হয়ত ঠিক উপযুক্ত সময় হয়নি। রাজনৈতিক দৃষ্টি বাদের আছে—আমাদের নেতারা—তাঁরা ত' বলছেন যে এটা সে ধরনের আন্দোলন করার সময় নয়।”

প্রবীর উত্তেজিত হয়ে উঠল, “আমার আজকাল দেওয়ালে মাথা খুঁতে ইচ্ছে করে সুরত—”

“ধৈর্য্য হারাস না, ঝোপ বুঝে কোপ না দিলে ফল হয় না। সব কাজেরই যথোপযুক্ত সময় ও স্বেযোগের দুরকার হয়।”

প্রবীর তিক্ত হাসি হাসল, “সময় হবে কখন? সময় বখন হয় তখনি ত' গান্ধীজি রাশ টেনে ধরেন। তিনি আমাদের ধ্বংস থেকে বাঁচান বটে, কিন্তু কে চায় এমনভাবে বাঁচতে? এর চেয়ে মরা ভাল—”

“তুই ভারী উত্তেজিত হয়েছিস প্রবীর।”

“তা হয়েছি। উত্তেজিত হবার কারণের কি অভাব আছে? যে



## প্রান্তরের গান

কংগ্রেসের পিছনে দেশের শক্তি ঐক্যবদ্ধ হচ্ছিল তাতে ভাঙণ ধরেছে। স্বভাষাচলু বিতাড়িত, অভিমানে তিনি স্বতন্ত্র দল সৃষ্টি করছেন; মানবেন্দ্র রায় বাইরে রয়েছেন এবং সাম্রাজ্যবাদীদের সমর্থন করছেন। শক্তি কোথায়? আমাদের পতনের পুরোনো ইতিহাসের পুনরাবৃত্তি ঘটছে। আর কিছুদিন দেরী করলে হয়ত পারিপার্শ্বিক বদলে বাবে, আন্দোলনের পথ হয়ত তখন বন্ধ হয়ে বাবে।”

সুত্রত প্রবীরের দিকে তাকাল, “কিন্তু আন্দোলন ত’ আরম্ভ হয়েছে, কাগজ পড়িস্নি আজ?”

তাচ্ছিল্য ধ্বনিত হল প্রবীরের কণ্ঠস্বরে, “পড়েছি—ব্যক্তিগত সত্য-গ্রহের কথা বলছি?”

“হ্যাঁ।”

“সেই বৈষ্ণবী যুদ্ধ। বাছাই করা সত্যগ্রহীর। একটা নির্দিষ্ট জায়গায় গিয়ে যুদ্ধ-বিরোধী কয়েকটি কথা বলবে।”

প্রবীর থেমে অবজ্ঞাভরে হাসল, তারপরে আবার বলল, “শুধুই কি তাই? ভারতবর্ষ লাগি খেয়েও আশীর্বাদ করে, কলসীর কানার ঘা খেয়েও প্রেম বিতরণ করে। খুব ভাল কথা সেগুলো, হৃদয় ছাড়া মানুষকে যথার্থ জয় করা যায় না তা মানি। কিন্তু যাদের হৃদয় নেই তারা হৃদয়ের মর্ম্ব কি বুঝবে?”

“হৃদের হৃদয়কে সৃষ্টি করতে হবে, গড়তে হবে।”

“কালোকে সাদা করবি তুই, বাঘকে. ভেড়া?” বৈজ্ঞানিক দৃষ্টিভঙ্গীকে বিসর্জন দিস্ন না সুত্রত—বিজ্ঞান মানুষকে এগিয়ে নিয়েই যাচ্ছে, তাকে পিছিয়ে দিচ্ছে না। তাছাড়া হৃদয়কে হয়ত বদলান যেত যদি সমগ্র পাশ্চাত্য জগতের নেতৃত্ব একজন দ্বিতীয় গান্ধীর হাতে

## প্রান্তরের গান

থাকত। কিন্তু সে হবে না কোনো দিন, ইয়োরোপের মাটিতে গান্ধীর মত লোক জন্মাবে না। স্মরণ যা হতে পারে তাই ভাবা উচিত।”

“অহিংসা আর ক্ষমার সাহায্যেও আমরা বিজয়ী হব প্রবীর। হিংসা আর অত্যাচারের মধ্যে একটা আত্মদাহী আগুন আছে, তাতেই শেষ পর্যন্ত ওরা পুড়ে মরবে।”

“সব মানি কিন্তু সেভাবে এগোতে গেলে যে লক্ষ বছর লাগবে।”

স্মরণ চুপ করে রইল। উত্তর দিল না, কেবল গুগলির হয়ে উঠল সে।

প্রবীর বলতে লাগল, “ব্যক্তিগত সত্যগ্রহের আরো বৈফল্যবী ব্যাপার আছে। সরকারী কর্মচারীদের এ বিষয়ে আগেই খবর দেওয়া হবে; তাদের আর কষ্ট করে সত্যগ্রহীদের খুঁজে বেড়াতে হবে না, নির্দিষ্ট জায়গায় গিয়ে তারা গ্রেপ্তার করতে পারবে। হায় অদৃষ্ট! এমনি ওদাখ্য আর অহিংসা দিয়েই যদি দেশের স্বাধীনতা আসত তবে আমরা কোনদিনই পরাধীন হতাম না।”

স্মরণ চুপ করেই রইল।

“গান্ধীজি আমাদের সর্বশ্রেষ্ঠ নেতা, কোটি কোটি ভারতবাসী তাঁর দিকে তাকিয়ে আছে স্বর্ধ্যমুখী ফুলের মত। নিরস্ত্রের হাতে চমৎকার অস্ত্র দিয়েছেন তিনি, নিরাশার অন্ধকারে তিনিই জ্বলিয়েছেন আশার মশাল। এই ত’ স্মরণ। দেশের কৃষক ও মজুরদের সংঘবদ্ধ করে সাম্রাজ্যবাদী যুদ্ধের বিরুদ্ধে দেশব্যাপী আন্দোলন শুরু করার এই ত’ মাহেন্দ্রক্ষণ। কিন্তু তা হবে না হয়ত—”

আবেগে প্রবীরের কণ্ঠস্বর রুদ্ধ হয়ে গেল।

স্মরণ এবার কথা বলল, মুহূর্ত অথচ দৃঢ়ভাবে সে বলল, “প্রবীর, মত আর পথের দ্বন্দ্বটা এখন থাকবেই, ও বাড়িয়ে লাভ নেই। তুমি

## প্রান্তরের গান

তোমার পথে চলছ, আমি আমার পথে। সময়ে সব পথ এক হয়ে  
যাবে। যতদিন তা না হয় ততদিন আমাদের নিরাশ হবার কারণ নেই।  
আমাদের বিভিন্ন পথের লক্ষ্য একই। পরস্পরের বিচার না করে  
যতটুকু আমরা মিলিত হয়ে কাজ করতে পারি সেই চেষ্টাই করতে হবে।  
আমি গান্ধীবাদে বিশ্বাস করি। আমি তাঁর প্রত্যেকটি কাজের সমর্থন  
করবই। প্রবীর, আমরা প্রত্যেকেই সৈনিক। সৈনিকের সেনাপতি  
হওয়া উচিত নয়, তাতে যুদ্ধ জয় হয় না। সৈনিকের চাই অন্ধ আনুগত্য,  
আদেশের জ্ঞাত প্রতীক্ষা, নির্বিচারে তা পালন করা। আমিও তাই  
করব, আমি বিচার করব না, সন্দেহ করব না, নিঃসন্দেহে আদেশ  
পালন করে যাব। এর বেশী আর কিছু বলতে চাই না আমি। ভুল  
বুঝিস্ না আমার, কঁাদে কঁাদে মিলিয়ে কাজ করার মত অনেক কাজ,  
সেখানে আমি তোমার সঙ্গে এক।”

প্রবীর বিষাদক্লিষ্ট হাসি হাসল। অগত্যা তাই। ঝগড়া করে  
লাভ নেই, বরং যতটা একসঙ্গে কাজ করা যায় তাই লাভ। বিবাদ  
করে লাভ কারুরই নেই। অথচ লোকসান অনেক। একজন দুজনের  
লোকসান নয়, চল্লিশ কোটি লোকের লোকসান। তাকি করা  
উচিত? না, না।

প্রবীর কতকগুলো ইস্তাহার গুছিয়ে নিচ্ছিল। গ্রামের পূর্ব-দক্ষিণ  
দিকে, চার মাইল দূরবর্তী পলাশপুর যেতে হবে।

আশ্বিনের শেষ। সোনামাখানো ভোরের আলো জানালা দিয়ে  
বনের মধ্যে এসে পড়েছে। জানালার ধারের কাঁঠাল গাছের পরিপুষ্ট

## প্রান্তরের গান . .

তরুণ পাতাগুলোর উপর রাতের শিশির চিক্‌মিক্‌ করছে, ফিঙে পাখী  
আর শালিকের কিচিরমিচির শব্দ শোনা যাচ্ছে। মন্দ বাতাসে শিশিরার্ত  
ধরিত্রীর ক্ষীণ দেহ-সৌরভ।

সিন্ধেশ্বরী চা নিয়ে এল।

“এখুনি বেরুবি নাকি?”

“হ্যাঁ পিসীমা—”

“একবার মুকুন্দ দাসের কাছে যাস্‌, জমিজমার ব্যাপারটা জানিস।”

“আচ্ছা।”

সিন্ধেশ্বরী জানালা দিয়ে বাইরের দিকে তাকাল, কাকে যেন দেখতে  
পেল সে, বলল, “কে আসছে দেখ্‌ত প্রবীর, আগে ত’ কোনোদিন  
দেখিনি ওকে।”

প্রবীর উঠে বাইরের দিকে তাকাল। অশ্রু হল সে। শিখা  
আসছে। একা, আর তারি বাড়ীর দিকে।

“কে রে?”

“জমিদারের মেয়ে।”

“তাই নাকি? এখানেই থাকে নাকি?”

“সংসারের বাইরে খোঁজ রাখ না, তাই জান না। ও ত প্রায়  
বছরখানেক ধরে এখানেই আছে।”

“ওমা, একদিনও দেখিনি ত। তা এ যে রীতিমত মেমসাহেব—”

“বি, এ, পাশ মেয়ে।”

“এ্যা!”

“হ্যাঁ।”

“এক বছর ধরে এখানে রয়েছে! গায়ে ঢাকতে ওর কি খুব ভালো  
লাগে?”

## প্রবীরের গান

প্রবীর উত্তর দিল না। হয়ত শিখার ভালো লাগে না। বাপ এবং জমিদারীর জন্য মাঝে মাঝে এসে থাকত আগে, কিন্তু একাদিক্রমে সে কি করে এতদিন ধরে এই গ্রামে রয়েছে তার কারণ এখন আর অজানা নেই প্রবীরের। কিন্তু সে কথা ত' সিদ্ধেশ্বরীকে বলা যায় না।

বাইরে শ্রাণ্ডালের আওয়াজ হলো।

“আমি ভিত্তরে যাই বাবা, হাঁড়ী চাপানো রয়েছে—”

সিদ্ধেশ্বরী পালাল। আসলে শিখার মত মেয়ের সামনে অস্বস্তিবোধ করবে বলেই একটা অজুহাতে সে পালাল। প্রবীর হাসল।

বাইরে গেল সে।

“নমস্কার”—সে নমস্কার জানাল।

শিখা প্রতিনমস্কার জানিয়ে হাসল, “আসতে পারি কি? একেবারে অনাহত, অপ্রত্যাশিত। আপনি হয়ত অবাক হয়ে গেছেন, না?”

“আমুন, আমুন”।

ঘরের ভিতর গিয়ে দাঁড়াল হুজনে।

চেয়ারটাকে টেনে নিয়ে এল প্রবীর, “বসুন। অবাক হওয়ার কথা বলছেন? হয়েছে বৈকি—রাজা প্রজার ঘরে এলে প্রজার ত অবাক হবারই কথা।”

“রাজার বদলাচ্ছে, রাজাদের দিন গেছে, এ ত' আপনারা বলে থাকেন; তবে অবাক হচ্ছেন কেন?”

“দিন গেলেও রাজার আভিজাত্য-বোধ যায় নি; বরং বেড়েছে যে।”

চায়ের কাপের দিকে শিখার নজর পড়ল, “আপনার চা পানের বাধা দিলাম বোধ হয়। তুলে নিন্টো—ঠাণ্ডা হয়ে যাচ্ছে।” কথাটা চাপা দিচ্ছে শিখা।

## প্রান্তরের গান

“লজ্জা করবেন না, চা আনব?”

“ধন্যবাদ। আমার সত্যি দরকার নেই।” স্নিগ্ধ হাসি দেখা গেল শিখার মুখে। প্রবীর চায়ের কাপটা তুলে নিতে নিতে তার হাসির সেই স্নিগ্ধতা লক্ষ্য করল। আরো লক্ষ্য করল যে শিখার পোষাক ও বেশভূষা আজ সম্পূর্ণ সরল ও অনাড়ম্বর। হাল্কা গোলাপী রঙের একটা তাঁতের শাড়ী পরণে—বাহ্যল্যহীন প্রসাধন, নিজের রূপ ও দেহরেখাকে কৃত্রিমভাবে প্রকট করবার প্রয়াস আজ একটুও নেই। তার মুখের রক্ষতা, রূপের উগ্রতা আজ অন্তর্দ্বন্দ্ব করেছ, পরিবর্তে একটি স্নিগ্ধতার আজ মুখ চোখ তার জল্ জল্ করছে। শিখার পরিবর্তন হয়েছে।

শিখা লক্ষ্য করল প্রবীরের দৃষ্টি। লক্ষ্য করল যে প্রবীরের দৃষ্টির মধ্যে আজ একটু প্রশংসাও প্রচ্ছন্ন রয়েছে। লজ্জায়, আনন্দে তার মুখমণ্ডলে একটু আবিরের ছায়া ঘনাল, মুখ ফিরিয়ে অন্য দিকে তাকাল। ঘরের অপ্রচুর আসবাব পত্র, দেওয়ালে বিলম্বিত গান্ধী, লেনিন ও রবীন্দ্রনাথের ছবিগুলিকে সে পর্যবেক্ষণ করতে লাগল; টেবিলের উপরে রক্ষিত বইয়ের স্তূপের মধ্য থেকে বই টেনে দেখতে লাগল। কিন্তু দুটো চোখ ছাড়াও যে একটা অতীন্দ্রিয় দৃষ্টি আছে, তা যেন প্রবীরের দিকেই নিবদ্ধ রইল। প্রবীর তার পরিবর্তন লক্ষ্য করছে, তার বিকল্প মনও আজ খুশী হয়েছে একটু। কিন্তু প্রবীর কি একবারও ভাবছে না কেন তা হয়েছে? সে কি কিছুই বুঝবে না? প্রবীরের জন্যই যে শিখা নিজের সংস্কার ও আভিজাত্যকে ভেঙে চুরে নিজেকে নূতনভাবে গড়বার চেষ্টা করছে তা কি প্রবীরের হৃদয়কে অভিভূত করবে না? এ কি মোহ হয়েছে শিখার?

“আপনার সঙ্গে অনেকদিন দেখা হয়নি।” প্রবীর বলল।

“মাস দেড়েক এখানে ছিলাম না, ভাল লাগছিল না তাই ঢাকা গিয়েছিলাম।”

## প্রান্তরের গান

“তাই না কি ? আবার যে ফিরে এলেম বড় ?”

“সেখানেও ভাল লাগল না ।”

শিখা প্রবীরের দিকে তাকাল । একবার প্রবীর বুঝল সে দৃষ্টির অর্থ । সে নিরুত্তরে হাসল শুধু । কার্ল মার্কসএর ‘ক্যাপিটাল’ বইটা তুলে নিল শিখা ।

“এটা নিয়ে বাব প্রবীর বাবু ।”

“বেশ তো, কিন্তু হঠাৎ এদিকে যৌক কেন ?”

“কেন, সেটা কি অন্যায় ?”

“অন্যায় মোটেই না, তবে নূতন ঠেকছে ।”

“পরিবর্তন ত পাথরেরও হয় ।”

“তাই দেখছি । পাথর না হলেও আপনার মধ্যে একটা পরিবর্তন লক্ষ্য করছি । বিস্ত্রিত হরেও খুশী হচ্ছি । কিন্তু “ক্যাপিটাল” পড়ার ইচ্ছের চেয়েও আপনার সাজসজ্জা বেশী আকর্ষণীয় মনে হচ্ছে । আপনাকে আজ ভারী সহজ ও সুন্দর মনে হচ্ছে ।”

শিখার কর্ণমূল পর্য্যন্ত রাঙা হয়ে উঠল, ললাটের ছপাশের স্নায়ুগুলো হঠাৎ দপ্ দপ্ করে লাফাতে লাগল ।

“ধন্যবাদ”—রুদ্ধকণ্ঠে মাথা নীচু করে সে বলল ।

হঠাৎ শিখার পিছনে দ্বারান্তরালে, মাধবীকে দেখা গেল । মাথার চুলগুলো পিঠের উপর ছড়ানো, ওষ্টবয় দৃঢ়-সংবদ্ধ, ভঙ্গী কঠিন । একদৃষ্টে তাকিয়ে আছে সে শিখার দিকে, একটা হিংস্র আঁলায় চোখ দুটো তার ভয়ঙ্কর জ্বলছে ।

মুহূর্তকাল ।

প্রবীর আহ্বান করতে গেল মাধবীকে, অক্ষুট একটা শব্দও তার কণ্ঠ

## প্রান্তরের গান

থেকে বেরিয়ে এল—কিন্তু ততক্ষণে মাধবী অদৃশ্য হয়ে গেছে। কি হল মাধবীর? কেনই বা এসেছিল আর কেনই বা চলে গেল?

না, শিখা লক্ষ্য করেনি কিছু।

এবার বেরোতে হবে। কিন্তু শিখা উঠবার লক্ষণ দেখাচ্ছে না।

প্রবীরের ক্লান্তিবোধ হয়। সে পতঙ্গ না হতে চাইলে কি হবে।

এরা তাকে নিস্তার দেবে না।

ইস্তাহারগুলো সে পকেটে পুরল।

“আপনি বুঝি বেরোবেন?”

“হ্যাঁ, এখুনি। পলাশপুর যাব।”

“আপনাকে তাহ’লে আটকাব না।” অনিচ্ছাসহেতু শিখা টুটে দাঁড়াল, টেবিল থেকে বইটা তুলে নিল। ওটা তার দ্বিতীয়বার আসার হেতু হয়ে থাকে। তাছাড়া ওটা পড়বেও সে। সে তপস্যা করবে। প্রবীরের মত জেনে, তার কর্মকে বরণ করবে সে। প্রবীরকে তার জয় করতে হবে। প্রবীরের উপেক্ষা তাকে অনেক শিক্ষা দিয়েছে।

“কিন্তু আসল কথাই যে বলিনি আপনাকে—যে ডাঙে এসেছিলুম।” শিখা অপরাধীর মত হাসল।

“ঠিকই ত’—বলুন।”

“আগামী বুধবার, মানে ঠিক দু’দিন পরে রাজিবেল্লার আশাদের বাড়ী আপনার নেমস্তন্ন।”

“হেতু?”

“আমার বোনের ছেলের অন্নপ্রাশন। মাও নেমস্তন্ন জমাচ্ছেন আপনাকে।”

“আপনার মা আমার বিষয়ে জানেন?”



## প্রান্তরের গান

“জানেন বইকি—তাছাড়া তিনি অল্প ধরনের মানুষ, আপনি তাঁকে দেখলে খুশী হবেন।”

“মায়ের ডাক ? তাহলে দেখছি যেতেই হবে, কিন্তু এর জগৎ এলেন কেন ? একটা ছকুম করলেই ত’ হত কাউকে—”

“হয়ত হত কিন্তু আপনার সঙ্গে দেখা করার লোভ সামুলাতে পারলাম না। আর বললেই কি আপনি যেতেন নাকি ? বে দেমাক আপনার।” •

প্রবীর হেসে ফেলল।

“তাছাড়া”—শিখা মুখ অতদিকে ফিরাল, তাছাড়া আমি বদলেছি দেখেছেন না ?”

প্রবীর চুপ করল। শিখার কণ্ঠস্বরে যে প্রচ্ছন্ন বেদনাময় ইঙ্গিত ছিল তা অনুভব করে সে অগমনস্ক হয়ে গেল। হঠাৎ মাধবীকে মনে পড়ল।

“টলুন—এবার যাওয়া বাক্য।

“হ্যাঁ।”

শিখাকে খানিকট এগিয়ে দিয়ে ফিরে এল প্রবীর। মাধবীর সঙ্গে দেখা করতেই হবে। যে রকম অভিমানী মেয়ে সে।

কিন্তু একি হল তার ? একি সঙ্কটময় অবস্থা ? তার দু’দিকে এসে দুই নারী দাঁড়িয়েছে। ছোটো সমুদ্রের তরঙ্গাঘাতে সে যে ভেসে যেতে চলেছে।

কিন্তু তাহলেও মাধবীর সঙ্গে দেখা করতে হলে... অমর নিঃশব্দচরণে এসে আবার অদৃশ্য হওয়াটা যেন কেমন অস্বাভাবিক মনে হচ্ছে। তাছাড়া তার কঠিন ভঙ্গী ও হিংস্র দৃষ্টিটাও যেন সাধারণ ছিল না। একটা রহস্য আছে এর পিছনে।

## প্রান্তরের গান

কিন্তু মনের অন্তরালেও একটা মন থাকে। চেতনার অন্তরালে অবচেতন। সেখানে তুচ্ছ জিনিষ অনতিসাধারণ হয়ে উঠে, স্বপ্ন হয়ে উঠে গুরু। সৌখীন রঙ্গমঞ্চের বহুবিচিত্রিত ড্রপ্‌ সিনারির পিছনেই যেমন নাটকের সত্যকার দৃশ্যপটগুলি লুক্কায়িত থাকে। বাইরের মন আর চেতনায় থাকে জীবনের দৈনন্দিন ছাপ—বিচ্ছিন্ন খণ্ডকাব্যের মত। কিন্তু সেগুলি সব জোড়াতালি দিয়ে অবচেতনে এক হয়—মহাকাব্যের মত বিরাট হয়ে ওঠে। বাইরের মনে, বাইরের চেতনায়, মাধবীর কথাবার্তা, তার আচরণ, তার প্রগল্ভতা আর গাঙ্গীর্ষ্য, তার হাসি আর অন্ধকার মুখ হয়ত একটা অস্পষ্ট রেখাপাত করেছে, হয়ত সেখানে তার ভালবাসার ইঙ্গিতটা মাঝে মাঝে শুধু আবছা ধরা পড়ে, কিন্তু প্রবীরের মনের ভিতরের অন্ধকারে মাধবীর সব কিছু মিলে মিশে যে একটা গভীর রেখাপাত করেছে তা হয়ত প্রবীর এখন নিজেই জানে না। জানলে হয়ত আজ দেখতে পেত যে মাধবীর চর্যাপা বাবহারের রহস্য ভেদ করতে চাওয়াটা নেহাৎই বাহ্যিক। আসলে সে মাধবীকে দেখে বুঝতে পেরেছে যে সে রাগ করেছে এবং তাই তার মান ভাঙাতে চলেছে—সে মাধবীকে ভালবাসতে আরম্ভ করেছে। হয়ত তার অজ্ঞাতে, কিন্তু তার অবচেতন সে বিষয়ে পূর্ণভাবেই জ্ঞাত। আজও প্রবীর তা পূর্ণভাবে জানেনা, কারণ বাইরের চেতনার ও মনের ইতিহাসেরই যে খোঁজ রাখেনা সে অবচেতনের খোঁজ নেবে কেন? আসলে দেশই ওর চেতনাকে এমন গভীর ভাবে আচ্ছন্ন করে রয়েছে যে তার পিছনে উঁকি মারার সম্ভাব বা কোঁতুহল এখন তার নেই। হয়ত পরে হতে পারে। কিন্তু ~~সে~~ <sup>সে</sup> পরের কথা পরেই হবে।

সুন্দর তেরী হচ্ছিল কারখানায় যাবার জন্ত। একটু বাদেই আবশ্যকীয়, বাতাসের গা বেয়ে বাঁশীর ডাক ভেসে আসবে।

## প্রান্তরের গান

ব্যস্তমস্তভাবে সে অভ্যর্থনা জানাল প্রবীরকে, “এসো হে কত্তা, ধোস। চা খাবি নাকি?”

“না, খেয়ে এসেছি এই মাত্র।”

“তাহলে একটু বোস্ ত’ ভাই, আমি চান্টা সেরে আসি, শ্রামের বাঁশী বেজে উঠলে যে খাওয়ার সাধও মিটে যাবে।”

প্রবীর হেসে উঠল, বলল, “তা বটে। কিন্তু আমি বসব না নন্দ, কাজ আছে। আচ্ছা, মাধু কি করছে রে?”

“পাশের বরেই ত’ রয়েছে—ডাকব?—মাধু—ওরে মাধবী—”

কোনো সাড়া পাওয়া গেল না।

“কি হল আবার?” নন্দ বলল।

“ভিতরে গিয়ে ওকে পাঠিয়ে দিস—একটা বইয়ের বিষয়ে জিজ্ঞেস করতে হবে—”

“আচ্ছা, আচ্ছা—”

নন্দ ভিতরে চলে গেল।

তার গলা শোনা গেল, “ঘরের মধ্যে বসে আছিস তবু সাড়া দিচ্চিস না কেন রে মুখপুড়ী—যা, প্রবীর ডাকছে—”

প্রবীর হাসল। অভিমান।

কিন্তু মাধবী তবু আসছে না।

এদিকে সময় কাটছে। সন্ধ্যা অনেক দূরে যেতে হবে, অনেক দরকারী কাজ আছে। প্রবীর উসখুস করে, বিরক্ত হয়।

“মাধু”—বিরক্তিভরা কণ্ঠে প্রবীর ডাকল।

এবার লঘু পদধ্বনি শোনা গেল।

মাধবী এসে দরজার পাশে দাঁড়াল। না, ব্যাপারটাকে অস্বাভাবিক

## প্রান্তরের গান

মাত্রায় বাড়িয়ে তুলেছে মাধবী। তা বেশ বোঝা যায়। মাধবীর অন্ধকার মুখে সে ইতিহাস বেশ পরিস্কার ভাবে লেখা রয়েছে।

“মাধু”—প্রবীর হেসে ডাকল।

“কি ?” নিরস কণ্ঠস্বর মাধবীর।

“রাগ করেছ ?”

“কেন ? রাগ করব কেন ?” না বললেও বেশ বোঝা যায় যে মাধবীর রাগ একতিলও কমেনি বরং তার মাত্রাধিক্যে তার কণ্ঠস্বর একবার যেন একটু কঁপেই উঠল।

“আমি শিখার সঙ্গে কথা বলছিলুম বলে ?—কিন্তু সে কাজে এসেছিল—নেমস্তন্ন করতে।”

মাধবী মুখ তুলল না, ঠোঁটছুটো তার কঁপে উঠল একবার।

“কেন গিয়েছিলে মাধবী ?”

“কেন আবার ? দেখতে।” মাধবীর চোখ ছটো শাণিত হয়ে উঠেছে।

“কুধু দেখতেই ?”

“হ্যা—”

“কি দরকার ছিল তার ?”

“দরকার ছিল—দেখবার ইচ্ছে হয়েছিল।” হঠাৎ যেন মাধবী নিঃশব্দ হয়ে উঠল।

“দেখে কি লাভ হয় ?” প্রবীরের হঠাৎ কৌতূহল হয়, দেখা যাক না মাধবী কি বলে।

কিন্তু না, মাধবীর সাহস আছে, কিংবা মাধবীর আজ আর লজ্জা নেই একটুও, সে চাপা গলায় হিংস্র ভাবে বলল, “যে লাভ শিখার হয়।”

“কেন ?” মাধবীর কথায় প্রবীর অবাক হয়ে গেল।

“মানে তোমায় দেখতে যে ভালো লাগে।” চিবিয়ে চিবিয়ে গলার

## প্রান্তরের গান

স্বর হঠাৎ খুব নামিয়ে ফেলে মাধবী বলল। কিন্তু তার কণ্ঠস্বর হঠাৎ নীচু হওয়ার কারণ আর একটা ছিল। উচ্ছ্বসিত কান্নার চেউ তার বুকের ভিতর থেকে ঠেলে ঠেলে উপরের দিকে উঠছে।

“কি বলছ! কি বলছ!”—মাধবীর এই অত্যন্ত আক্রমণে, অপ্রত্যাশিত ভাবাবেগে প্রবীর হঠাৎ কথা খুঁজে পায় না।

“ঠিকই বলছি। তুমি আরো কি জিজ্ঞেস করবে তাও খুব ভালো করেই জানি। তুমি মিষ্টি কথা বলে খুশী করতে এসেছ, তুমি জানতে চাইবে—কেন হঠাৎ চলে এলাম, তাই না?”

“হ্যাঁ—কিন্তু”—বিহ্বল ভাবে প্রবীর মাথা নাড়ল।

“জবাব চাও? চলে এলাম, কারণ জমিদারের মেয়ের সঙ্গে কি চাষার মেয়ের তুলনা হয়?”

হঠাৎ কেঁদে ফেলল মাধবী। কিন্তু শব্দ চাপা দিতে হবে—চারদিকে সবাই রয়েছে। মুখে কাপড় গুঁজে দিয়ে মাধবী ছুটে পালিয়ে গেল।

আশ্চর্য! প্রবীর ভাবে আর অবাক হয়। বিশ্ববিদ্যালয়ের ডিগ্রী তার কাজে লাগছে না, তার বুদ্ধিকে কোনই সহায়তা করছে না। নারী চরিত্র হুর্নোধ্যতার জটিল অন্ধকারে কালো—ঘোর কালো। এত রাগ করবার কি আছে মাধবীর, কেন এত গায়ে পড়ে বাজে কথা বলল সে? আশ্চর্য্য!

হঠাৎ রফা হয় প্রবীরের। হস্তের ছাঁই, একটা গের্মো মেয়ের পাল্লায় ঝড়ে সে সময় নষ্ট করছে বৃথা। তাছাড়া অর্থহীন রাগ আর নিরর্থক চোখের জল ভারী ক্লান্তিকর। না, সে আর এশ্রয় দেবে না মাধবীকে—সে আর ঘন ঘন যাবে না তাদের ওখানে।

কিন্তু মাধবীর ব্যবহারের কি কোনো অর্থই খুঁজে পাওয়া যাবে? রাগ করেও প্রবীর না ভেবে পারে না। ভাবতে ভাবতে হঠাৎ মনের

## প্রান্তরের গান

অন্ধকারে বিছাৎ খেলে গেল। ঈর্ষা, ঈর্ষা, মাধবী শিখাকে ঈর্ষা করে।

কিন্তু থাক্ এখন ওসব চিন্তা। পলাশপুর ডাকছে। ভাই চাষী, মাটি কার? তোমরা জলে ভিজে, রোদ্রে পুড়ে—ক্ষতে চাষ দাও, বীজ বপন কর, ফসল কাট আর আমাদের প্রাণের অঙ্গুরকে বাড়িয়ে তোল—কিন্তু তবু তোমরা মর। অনাহার, দারিদ্র্যের অজ্ঞতা, কলেরা, ম্যালেরিয়া আর বসন্ত, অনাবৃষ্টি আর অতিবৃষ্টির নিষ্পেষণে তোমরা প্রতিদিন মর। অথচ তোমার শ্রমের ফসল ভূমি কতটুকু ভোগ কর? ভাই চাষী, ভাব। মাটি কার?

ওদের জাগাতে হবে। মাধবীর কথা এখন থাক্।

কাল আর আজ যেন আকাশ আর পাতাল। কালকের নন্দও তাই আজ অগ্ররকম। যে নন্দ একদিন ললিতাকে দেখে ঘুণায় মুখ ফিরিয়ে নিত, যে নন্দ ললিতার অযাচিত রসিকতায় জ্বলে উঠত, যে নন্দ ললিতার জীবিকার কথা ভেবে শিউরে উঠত—সেই নন্দ ভ্রাজ বদলে গেছে। ~~আজ~~ সে ললিতাকে দেখে গতি শ্লথ করে, দৃষ্টিকে তীক্ষ্ণ করে, কান্নাকে ~~থাক্তা~~ করে।

ললিতা দাঁড়িয়েছিল দাওয়ার উপরকার বাঁশের খুঁটিতে হেলান দিয়ে। গল্প করছিল বস্তীর একটি মেয়ের সঙ্গে। এইমাত্র সে ফিরেছে আজ।

## প্রান্তরের গান .

চোখে মুখে ক্লাস্তির বিষন্নতা তার চোখ ছটোকে আরো রহস্যময় করে তুলেছে, অলস ভঙ্গীতে সে বাঁশটার গায়ে হেলান দিয়ে, হাত ছটোকে মাথার উপর দিয়ে তুলে বাঁশটাকে আঁকড়ে ধরেছে। সবুজ রংয়ের একটা পাংলা শাড়ী তার পরণে, আর কিছু নেই। একটু হাওয়া আছে, হাওয়ার দোলায় বুকের উপর থেকে আঁচলটা মাঝে মাঝে সরে যাচ্ছে, ক্লাস্ত গতিতে তা আবার ঠিক করে নিচ্ছে ললিতা।

ভঙ্গীটা নেশা জমায়। নন্দ গ্রামের মানুষ, সাধারণ লোক। শিক্ষিত ও কলাভুরাগী লোকের মত ভাস্কর্য ও চিত্রকলার খোঁজখবর সে জানে না, রাখে না। তা হলে হয়ত সে উপমা খুঁজে পেত, মনে মনে তা আওড়াত। নন্দ তা নয়। কিন্তু তা না হলেও সে কবি, সে সৌন্দর্যের ভক্ত।

দাঁড়াল নন্দ। ললিতার রূপের জোয়ার স্তিমিত হয়ে আসছে, বর্ষা শেষের ভৈরবী নদী নয় হেমন্তের নদী সে। নেশায় ঝাপসা চোখ মেলে ললিতার দেহরেখার উপর নন্দ তাকিয়ে থাকে। সুপরিপুষ্ট দেহ। বায়ুতড়িত অঞ্চল-চাকল্যে ছুটি উন্নত মাংসপিণ্ডের প্রকাশ। নন্দর চোখ জ্বালা করে :

ললিতা দেখেছে নন্দকে।

সে হেসে সেই মেয়েটিকে বলল, “পেটে খিদে মুখে লাজ কথাটা জানিস লো ?”

মেয়েটি কথাটার মর্মগ্রহণ করতে পারল না, বলল, “মানে, ললিতা চোখ ঘুরিয়ে নন্দর দিকে ইঙ্গিত করল, “ঐ দেখো।”

নন্দ’র সখিৎ ফিরে এল, সে চলতে শুরু করল।

ললিতার হাসি শোনা গেল। খিল খিল হাসি।

## প্রান্তরের গান

ললিতার কথাও শোনা গেল, “অত ভয় আর লজ্জার দরকার কি  
সখা ? বেশ্যা মাগীরা সে দিক দিয়ে ভাল।”

আবার হাসির শব্দ।

নন্দর মাথার ভিতরে দপ্ দপ্ করতে থাকে।

বাড়ী।

কাজললতা এল। একটু আগেই সে চুল বেঁধেছে। মুখখানাকে  
ধুয়ে নুছে ঝকঝকে করেছে, শাড়ীটা বদলে নিয়েছে। সুগৌরবর্ণচ্ছটার  
আড়ালে রক্তিম প্রত্যাশা, প্রতীক্ষা। একটা মিশ্র সৌরভ তার দেহ  
থেকে ছড়িয়ে পড়ছে ঘরের ভিতর। সুন্দরী বিলের পদ্ম।

নন্দ তাকাল।

হঠাৎ একটা উদ্দাম মুহূর্ত। কাজললতাকে সবলে টেনে নিয়ে বুক  
চেপে ধরল নন্দ। তার ঠোঁট দুটোকে সে যেন তৃষ্ণার্তের মত  
কাজললতার ঠোঁটের উপর চেপে ধরল।

“পাগল! পাগল হলে নাকি গো—কেউ দেখে ফেলবে”—  
কাজললতা এলিয়ে পড়ল নন্দর বুকের উপর, ফিস্ ফিস্ করে কথা বলে  
সে লজ্জায়, আবেশ চক্ষু মূদ্রিত করল।

হঠাৎ আর একটা মোহিনী মূর্তি নন্দর চোখের সামনে ভাসতে  
থাকে। তার পেছনে অন্ধকার ইতিহাসের পটভূমিকা। কিন্তু তবু সে  
যেন অপূর্ণ, প্রাণরসে উচ্ছল মদিরায় মত। আলিঙ্গন শিথিল হয়ে  
এল। কাজললতা সুন্দরী—কাজললতাকে দেখে ভালবেসেছিল নন্দ—  
তারে বিয়ে করে করলে তার জীবন হয়ত একদিন ব্যর্থ হয়ে যেত। সব  
সত্য—কিন্তু এও সত্য যে কাজললতা আর নূতন নেই—তার দেহে  
অনাবিলম্বিত জগতের রহস্য নেই। হোক না সেই মোহিনী অন্ধকার



## প্রান্তরের গান

মহাদেশ—তবুও তাতে রহস্য আছে, নূতনত্ব আছে। নাঃ কাজললতা পুরোনো হয়ে গেছে।

নন্দর মনে পচন ধরেছে।

তার পরদিন হঠাৎ এক কাণ্ড হলো।

আমাদের দেশ জননীর ছুই দল সন্তান আছে। তারা সব দিক দিয়েই এক—শুধু ছোটো বিভিন্ন পথ দিয়ে ঈশ্বরকে খোঁজে তারা। বিবাদ বিসম্বাদের কোনোই কারণ নেই তাদের, কিন্তু তবু মাঝে মাঝে ঝগড়া বাধে, মাথা ফাটে, রক্ত পড়ে। একদল বলে ‘আল্লা খুশী হবে ওদের মারলে।’ অপর দল বলে ‘হরিঠাকুর খুশী হবে।’ কিন্তু আল্লা আর হরি’র খুশী’র নিদর্শন পাওয়া যায় না। ওদের অজ্ঞতা, পরাধীনতা, নীচতা আর কুসংস্কার দূর হয় না তাতে। শুধু প্রাণক্ষয় হয়, শুধু তাজা রক্তের দাগ পড়ে মাটির উপর, শুধু লোহার প্রাচীর গড়ে ওঠে ছুইদলের মাঝে। কিন্তু খুশী হবার লোকের অভাব নেই। অতি দূর দেশের ষ্বেতাঙ্গ দেবতার খুশী হয় কারণ যত এরা মারামারি করবে ততই তাদের মোড়লি করার মিয়াদ বাড়বে। এরা যতই নিজেদের মধ্যে মারামারি করে, ওরা ততই সেই ফাঁকে নিজেদের আসনকে পাকা করে তোলে। যতই এরা নিজেদের রক্ত ছড়ায় ওরা ততই সেই রক্তে নিজেদের পুষ্ট করে। শুধু দেবতারা নয়, আর একদল লোক খুশী হয়। ষ্বেতাঙ্গদের পদলেহী কুকুরেরা—এই ছুই দলের মধ্যে যারা ছদ্মবেশে আছে। তারা ঈশ্বরকে দেখিনি কোনো দিন, তারা কোনদিন উপলব্ধি করেনি যে ঈশ্বর সত্যিবে একটা মহৎ মিল আছে, তাদের মধ্যে কোনোই পার্থক্য নেই। সেই সব পরান্নভোজী ক্রীতদাসেরা পরোক্ষে এদের উদ্ধার, ছোট স্বার্থের কথা

## আস্তরের গান

বলে বড় স্বার্থের পথটাকে তছনছ করে দিয়ে দেবতাদের মহিমাকে তার। অগ্নান রাখে। এই দুই দল অবোধ, নির্বোধ ভাইদের নাম—হিন্দু ও মুসলমান।

কিন্তু ভূমিকা থাক্। কাণ্ডটার কথা হোক। কাণ্ডটা মানে হিন্দু-মুসলমানের দাঙ্গা।

কি করে ঘটল তার ইতিহাস? মূলে একটা গরু আর চারটি ঘাস।

ঘটনাটা ঘটল নমঃশূদ্দপাড়া আর জেলেপাড়ার মোহানায়।

গরুটা হচ্ছে নীলমনি দাসের। ঘাস চারটি করিম শেখের। দুজনেই চাবী গৃহস্থ।

নীলমণির গরুটা ঘাসের লোভে করিমের বাড়ীর বাঁশের বেড়া ডিঙ্গিয়ে গিয়ে তার গৃহ-সংলগ্ন বাগানটায় ঢুকল।

নীলমণির দশ বছরের ছেলেটা ছিল, সে হৈ হৈ করে ওঠার আগেই গরুটা অপরাধটা করে ফেলল। লাউ, বেগুন, লঙ্কা, আর শিমের বাগানের ধারে অজস্র নধর দুর্কা ঘাসের সুরভিত আমন্ত্রণকে সে উপেক্ষা করতে পারল না। পরম লোভীর মত সে ঘাসগুলোকে গোঁগ্রাসে চিবোতে লাগল। নবীন ঘাসের মধুর স্বাদে তার ডাগর ডাগর চোখের উপর একটা পাংলা জলের আস্তরণ ঘনিয়ে এল, আরামে সে লেজটাকে নাড়তে লাগল। বেচারী গরু, সে যদি জানত যে হিন্দু ও মুসলমান নামক দু'রকমের মানুষ আছে তাহলে কাণ্ডটা ঘটত নু।

কাণ্ডটা স্ফটল। করিম শেখ ভিতরে ছিল। নীলমণির ছেলের 'হাট্‌কাট্‌' ভাঁকে আর লতাপাতা ছিঁড়বার শব্দে সে বাইরে ছুটে এল।

পরবর্তী ব্যাপার সংক্ষেপে বলাই ভাল।

গরুটা বেদম মার খেল। নধর ঘাসের স্ফাণ আর স্ফাদ সে ভুলে

## প্রান্তরের গান

গেল। লাঠির ঘায়ে নীল্চে নীল্চে দাগগুলো মোট হয়ে উঠল তার গায়ে। আর অশ্রাব্য গালিগালাজ।

নীলমণির ছেলের চীৎকারে নীলমণির কন্ধে উণ্টে গেল। হুঁকোটাকে ছুঁড়ে ফেলে সে ছুটে এল।

তারপরেই খানিকক্ষণ বাদানুবাদ।

“খেয়েছে তো কি হয়েছে—ভুলই না হয় হয়েছে—”

“ইস্!—ভুল হয়েছে! কেন হবে?”

“তাই কি করবে শুনি?”

“দেখ না কি করি—”

“কর না—এস না—”

“তবে রে শালা—”

“গাল দিচ্ছিস গুয়ারকা বাচ্চা!—”

“এই লাঠি দিয়ে তোর মাথা চুরচুর করে দেব হারামজাদ—”

“এই ভন্টু—যা তো আমার সড়কিটা নিয়ে আর—”

চীৎকার শুনে ভীড় হল। সমর্থকদের। নীলমণির সাত জন, করিমদের বারো জন।

আবার এক দফা তর্ক, গালিগালাজ আর তাল ঠেকেঠকি।

“কি হয়েছে চারটি ঘাস খেয়েছে তো?”

“কেন খাবে—শালার গরু কেন পরের বাড়ী ঢুকবে?”

“জানোয়ার—ও ত’ মানুষ নয়—”

“বেশ ত’ জানোয়ারকে আজ শালার কেটেই ফেলব—”

“কাট দেখি কত মুরোদ—”

“দেখবি?”

“হ্যাঁ রে শালা—”

## প্রাস্তরের গান

“চোপ্‌ রাও—”

এবার কিল চড়ের আওয়াজ হল, তার সাথে ছ’ একটা লাঠি  
ঠোকঠুকির শব্দ। তার সঙ্গে এক পক্ষ করল হালাল মুণ্ডপাত, আর  
এক পক্ষ করল হরির বংশ নির্কংশ।

যখন সবাই এমনি বীররসে বাস্ত তখন নীলমণির ছেলেটা গরুটার  
লেজ মলে একটা কিল মারল তার পেটে। শিং নীচু করে গরুটা ছুটে  
বাইরে গেল। একছুটে নিজের মনিবের বাড়ীর এল কায় গিয়ে গরুটা  
আবার নিশ্চিন্তমনে রোমন্থন করতে লাগল।

এদিকে কোলাহল আর গালিগালাজে বাতাস নুপুর আরো ধোঁয়া  
এলো ছুটে। তারা একটু লোক ভাল। ধমকে ধমকে ঝগড়া  
থামাল আপাততঃ।

কিন্তু শেব হল না।

“শালা কাকেরদের দেখে নেব”—এক পক্ষ শাসল।

“আচ্ছা শালা নেড়ের দল, দেখে নিম্”—অপর পক্ষ প্রত্যস্তর দিয়ে  
লেজ গুটিয়ে সরে পড়ল।

করিমের চারদিকে তার সমর্থকেরা ভীড় করে বসল। পরা  
আছে। হিঁহুদের আঙ্কারা বেড়েছে।

নীলমণির বাড়ীতেও ভীড় জমল। মুসলমানদের জুতা আর টেকা ব  
না দেশে।

সামগ্রিকভাবে ছ’পক্ষের সভা ভাঙ্গল। কিন্তু জের চলল  
বাকী রইল আরো বড় ঘটনা—রক্তপাত। বাঘটল সেটা গুলি  
অগ্নিকাণ্ডে উর্ধ্বনো নেপথ্যে।

ছপুর্ বেলায় করিমের দল গেল মসজিদে।

সবে নামাজ শেষ হয়েছে। হাজী ইক্‌তিকারউদ্দিন তখন সবে

## প্রান্তরের গান

নীচে নেমে আসছে। মৌলবীর বয়স বাট, ছ'ছ'বার হজ্ করে এসেছে সে। আল্লার পয়গম্বরের মহিমা পূতঃ তীর্থস্থানে একবার নয়, ছ'বার মে পুণ্যার্জন করে এসেছে। দীনছনিয়ার একছত্র মালিক পরম করুণাময় খোদাহুতালাহ এর গুণগান বাতাসে ভাসিয়ে দিয়ে ইফ্তিকারউদ্দীনের সাদা দাড়ি গোঁফে আচ্ছন্ন মুখমণ্ডলে একটা দিব্যজ্যোতি খেলা করছে এখন।

“ছালাম ওয়ালেকাম হাজী ছায়েব—”

“ওয়ালেকাম ছালাম—আল্লার রহম হোক তোমাদের উপর। কি খবর খোদাহুতালাহ'র সন্তানদের খবর কি?” হাজী যেন মস্তোচ্চারণ করে সবাই বিগলিত হয়ে উঠল এই মধুর সন্তাষণে।

“অনেক কথা আছে হাজী ছায়েব—একটু বসেন ত—”

সবাই বসল। উত্তেজিত কণ্ঠে অনেক আলোচনা হল।

হাজীসাহেব দাড়িতে হাত বুলিয়ে বলল, “এছলাম বিপন্ন হয়েছে। ছনিয়াতে এছলাম ছাড়া আর সত্য পথ কিছুই নেই—তোমরা সেই এছলামের সন্তান। এছলামকে রক্ষা করতে হবে তোমাদের—দরকার হলে তলোয়ার ধরবে—কাকের আর অধাশ্বিকদের মান্নব করার ভার ত' তোমাদেরই উপর।”

প্রাতাদের চোখে তলোয়ার ঝলসাল।

আরো খানিকক্ষণ আলোচনা চলল।

হাজী'তাদের যেন কি কি নির্দেশ দিল।

তারপর সে বলল, “যা বললাম—তাই মনে রেখো। আমি একবার ইদ্রিস হারোগার কাছে যাব পরে—তোমরা কয়েকজন চান্নিদিকে খবর দাও—”

আল্লার দরবার থেকে ক্রকুটি-কুটিল মুখ নিয়ে সবাই বেরোল।

## প্রাস্তরের গান

ওদিকে নীলমণির দল বসে নেই।

তারা গেল মনোহর মুখুজ্জের ওখানে।

মনোহর মুখুজ্জের তখন ঘুম পেয়েছে, ডাকাডাকিতে মেজাজটা একটু চড়ে গেল। কাপড়ের দোকানের হিসেব নিকেশ সেরে সবে সে খাওয়া দাওয়া শেষ করেছে, শরীরটা আলস্তে ভারী হয়ে উঠেছে ক্রমশঃ, এমনি সময়ে ডাকাডাকি।

ব্যাঘাতকারীদের কাহিনী শুনে আরো মেজাজ চড়ে গেল তার, উত্তেজনায় মুখচোখ ভয়াল হয়ে উঠল, “বড় বাড় বেড়েছে—হঁ”—দাঁতে দাঁত ঘষল মনোহর মুখুজ্জ। তারপরে আবেগরুদ্ধ কণ্ঠে বলতে শুরু করল, সনাতন হিন্দুধর্মের হৃদ্বিন এলেও তাকে কে রক্ষা করবে? সে তোমরাই—তোমরা হিন্দু—এই দেশ তোমাদের অথচ চার পাঁচশ বছর আগে যারা এসেছে সেই যবনদের কাছে তোমরা মাথা নীচু করবে? ‘স্বধর্মো নিধনং শ্রেয়ঃ,’ স্বয়ং ভগবানের নির্দেশের কথা ভাব—তাছাড়া ম্লেচ্ছ ও যবনদের বিধান করতে তিনি নিজেই আসবেন কল্পিরূপে। কিন্তু যতদিন না ভগবান সে ভার স্বয়ং গ্রহণ করছেন ততদিন পর্যন্ত তোমাদের ধর্মকে তোমাদেরই বাঁচাতে হবে। নয় কি?”

দেওয়ালে বিলম্বিত শঙ্খচক্রগদাধারীর মূর্তির দিকে তাকিয়ে সবাই একটা প্রেরণা পায়।

“যে যেমন তার সঙ্গে তেমনি ব্যবহার করতে হবে। তৈরী থেকো তোমরা—সাপকে পোষ মানানো যায় না। তাই, হয় তার বিষদাঁত ভাঙতে হয় নতুবা তাকে একেবারেই মেরে ফেলতে হয়। আর শোন—”

“কি বলছেন?”

“সবাইকে খবর দাও—সবাই যেন তৈরী থাকে।”

ম্লেচ্ছদের শায়েস্তা করার করাল প্রতিজ্ঞায় মুখ কালো করে সবাই

## প্রান্তরের গান

বেরিয়ে এল। দেওয়ালে বিলম্বিত চতুর্ভুজ বিষ্ণুমূর্তির ঠোঁটের কোণে  
মৃদু হাসি—যেন সনাতন হিন্দু ধর্মের এই সব সুসন্তানদের তিনি অভয়  
দিচ্ছেন।

সন্ধ্যার অন্ধকারে রক্ত পড়ল।

নীলমণির একজন সমর্থক—কালচাঁদ যাচ্ছিল হাটের দিকে।

মসজিদের কাছাকাছি, একটা ঝোপঝাড়ের কাছাকাছি আসতেই  
ইঠাৎ সে ঢম্কে উঠল। সবেগে তিনচারজন লোক তার দিকে লাঠি  
হাতে ছুটে আসছে। তারা কে চিনবার আগেই একটা শব্দ হল—  
কালচাঁদের মাথার উপর লাঠি পড়ল। কালচাঁদ একটা তীক্ষ্ণ, তীব্র  
আর্তনাদ করে মাটিতে পড়ে গেল। আক্রমকারীরা পালাল।

দূরে হুঁ একজন যারা যাচ্ছিল রাস্তা দিয়ে তারা ছুটে এল। কালচাঁদ  
মরেনি তবে গুরুতর আঘাত পেয়েছে। মাটিতে রক্তের দাগ পড়ল।

গ্রামের মধ্যে রাতারাতি সে খবর ছড়িয়ে গেল। নিঃশব্দ উত্তেজনা  
সবাই কঁপে উঠল।

সকালবেলায় দেখা গেল যে আখড়ার কাছাকাছি রাস্তার উপর  
একটা গুরু কর্তৃত্ব অবস্থায় পড়ে আছে, রাতে শেয়াল কুকুরে তার  
খানিকটা মাংস ছিঁড়ে ছিঁড়ে খেয়েছে। তবুও গুরুটাকে চেনা গেল।

## প্রান্তরের গান

সেই অবোধ, লোভী জানোয়ার, নীলমণির গরুটা। কবেক গুচ্ছ  
নধর ও সবুজ ছুঁকাবাসের লোভে সে যে পাপ করেছিল তার ফলেই  
তার মৃত্যু এল।

শুধু তাই নয়, শেষরাত্রে করিম শেখের রান্নাঘরের দিকটাতে আগুন  
জ্বলে উঠল। ভীত, ভ্রস্ত, বিহ্বল ও ঘুমন্ত নরনারীরা করিম শেখের  
বাড়ীর কোলাহলে জেগে উঠল। আগুনের আভায় অন্ধকার জ্বলছে।

করিম শেখ অনেক আগে থেকেই জেগে ছিল—সাঝরাত্রে  
বাইরেও গিয়েছিল। শেষরাত্রে সে যখন বাড়ী ফিরল তখন হঠাৎ  
বাতাসের সঙ্গে সে একটা ধোঁয়ার গন্ধ পেল। সঙ্গে সঙ্গে টুটুটু শব্দ।  
আগুনে বাঁশ পুড়লে যেমন শব্দ হয়। সন্দেহ হল। সঙ্গে সঙ্গেই ভিতরের  
দিকে নজর পড়তেই দেখল সোনার মত রঙীন আগুন সর্পজিহ্বা মেলে  
আত্মবিস্তার করছে। কোলাহল, চীৎকার, অভিসম্পাত আর জলবষণ।  
বেশী ক্ষতি না হলেও বা ক্ষতি হল তাতেই করিম শেখ আর তার  
সঙ্গীদের চোখেমুখে অধিকতর ভয়ঙ্কর প্রতিশোধের প্রতিজ্ঞা তাদের  
বক্ররেখায় ঘোষিত হল।

গ্রামের সবাই খবর জানল। উত্তেজিত আলোচনা চলছে, দাওয়ায়  
দাওয়ায়, ঘাটে, মাঠে, পথে, হাটে। 'আল্লা আর হারিতে প্রতিবন্দিতা  
চলেছে।

বেলা দশটা।

হাজী সাহেবকে এগিয়ে দিতে ঘর থেকে ইদ্রিস্ খাঁ বেরিয়ে এল।

হাসিমুখে সে বলল। “আচ্ছা সেলাম ওয়ালেকম্ হাজী সাহেব—”



## প্রান্তরের গান

“ওয়ালেকম্ ছালাম্ বাবা—আল্লা তোমার মঙ্গল করুক।”

বেণ্টের বাঁধন আল্গা করে ইদ্রিস খাঁ চেয়ারে গিয়ে বসল, একটা সিগারেট ধরাল, তারপরে কি যেন লিখতে লাগল। নীলমণি দাসকে প্রেস্তার করতে হবে—করিম শেখের বাড়ীতে আগুন লাগানোর জন্ত। সাক্ষী আছে। অবশ্য নীলমণিও একদফা নালিশ জানিয়ে গেছে তার গরুর বিষয়ে : কিন্তু তার সাক্ষী নেই। সাক্ষী না থাকলে ইদ্রিস খাঁ কি করতে পারে ? সে নিরুপায়।

মধ্যাহ্নের নামাজ পড়তে গেল হাজী সাহেব।

ভিতরে গিয়েই খোদার “খিদমদগারের চক্ষুস্থির হয়ে গেল, সাদা দাড়ি পোঁফের পিছনকার বলিরেখাসম্বিত জরাজীর্ণ চামড়ার নীচেকার স্তিমিত রক্ত-স্রোতে যেন যুদ্ধের আহ্বান ধ্বনিত হল। চোখ দুটো তার কয়মুচার মত লাল হয়ে উঠল।

আল্লার দরবারের মধ্যস্থলে একটা বিখণ্ডিত গুয়ের পড়ে আছে। জবাব। হরি ঠাকুরের জবাব।

“তোবা—তোবা”—বিকৃতকণ্ঠে হাজী উচ্চারণ করল।

তারপরে দ্রুতপদে সে মসজিদ ছেড়ে বেরিয়ে গেল।

করিমের দলকে নিয়ে মোলানা বসিরুদ্দিনের খোঁজে গেল হাজীসাহেব মোলানা নেই, ঢাকা গেছে পাটের ব্যবসা-সংক্রান্ত জরুরী কাজে, পরদিন আসবে।

## প্রান্তরের গান

কিন্তু হতাশ হবার কারণ নেই। গ্রামের আর একজন মাতব্বর কুতুব মিঞা আছে।

কুতুব মিঞার বয়স অল্প, মাদ্রাসার কয়েক শ্রেণী পর্যন্ত পড়েছে সে এবং নিজের জাতিকে গভীর ভাবেই সে ভালবাসে। বাজারের মস্তবড় মণিহারী দোকানটা তারি।

সব শুনে সে বলল, “জানি—সব ব্যাপার জানি হাজীসাহেব। কিন্তু এতদূর স্পর্ধা এদের হবে তা যে ভাবতেই পারছি না।”

হাজীসাহেব রুদ্ধকণ্ঠে বলল, “ভাবতে না পারলেও ব্যাপারটা যে সত্যি কুতুব।”

রোষকষায়িত নেত্র তুলে কুতুব বলল, “এর জবাব দিতে হবে। ওদের জানাতে হবে যে দেশ আমাদের।”

হাজীর মুখে প্রসন্নতা ঘনিয়ে এল, কি একটা ভেবে সে বলল, “আচ্ছা জমিদারকে এ বিষয়ে সতর্ক করে দেওয়া উচিত নয়কি?”

কুতুব হেসে উঠল, “হাজীসাহেব, কি কথা বললেন আপনি? সেও যে হিঁহু। মুসলমান ছাড়া মুসলমানের স্বার্থ আর দরদ কে বুঝবে?”

“ঠিক, ঠিক বলেছ বাবা—খোদা তোমায় হেফাজতে রাখুন।”

“তাহ’লে আপনি এই অনাচার দূর করুন—আমরা আছি। এটা জানবেন যে দুনিয়ায় সবাই শক্তের ভক্ত।”

“বেশখ—বেশখ—”

বিপ্লব ইসলামকে রক্ষা করতে হবে। চারদিকে ডাক ছড়িয়ে গেল কিচুক্ষণ বাদেই।

## প্রান্তরের গান

ওদিকে নিমাই বাড়ুয্যের বাড়ী সনাতন হিন্দু ধর্মের বোদ্ধাদের একুশী গুপ্ত সভা বসেছে। তেত্রিশ কোটি দেবতার দোহাই পেড়ে নিমাই বাড়ুয্যে তাদের বুঝিয়ে দিল যে হিন্দু ধর্মকে বাঁচাতেই হবে।

“আর কি চাও? আখড়ার সামনে, রাধাগোবিন্দজীউর পবিত্র মন্দিরের সামনেই গো-হত্যা করেছে ওরা—আর কি চাও? এর চেয়ে আর কি ভয়ঙ্কর হতে পারে? এখনো কি তোমারা চুপ করে থাকবে? যেমন কুকুর, তেমনি মুণ্ডর হবে—সবাই তৈরী থাকবে।”

“ঠিক”—উত্তেজিত নীলমণি রুখে উঠে বলল, “বদি মার খেতে হয় তবে মেরেই মার খাব না হয়।”

“ঠিক—ঠিক।” সবাই মাথা নেড়ে সায় দিল।

সন্ধ্যার অন্ধকার ঘনিয়ে আসতেই আবার রক্ত পড়ল মাটির উপর। এবার একজনের নয়, কয়েকজনের। আল্লার দলের জন ছয়েক আর হরি'র দলের জন পাঁচেক। লাঠির ঘায়ে ছজনের মাথা ফাটল, ছোরার ঘায়ে একজন লুটিয়ে পড়ল। কোলাহল আর আর্তনাদ। তিনজন মাটিতে পড়তেই বাকী সবাই পালাল। তিনজনের মধ্যে ছ'জন হিন্দু, একজন মুসলমান।

দুপক্ষ লোক পাঠাল দারোগার কাছে—থানাতে। পুলিশ এল। নিহতদের নৌকো করে সহরে চালান দেওয়া হল। রাত্রির আকাশে নিহতদের পরিবারবর্গের কাণ্না ধ্বনিত হল।

আপাততঃ নীলমণিকে গ্রেপ্তার করা হল, শুধু তাই নয়, রিপোর্ট সমেত কন্টেবল ও নীলমণিকে সহরে চালান দেওয়া হল। আরো তদন্ত হবে।

গ্রামে আতঙ্ক ছড়াল। কেউ আর বাড়ীর বাইরে বেরোতে চায় না।

## প্রান্তরের গান ..

রাত আটটার সময় আবছা এগে ডাকল—“প্রবীরবাবু—”

“আবছা! এস—এস ভাই”—প্রবীর যেন কি লিখছি।

আবছা বসল না, গম্ভীরভাবে বলল, “বসব না—কিন্তু সব খবর জানেন কি?”

প্রবীর উঠে দাঁড়াল, “কি খবর? গরানয়ে মারামারি আর আগুন লাগানো—এইত?”

“হ্যাঁ। কিন্তু তাতেই ঝগড়া থামেনি—এখন সেই ঝগড়া হিন্দু মুসলমানের দাঙ্গা হয়ে দাঁড়িয়েছে—”

“সে কি!”

“হ্যাঁ। আখড়ার সামনে গরু কাটা হয়েছে, মসজিদে শূয়োর। শুধু তাই নয়, এই একটু আগে দল বেঁধে লাঠি আর ছোরা চালিয়েছে দু’দল—তিনজন মরেছে।”

প্রবীর বিহ্বল হয়ে পড়ল, মূহুর্তে বলল, “এ যে সত্যি দাঙ্গা—”

আবছা বিব্রলভাবে মাথা নাড়ল, দৃঢ়কণ্ঠে বলল, “এই সব ছোট ছোট মারামারি কাটাকাটি আমাদের এক বছরের কাজকে একদিনে পিছিয়ে দেয়।”

প্রবীর মুহূ হাসল, “কিন্তু তবু আমরা যেন পিছিয়ে না পড়ি ভাই। কিন্তু সে কথা থাক—এই সব দাঙ্গার জ্বল আসলে কারা দায়ী জান?”

“খানিকটা আঁচ করতে পারছি—তাদের কাছে আমাদের যেতে হবে। এ ব্যাপারকে উপেক্ষা করলে এ গ্রাম থেকে ও গ্রামে এর বিস্তৃতি ছড়িয়ে পড়বে। কিন্তু তার আগে আমাদের এখন ইউনিয়নে যেতে হবে। সবাইকে আসতে বলে এসেছি আমি।”

“কেন?”

## প্রান্তরের গান

“সেখানেও চাকল্য দেখা দিয়েছে—হৃৎকণ্ঠের লোক এল মারামারি  
করার জন্য তাদেরই উদ্দেশ্যে।”

“বটে! চল জবে।”

কত কাজ—কত কাজ করতে হবে।

ইউনিয়ন।

সবাই এসেছে। গণি মিঞা ও আতাউল্লাও আছে।

প্রবীর বলল, “আতাউল্লা—তোমার কি মত ?

আতাউল্লা গম্ভীরকণ্ঠে বলল, “বাবুসায়ের, দেশ কারো একার নয়।  
হিন্দু মুসলমানকে চিরদিনই একসঙ্গে থাকতে হবে—কিন্তু মারামারি,  
কাটাকাটি করে কে ক’দিন টিকে থাকতে পারে? আসলে আমরা  
চাই স্বাধীনতা—তার জন্ত লড়তে হবে, নিজেদের মধ্যে নয়, আর এক-  
জনের সঙ্গে।”

প্রবীর গর্বে হাসি হাসল, “ঠিক, এই ত’ শ্রমিকের মত কথা—এই  
ত’ ভারতবাসীর কথা। গণি ভাই কি বল?”

গণি একটু ভেবে বলল, “লোক এসেছিল উদ্দেশ্যে—আমাদের ধর্ম  
নাকি বিপন্ন হয়েছে। আমি বলেছি ধর্ম নয়, আমরা নিজেরাই  
নিজেদের বিপন্ন করছি।”

প্রবীর বুক ফুলিয়ে দাঁড়াল, “ঠিক কথা, গণি ভাই তুমিও একজন  
সত্যিকারের শ্রমিক। ভাই সব। ঈশ্বরকে দেখা যায় না, ধর্ম বলে  
জিনিষটা হাওয়ার চেয়েও স্থল। মানুষের কতকগুলি সদাচার, মানুষে  
মানুষে প্রীতি ও মনুষ্যত্বকে বর্দ্ধনকারী মতকেই ধর্ম বলা হয়। ধর্ম কখনই

## প্রান্তরের গান

বলে না যে মারামারি কর, কাটাকাটি কর, নিজের ভাইয়ের রক্তে স্নান কর। ইসলাম আর হিন্দুধর্মও বলে না। স্ততরাং কোনো ধর্মই বিপন্ন হয়নি। ভাই সব, তোমরা শ্রমিক—ভবিষ্যতের একটি মাত্র জাতি—মানুষ। আমি ঈশ্বরকে দেখিনি—তবু দেখছি যে একই জিনিষের ছোটো নাম—পার্থক্য কিছু নেই। জল আর পানি একই বস্তুকে বোঝায়, আকাশ আর আসমানও তাই। ছোটো করে শব্দ থাকলেই কি ছোটো আলাদা জিনিস হয়। খোদা আর হরি কি আলাদা? তেমনি হিন্দু আর মুসলমানও সেই একই জাতি—মানুষ—তারা সেই একই দেশের সন্তান—ভারতবর্ষ? তবে? ভাই সব, মারামারি যারা করছে করুক—তোমরা বিপথে যেও না। শুধু তাই নয়, তোমাদেরও এই সব দাঙ্গা থামাতে সাহায্য করতে হবে। করবে ত, করবে ত? জবাব দাও—”

শতকণ্ঠের ধ্বনি উঠল, “করব—আমরা দাঙ্গা থামাব—”

রাত হয়েছে। হোক।

আবহুল, আতাউল্লা ও অবিনাশকে নিয়ে প্রবীর গেল হাজীসাহেবের কাছে—আবহুল আর অবিনাশ সঙ্গে লাঠি নিল—প্রস্তুত থাকা ভাল।

হাজীসাহেব তাদের দেখে খুব খুশী হতে পারল না। সে বলল যে সে এ সন্ধ্যার মুহুর্তে মোটেই নেই, স্ততরাং সে কিছুই করতে পারবে না।

বাইরে এসে আবহুল বলল, “হাজীসাহেব মিথ্যে কথা বললেন—”

আতাউল্লা মাথা নাড়ল, “মনে হচ্ছে। যাক—চেষ্টা থামবে কেন?”

## প্রান্তরের গান

প্রবীরের মুখ চোখে সঙ্কল্পের জ্যোতি, সে বলল, “নিশ্চয়ই। চল এবার মনোহর মুখুয্যের ওখানে—”

অবিনাশ বলল, মোলানা সাহেব আর কুতুব মিংগাকেও ধরতে হবে কিন্তু।”

“হ্যাঁ—তাদের কাল ধরব। কেউই যদি হাজীসাহেবের মত রাজী না হয় তবে আমাদের অগ্র পথ ধরতে হবে।”

কিন্তু মনোহর মুখুয্যেও সেই এক কথা বলল। তারা কি জানে এ সব দাঙ্গার? যাদের গরু আর ঘাস থেকে এই কাণ্ড সুরু হয়েছে তারাই জানে এসব—তাদের ধরগে যাও।

হ্যাঁ—তাদের তারা ধরবে বইকি।

• একটু হতাশ হয়েই ওরা ফিরল। হতাশ এইজন্য যে রাতারাতি কিছু হল না।

ওরা চলে আসতেই হাজীসাহেব করিম শেখের দলকে ডেকে পাঠাল। মনোহর মুখুয্যেও কম নয়। সেও ডেকে পাঠাল নীলমণি দাসের দলকে :

ছ’পক্ষই বলাবলি করল, “পাটকল থেকে নাস্তিক আর শয়তানের দল এসেছিল বড় বড় কথা বলতে। এই সব ধর্মহীন অনাচারীরাই দেশকে রসাতলে নিক্ষেপ—ওদের কথায় কান দিও না, সাবধান।”

রাত্রেও কাণ্ড ঘটল।

মজুর বস্তীর জয়হুদ্দিন মারা পড়ল ছোরার ঘায়ে। খালের ধাক্কা থেকে বস্তীর দিকে ফিরবার সময়, ঠিক রাস্তাটার সেই মোড়ে যেখান

## প্রান্তরের গান

থেকে একটা রাস্তা গেছে কারখানার দিকে আর একটা গেছে আখড়ার দিকে দিয়ে।

আবার শেষ রাত্রে আঙুনের শিখা অন্ধকারকে লেহন করতে আকাশের দিকে উঠল। তুব্‌ড়ী বাজির ফুলিঙ্গের মত ধোঁয়ার মুখে আঙুন উড়ে বেঁড়াতে লাগল। সাউপাড়ার নিরীহ হরেন সাহার টিনের বাড়ীটার অর্দ্ধাংশ একেবারে বান্ধবের মত জলে উঠেছে।

ভীত, আতঙ্কিত, আতঙ্কবিহ্বল নরনারীর চীৎকার ভেসে, এল—“জল—জল—জল, আন—”

তবু কিছু হল না। অন্ধারে পর্যাবসিত অন্ধেকটা বাড়ীর দিকে তাকিয়ে হরেন সা। বুক চাপড়ে পাগলের মত কাঁদতে লাগল।

ইদ্রিস্ খাঁ বড় ব্যস্ত। এদিক ওদিক ছুটাছুটি করছে সে—অপরাধীদের সে ধরবেই। অনেককেই ধরা হল—জেলপাড়ার সিধু, মুকুন্দ, আফজল আর সাউপাড়ার নিবিরাম। বস্তীর যে, লোকটা মাঝে গিয়েছিল তার লাশকেও ঢাকায় পাঠানো হয়েছে ময়না তদন্তের জন্ত। অতিরিক্ত পুলিশ আমদানী করার জন্ত দরখাস্ত পাঠিয়েছে ইদ্রিস্ খাঁ। গ্রামে যে কয়জন পুলিশ ও কন্‌ষ্টেবল তার ধানায় আছে তাদের সে জায়গায় জায়গায় টহল দিতে নিযুক্ত করেছে। কলাতিয়া গ্রামে ব্রিটিশ সরকারের প্রতাপাশ্রিত প্রতিনিধি কোনে ক্রটিই করেনি।

মৌলানা বসিরুদ্দিন এসেছে।

প্রবীর, আবদুল আর সুরত গেল। সুরতও উত্তেজিত হয়ে উঠেছে।  
- মৌলানা চমৎকার লোক, সব সময় হাসিমুখ, “এসো ভাই—এসো—বোস।”



## প্রান্তরের গান

আবদুল বলল, “সব খবর তো জানেন হজুর—না?”

“হ্যাঁ ভাই।”

“আমরা কি চিরদিনই এইভাবে নিজেদের মধ্যে কাটাকাটি করব মোলানা সাহেব?” প্রবীর আবেগকম্পিত কণ্ঠে প্রশ্ন করল।

মোলানা ক্ষণকাল নিস্তব্ধ থাকল, পরে ধীরে ধীরে বলল, “অজ্ঞতা আর অশিক্ষার কুফল রে ভাই, দোষ কাকে দেবে তুমি? রবীন্দ্রনাথের কবিতা পড়নি—আমাদের যত পাপ তা কারো একার নয়—এ আমার, এ তোমার পাপ।”

স্বতন্ত্র বলল, “ঠিক বলেছেন মোলানা সাহেব। এবার কি করা যায় বলুন? যাদের উপর একটু সন্দেহ হয়েছিল তারা ঘাড় নেড়ে অক্ষমতা জানিয়েছেন। এবার আপনি ভরসা।”

“ওটা অত্যাক্তি ভাই—আমি একপক্ষের, তোমাদের সাহায্যও চাই বৈকি। জমিদারের কাছে যাবে নাকি?”

প্রবীর উদ্বেজিত হয়ে উঠল, “যাবার কি দরকার বলুন? তিনি নিজের জমিদারী আর কারখানা নিয়েই ব্যস্ত—প্রজার কি ধার ধারেন তিনি। আজ ছ’দিন কেটে গেল, কৈ তার তো কোনো চাঞ্চল্যই দেখতে পাচ্ছি না। না, মোলনাসাহেব, আমরাই পারব—অহঙ্কার নয়, আমরা জমিদারবাবুর চেয়েও আমাদের গাঁয়ের লোকদের বেশী চিনি—বেশী ভালবাসি—”

“হুঁ—তা ঠিক”—মোলনা কি যেন ভাবতে লাগল, পরে মুখ তুলে প্রশ্ন করল, “হাজীসাহেব আর মনোহর বাবু ‘না’ বলছে? হুঁ, আচ্ছা, হাজীসাহেবকে আমি ধরব—তুমি আমার সঙ্গে মনোহরবাবুর কাছে চল। তাকে কাজে লাগাতে হবেই—”

মোলানার চোখ জ্বলছে।

## প্রান্তরের গান

মনোহর মুখুজে একটু ভয় পেল। ব্যাপারটা একটু বেশীরকম বাড়াবাড়ি হয়ে যাচ্ছে। তাছাড়া মোলানা এসেছে নিজে—আর বাড়িয়ে লাভ নেই।

“এসো মোলানা”—আকর্ণবিস্তৃত হাসি হেসে মুখুজে সম্ভাষন জানাল।

“মনোহর—এসব দাঙ্গা থামাতে হবে”—মৌলানা কঠিনকণ্ঠে বলল।

“হ্যাঁ হ্যাঁ—নিশ্চয়ই থামাতে হবে ভাই।”

“কিন্তু কাল অস্বীকার করেছিলেন?” প্রবীর কটাক্ষ করে বলল।

তোমাদের কথায় মনে হচ্ছিল যেন আমিই দায়ী তাই অস্বীকার করেছিলাম।” মনোহর মুখুজে ভ্রুকুটি করলেন।

মৌলানা বাধা দিল, “এখন আর অণ্ড কোনো কথা কাটাকাটি নয় ভাই। আমাদের এটা ভুললে চলবে না যে আজ যেমন আমরা পাশাপাশি আছি কালও তাই থাকবে। অধিকার আর স্বার্থ নিয়ে কথা কাটাকাটি হয়ত করি কিন্তু গলা কাটাকাটি করার মত নির্বুদ্ধিতা করার কোনো অর্থ আছে কি? না ভাই মনোহর, এসব শক্তিক্ষয় থামাতে হবে। তোমার প্রভাব আছে গ্রাম্য হিন্দুদের উপর, তুমি হয়ত চেষ্টা করলেই বিবাদকারীদের খুঁজে বের করতে পারবে। আমিও আমাদের লোকদের মধ্য থেকে বিঘ্নকারীদের খুঁজে বার করব। হিন্দু মুসলমান দুই দল থেকেই রক্ষীদল তৈরী কর, তুমি আর আমি তাদের নিয়ে সারা গ্রামে ঘুরে বেড়াব, সারারাত পাহারা দেব আমি বন্ধুক নিয়ে। দেখি কি করে মানুষ কাটাকাটি করে।”

মনোহর মুখুজেও উত্তেজিত হয়ে উঠল, সেও কি পিছনে পড়ে থাকবে?

“বেশ মোলানা—তাই হবে। সবাই যদি কাঁধে কাঁধ মিলিয়ে দাঁড়াই তবে কি এসব কাণ্ড হয়?”

## প্রান্তরের গান

স্বরত বলল, “বেশ, এখুনি তবে রক্ষীদের নামের লিষ্ট করতে হবে—আমুন কাগজ কলম।” তার কণ্ঠে আনন্দের উচ্ছ্বাস।

জয়। জয় হয়েছে। মানুষের হৃদয় জয় করায় যে আনন্দ হয় তারি তীব্র অনুভূতিতে প্রবীর আর আবছালের বুক বেন কুলে ফেঁপে উঠল।

ঘণ্টা দুয়ের মধ্যে সব ঠিক হয়ে গেল, এমন কি রক্ষীদেরও জানিয়ে দেওয়া হল। খানিক পরেই তারা গ্রামের মধ্যে টহল দেওয়া শুরু করবে।

হাজীসাহেব বলল, “কিন্তু ভেবে দেখ বসিরুদ্দিন—”

কুতুবও উত্তেজিতকণ্ঠে সায় দিল, “আজ্ঞে হ্যাঁ—ভেবে দেখেন ভাই-সাহেব—মসজিদ অপবিত্র করেছে ওরা—”

মোলানার ললাট রেখাসঙ্কুল হয়ে উঠল, “কিন্তু তারও আগে মন্দির অপবিত্র করেছে কারা?”

হাজীসাহেব কি বলতে যাচ্ছিল, তাকে বাধা দিয়ে কঠিনকণ্ঠে মোলানা বলল, “কোরানের পবিত্র পাতায় কোথাও প্রতিবেশী ও দেশ-বাসীকে হত্যা করার বিধান নেই। যা হয়েছে হয়েছে, কিন্তু আর এসব হতে পারবে না। আপনারা যদি অন্য পথে যান—বাধ্য হয়ে আমি আপনাদের পরিত্যাগ করব এবং আমার মুখ ভাইদের ছোঁরা আর লাঠির সামনে নিজেকেই পেতে দেব—”

হাজীসাহেব ও কুতুব মিঞা শুরু হয়ে গেল।

মোলানা হঠাৎ হাসল, “আর ব্যাপারটা কি হাসির নয়? একটা

## প্রান্তরের গান

গরু ঘাস খেয়েছিল বলে ঝগড়া হয়েছিল—তার মধ্যে ধর্ম্মটা কোথাও আহত হল বলুন ত ? আমার অন্তরোধ, আপনারা ধর্ম্মের সঙ্গে মানুষকে জ্ঞানও বিতরণ করুন ।”

না, মোলানারই জয় হল ।

নিমাই বাড়ুয়ে ক্ষেপে গিয়েছিল ।

“একি একটা কথা হল—গরু মেরে জুতো দান হচ্ছে এখন ?  
বাঃ—বেশ—বেশ !”

মনোহর মুখ্যে হাসল, “দেখ নিমাই, জেনে শুনে ভুলের বোঝা বাড়িয়ে বিপদে পড়ব নাকি ? তাছাড়া এটাও সত্যি কথা যে আমাদের বাইরের শত্রুকে অগ্রাহ করে ঘরের ভিতরেই শত্রুতা বাড়াচ্ছি প্রাণপণে—এতে যে আমরা নিশ্চিহ্ন হয়ে যাব । না, আমার ভুল হয়েছে—জোর করে মানুষকে অধীন করা গেলেও জয় করা যায় না ।”

নিমাই বাড়ুয়ে হন্থন করে বাড়ীর দিকে চলল । যেতে যেতে আশে পাশে তাকাল সে—কেউ কোথাও নেই ত ! ভয় লাগে । এই বুঝি পড়ল ছোরা, পড়ল লাঠি ! না বাবা, মুখ্যের কথাই ঠিক, মিছিমিছি মরাতে, অতর্কিতে মরাতে কি অস্বস্তি !

নায়েব এসে ব্যাপারটা জানাল ।

জমিদার শশাঙ্কবাবু ইজিচেয়ার থেকে লাফিয়ে উঠলেন । যেন একটা সহস্রমুখী বৃশ্চিক তাকে দংশন করেছে ।

“বটে ! আমাকে বাদ দিয়ে মোড়লী হচ্ছে !” অপমানে লাল হয়ে উঠলেন তিনি । তিনি গ্রামের জমিদার, তাঁকে বাদ দিয়েই আজ ওরা বাহবাটা পেতে চায় ! বটে !

## প্রান্তরের গান

“কিন্তু আপনি ত’ যান নি বা খোঁজ নেননি—তাই ষোধ হয়—”  
নায়েব কারণটা দেখাতে চাইল।

শশাঙ্কবাবু গর্জে উঠলেন, “চুপ্ করুন। আমার অনেক কাজ—  
আমি ওদের মত নিষ্কর্মা নই। আচ্ছা, এর মূলে তবে সেই প্রবীর,  
সেই তবে এই কমিটি তৈরী করিয়েছে, না?”

“আজ্ঞে হ্যাঁ—সেই উদ্বোধন—”

“বটে!” ক্ষণকাল শশাঙ্কবাবু ভাবলেন, কি একটু যেন স্থির  
করলেন তিনি, তারপরে বললেন, “দারোগা: সাহেবকে সেলাম  
জ্ঞানান ত’—”

“আচ্ছা।”

নায়েব চলে গেল।

ড্রয়ার থেকে চুরুট বের করলেন শশাঙ্কবাবু। ধরালেন তা। চুরুটের  
ধোঁয়া উদ্বীর্ণ করতে করতে অস্থিরভাবে তিনি ঘরের ভিতর পায়চারী  
করতে লাগলেন।

আধ ঘণ্টার মধ্যেই ইদ্রিস্ খাঁ এল।

“আমুন—আমুন দারোগা সাহেব। অনেক ধন্যবাদ যে আপনি  
এখুনি এসেছেন। বসুন, বসুন—নিন্ একটা চুরুট ধরান।”

“হেঁ হেঁ—বস্ছি”—শশাঙ্কবাবুর আদর অভ্যর্থনায় ইদ্রিস্ খাঁ অভিভূত  
হয়ে গেল।

ইদ্রিস্ খাঁ চলে গেল। দাঙ্গা-সংক্রান্ত আলোচনা সেরেছেন  
শশাঙ্কবাবু।

তিনি অপেক্ষা করছেন। আর একজনের জন্য।

## প্রান্তরের গান

খানিকবাদে সেও এল। একজন মজুর, বস্তীতে থাকে, গণি মিঞার দলের লোক সে, নাম খলিল। বেশ ছুটপুট, জোয়ান লোক।

তার সঙ্গে অনেকক্ষণ কি সব কথা বললেন শশাঙ্কবাবু নিয়কণ্ঠে।

তখন গ্রামের প্রতি রাস্তায়, প্রতি মোড়ে চারজন করে লোক টহল দিচ্ছে; মনোহর বাবু বন্দুক নিয়ে সুপারিশ করছেন, সঙ্গে সুরত। রাত্রিবেলায় প্রবীর আর মৌলনা পাহারা দেবে।

এখনো পর্যন্ত কিছু ঘটেনি—সব শান্ত। একতার বিরুদ্ধে কে দাঁড়াবে? তরঙ্গ রোধিবে কে?

ও দিকে মাধবী ছটফট্ করছে।

গ্রামে দাঙ্গা বেঁধেছে—বাড়ী থেকে বেরোবার উপায় নেই। কড়া নিষেধ বাবার আর দাদার, তাছাড়া ভয়ও করে। প্রবীরকে দেখার উপায় নেই। সেইদিন থেকে প্রবীরও আর তাদের বাড়ীতে আসেনি। ওনতে পাচ্ছে সে নাকি দাঙ্গা থামাতে ব্যস্ত। আরো ভয় বেড়েছে মাধবীর। যদি প্রবীরকেই কেউ মেরে বসে? হে মা কালী, রক্ষা করো, প্রবীরকে রক্ষা করো।

চোখে ঘুম নেই মাধবীর। নিদারুণ জালায় ছটফট্ করে সে। ঘরের ভিতরে অসহ্য হলে দাওয়ায় এসে দাঁড়ায়। বাইরে অসহ্য হলে

## প্রান্তরেরগান

ভিতরে যায়। প্রবীর কি রাগ করেছে? নিশ্চয়ই রাগ করেছে সে, নইলে বাড়ীর পাশ দিয়েই সে নিজের বাড়ী যায়—একটা সাড়া দিতেও কি পারে না? একবারও কি সে এসে বলতে পারে না—না মাধু না, রাগ করিনি আমি? এদিকে মাধবী যে অমূল্যে পুড়ে মরছে, তাকে যে ক্ষমা চাইতে হবে। প্রবীর কি এটুকু বোঝে না যে মাধবী তাকে ভালোবাসে বলেই অমন আঘাত দিয়েছিল? ভগবান, তুমি প্রবীরকে শুধু মাল্লষই করেছে কিন্তু তাকে হৃদয় বলে কোন জিনিষই দাওনি। কেন, হে ঈশ্বর কেন?

সন্ধ্যা হল। এখন পর্য্যন্ত গ্রামে আর কোনো গুণ্ডগোল ঘটেনি। সন্ধ্যার পরেই প্রবীর আর মোলানা বেরোল টহল দিতে। মাঝরাতের পর থেকে দেবে অগ্নি হুজুন।

পায়চারী করতে করতে হঠাৎ প্রবীরের খেয়াল হল যে আজ রাত্রে নিমজ্ঞণ আছে। শিখার নিমজ্ঞণ। কিন্তু আর কি যাওয়া যায়? . হয়ত ব্যবস্থা করা যায়—কিন্তু তা হয় না। চারটি খাবার জল যে নিমজ্ঞণ তার চেয়ে বড় কঁজের ভার পড়েছে তার উপর। না, সে আর আজ যেতে পারবে না। কাল পয়ঃ একবার গিয়ে না হয় ক্ষমা প্রার্থনা করে আসবে প্রবীর। আজ সে দুঃখিত, ভারী দুঃখিত। .

## প্রান্তরের গান

ঘড়ির কাঁটাটা ভারী অবাধ্য। এগিয়েই চলেছে। অথচ সময় উত্তীর্ণ হতে চলেছে। প্রবীর আসেনি এখনো।

বিভাবতী জিজ্ঞেস করলেন একবার, “কি রে, ছেলোট যে এল না?”

শিখা দ্রুতকণ্ঠে বলল, “আসবে আসবে, এখনি হয়ত আসবে।”

“আসলেই ভাল মা, সকলেরই থাওয়া হয়ে গেল, আর দেরী হলে সব যে ঠাণ্ডা হয়ে যাবে।”

ঘর আর বার। বারংবার শিখা পায়চারী করে বেড়ায়। তাকায় ঘড়ির কাঁটার দিকে। যন্ত্রটা নির্ভীকার ভাবে ঘুরে চলেছে।

অভ্যাগতদের থাওয়াদাওয়ার একবার তদারক করে শশাঙ্কবাবু বাইরের ঘরেই এসেছিলেন। বারংবার শিখাকে ভিতর থেকে বাইরে এবং বাইরের থেকে ভিতরে যেতে দেখে এবার মুখ তুলে তাকালেন। শিখার মুখে প্রতীক্ষার ছায়া।

“কি হয়েছে শিখা?”

“কৈ, কিচ্ছু না তো।”

“মনে হচ্ছে কারো অপেক্ষায় রয়েছিস তুই।”

“হ্যাঁ, প্রবীরবাবুর।”

যেন একটা বিস্ফোরণ ঘটল, “প্রবীর!—প্রবীর?”

“হ্যাঁ।” দৃঢ় কণ্ঠে উচ্চারণ করল শিখা।

শশাঙ্কবাবু প্লেথবিস্তৃত কণ্ঠে বললেন, “বটে! তা আমার একবার বলো কি হত?”

“আপনি যে তাঁর উপর ভয়ঙ্কর চটা।” বাপের নূতন প্রশ্নগুলোকে এড়াবার জন্তই শিখা ভিতরে চলে গেল।

শশাঙ্কবাবু বিষ্ময়ে ক্রোধে স্তব্ধ হয়ে রইলেন খানিকক্ষণের জন্ত।

ছটফট্ করছে শিখা।



## প্রান্তরের গান

ঘড়ির কাঁটা এগিয়েই চলেছে।

এখনো এল না প্রবীর ?

টিক্ টিক্ টিক্ টিক্ ।

আজ যে শিখা নিজে রেঁধেছে ! আজ যে সে সহজ অনাড়ম্বর ভাবে বেশভূষা করেছে ! অথচ প্রবীর আজ এল না !

ঘড়িটা চলছে। টিক্ টিক্ টিক্ টিক্ । সময় পার হয়ে গেছে।

হঠাৎ যেন দেহে আর মনে আগুন জ্বলে উঠল। ক্রুদ্ধ সর্পজিহ্বা মেলে সেই আগুন যেন তার মনের সমস্ত রস ও কোমলতাকে জ্বলন করে নিল। শুধু রইল একটা অপরিসীম জ্বালা। অপমান, প্রবীর তাকে অপমান করেছে ! তার ভিক্ষুক বৃত্তিকে, তার কাঙাল-পনাকে প্রবীর উপহাস করেছে।

শেষবারের জ্ঞান সে বাইরে গেল।

শশাঙ্কবাবু তখনো সেখানে দাঁড়িয়ে।

তিনি এবার গম্ভীর কণ্ঠে বললেন, “প্রবীরকে কেন নেমস্তন্ন করেছিলে তুমি ?”

শিখা যেন ছিলে-ছেঁড়া ধনুকের মত খাড়া হয়ে উঠল, “লোকটিকে আমার ভালো লেগেছিল।”

শশাঙ্কবাবু কঁপে উঠলেন, “সেটা খারাপ কথা নয়, আসলে সে আমার শত্রু, আমাকে অনেক অপমান করেছে এবং করছে। তাই তাকে ডাঁকার আগে একটা কথার কথাও আমাকে বলা উচিত ছিল শিখা।”

শিখা কর্কশ হাসি হাসল, “আপনার শত্রু ! আপনি এত বড় একজন জমিদার-তাকে আপনি জব্দ করতে পারেন না ?”

“পারি বৈকি—”

## প্রান্তরের গান

“ছাই পারেন। আপনাকে অপমান করেছে, আমাদেরও কি বাদ দিল—”

“মানে?” শশাঙ্কবাবু এগিয়ে এলেন কাছে।

“মানে আজকের নেমস্তন্নকে সে উপেক্ষা করেছে—সে এল না।”

“বটে! তাইত—”

“শত্রু! আপনার ছাই ক্ষমতা আছে বাবা—আপনি ওর কাছেও হার মেনেছেন”—

“শিখা!”

“রাগ হচ্ছে? বেশত, অপমানের শোধ নিন্, শত্রুর গলা টিপে তাকে জব্দ করে দিন। তবেই বুঝি—”

শিখার চোখ ছোটো ধারালো। ছুরির মত ভয়ঙ্কর ভাবে ঝক্ ঝক্ করছে।

প্রায় দৌড়েই সে ঘরের ভিতর চলে গেল।

শশাঙ্কবাবু মেয়ের দিকে তাকালেন। বয়সের অভিজ্ঞতায় মেয়ের মনের কথা আজ একমুহূর্তে তিনি জানতে পারলেন। ইঁ, প্রবীর শত্রু। তাকে সরাতেই হবে। নইলে আরো অপমান সহ্যে হবে শশাঙ্কবাবুকে। নইলে তার যে রূপসী ও শিক্ষিতা মেয়েকে তিনি আই, সি, এস্ ও ডেপুটি পাত্রের হাতে দেবার স্বপ্ন দেখেন সেই মেয়েই হয়ত একদিন এই অট্টালিকা আর ঐশ্বর্য্য, খ্যাতি ও প্রতিপত্তির জগৎ থেকে বেরিয়ে যাবে। বেরিয়ে যাবে ঐ নিষ্কর্মা ছেলেটার পিছনে, ঐ কমুনিষ্ট প্রবীর চৌধুরীর আকর্ষণে। কিন্তু না, তা হবে না, জাল পাতা হয়ে গেছে। প্রবীরকে হু’একদিনের মধ্যেই গ্রাম পরিত্যাগ করে যেতে হবে। না, শশাঙ্কবাবুর কোনো ভয় নেই, তাঁর শিখা বাঁচবে।

## প্রান্তরের গান

ঈশ্বরের পৃথিবীতে শান্তিপূর্ণ রাতটা কেটে চলেছে। না, এখনো পর্যন্ত কোনো আত্মনাদ কেউ শোনেনি, এখনো পর্যন্ত মানুষের আত্মবাহী নির্বুদ্ধিতার প্রকাশ আর হয়নি।

কিন্তু শেষ রাতে হঠাৎ যজ্ঞ-ভঙ্গ হল। আগুন। কৃষ্ণদাস পালের বাড়ীতে আগুন জ্বলছে।

পালের বাড়ীর প্রায় অর্দ্ধাংশ খেয়ে আগুন নিভল। গ্রামের আকাশে সন্ধ্যা আত্মনাদ আর উত্তেজিত কোলাহল ভেসে বেড়াতে লাগল।

প্রবীর বলল, মোলানা সাহেব, কাজ আরো বাড়ল।”

মোলানা হাসল, “বাড়ুক, নেশা চেপে গেছে, এ পাপ থামাবই।”

বিকেলের দিকে শোনা গেল যে শহর থেকে আটজন অতিরিক্ত পুলিশ এসেছে : আরো শোনা গেল যে কৃষ্ণদাস পালের বাড়ীতে যে আগুন ধরিয়েছিল তাকেও ধরা হয়েছে। লোকটার নাম খলিল। সে মজুর বস্তীতে থাকে। মোলানা, স্মরণ প্রভৃতি আজও পাহারা দিচ্ছে। রক্ষীদলের সংখ্যা আজ বাড়ানো হয়েছে, গৃহস্থদের সতর্ক ও সজাগ থাকতে অনুরোধ করা হয়েছে।

ইউনিয়নে সভা বসল সন্ধ্যার পর। একজন শ্রমিক, ইউনিয়নের একজন সভ্য নিহত হয়েছে, একজন সভ্যকে গ্রেপ্তার করা হয়েছে। শ্রমিকদের মধ্যেও কি দাঙ্গার বিষ ছড়িয়ে পড়বে ?

কিন্তু না, ভয় অমূলক। নিয়মের ব্যতিক্রমটাই নিয়ম নয়।

গনি মিঞাকে যেন চেনাই যায় না ; তারি অনুরাগীদের মধ্য থেকে

## প্রান্তরের গান

একজন গিয়ে দাঙ্গার যোগ দিয়েছে, নিরীহ মানুষের ঘরে আগুন ধরিয়েছে, এই লজ্জায়, এই দুঃখে সে যেন মুষড়ে পড়েছে। সাময়িক ভাবে টাকার লোভে সে শশাঙ্কবাবুর বিরুদ্ধে না গিয়ে ধর্মঘটকারীদের বিরোধিতা করেছিল। কিন্তু শেষ পর্যন্ত নিজেকে সে গুপ্তে নিয়েছিল, ধর্মঘটেও যোগ দিয়েছিল। আর যাই করুক না কেন, দাঙ্গার মধ্যে সে যাবে না। অথচ তার একজন সঙ্গী তা গিয়েছে। এ লজ্জা, এ দুঃখ গণিমিঞাকে পীড়া দিচ্ছে। বারংবার সে নিজের মনের ক্ষোভকে ব্যক্ত করতে লাগল।

ঠাঁৎ সভায় চাঞ্চল্য জাগল। নিঃশব্দপদে ইদ্রিস খাঁ এসে হাজির হয়েছে, সঙ্গে দুজন পুলিশ। একপাশে এসে সে চারদিকে নজর বুলিয়ে নিল।

প্রবীর হেসে আহ্বান জানাল, “আমুন—বসুন দারোগাসাহেব—”

ইদ্রিস খাঁ গম্ভীরভাবে বলল, “সে হবেখ’ন, আপনাদের কাজ চলুক তো!”

প্রবীর উঠে বক্তৃতা শুরু করল।

“বন্ধুগণ! কথা বলতে উঠে সবচেয়ে প্রথমে আজ গ্রামের দাঙ্গার কথাটাই মনে পড়ছে। আমাদের ইউনিয়ন শ্রমিকদের—নির্যাতিতের। আমাদের মধ্যে হিন্দু, মুসলমান দুই-ই আছে—কিন্তু সে পরিচয়ের চেয়েও বড় পরিচয় আমাদের আছে। আমরা মানুষ। মানুষ হিসেবে প্রতি মানুষের অপর মানুষের প্রতি কর্তব্য আছে। প্রতি মানুষের সঙ্গেই অপর মানুষের একটা ঘনিষ্ঠ সম্বন্ধ আছে। কিন্তু আমাদের গ্রামে যেন তা সবাই ভুলে গেছে। একই দেশের বাসিন্দা আমরা—একই মায়ের সন্তানের মত—ভাই ভাই। কিন্তু তবু রক্ত পড়ছে, আগুন জলছে। কিন্তু বন্ধুগণ! আসল কথা আমরা কেউ ভাবি না”—

## প্রান্তরের গান

ইদ্রিস্ খাঁ নোটবুকে প্রবীরের বক্তৃতা লিখে নিচ্ছে।

সভা নিস্তক্, উৎকর্ণ।

“আসল কথা এই যে আমরা অন্ধ, আমরা অশিক্ষিত। আমরা দৃষ্টিহীনতা ও অশিক্ষার ফলে বুঝতে পারিনা যে আমাদের আসল সমস্যা ধর্ম নয়—পরাধীনতা। সেই একই অন্ধতা ও সঙ্কীর্ণতার ফলে আমরা নিজেদের ভাইদেরই নিজেদের শত্রু বলে ভাবি। কিন্তু কার বিরুদ্ধে আসলে যুদ্ধ করতে হবে তা কি জান?”

গভীর স্তব্ধতা।

ইদ্রিস্ খাঁ যেন হঠাৎ আবেগে ছলছে যত্নমন্দ। সঙ্গে সঙ্গে দ্রুতবেগে সে কলম চালিয়ে যাচ্ছে। পিছনে পুলিশ দুটো প্রস্তরমূর্তির মত নিশ্চল।

“আমাদের আসলে যুদ্ধ করতে হবে ইংরাজ সরকারের বিরুদ্ধে। বন্ধুগণ, নজর ফিরাও। তোমাদের দৃষ্টি পড়ুক সত্যিকারের অত্যাচারীর উপর—যে তোমাদের শত শত বৎসর দাবিয়ে রেখেছে, তিলে তিলে তোমাদের প্রাণরস শোষণ করে নিচ্ছে। তারা শুধু পরাধীন ভারতবাসীরই শত্রু নয়—নির্যাতিতেরও শত্রু। বন্ধুগণ, যদি লড়াই করতে হয়, যদি রক্তই ঢালতে হয়—”

অকস্মাৎ বজ্রকণ্ঠে ইদ্রিস্ খাঁ গর্জে উঠল, “খামুন—কলিমুদ্দিন, এনায়েৎ, যাও ওকে গ্রেপ্তার কর।”

“বন্ধুগণ, সেই ব্রিটিশ সরকারের বিরুদ্ধেই তোমাদের এগোতে হবে। যদি তাদের লোহশৃঙ্খল ছিন্ন করতে পার তবে স্বাধীনতা আর সাধা দুই-ই পাবে। শেষ কথা এই যে সাম্য ও স্বাধীনতা পেলেই আমাদের সব দুঃখ দূর হবে।”

ইদ্রিস্ খাঁ এগিয়ে এল, “নেমে আসুন—”

## প্রান্তরের গান

শ্রমিকেরা মুহূর্তকাল স্তম্ভিত থেকে হঠাৎ কলরব করে প্রতিবাদ জানাল।

“চোপ্—চোপ্—ও—এ মিটিং বেআইনী। এতগুলো লোক ডেকে সভা করার আগে কার অনুমতি নেওয়া হয়েছিল?”

আবছল রুখে উঠল, “এ ইউনিয়ন—এরা সবাই শ্রমিক—নিতাই ওরা এখানে আসে।”

ইদ্রিস্ কুটিল মুখভঙ্গি করে বলল, “যুদ্ধ লেগেছে, সেটা মনে রেখো। এতদিন যা হয়েছে তা আর হতে পারবে না। প্রবীরবাবু, নেমে আসুন—”

“কিন্তু কি অভিযোগে আপনি আমায় গ্রেপ্তার করছেন—কিন্তু পারি কি?” প্রবীর হেসে প্রশ্ন করল।

“স্বচ্ছন্দে। প্রথম অভিযোগ—বে-আইনী সভায় বক্তৃতা। দ্বিতীয় অভিযোগ—আপনার বক্তৃতা রাজদ্রোহাত্মক—আপনি কম্যুনিষ্ট। তৃতীয় অভিযোগ—আজকে যাকে গ্রেপ্তার করা হয়েছে দাঙ্গা উপলক্ষ্যে সেই খলিল জানিয়াছে যে আপনিই নাকি এই দাঙ্গার পিছনে ছিলেন।”

যেন আকাশটা ভেঙ্গে পড়লো। ফোভে, লজ্জায়, দুঃখে সমস্ত শ্রমিকেরা যেন কথা বলবার ক্ষমতা হারিয়ে ফেলল। এমন স্তম্ভীর নিস্তব্ধতা চারদিকে ঘনিয়ে এল যে একটা ছুঁচ পড়লেও বোধ হয় তার শব্দ শোনা যাবে। যাদের স্বার্থের জন্ত এই প্রবীর ঝড়াই করেছে সেই শ্রমিকদেরই একজন আজ এমন অবিখ্যাত ও ঘৃণ্য অপবাদ দিল! যে প্রবীর সর্বপ্রথম দাঙ্গা থামাতে গেল, থামাবার জন্ত সকলের কাছে দৌড়োদৌড়ি করে রক্তদল খাড়া করল তারি উপর এমন জঘন্য অপবাদ!

## প্রান্তরের গান

গণি মিঞা চিন্তিতভাবে বলল, “নিশ্চয়ই কেউ খলিলের পিছনে আছে— নইলে এমন নির্জলা মিথ্যে সে কি করে বলে ?”

আবদুল মাথা নাড়ল, “হু—বুঝতে পেরেছি—”

“নেমে আসুন প্রবীরবাবু—”

“একবার বাড়ী বেতে দেবেন না ?”

“দরকার কি ? আপনার সব ব্যবস্থাই আমি করে দেব। মিথ্যে সিন ক্রিয়েট করে করবেন কি ? এমনিই চলুন না—তাছাড়া ঘাটে নোকো বাঁধা আছে, আপনাকে এখুনি সদরে যেতে হবে।”

“এখুনি ! ওঃ—সবই আগে থেকে তৈরী ছিল তাহলে ?”

“যা ভাবেন।”

আবদুল বলল, “আমরাও যার কম্বরেড—”

প্রবীর মাথা নাড়ল, “পাগল ! গ্রামকে আত্মহত্যা থেকে বাঁচাও আগে। স্মৃত্তকে খবর দিও, বাড়ীতেও খবর দিও এবং আমার বুড়ী পিসীর খোজখবরটা নিও।”

“প্রবীরবাবুর জয়ু”—হঠাৎ আবেগ কম্পিত একটা জয়ধ্বনি উঠল। আবদুল, তাহের আর অবিনাশের চোখে জল এসেছে।

“আচ্ছা, আসি তবে। বাবার আগে বলে যাই যে তোমরা থেমো না—তোমাদের অনেক আঘাত এবার সহিতে হবে—তোমাদের এখনো অনেক কাজ বাকী।”

“চলুন প্রবীরবাবু, দেরী করবেন না।”

“বন্ধুগণ, বিদায়।” প্রবীর নীচে নেমে গেল।

নিঃশব্দে জনতা তার অঙ্গুষ্ঠ গ করল। যেন কোনো প্রিয়জনের মৃত্যু হয়েছে এবং শোকাভূত শব্দ চলেছে তার শব্দধারের পিছনে পিছনে।

## প্রান্তরের গান

মাথার উপরকার অন্ধকার আকাশের নক্ষত্রগুলো যেন বেদনায় আজ নিশ্চিন্ত হয়ে গেছে।

খবর পৌঁছোল বথাসময়ে।

উল্লাস, হুর্ণিবার উল্লাসের বজায় শশাঙ্কবাবুর হৃদয় প্লাবিত হয়ে গেল। প্রতিশোধ নিয়েছেন তিনি, শত্রুকে দমন করেছেন। প্রবলের প্রতাপ এখনো শেষ হয় নি।

“শিখা—শিখা—ওম শিখা”—সোল্লাসে, চীৎকার করে তিনি ডাক দিলেন।

অপমান! শুধু জমিদারকে নয়, মিলের মালিককে নয়; জমিদার-নন্দিনী, অতুল ঐশ্বর্য সম্পদের অধিকারিণী শিখাকেও লোকটা অপমান করে! কি স্পর্ক! কিন্তু সব অপমানের প্রতিশোধ আজ একসঙ্গেই নেওয়া হয়েছে। আঃ! ক্ষুধার্ত ব্যাঘ্র ঝুঁকপান করে যেমন তৃপ্ত হয় তেমনি তৃপ্তির একটু সুনিবিড় ছায়া শশাঙ্কবাবুর মুখে চোখে পরিব্যাপ্ত হয়ে পড়ল। আঃ!

“শিখা—শিখা”—আবার তিনি ডাকলেন।

ক্লান্তপদে শিখা এসে সামনে দাঁড়াল। অপরিচীত ক্লান্তি ওর মুখে, উদাস দৃষ্টিতে কোনো জ্যোতি নেই।

“কি বাবা?”

“খবর জানিস? শুনেছিস?”

“কি খবর?” নিস্পৃহকণ্ঠে শিখা প্রশ্ন করল।

“সেই রাঙ্কেল—সেই প্রবীর চৌধুরীকে আজ শিক্ষা দিলাম, তাকে আজ জব্দ করলাম—”

“এ্যা!” হৃদপিণ্ডটো হঠাৎ যেন লাফিয়ে উঠল।

“হ্যাঁ। শোধ নিয়েছি—সেই লোফারটাকে আজ পুলিশ গ্রেপ্তার



## প্রান্তরের গান

করেছে। সিডিশন আর দাঙ্গার জন্ত। এইমাত্র সহরে চালান হল সে—  
হাঃ—হাঃ—হাঃ—

পরিতৃপ্ত রাফসের মত শশাঙ্কবাবু হাসতে লাগলেন।

“বটে!” শুক কণ্ঠে শিখা বলল।

“হ্যাঁ—খুশী হয়েছিচ্ছি কিনা? নির্ধাত দু’বছর শ্রীঘর বাস এবার—  
হাঃ—হাঃ—হাঃ—”

“খুশী! হ্যাঁ, হয়েছি বাবা। যেমন কর্ম তেমনি ফল পেয়েছে  
লোকটা—বেশ হয়েছে—বেশ হয়েছে। শোন বাবা”—

“কি?”

“আমি কাল ঢাকায় যাব। এখানে আর ভাল লাগছে না আমার—  
আর এখানে থাকতে পারব না আমি।” শিখা ঘুরে দাঁড়াল। একটা  
চেয়ারে হাত দিয়ে সে সামলে নিল নিজেকে। মাথাটা ঘুরছে। তারপর  
টলতে টলতে নিজের ঘরের দিকে চলে গেল।

ওসব লক্ষ্য করবার সময় নেই শশাঙ্কবাবুর। আজ তিনি শত্রু-হনন  
করেছেন। এই আনন্দময় মুহূর্তে একটা চুরট ধরাতে হবে। তিনি  
ড্রয়ার খুললেন।

ঘরের মধ্যে গিয়ে শয্যাপার্শ্বে একবার স্থির হয়ে দাঁড়াল শিখা। যেন  
ভাবতে চেষ্টা করল কি হয়েছে। ভাবল সে। প্রবীরকে গ্রেপ্তার করা  
হয়েছে। নির্ধাত দু’বছরের শ্রীঘর বাস। বেশ হয়েছে।

হঠাৎ শিখা কাঁপতে কাঁপতে বিছানার উপর বসে পড়ল। কিন্তু  
কাঁদল না সে। শুধু বসে রইল, সামনের দেওয়ালের দিকে দৃষ্টিটাকে  
নিবদ্ধ করে চুপ করে বসে রইল সে, একটুও কাঁদল না। কাঁদলেই বোধ  
হয় ভাল হত, কিন্তু শিখার চোখে আর জল নেই, বুকে আর কান্নার বাষ্প  
নেই, একটা অন্তর্দাহী জ্বালায় তার সব কিছু এখন মরুভূমির মত ভয়াবহ

## প্রান্তরের গান

ও রিক্ত হয়ে উঠেছে। কিন্তু একি হল? শিখা কি জানত এমন ঘটনা ঘটবে? শিখা কি তাই চেয়েছিল?

ওখানেও ছঃসংবাদটা পৌঁছোল।

ঘরের ভিতর তখন আলোচনা চলছে। সমবেদনা ও ভালবাসা প্রত্যেকের কণ্ঠে। সবাই বলছে যে প্রবীরকে বাঁচাতে হবে।

কিন্তু কি হবে এসব কথা শুনে? প্রবীরকে ত' ধরে নিয়ে গেছেই।

না, সে আর থাকতে পারছে না ঘরের মধ্যে। এখুনি হয়ত সে আত্মনাদ করে উঠবে।

সকলের অলক্ষ্যে নিঃশব্দপদে মাধবী ঘর থেকে বেরিয়ে এল। নিজের ঘরে গেল সে, মেঝের উপর বসুল। প্রবীরকে গ্রেপ্তার করা হয়েছে। প্রবীর নেই, এ গ্রামে এখন প্রবীর নেই! তিন দিন ধরে প্রবীরকে আর দেখেনি মাধবী। তিন দিন—যেন তিন যুগ। সেই তিনদিন আগের কথা মনে পড়ল। উত্তেজিত মস্তিষ্কে, অভিমানভরে কত কি অন্ডায় কথা সে প্রবীরকে বলেছিল। অথচ প্রবীরের দোষ কি? শিখার চোখের চাহনিতে ভালবাসা লেখা ছিল বটে, কিন্তু তাতে প্রবীরের কি দোষ? প্রবীরকে ত' সবাই ভালবাসবে। সূর্যকে কে না টায়? ফুলকে কে না ভালবাসে? কোকিলের গান কার না ভাল লাগে? পতিন দিন ধরে মাধবী প্রবীরকে আর দেখে নি। দাঙ্গা না হলে সে নিজে গিয়ে মার্জনা ভিক্ষা করে আসত, প্রবীরের পা ধরে কাঁদত। উঃ, কত কথাই না ছিল তার! কিন্তু হল না, কিছুই বলা হল না। শুধু তাই নয়, প্রবীরকে নিয়ে গেল জেলে, অনন্ত দুঃখ কষ্ট ভোগ করবে সে।

## প্রান্তরের গান

সেখানকার অন্ধকারে। সেই জেলে যাবার আগে মাধবী প্রবীরকে দেখতে পেল না! কি করে কাটবে মাধবীর দিন? মাধবীর রাত? কি করে বাঁচবে মাধবী এখন থেকে? কেউ কি বলতে পারে? না, কেউ বলতে পারে না। মাধবীর হুঃখ মাধবীরই একা। হঠাৎ মাধবী মেঝের উপর শুয়ে পড়ল। তার শরীরটা কাঁপতে লাগল। ঝঙ্কা-তাড়িত নব-মালতী-লতার মত। একটা চাপা গোষ্ঠানী শব্দ বেরোতেই সে মুখের মধ্যে আঁচল গুঁজে দিল। মাধবী নিঃশব্দে কাঁদবে। সে তার কান্না কাউকে শুনতে দেবে না, কাউকে না।

সন্ধ্যার অন্ধকারে আবছুল ফিরে যাচ্ছিল বস্তীর দিকে। মৌলানার বাড়ী থেকে সে ফিরছিল। প্রবীরকে বাঁচাতে হবে।

মসজিদের সামনে দিয়ে চলতে চলতে সে সান্ধ্য আজানের ধ্বনি শুনতে পেল। হাজীসাহেবের কণ্ঠস্বর বড় মিষ্টি, বড় গম্ভীর। বাতাসে ভেসে গেল সে ডাফ, আকাশের পথ বেয়ে দূরে দূরান্তরে চলে গেল। আল্লাহু আকবর—

আবার আখড়ার সামনে। আখড়াতে সান্ধ্য আরতির কাঁসর ঘণ্টা বাজছে, ধূপের ধোঁয়া উড়ছে। সে শব্দ, সে ধোঁয়াও বাতাসে ভেসে যাচ্ছে, আকাশের পথ বেয়ে দূর-দূরান্তরে চলে যাচ্ছে।

আবছুল ধমকে দাঁড়াল। আল্লামার বন্দনা আর হরির বন্দনা সেই একই বাতাসে ভেসে যাচ্ছে, সেই একই আকাশ-পথ দিয়ে বিহার করতে করতে অনন্ত রহস্ত-লোকের দিকে যাত্রা করছে। একই ঈশ্বরের একই পৃথিবী—তাতে সেই একই রকমের মানুষ। তাদের দেহের আকৃতি এক, তাদের দেহাভ্যন্তরালে একই লাল রক্তের স্রোত, সবই এক। তবু ঝগড়া হল, গল্প আর ঘাস থেকে খোদা আর হরি বেরোল, চারটে মানুষ

## প্রান্তরের গান

মরল, ছোটো বাড়ী পুড়ল, আর সবাইকে যে বাঁচাতে গিয়েছিল সেই প্রবীরের বিরুদ্ধে চক্রান্ত করে তাকে ওঁরা জেলে নিয়ে গেল।

হে ঈশ্বর, তোমার বিচার নাকি খুব স্বল্প? কিন্তু তার চেয়েও বড় প্রশ্ন এই—তুমি কি আছ?

দিন কাটতে লাগল। দাঙ্গা থেমেছে, গ্রামে আবার শান্তি ফিরে এসেছে। শান্ত, উত্তাপহীন জীবনের ঢাকা আবার ঘুরছে, পাটকলের বাঁশী আগের মতই বাজছে, দিনের পূর রাত কাটছে আর রাতের পর দিন।

কিছুই হল না। সূত্রত আর আবছা খুব চেষ্টা করল, মোলানা আর মনোহর মুখুজেও সাক্ষ্য দিয়ে এল। দাঙ্গার অভিযোগ থেকে অব্যাহতি পেলেও রাজদ্রোহের অপরাধ থেকে প্রবীর মুক্তি পেল না। ভারত-রক্ষা আইনের মারপ্যাচে অনির্দিষ্টকালের জুজু তার কারাবাস হল।

এদিকে শরৎ গেল। হেমন্তও শেষ হল। বাতাসে এল শীতের কম্পন, রৌদ্রের আলো হল কমলানবুর রসের মত মিষ্টি রসে\*ভরা।

সেই আলো আর বাতাসে কলাতিয়া গ্রামের সুখ, দুঃখ, হাসি, কান্না আর অনেক দীর্ঘনিঃশ্বাস ভেসে বেড়ায়।

## প্রান্তরের গান

যে অর্জুন এতদিন নেপথ্যেই দীর্ঘনিঃশ্বাস ফেলেছে সে এবার এগিয়ে এল। সে বুঝতে পেরেছে, সে জানে যে মাধবী প্রবীরকে ভালবাসে। এতদিন প্রবীর ছিল, তাই মাধবীর কাছ ঘেষতে তার ভরসা হত না। এখন প্রবীর নেই, তাই কারণে, অকারণে সে আজকাল নন্দদের বাড়ী যায়, নানা অছিলায় সে মাধবীকে দেখে আসে।

কোনো দরকার নেই। বিকেলে দোকানে যাওয়া উচিত কিন্তু ভাল লাগে না অর্জুনের যেতে। তাছাড়া দোকান আজকাল তেমন চলছে না, অভাব ঘনিয়ে এসেছে ক্রমশঃ। আশুক, কিন্তু হৃদয়ের এই শূণ্যতা যে আরো ভয়ঙ্কর। সে আর পারছে না।

“নন্দ—নন্দ আছিস রে?” অর্জুন ডাকতে শুরু করল।

না, নন্দ নেই। মাধবী এসে দাঁড়াল।

অতৃপ্ত রাহুর ক্ষুধা অর্জুনের হৃৎ চোখে।

“নন্দ নেই মাধু?”

“না।”

“বারে, যখনই আসি তখনই ত’ সে বাড়ীতে থাকে না।” অর্জুন একটু হাসবার চেষ্টা করল।

“তাইত দেখছি।” মাধবীর ঠোঁটের কোণে একটু ক্ষীণ হাসি খেলে গেল।

অর্জুনের চোখে পলক নেই। মাধবী কি অপক্লান্ত সুন্দরী! লোকে নন্দ’র বোয়ের রূপের প্রশংসা করে, কিন্তু অর্জুনের তা অত্যাক্তি বলে মনে হয়। মাধবীর দিকে অর্জুনের মত দৃষ্টি নিয়ে কেউ কি দেখেছে! হরিচরণের ঘরে কোথা থেকে ধরা পড়ল এই আকাশের বিদ্যুৎ?

“হঁ”—অর্জুন কথা খুঁজছে। আড়ালে খুব জল্পনা কল্পনা করে সে, কাছে এলে সব তার গুলিয়ে যায়, হারিয়ে যায়। একি বিপদ!

## প্রান্তরের গান

নন্দর মুখ রাঙ্গা হয়ে উঠল। লোক ছজন না থাকলে হবত আসে  
সে নিশ্চয়ই ঐ বারান্দয়ে গিয়ে হাজির হত। কিন্তু না—

“কিছু ভেবোনা ওস্তাদ—আমি বেশী মাগী, আমার আবার মান  
অপমান কি—এসো এসো—তোমার সেই অপমান আমার গায়ে লাগে  
নি”—ললিতা ঝকঝকে দাঁত মেলে হাসল।

নন্দ যেন অগাধ জলে পড়েছে।

লোক ছজন কি যেন অক্ষুটকণ্ঠে বলল, ললিতা হেসে উঠল।

নন্দ পালাল। না, আজ থাক—

আবার কাজললতা। চোখে তার উন্মাদিনীর আবেগ, কণ্ঠে তার  
পান্‌সে অমুরাগ, তার স্পর্শে একটা পুরাতন শৈত্য। সে স্তন্দরী কিন্তু  
তবু তাতে মোহ নেই। তাছাড়া কাজললতা দিন দিন কেমন যেন  
বিশ্রী হয়ে যাচ্ছে দেখতে—সে সন্তানসম্ভবা। ভাল লাগে না বেশীক্ষণ  
ওকে দেখতে।

অপচ ললিতা—যেন আগুন। ওকে দেখলেই সমস্ত দেহটাই যেন  
জ্বলতে চায়। সে আগুন স্পর্শ করলে একটা অনিবার্য জ্বালায় জ্বলতেই  
হবে। তা নন্দ জানে। কিন্তু তাতে কি? নন্দ'র ভয় নেই। সে  
নিত্য নূতন রোমাঞ্চকর অমুভূতি চায়। সে চায় পঞ্চেন্দ্রিয়ের  
অমুভূতি। সে কবি, সে ভ্রমর, রূপ রস গন্ধ বর্ণের সমারোহে সে  
নিজেকে মিশিয়ে দেবে। সে পতঙ্গ। আগুনে জ্বলতে পুড়তে তার  
ভয় নেই।

তার কাজললতা। সে বুঝেছে যে তার সুখের দিনের সূর্য্য এবার  
অন্তগামী। যে ভালবাসে তার বোধশক্তি বড় তীক্ষ্ণ হয়। একটা  
কথা, একটা চাহনি, একটু স্পর্শ থেকেই সে সমস্ত কিছু বুঝতে পারে।  
কাজললতা জলে খাচ্ হয়ে যাচ্ছে, তার বেদনার কোন ওষুধ কেউ দিতে

## প্রান্তরের গান

পারে না। সে ওষুধ শুধু নন্দর হাতে। কাজললতা জলে মরছে—  
স্বর্গোদয় থেকে স্বর্গাস্ত পর্যন্ত যেমন স্বর্গ্যকাস্তমণির আগুন জলে। সে  
আগুণের শব্দ নেই, ধোঁয়া নেই, ভস্ম নেই। তাই কাজললতার ভিতরের  
জ্বালা বোঝা যায় না, ধরা যায় না। তবু বেঁচে আছে সে। এত দুঃখের  
ভিতরেও একটা পরম আশা, একটা অপক্লপ সান্ত্বনা আছে তার। তার  
দেহের মধ্যে এক অত্যাশ্চর্য পরিবর্তন ঘটছে, তার রক্ত আর মাংস  
থেকে তিলে তিলে একটি নমনীয় ও কমনীয় প্রাণপুত্তলিকার সৃষ্টি হচ্ছে।  
সন্তান। সেই সন্তানের জন্মই সে বেঁচে থাকবে।

কিন্তু হরিচরণের বাঁচবার ইচ্ছে ক্রমেই কমে আসছে। নিশ্চল  
আকাশের দিগন্ত থেকে হঠাৎ যেমন অপ্রত্যাশিত কালো মেঘ ঘনিয়ে  
আসে এবং সমস্ত আকাশকে তা ধীরে ধীরে আচ্ছন্ন করে ফেলে তেমনি  
ভাবে অভাবের মেঘ হরিচরণের জীবনকাশকে ক্রমেই আচ্ছন্ন ও অবলুপ্ত  
করে দিচ্ছে। বার্কিক্যে মানুষ চায় বিশ্রাম, মানুষ গোঁজে নিশ্চিন্ততা।  
হরিচরণের ভাগ্যে সবই বিপরীত হয়ে উঠছে। একটি মেয়ের বিয়ে  
দিয়েই তার রাতের ঘুম কমে গেছে, এখনো ত' মাথবী আছেই। এদিকে  
পাঁচ মাস পেরিয়ে ছ'মাস কাটছে, কিন্তু মহাজন নিকুঞ্জসার পাঁচশ  
টাকাও কোনো ব্যবস্থাই হয়নি। হবেই বা কোথা থেকে? কল্যাণদায়ের  
তাড়নায় তার দূরদৃষ্টি ক্ষীণ হয়ে গিয়েছিল। ধলেশ্বরীর তীরে অবস্থিত,  
নিকুঞ্জসার জমির পার্শ্ববর্তী দশ বিঘা জমিই নিকুঞ্জসার কাছে বন্ধক  
রয়েছে—হরিচরণের সবচেয়ে ভাল ফসল ওখানেই হয়। পৌষের  
মাঝামাঝি। ধান এবার কাটতেই হবে। ঐ ধানটা বিক্রয় করে যা

## প্রান্তরের গান

পাওয়া যাবে তা সমস্ত নিকুঞ্জসাকে দিতে হবে। তাতেও সব ঋণ অবশ্য শোধ হবে না, আরো সময় নিতে হবে।

ধানকাটার ব্যাপারে বাপকে সাহায্য করার জন্ত নন্দ কারখানা থেকে ছুটি নিল চার পাঁচ দিনের জন্ত।

কিন্তু ধান কাটতে গিয়ে এক কাণ্ড হল।

নিকুঞ্জসার ছ'জন লোক দৌড়ে এল। নিতাই আর গদাধর।

“ধান কাটতে পারবে না।” নিতাই চৈচিয়ে বলল।

“কেন?” হরিচরণ কথাটা বুঝতে পারল না।

“মহাজনের হুকুম।”

হরিচরণ হাসল, “কিন্তু কেন বলত?”

নিতাই একটু উদ্ভাষে বলল, “সে আমি কি জানি? টাকা খর নিয়েছ তুমি—তোমারি ত’ এসব কথা বেশী জানা উচিত।”

নন্দ কথো উঠল, “তা তোমার অত চোখ রাঙানি কেন হে, এঁ? তোমায় নিষেধ করতে বলেছে, নিষেধ করলে, এবার যাও। আমাদের জমি—আমরা এখন ধান কাটব।”

নিতাই একপা এগিয়ে এসে সোজা দাঁড়াল, “আমরা হুকুমের চাকর নন্দ, আমাদের সব রকম হুকুমই দেওয়া আছে—”

নন্দের চোখ লাল হয়ে উঠল, একটা কড়া কিছু সে বলতে ও করতে বাচ্ছিল, কিন্তু হরিচরণ বাধা দিল—“থাম্, থাম্—মাথা গরম না করে আগে শুনি ব্যাপার কি?”

“এর আবার শুনব কি?”

গদাধর লোকটা একটু ঠাণ্ডা মেজাজের, সে এবার কথা বলল, “দেখ ভাই জমি যে তোমাদের তা আমরা জানি, এদিকে আমরা মহাজনের লোক, আমাদের যা হুকুম করবে, আমরা তা করতে বাধ্য।



## প্রান্তরের গান

তার চেয়ে এক কাজ কর, তোমরা মহাজনের কাছে যাও এখুনি, মহাজন যদি তোমাদের কেটে নিতে বলে তখন এসে ধান কেটে নিও তোমরা।”

হরিচরণ ক্ষণকাল চুপ করে রইল, তারপর নন্দকে বলল, “তাই চল্ নন্দ, হ্যাঁ, গদাধর ঠিকই বলেছে।”

নিকুঞ্জসাঁ’র কাছে গেল দুজনে।

বসন্তের আগে বিকৃতমুখ নিকুঞ্জ’র খুঁদে খুঁদে চোখে শয়তানকে দেখা যায়! সে মাথা নাড়ল। সমস্ত আকুতি কাকুতি, আবেদন নিবেদনকে সে বারংবার মাথা নেড়ে উড়িয়ে দিল। না, সে কিছু করতে পারবে না।

শেষ কথা বলল নিকুঞ্জ, “পাঁচ মাস পেরিয়ে গেছে, ছ’মাসও কেটে চলল, আর দেবী করতে পারবে না। এত দয়ামায়া করলে ব্যবসা আমার ছুদিনে ফাঁক হয়ে যাবে, আর দয়াই বা তোমায় কি কম করেছে? দশ বিঘা জমি কি এমন জিনিষ? একসঙ্গে পাঁচশো টাকা কে তোমায় দিত শুনি? এখন কিস্তি হিসাবে বা অল্প অল্প করে টাকা আমি নেব না—এক সঙ্গে আমার সব টাকাই চাই। যাক—শেষ কথা শোন হরিচরণ, ছুদিন সময় দিলাম তোমায়, এর মধ্যে যদি সব টাকা শোধ করে দাও তো ভাল, নয় তো ও জমি আর জমির ধান আমার। এতো জাল জুচ্চুরী নয়, তোমরা টিপসই দেওয়া দলিল আছে আমার কাছে, আইন আদালত তো আমারই পক্ষে।”

খুঁদে খুঁদে চোখ দুটো মেলে নিকুঞ্জ একবার নিঃশব্দে হাসল। সে মোটেই কাঁচা কাজ করে না।

শেষ কথার পর নূতন করে আর কোন কথা চলবেনা। হরিচরণ বুঝল কথায় কোনো কাজ আর হবে না।

কিন্তু কাজ হবে যা দিয়ে সে টাকা কোথায়? কিস্তি হিসাবে টাকা

## প্রান্তরের গান

নেবেনা নিকুঞ্জসা। তা হলে একটো ব্যবস্থা না হয় করা যেত। কিন্তু তা হবে না। একসঙ্গে করকরে পাঁচশ' টাকাই নিকুঞ্জসা'র চাই। আর কার কাছে ধার করবে সে? বিনা বন্ধকে কেউ অত টাকা দেবে না। আর বন্ধক দিতে গেলে বাকী সবই বন্ধক দিতে হবে। অর্থাৎ মরতে হবে শুকিয়ে, না খেয়ে।

কিন্তু এত সহজেই কি হাল ছাড়বে হরিচরণ? ঐ সোনার মত, মাখনের মত, মায়ে'র মত মাটীকে কি এত সহজেই ছেড়ে দেবে সে?

হরিচরণ মাথা নাড়লো। না।

হুদিন সময় আছে। এই হু'দিনের মধ্যে নিকুঞ্জসা হরিচরণের ধানে হাত দেবে না। বেশ। হরিচরণ নন্দকে ডাকে, অর্জুনকে ডাকে, অনেকক্ষণ ধরে কি সব যেন বলাবলি করে আর ভাষে।

দ্বিতীয় দিন সকালবেলায় নিতাই আর গদাধর ক্ষেত দেখতে গিয়ে থমকে দাঁড়াল, তাদের বিস্ফারিত চক্ষুতীরকায় বিষয় ফুটে উঠল। একি, একি ব্যাপার?

হরিচরণের দশ বিঘা জমির এক কণা ফসলও নেই। রাতারাতি সে সব ফসল ক্ষেটে নিয়ে গেছে।

নিকুঞ্জসা'র কাছে খবর গেল। তার খুঁদে খুঁদে দুটো চোখে যেন শয়তানের রক্ত-দৃষ্টি। সে শুধু আক্রোশে একবার একটা অল্লীল গালিবর্ষণ করল হরিচরণের বংশের উপর।

তারপর সে উঠে দাঁড়াল। চারটে তালা-যুক্ত মস্ত বড় সিন্দুকটার লৌহবন্ধ থেকে সে একটা কাগজ টেনে বের করল। হরিচরণের টিপ-সহি-যুক্ত দলিলখানা। কয়েকটা টাকা কোমরে শুঁজে, পাঞ্জাবীটা গায়ে চড়িয়ে, ক্যান্ডিসের জুতোটা পরে, ছাতাটা বগলে নিয়ে 'হুর্গাশ্রীহরি'

## প্রান্তরের গান

স্মরণ করে সে বাড়ী থেকে বেরোল। গয়নার নৌকো এখুনি ছাড়বে, নিকুঞ্জসাকে তা ধরতে হবে। সে সহরে যাবে।

কয়েকদিন বাদে শমন এল হরিচরণের নামে। ফৌজদারী, দেওয়ানী—ছোটো মোকদ্দমার অভিযোগ তার বিরুদ্ধে।

খোদার উপর খোদাকারী কি সব সময়ে চলে? বসন্তের দাপে বিকৃত মুখ নিকুঞ্জস। নিজের দাওয়ায় বসে হাহা করে হাসে আর নিতাইকে বোঝায় যে বড় জোর ছোটো মাস—তারপরেই হরিচরণের ওই দশ বিঘা জমির মালিক হবে শ্রীল শ্রীযুত নিকুঞ্জমোহন সাহা, মহাজন, সাং ও থানা কলাতিয়া, জেলা ঢাকা। নিকুঞ্জস। স্বপ্ন দেখে। সকলের স্বপ্ন সব সময়ে হয়ত ফলে না, কিন্তু নিকুঞ্জসার স্বপ্ন ফলবে।

গ্রামে একটা নূতন উত্তেজনা এল। কয়েকদিনের জন্ত স্তম্ভাচন্দ্রকে জেল থেকে বাড়ীতে থাকতে দেওয়া হয়েছিল। অবশ্য মুক্তি নয়। ইঠাৎ ২৬শে জানুয়ারী তারিখে তিনি নিরুদ্দিষ্ট হয়েছেন। পুলিশ ও গোয়েন্দারা কিছুই করতে পারেনি। ঘরে ঘরে, দাওয়ায়, দাওয়ায় উত্তেজিত আলোচনা চলল। একটা কিছু আসন্ন।

## প্রান্তরের গান

ফাস্তনের শেষ । শীতের কুহেলিকা স্বপ্নের মত উড়ে গেছে, বাতাসে এসেছে চাঞ্চল্য, রোদ্রে এসেছে উত্তাপ । মধ্যাহ্নে বায়ুবেগ প্রথর হয়, ধূলো ওড়ে, শুকনো পাতা খসে পড়ে, আকাশ থেকে যেন আশুপত্ন ঝরে, প্রজাপতি উড়ে যায়, কোকিলের ডাক শোনা যায় । ভৈরব তালের সঙ্গে বসন্ত রাগিনীর আলাপ চলতে থাকে ।

আজ হোলি । রং আর আবীরের খেলা হবে আজ । রঙের স্পর্শে হৃদয়ও আজ রঞ্জিত হয়ে উঠবে । আজ ছুটি, আজ আর পাটকলের বাঁশী আকাশ বাতাস কাঁপাবে না ।

নন্দ'র আর ভাল লাগছিল না বাড়ীতে থাকতে । বেশীক্ষণ বাড়ীতে থাকতে আজকাল তার ভারী অস্বস্তিকর ও বৈচিত্রহীন মনে হয় ।

জামাটা গায়ে দিচ্ছিল সে ।

কাজললতা এসে সামনে দাঁড়াল ।

“বেরুচ্ছ ?” সে প্রশ্ন করল ।

“হ্যাঁ ।”

“এখুনি বেরোবে ? না, এখন যেও না ।” কাজললতা হঠাৎ কাছে সরে এসে মৃদুকণ্ঠে আবদার জানাল ।

“কেন, এখন বাড়ীতে থেকেই বা কি করব শুনি ?” নন্দ কাজললতার আবদার শুনে যেন বিস্মিত হয়ে গেল ।

“আজকে যে হোলি গো”—কাজললতা নন্দ'র ছোটো হাত ধরল, তারপরে হঠাৎ ভারী মিষ্টি করে হাসল । নন্দ'র যদি আগের মত মন আর দৃষ্টি থাকত তাহলে হয়ত সে মুগ্ধ হয়ে যেত, খুশী হয়ে উঠত । কিন্তু সে নন্দ ত আর নেই—যে নন্দ মধ্যাহ্নের রোদ্দতাপ ও ঝড়ঝাপটা অগ্রাহ্য করে আর ধলেশ্বরীর প্রথর শ্রোতের বিরুদ্ধেও নৌকা বেয়ে তেতুলঝোরায় যেত এবং সুন্দরী বিলের ধারে বসে এই কাজললতার প্রত্যাশাতেই

## প্রান্তরের গান

ছায়াচ্ছন্ন, সংকীর্ণ পথটার দিকে ছুঁচোখ মেলে মন্থর মুহূর্তগুলোকে গুণতে থাকত।

“আমার ইচ্ছে হচ্ছে যে আজ তুমি কাছে থাক। আচ্ছা, আমার সঙ্গে একটু হোলি খেলতেও কি তোমার ইচ্ছে হয় না?”

ভ্রমর-কৃষ্ণ ছোটো চোখের মাঝে একটা আকুল আবেদন।

নন্দ একটু বিরক্ত হয়। অর্থহীন কথা! বোয়ের সঙ্গে হোলি খেলাটা কি এমন জিনিষ যে তার জ্ঞান পাগল হতে হবে! অবশ্য গেলবারে সে ঠিক বিপরীত কাণ্ডই করেছিল। সেটা মনে পড়ে যায় নন্দর। কিন্তু তাতেই বা কি? নূতন বিয়ের পর সবাই অমন করে থাকে।

তবু সে হাসল, বলল, “তুমি একেবারে ছেলে মানুষ কাজল। তুমি আর আমি ত’ আছিই, পালাচ্ছি না তো কেউ। বাইরে, বন্ধুবান্ধবদের সঙ্গে আগে খেলে আসি।”

কাজললতার হাতের মুঠো থেকে নিজের হাতটাকে টেনে ছাড়িয়ে নিয়ে নন্দ ঘর থেকে বেরিয়ে গেল। অথচ কাজললতার ঐ মৃণাল বাহ আর রক্তিম করতলের স্নকোমল ও উত্তপ্ত স্পর্শের জন্য এই নন্দই একদিন কি রকম উন্মুখ করে বেড়াত! সে দিন গেছে, সে দিনের আশা, আকাঙ্ক্ষা আর স্বপ্ন ঝরা পাতার মত জীবন থেকে বিচ্যুত হয়ে গেছে। হায়!

রান্নাখিরে বাটনা ঝাঁটবার যে শিলটা রয়েছে তারি উপর কাজললতার মাথা খুঁড়তে ইচ্ছে হয়, নিষ্ফল অভিমানে তার ঠোঁট ছোটো বারবার কাঁপতে থাকে, বকের ভিতর থেকে যে ছরস্ক্র ক্রন্দনাবেগটা উপরের দিকে উঠে আসতে চাইছে তাকে দমন করার জন্য প্রাণপণে কাজললতা দাঁতে দাঁত চেপে ধরে।

## প্রান্তরের গান

নন্দ বেরোল।

বাইরে হরিচরণ চুপ করে বসে ছিল। মাস দুয়েকের মধ্যে হরিচরণের একটা দ্রুত পরিবর্তন হয়েছে। তাকে দেখলে আজকাল ভয় হয়। বোধ হয় মানুষটার বাঁচবার মিয়াদ কমে আসছে। দু'মাস ধরে মোকদ্দম চলছে, অজস্র খরচ হয়ে গেছে তার। আবার ধার করতে হয়েছে তাকে, হরিভূষণ গাঙ্গুলীর কাছে আবার পাঁচ বিঘা জমি বন্ধক রাখতে হয়েছে। অবশ্য এবার সে আর ভুল কন্সেনি—এবারকার মিয়াদ বেশী—এক বছরের। কিন্তু যে জন্য এত করা—সেই ধলেশ্বরীর ধারের দশ বিঘা জমির আশা কিন্তু তার আর নেই। যে অদৃশ্য শক্তি পৃথিবীর সব কিছুকে পরিচালিত করে তারি বহিঃপ্রকাশ হচ্ছে অর্থ—সেই অর্থ নিকুঞ্জসার মন্ত বড় সিন্দুকে কুম নেই। সুতরাং হরিচরণের পরাজয় সুনিশ্চিত। ঐ দশ বিঘা জমির উপর অচিরেই ডিক্রিজারী হবে। বাকী যা আছে তাতে সংসারের ব্যয়নির্বাহই কষ্টকর হয়ে উঠবে। এখন আশা নন্দ। অথচ নন্দ যা পায় তা সব মোটেই দেয় না, পাঁচ টাকা সাত টাকার বেশী সে কিছুই দেয় না। বাকী টাকা সে খরচ করে ফেলে বিলাসিতায়। ভাবতে গিয়ে মাথাটা হঠাৎ ভেঁা ভেঁা করতে থাকে হরিচরণের, মনে হয় যেন সে একমাস ধরে জ্বরে ভুগছে।

“নন্দ”—ছেলেকে সে ডাকল।

“কি?”

“পরশুদিন সহরে যেতে হবে—উকীলের কাছে, আমায় পাঁচটা টাকা দিতে পারবি।”

“টাকা! টাকা ত' নেই—”

ঘরের ভিতর দাঁড়িয়ে দাঁড়িয়ে কাজললতা নন্দ'র কথাগুলো শুনতে পাচ্ছে।

## প্রান্তরের গান

“এরি মধ্যে সব ফুরিয়ে গেল?” হতাশকণ্ঠে হরিচরণ প্রশ্ন করল।

“হ্যাঁ।” পরিষ্কার গলায় নন্দ উত্তর দিল।

নিরুপায় হয়ে হরিচরণ শুক হয়ে রইল। নন্দ চলে গেল আর তার দিকে তাকিয়ে কাজললতা একটা গভীর দীর্ঘনিঃশ্বাস ত্যাগ করল।

আজ হোলি। বসন্ত-বাতাসে আজ আশ্র-মুকুলের সুরভি ভেসে আসছে, আসছে কোকিলের গান আর রঙীন ধূলো। প্রথম ঘোবনের তৃষ্ণার্ত আবেগে সব কিছু যেন কাঁপছে চারদিকে। আকাশের নিঃসীম রাজপথ দিয়ে যেন কারা আজ উৎসবে চলেছে—তাদের অশ্রুট কোলাহল আর কলহাস্ত যেন কান পাতলে শোনা যায়। কোথায় এক অদৃশ্য রঙ্গমঞ্চে যেন মৃদঙ্গের আওয়াজ হচ্ছে, অপরূপ লাস্যময়ী স্বর্গের মেয়েরা তার তালে তালে নৃত্য করছে। মাঝে মাঝে তাদের তাল যখন উদ্দাম হয়ে উঠছে, তখন তাদের স্বর্ণাঞ্চল দ্রুত আবর্তিত হচ্ছে, বাতাসে একটা দম্কা ঘূর্ণী জাগছে তার ফলে আর শুকনো পাতা ধূলো ও উড়ছে—চক্রাকারে—সশব্দে।

আজ হোলি। আজ আনন্দের দিন, উৎসবের দিন।

কিন্তু তাতে মাধবীর কি?

মাধার উপরে ঝকঝকে আকাশ, ভ্রাম্যমান শুভ্র মেঘের পুঞ্জ, প্রসারিত-গন্ধ চিল, ক্ষিণের বার্তাস, কনকচাঁপার মত থোলো থোলো আশ্র-মঞ্জরী, মাটির সূত্রাণ। সবই সুন্দর, সবই উৎসবের আনন্দে ভরপুর। কিন্তু মাধবীর প্রাণে আনন্দ নেই, সুখ নেই, শান্তি নেই। সব আছে তবু কিছুই নেই মাধবীর। কারণ প্রবীর নেই। কোথায় আছে প্রবীর, কি করেছে এখন সে? উচু উচু দেওয়ালের আড়ালে, ছোট

## প্রান্তরের গান

একটি ঘরে বসে কি ভাবছে সে ? মাধবীর কথা কি দিনান্তে একবারও  
স্মরণ করে প্রবীর ?

না, মাধবীর মনে কোনো রঙ নেই, মাধবী আজ হোলি খেলবে না ।

হাঃ হাঃ হাঃ । উচ্ছ্বসিত হাসির শব্দ শোনা যায় । কৃত্রিম ভয়  
পাওয়ার ভাব দেখিয়ে বাঁচতে চায় লোকেরা কিন্তু পালাতে গিয়েই রঙে  
ভিজ়ে ওঠে । অনেকে আবার নিদারুণ অসহায়তা উপলব্ধি করে স্থির  
হয়ে দাঁড়ায় । একগা রঙ আর একমুখ বাঁহুরে কালি বা আলকাঁরা  
মুখে নিয়ে অন্তরের প্রচণ্ড ক্রোধকে অমায়িক হাসিতে রূপান্তরিত করতে  
গিয়ে বিকৃত মুখভঙ্গী করে ।

অনেক পদধ্বনি ; শুক মাটিতে লাল, নীল, গোলাপী আর হলুদে  
রঙের ছোপ, ক্রোধোক্তি, ঝগড়া, কোলাহল আর হাসি, হাঃ হাঃ হাঃ ।  
হোলি ছায়া ।

অন্তরের অন্ধকার গুহার সেই পশুটা নন্দকে পথ দেখিয়ে দেখিয়ে  
নিয়ে যায় ।

ললিতা ঘরের বারান্দায় টলছে । পরণের বাসুন্তী রঙের পাংলা  
শাড়ীটার উপর গোলাপী আর সবুজ রঙ পড়েছে । পানের রসে  
ঠোট দুটো টুকটুকে লাল, অল্প একটু নেশার ঘোরে ঠোঁট দুটো চুলচুল ।

“এই যে ওস্তাদ, এসো—এসো এসো বঁধু আধ আঁচরে বোস—”  
সুর করে গান ধরল ললিতা ।

একজন এসে হেসে বলল, “রঙ দিই ললিতা ?”

“এ্যা ! দেবে ? দাও—কিন্তু কোন্ জারগায় দেবে বাওয়া ?”



## প্রান্তরের গান

নন্দ'র মাথার শিরাগুলো হঠাৎ একসঙ্গে দপ্ করে উঠল, সোজা সে উঠে গেল ললিতার ঘরের দাওয়ায় ।

“তুমি রং দেবে না ওস্তাদ ?”

“দেব ?”

“হ্যাঁ—দাও ।”

নন্দ হঠাৎ ললিতার একথানা হাত চেপে ধরল । যেন পুড়ে গেল সে ।

“দেব—আবির ?”

“দাও গো ওস্তাদ—দাও ।” ললিতা মুচ্‌কি মুচ্‌কি হাসে ।

এক হাতে ললিতার মাথাটা ধরে, আর এক হাত দিয়ে ললিতার মুখে আবির মাখিয়ে দিল নন্দ । তার পরে ছ'হাত দিয়ে তার মুখটাকে তুলে ধরে সে তাকাইল । মোহিনীর মত অপরূপ এই ললিতা ।

“কি রে নন্দ—ও আবার কি হচ্ছে ?” রাস্তা দিয়ে আসছিল পরেশ, কারখানার সাথী । সেও উঠে এল ।

নন্দ একটু লজ্জা পেল, “কিছু না—কিছু না—একটু আবির দিচ্ছিলাম—”

ললিতা খিলখিল করে ঝেঁসে উঠল, “আর একটু ললিতাসুন্দরীর মুখ দেখছিলাম—”

“আমি ষাই”—নন্দ নীচে নামতে গেল ।

“সন্ধ্যার সময়ে এসো ওস্তাদ, তোমায় নেমস্তন্ন করছি আজ”—হঠাৎ নন্দ'র হাতটা ধরে মৃদু একটা চাপ দিল ললিতা ।

নন্দ কেঁপে উঠল ।

পরেশ বলল, “বিকেলে আমাদের ওখানে গানবাজনার আসর বসবে—মনে আছে নন্দ ?”

## প্রান্তরের গান

“হু”—মাথা নেড়ে কথাটাকে বলল নন্দ।

“আসিস কিন্তু বুঝলি?”

“হু—আচ্ছা, এখন যাই—”

ললিতা হাত ছাড়ে না, “আমার কথার জবাব চাই।” তার চোখ দুটো জলছে।

যেন কানে কানে কথা বলল নন্দ—“ছাড়—আসব, আসব পরে—।”

ললিতা হাত ছাড়ল। নন্দ মুহূর্তকালের জন্য একটা চকিত দৃষ্টি নিক্ষেপ করে নীচে নেমে গেল।

পরেশও যাচ্ছিল, ললিতা ডাকল।

“শোন—”

“কি?”

“একটা কাজ করবে আমার?”

“তোমার কাজ! মুনি ঋষিরা পর্য্যন্ত তোমার কাজ করে দিতে পারলে ধন্য হবে, আমি ত কোন্ ছার—”।

“ঠাট্টা নয়, শোন।”

“বল।”

সব কথা শুনল পরেশ। সে রাজী হল। গানের আসরে আজ একটু খেনো খাওয়াতে হবে নন্দকে, তার পরে তাকে এনে ললিতা’র ওখানে পৌছে দিতে হবে। নন্দ নাকি এককালে ললিতাকে ঘৃণা করত, তার পাপস্পর্শকে সে নাকি সযত্নে পরিহার করত, বেশ। বলে তাকে নাকি সে নিদারুণ অপমান করত। সেই নন্দকেই আজ ললিতা মাথা নীচু করাবে। মন্দ কি!

## প্রান্তরের গান

ছপুষ্টবেলায় নন্দ ফিরে এল।

কাজললতা একটু আবির্ভাব নিয়ে এল। নন্দ'র পায়ে দিয়ে মাথা লুটিয়ে  
প্রণাম করল।

“ধাক্—ধাক্, হয়েছে, সুখী হও” —নন্দ একটু অপ্রস্তুত হয়ে গেল।

কাজললতা স্থির দৃষ্টি মেলে নন্দ'র দিকে তাকাল।

“সুখী হব?” কাজললতা বিষন্ন হাসি হাসল, “তুমি যদি আমার উপর  
বিরূপ হও তবে কি করে সুখী হব?”

নন্দ হঠাৎ রুদ্ধ হয়ে উঠল, “কেন? আমি তোমার উপর বিরূপ  
কেন?”

কাজললতা মুখ ফিরিয়ে নিল।

নন্দ কাজললতার দিকে তাকাল। সে এখন কি বিশী হয়েছে দেখতে!  
গাল দুটো ভেসে গেছে, চোখে ফুটে উঠেছে গরুর মত একটা অসহায়  
ড্যাভেবে ভাব, দেহটা হয়েছে সৌষ্ঠবহীন। অথচ ললিতা? নন্দ  
মুখ ফিরিয়ে নিল।

“কি করে বুঝলে যে আমি তোমার উপর বিরূপ?”

কাজললতা মাথা নীচু করে বলল, “আমি কি মানুষ নই যে  
বুঝব না?”

“বটে! খুব যে কথা বলতে শিখেছ আজকাল। বুঝেছ, কি বুঝেছ  
তুমি?”

“তুমি আমাকে আর ভালবাস না।”

হঠাৎ কাজললতা বৈদে ফেলল। মুখে হাতচাপা দিয়ে কান্না চাপতে  
গিয়ে তার শরীরটা থর থর করে কাঁপতে লাগল।

নন্দ'র ক্ষমতা কমে গেল সে কান্না দেখে। একটু অমূল্যতাপও হল  
তার। বেচারী! ওকে কাঁদিয়ে লাভ কি? তাছাড়া ও ত' ঠিক দোষী

## আবিরের গান

নয়। আসলে যে পরিবর্তন তার মনে ঘটছে তার কারণ কাজললতা নয়, সে নিজেই। সে কারণ তার নৃতনের মোহ, সে কারণ ললিতার ভয়ঙ্কর আকর্ষণ।

“কৈদো না—ছিঃ—ওঠ”—নন্দ তাকে থামাতে চেষ্টা করল। তবু কাজললতার কান্না থামেনা।

“ওঠ”—নন্দ কাজললতাকে টেনে তুলল, কাজললতা তার বুকে লুটিয়ে পড়ল।

আবার সেই পান্‌সে অনুরাগ, মিন্মিনে কান্না। তবু আদর করতে হবে, মিষ্টি কথা বলতে হবে, একটি চুষন এঁকে দিতে হবে এই ক্রন্দনরতা বধুটির মুখে। আর ঠিক সেই মুহূর্তেই নন্দ ললিতার কথা ভাববে, কাজললতাকে আলিঙ্গন করলেও সে মনের দিক থেকে দূরে সরে যাবে তার কাছ থেকে। না, আর উপায় নেই। নন্দ’র মনে একটা পচন ধরেছে।

তবু নন্দ বলল, “ভালবাসি না? পাগল—তুমি পাগল—বাসি, ভালবাসি বৈকি।”

কোলাহল, শব্দ, গান আর আবিরের ছড়াছড়ি তার মধ্যে মাথার ঠিক থাকে না নন্দ’র। তারি এক ফাঁকে পরেশ প্রলোভন দেখায়, বারংবার অনুরোধ করে। আজ হোলি, আজ উৎসব। আচ্ছা, বেশ। এক পাত্র ধেনো গিলল নন্দ। কণ্ঠনালী থেকে জঠর পর্য্যন্ত একটা বিচিত্র অগ্নিজ্বালায় জ্বলতে লাগল। তিক্ত স্বাদে পূর্ণ মুখে কিছু ঘুগ্নি-

## প্রান্তরের গান

জানা ফেলে দিয়ে সে পরেশের দেওয়া একটা সিগারেট ধরিয়ে অনর্গল ধোঁয়া ছাড়তে লাগল।

সবাই ধরল, “নন্দ, তোকে এবার গাইতে হবে।”

“বহুৎ আচ্ছা বাবা”—

গান শুরু হল। একটার পর একটা গেয়ে চলল নন্দ।

ইতিমধ্যে সেই অনিবার্য ক্রিয়া আরম্ভ হয়েছে। একটা অদ্ভুত ও নূতন অমুভূতি।

গান শেষ হতেই পরেশ তাকে আড়ালে ডেকে নিয়ে গেল।

“কি রকম লাগছে ওস্তাদ?”

“বুকটা জলে যাচ্ছে।”

“আর কিছু ন? একটুও কি আমেজ পাচ্ছ না?”

“তা পাচ্ছি বৈকি একটু আধটু।” নন্দ হাসল।

“আর একটু খাবি?”

“না—না।”

“খা না শালা—কথা রাখ্।”

“না মাইরি”—

কিন্তু খেতেই হল আর একটু।

“ললিতার নেস্তনের কথা মনে আছে ত?” কানের কাছে মুখটা নিয়ে এলো পরেশ।

“ঐ্যা!”

“ললিতা।”

ঠিক বটে। সন্ধ্যা হয়ে গেছে।

“খাবি না?”

“খাব?”

## প্রান্তরের গান

“নিশ্চয়ই। চল।”

মিথ্যে একটা অছিলা করে আড্ডা থেকে বেরোল চুজনে।

ঠিকভাবে পা পড়ে না। কণ্ঠনালী, বুক আর জঠর আবার জলছে। হাত, পা আর দেহের গ্রন্থিগুলো যেন হঠাৎ আলগা হয়ে গেছে, ওরা মেন আর মনের অধীনে নেই, ইচ্ছেমত ভঙ্গী করছে। সমস্ত রক্তশ্রোতে, স্নায়ুতে, শিরাতে একটা কিম্বকিমানি ভাব, কি যেন শরশর করে বারংবার উঠছে আর নামছে তা দিয়ে। দৃষ্টি স্তিমিত, চেতনা অচ্ছিন্ন, মস্তিষ্ক যেন নেই। নেশা।

“কি রকম লাগছে র্যা নন্দ?”

“ভাল—ভাল লাগছে বাওয়া।”

“টলছিঁস্ যে রে?”

“খ্যৎ, কে যেন টলাচ্ছে তাই।”

“হাঃ হাঃ হাঃ”—

আখড়া থেকে খোল করতালের তুমুল শব্দ ভেসে আসছে। হোলি হয়।

ললিতার বাড়ী।

বারান্দার সামনে তিনচারজন হল্লা করে গল্প করছিল। ললিতা'র সঙ্গে।

পরেশ আর নন্দকে দেখে ললিতা বলল, “তোমরা এসো বাবা— আমার অতিথি আছে।”

“অতিথি! কেমন অতিথি গো?” একজন হেসে প্রশ্ন করল।

পরেশ নন্দকে বলল, “দাঁড়া—ওরা যাক!”

“আচ্ছা বাওয়া”—অন্ধকার যেন আরো অন্ধকার হয়ে উঠেছে নন্দর কাছে।

## প্রাস্তরের গান

“অত খবরে তোমার দরকার কি মুখপোড়া ? এবার যাও দেখি”—  
ললিতা লোকগুলিকে বলল।

“আচ্ছা বাবা, রাগ করো না, যাচ্ছি।”

ওরা চলে গেল।

পরেশ নন্দ’র হাত ধরে টান দিল।

“এসো—এসো, তোমারই পথ চেয়ে আমি বসে ছিলাম ওস্তাদ।”  
ললিতার কণ্ঠস্বর জড়ত।

নন্দ বারান্দায় উঠল।

পরেশও উঠছিল, ললিতা তার কাছ ঘেষে মুছকণ্ঠে হেসে বলল  
“অজ্ঞ আমি আর ওস্তাদ পরেশ।”

“বটে !”

“হ্যাঁ।”

“আচ্ছা। ওরে নন্দ—তুই থাক, আমি আসছি, আমার কাজ আছে।”

পরেশ চলে গেল।

“ভিতরে এসো।” ললিতা আহ্বান করল।

“চল।”

নন্দ ভিতরে ঢুকল। ঝকঝকে, তক্ককে ললিতার ঘর। এককোণে  
ছেঁড় একটি তন্তুপাষের উপর শুভ্র শয্যা। দেওয়ালে তিনচারটা পট  
আর একটা রাধাকৃষ্ণের যুগলমূর্তির ছবি। আল্নাতে কৌচানো শাড়ী,  
স্নান। এককোণে দুটা বাস। সব কিছু নিখুঁত, সুসজ্জিত।

“বোস।”

“তোমার ঘরটা দেখতে তো বেশ চমৎকার ললিতা।”

“তাই নাকি ? ভাল, এবার বোস দেখি, এই আসনটাতে বোস।”

“কি ব্যাপার—খাওয়াবে ?”

## প্রান্তরের গান

“হ্যাঁ—আজ নেমন্তন্ন যে।”

“ওঃ”—

“ঘেন্না হচ্ছে বেঞ্জার হাতে খেতে?”

“তা থাকলে আসতামই না ললিতা।”

“তবে খাও”—

“খাচ্ছি।”

খাওয়া হোল।

ললিতা মসলা দিল এনে।

“সবই জান দেখছি।” মন্তচক্ষু মেলে নন্দ হাসল, তার স্বর কাঁপছে।

নিরন্তরে ললিতা দরজার কাছে গেল, খিলটা লাগিয়ে দিল।

“দরজা বন্ধ করলে?” নন্দ ঘামতে আরম্ভ করল। হঠাৎ এক ঝলক রক্ত যেন তার মাথায় চড়ে গেল। ঝাণসা চোখ মেলে সে ললিতার দিকে তাকাল।

দরজায় হেলান দিয়ে দাঁড়াল ললিতা।

“তুমি খেলে না ললিতা?”

“খেয়েছি।”

নন্দ ললিতাকে দেখে। যেন একটা রহস্যময়ী মোহিনীমূর্তি তার সামনে। শয্যাপার্শ্বে পিলুজের উপর যে প্রদীপটা জ্বলছে তার ক্ষীণ আলোকে আরো রহস্যময়ী হয়ে উঠেছে ললিতা।

চেতনায় একটা স্তিমিত অস্বভূতি। চোখের সামনে একটা কালো মসলিনের পরদা। সেই পরদার উপরে একটা চিত্রিতের শিখা।

“আমায় দেখছ ওস্তাদ?” ললিতার কাঁধ থেকে আঁচলটা পড়ে গেল।

“হ্যাঁ।” ললিতার উন্মুক্ত বক্ষদেশ আর সেই উন্নত ছট মাংসপিণ্ড।

“আমি দেখতে কেমন ওস্তাদ?”



## প্রান্তরের গান

“ভাষা খুজে পাচ্ছনা।” নন্দ উঠে দাঁড়াল, সমস্ত দেহে যেন আগুন জ্বলে উঠেছে। সে এগিয়ে গেল।

“সেকি ! তুমি কবি মানুষ, তুমি ভাষা খুজে পাচ্ছ না !”

“তাইত দেখছি”—নন্দ ললিতা’র সামনে গিয়ে দাঁড়াল।

কয়েকটি মুহূর্ত। ললিতার চোখে এক অদ্ভুত সন্মোহন দৃষ্টি, ঠোঁটের কোণে এক বিচিত্র হাসি।

হঠাৎ ললিতার স্থলিত বসন ধরে নন্দ একটা টান দিল।

নগ্নতা। কিন্তু অপরূপ।

“তুমি পাগল ওস্তাদ।”

“তুমি অপূর্ণ ললিতা—তুমি অপরূপ !”

ছুহাত বাড়িয়ে ললিতাকে পাজাকোলা করে তুলে নিল নন্দ।

“দাঁড়াও”—নন্দ’র আলিঙ্গন থেকে একটু মুক্ত হয়ে প্রদীপটাতে ফুঁ দিল ললিতা।

নন্দ’র জীবনে অন্ধকার ঘনিয়ে এল। কাজললতা ? সে কে ?

অন্ধকারে একটা নূতন প্রদীপ জ্বলল ললিতা’র মনে। প্রতিশোধ কামনাটাই শেষ কথা নয়, তার পিছনে আর একটা কামনা ছিল ললিতা’র। নন্দকে জয় করার কামনা। আজ এই অন্ধকারে, নন্দ’র বাহ্যিক নিষ্পেষণতলে হঠাৎ সে আবিষ্কার করল যে বেষ্ঠা ললিতারও ভালবাসার সাধ আছে।

## প্রান্তরের গান

শেষ রাতে বাড়ী ফিরল নন্দ ।

যেন একটা অনন্ত নরককুণ্ড থেকে সে উঠে এল । \* তার প্রতি  
রোমকূপে অপরিসীম গ্রানি আর ক্লেদাস্ত অবসাদ, স্নায়ুতে দুর্বল চেতনা ।  
হঠাৎ ধিক্কার এল তার । একি করেছে সে ?

যেন ছুটে সে বাড়ী এল ।

“কাজল—” ফিম্ফিস্ করে সে ডাকল ।

কাজললতা জেগেই ছিল, এক ডাকেই সে দরজা খুলে দিল ।

“কোথায় ছিলে এতক্ষণ ?” ভীষ্মকণ্ঠে কাজললতা প্রশ্ন করল ।

“কোথায় আবার থাকব ? কোন্‌ চুলোয় আবার—গানের আড্ডায় ।”  
এমন ভাবে বিরক্ত হয়ে উঠল নন্দ যেন কাজললতা কোনো অগ্নায়  
কথা বলেছে তাকে ।

কাজললতা চুপ করে রইল ।

“এক ঘটি জল দেখি ।” নীরসকণ্ঠে দাবী করল নন্দ ।

কাজললতা জল এনে দিল ।

খুব ভাল করে মুখ হাত পা ধুল নন্দ । ভিতর থেকে হঠাৎ একটা  
বিবমিষা যেন ঠেলে উঠছে, দেহের উপর অশুচি কিছু যেন জড়িয়ে  
আছে ।

ভিজি গাম্‌ছা দিয়ে গা মুছতে লাগল নন্দ ।

তারপরে বিছানায় এসে শুল সে ।

“তুমি এখনো ঘুমোওনি ?” প্রশ্ন করল সে

“না ।

হঠাৎ নন্দ কাজললতা’র কাছে সরে এল, বিকারগ্রস্তের মত  
হঠাৎ সে কাজললতাকে নিবিড় ভাবে বুকে টেনে নিল । পাগলের মত  
সে কাজললতা’র মুখ চোখ চুষনে ভরে তুলল । নিজের আত্মধিকারের

## প্রান্তরের গান

জালায় ও প্রথম পাঁপের অমৃতাপবহিক কমাবার জন্ত নন্দ মরিয়া হয়ে উঠেছে।

“থাম—থাম, পাগল কোথাকার—” কাজললতা আনন্দের চেয়ে ভয় পায় বেশী।

“না”—যেন একটা উদ্ভাদ কথা বলছে, “না। কাজললতা, তুমি ভারী ভালো মেয়ে, কাজললতা—তোমায় আমি হুঃখ দিই আজকাল, আমার উপর রাগ করো না তুমি—রাগ করোনা।”

কিন্তু উদ্ভাদের সেই প্রলাপ ও চুষনের মধ্য দিয়ে একটা গন্ধ ভেসে এল। কাজললতা নিঃশ্বাস বন্ধ করল। এ কিসের গন্ধ? এই অম্লভূতির সঙ্গেই যে কথাটা মনে হল কাজললতা’র তাতে তার বুকের স্পন্দন যেন থেমে গেল, তার সমস্ত শরীর যেন অবশ হয়ে এল। চোখ বুজে মড়ার মত পড়ে রইল সে।

দিনের আদৌতে নুখ দেখাতে যেন লজ্জা হচ্ছে নন্দর।

কাজললতা’র দিকে সে ভাল করে তাকাতে পাচ্ছে না। একটা আত্মদাহী জালায় তার দেহমন যেন পুড়ে যাচ্ছে। বেশী কথা বলছে না সে, চুপ করে ঘরের কোণে বসে আছে।

পাটকলের বাঁশী বাজল।

নন্দ কারখানায় গেল।

ফিরবার সময় সে আজ অল্প পথ দিয়ে এল। কারখানায় সে ললিতাকে একবার দেখেছিল বটে। ললিতা মূহু হেসে তার দিকে এগিয়ে আসতেই সে কাজের অছিলায় অল্প দিকে চলে গিয়েছিল, যানে পালিয়েছিল ললিতা’র আবহাওরা থেকে।

## প্রান্তরের গান

কিন্তু ললিতা'র প্রভাবকে এড়াবার জগৎ এই চেষ্টার ফাঁকে ফাঁকে ললিতা'কে আবার মনে পড়ে। নিদাঙ্গ লজ্জার মধ্যে নন্দ অবিস্কার করে যে ললিতার অপরূপ দেহস্থিতি, তার আশ্চর্য্যকর আলিঙ্গন আর ভালবাসার কথাগুলি তার মন তারও অজ্ঞাতে রোমন্থন করছে।

বাড়ী ফিরল নন্দ।

সেদিন আর সে বেরোল না। প্রচণ্ড অন্তর্দ্বন্দ্বে সে বিছানায় এপাশ ওপাশ করতে লাগল। কাজললতাকে ছুঁতিনবার আদর করল, কিন্তু সে এমনি অর্থহীন ও উত্তাপহীন আদর যে কাজললতা তার আলিঙ্গন থেকে দূরে সরে গেল, নিশব্দে কাঁদতে কাঁদতে।

আবার নূতন দিনের প্রভাত হল।

দিনটা সেই ভাবেই কাটল।

নন্দ কারখানা থেকে ফিরল, সন্ধ্যা হল।

কিন্তু অন্ধকার হতেই যেন নন্দ দুর্বল হয়ে পড়ল। ললিতার ছবি ভাসে চোখের সামনে। কে যেন ডাকছে তাকে। বারংবার কে যেন তার কানের কাছে মুখ নিয়ে এসে বলছে—চল চল—সময় হয়েছে।

ভূতগ্রস্তের মত সে হঠাৎ বেরোল।

“কোথায় যাচ্ছ?” কাজললতার শুষ্ক কণ্ঠ ধ্বনিত হল।

“কোথায় আবার—একটু বেড়াব না?”

নিশ্চয়ই, নন্দ বেড়াবে বই কি।

ললিতা ঘরে ছিল।

ঘরের ভিতর দ্রুতপদে ঢুকে দরজাটাকে বন্ধ করে দিল নন্দ। পিছনে কে যেন আসছে।

“এসেছ!” ললিতা হেসে কাছে এল, ছুঁহাত দিয়ে নন্দ'র কণ্ঠদেশ বেঁটন করে ধরল।

## প্রাস্তরের গান

“ললিতা-ও ললিতে—” বাইরে থেকে কে যেন দরজায় মূহু করাঘাত করল।

ললিতা নন্দকে ভিতরের দিকে ঠেলে দিল।

দরজাটা একটু ফাঁক করল সে, “কে?”

“আমি।” যেন ভয় পেয়েছে এমনভাবে কথা বলছে আগন্তুকটি।

ললিতা খিলখিল করে হেসে উঠল, “ওঃ, নিমাই পণ্ডিত!”

“চূপ—কি, যে বল! নাও, সর দেখি।”

ললিতা মাথা নাড়ল, “উহু, আজ হবে না বাডুঘো, আজ আমার নাগর ভিতরে আছে।”

“কে সে হতভাগা?”

“সে জেনে কি হবে—নাও, যাও।”

“বটে! আচ্ছা!”

নিমাই বাঁডুঘোর দ্রুত পদশব্দ বাইরে মিলিয়ে গেল।

ললিতা দরজা বন্ধ করল।

“বোস।” নন্দর হাত ধরে সে তাকে তক্তাপোষের উপর নিয়ে বসাল।

নন্দ কাঁপছে। নিজেকে সে দমন করতে পারল না! লজ্জায় সে কাঁপছে। আর কাঁপছে ললিতার অদ্ভুত স্পর্শমুভূতিতে।

“কাল এলে না যে!” ললিতা মুচ্কি হাসল।

“কান্ন ছিল।” নন্দ গুরুতালুকে সিন্ধু করে।

“কাজ! বটে! না বোয়ের ভয়ে আসতে পারনি?” ললিতা আবার নন্দর কণ্ঠদেশ বেঁটন করল।

নন্দ যেন একটা নাগিনীর নাগপাশে জড়িয়ে পড়েছে।

“ধ্যেৎ—বোকে ভয় করব কেন?” নন্দ বিকৃত হাসি হাসল।

## প্রাস্তরের গান

যতই ললিতার আলিঙ্গন দৃঢ় হচ্ছে, যতই তার দেহ নন্দ'র দেহের কাছে আসছে, যতই তার তৃষ্ণার্ত ওষ্ঠদ্বয় নন্দ'র মুখের কাছে এগিয়ে আসছে ততই নন্দ'র দেহমন যেন তরল হয়ে পড়ছে, ততই তার লজ্জা, ভয় আর নীতির বাধ ভেঙ্গে পড়ছে। কাজললতা? সে কে? তার কথা নন্দ'র আর মনে নেই।

সময় কাটতে লাগল।

জলন্ত নরকের একটা অপূর্ণ ও অসহ্য স্মৃতি নিয়ে, মদমত্ত অবস্থায় নন্দ বাড়ী ফিরে এল।

আজ আর কাজললতা'র সন্দেহের কিছু নাই।

পাথরের মূর্তির মত সোজা হয়ে দাঁড়িয়ে সে স্বামীর দিকে তাকাল, “তুমি টল্ছ?”

“হ্যাঁ—টল্ছি, তাতে হয়েছে কি, কি হয়েছে শুনি?”

“তুমি মদ খেয়েছ!” আর্তকণ্ঠে বলল কাজললতা।

“হ্যাঁ, খেয়েছি, তাতে হয়েছে কি? এঁ্যা?”

“ভগবান—ভগবান—” মাথার উপরকার আকাশটা হড়মুড় করে ভেঙ্গে পড়েছে কাজললতা'র মাথার উপর। সব যেন অন্ধকার হয়ে গেছে।

নন্দ বিকৃতকণ্ঠে হাসল, যেন মাছি তাড়াচ্ছে এমনভাবে একটা হাত নেড়ে বলল, “ভগবান? সে আবার কে বাওয়া? ধোং, থামাও ও সব মাইরি—আমি ঘুমোব—”

ধপ্পরে বিছানা'র উপর বসে গড়িয়ে পড়ল নন্দ।

একটুবাদেই তার নাসিকাগর্জ্জন শোনা গেল।

পাথরের মূর্তিতে ক্ষীণ চেতনা এল। কাজললতা ঘুরে দাঁড়াল। ধীরে ধীরে সে দরজা খুলল, ভিতরের বারান্দার গিয়ে বসল। চারদিক

## প্রান্তরের গা

জ্যোৎস্নার আবীর মেখে অপরূপ হয়ে উঠেছে। গ্রাম নিস্তর। দীপ্তি পৃথিবী। অপরূপ শান্তি আর সৌন্দর্যে যেন পরিপ্লাবিত হয়ে উঠেছে আঃ। কিন্তু মানুষের মনের ভিতরে কোথায় শান্তি, কোথায় সৌন্দর্য ভগবান।

হঠাৎ কাজললতা নিজের গর্ভের উপর হাত রাখল। তার সাস্তু তার দুঃখজয়ী মস্ত আছে সেখানে। কাজললতা যেন দেখতে পাচ্ছে তার গর্ভান্তরালে এক ফুলের মত শিশু। সে একদিন ভূমিষ্ঠ হবে বড় হবে, কথা বলতে শিখবে, তাকে 'মা' বলে ডাকবে, তাকে ভালবাসবে তার নারীত্বের সমস্ত দুঃখও আক্ষেপ সে একদিন ধুয়ে মুছে ফেলবে কাজললতার ছেলে।

কবে? কাজললতা কেঁদে কেঁদে সেই অজাত শিশুকে প্রশ্ন করে কবে, কবে আসবি তুই? ওরে সোনামণিক, কবে আসবি?

দিন কেটে চলল। দিনের পর মাস।

হরিচরণের অদৃষ্ট ভাল নয়। মোকদ্দমায় সে হারল। নিকুঞ্জদাসের স্বপ্নই সত্যি হল।

হরিচরণের সংসার ভেঙ্গে পড়ছে। ধীরে ধীরে।

গ্রামের ইতিহাস সেই এক।

## প্রান্তরের গান

শিখা সহরে গেছে। কারাগারের রুদ্ধ ঘরের দিকে সে কান পেতে রয়েছে—কবে সে লৌহদ্বার খুলবে, কবে প্রবীরের পদধ্বনি শোনা যাবে।

মাধবী'র চেহারা হয়েছে শীর্ণা তপস্বিনী'র মত। সে ভাল করে খায় না, কম কথা বলে, দিনে ছট্‌ফট করে, রাতে ঘুমোয় না। তার সুখ, তার আশা, তার স্বপ্ন এখন লৌহদ্বারের প্রাচীরান্তরালে।

ওদিকে অশ্বরী প্রেতের মত অজ্জুন ঘুরে বেড়ায়। মাধবীকে একবার দেখবার আশায়, তার সঙ্গে ছোটো কথা বলবার লোভে। নিজের দরাসাকে সে অহরহ শিক্ষিত করে চলেছে, যতই দিন কাটছে ততই সে বুঝতে পারছে যে মাধবী ছাড়া তার জীবনটা যেন অর্থহীন।

এবার নন্দ ও কাজললতা।

রসাতলের কোন্ অন্ধকার অতলে যে নন্দ তলিয়ে গেছে কাজললতা তার আর খোঁজই পায় না।

স্বামী বদলে যাচ্ছে, সে তাকে আর আদর করে না, ভালবাসে না; সে আজকাল মদ খায়, রাত করে বাড়ী ফেরে। স্বামী যেন ক্রমশঃই তার কাছ থেকে দূরে সরে যাচ্ছে, সে যেন ক্রমশঃই অপরিচিত হয়ে উঠছে, সে যেন দিনরাত কি ভাবে আজকাল।

কার কথা? কাজললতা'র মনে নূতন একটা সন্দেহ ঘনিপে এল। কার কথা ভাবে নন্দ? সে কি অত্ন কোনও নারী? কাজললতা শিউরে উঠল, বুকে হাত দিয়ে একটা চাপা আর্তনাদ করে মাথা নাড়ল। না, না, তা হবে কেন? স্বামী তার এমন হবে কেন? না, না, এ তার মিথ্যা ভয়, অত্নায় সন্দেহ।



## প্রান্তরের গান

কিন্তু কয়েকদিনের মধ্যেই ব্যাপারটা জানতে পারল কাজললতা। কথা কামাকানি হতে সকলের কানেই কপাটা পৌঁছল। বড় বড় সহরেও মানুষের কিছুই গোপন থাকে না আর এত ছোট্ট একটা গ্রামের ব্যাপার। সবাই শুনল। হরিচরণ, রাসমণি, মাধবী আর কাজললতা—সবাই জানল যে নন্দ ললিতার ওখানে যায়, বেশ! ললিতার প্রেমে পড়ে নন্দ'র মাথার আর ঠিক নেই।

মিথ্যা ভয় নয়, অত্যাশ্চর্য সন্দেহ নয়। কাজললতার মন তাকে ঠিকই বলেছিল। কাজললতা কি করবে? সে কি কঁাদবে? সে কি স্বামীকে কিছু বলবে? সে কি গলায় দড়ি দেবে?

শিউরে উঠল কাজললতা। না—না। সোনামণি, কবে, কবে আসবি তুই? আমি যে আর সহিতে পারছি না বাবা!

কিন্তু কিছুই কি করতে পারে না কাজললতা? নিরুপায় বেদনায় সে কি শুধু দেখবে যে তার ঘর থেকে প্রায়ই স্বামী বেরিয়ে যাচ্ছে ঐ বেশাটার কাছে! সে কি শুধু বলির পশুর মত জেগে জেগে বসে থাকবে আর নন্দ যখন অন্ধারাত্রে বা শেষরাত্রে ফিরে আসলে তখন রুদ্ধদ্বারটা খুলে দিয়ে নন্দের মুখের তীব্র মদগন্ধ নিঃশ্বাসের সঙ্গে টানবে? শুধুই কি জ্বলবে কাজললতা?

না।

একবার চেষ্টা করবে কাজললতা। একবার—শেষবার।

সন্ধ্যার অন্ধকারে চুপি চুপি সে বেরিয়ে গেল ঘর থেকে। তার আর ভয় বা লজ্জা নেই।

## প্রাস্তরের গান

ঘরের মধ্যে নারীমূর্তি দেখে ললিভা বিস্মিত হল, “কে ? কে গা ?”

“আমি”—ঘোমুটাটা সরাল কাজললতা ।

ললিতা কাছে এসে থমকে দাঁড়াল ।

“ওস্তাদের বৌ !” মুহূর্তের জন্ত বিবর্ণ হয়ে গেল ললিতা ।

“হ্যাঁ ।”

“কি চাই ? আমার এখানে কুলবধুরা ত’ আসেনা—তুমি কেন ?”

ললিতা একটু হাসল ।

কাজললতা স্থির দৃষ্টি মেলে ললিতার দিকে তাকাল, “বলব ?”

“বল ।”

“এসেছি ভিক্ষে চাইতে ।”

ললিতাও কাজললতার দিকে একদৃষ্টে তাকিয়েছিল, তার রূপকে বিশ্লেষণ করছিল সে ।

“ভিক্ষে চাইতে ! আমার কাছে ! তুমিও যে ওস্তাদের চেয়ে কথায় কম নও বাপু ।” ললিতা’র কণ্ঠে যেন বিষ মেশানো আছে ।

নিঃশব্দে সে বিষোদগারকে হজম করে শাস্তকণ্ঠে কাজললতা বলল,  
“কম হব কেন বোন—স্বামীর কাছে এতটুকু শিক্ষাও কি পাব না, তবে তার স্ত্রী হয়েছি কেন ?”

“বটে ! কিন্তু ভিক্ষেটা কি শুনি ?”

“আমার স্বামী তোমার কাছে আসে ?”

“আসেই ত’, এই ছোটো পায়ে প্রায়ই এনে-লুটোয় ~~ক~~ ক্রুকা নাগিনীর মত কুটিল হয়ে উঠছে ললিতার স্নন্দর চোখ ছোটো ।

“তুমি তাকে আর আসতে দিওনা ।”

“মানে ?”

“তুমি আমায় আমার স্বামীকে ফিরিয়ে দাও ।”

## প্রান্তরের গান

খিলখিল করে হেসে উঠল ললিতা ।

“হেসো না বোন । আমার জগতে আর কে আছে, স্বামী ছাড়া  
স্ত্রীলোকের আর কেউ নেই । আমার সর্বনাশ করো না তুমি ।”

“কিন্তু তোমার স্বামীকে যে আমারও ভাল লাগে ।”

“তুমি আমায় দয়া কর ।”

ললিতার নিঃশ্বাস ঘন হয়ে উঠেছে, কাজললতার দিকে তাকাল সে ।  
কাজললতা’র গর্ভকে লক্ষ্য করল সে । একটা অপরিচিত জ্বালা, একটা  
অহেতুক ক্রোধে তার সমস্ত শরীরটা যেন উত্তপ্ত খড়্গের মত ভয়ঙ্কর  
হয়ে উঠল ।

“দয়া !”

“হ্যাঁ ।

“করব না তোমায় দয়া—তোমার যেমন স্বামী ছাড়া কেউ নেই,  
আমারও এখন ওস্তাদ ছাড়া, আর কেউ নেই । কি ভাবছ ? আমি  
বেশা ! কেন বেগুনারা কি ভালবাসতে পারে না ? তাদেরও কি সংসার  
গড়বার সাধ হতে নেই ?”

আকুল ক্রন্দনে ভেঙ্গে পড়ে কাজললতা শেষ প্রার্থনা জানাল,  
“আমায় দয়া কর বোন, অত নিষ্ঠুর হয়ো না ।”

“না, আমি তোমায় দয়া করব না । আমার শেষ কথা এই যে তুমি  
আমার বাড়ী থেকে এখন দূর হও ।”

হঠাৎ কাজললতার ক্রুপান্তর ঘটল । তার চোখে জল আর আগুন—  
যেন মেঘ আর বিজ্যৎ ।

মর্ম বিদীর্ণ করে সে অভিশাপ দিল, “তুই আমার স্বামীকে কেড়ে  
নিবি ? পারবিনা । তুই আমায় যে কষ্ট দিচ্ছিস তার ফল পাবি—  
নিশ্চয়ই পাবি”—

## প্রান্তরের গান

গিলখিল করে হাসছে ললিতা, একটা বস্তু আবেগে যেন সে আশ্রয়  
হয়ে উঠেছে “ওরে আমার সতী সাধবীরে, তুই আমায় শাপ দিচ্ছিস্!”

“হ্যাঁ দিচ্ছি—তোমার যেন মহাব্যাধি হয়, তোমার অঙ্গ যেন খসে খসে  
পড়ে”—কাজললতা উন্মাদিনীর মত ভয়ঙ্কর হয়ে উঠেছে।

ললিতা এবার ক্ষেপে গেল, সজোরে ছুটে এসে কাজললতার ঘাড়  
ধরে সে তাকে ঘর থেকে বের করে দিল। আপদটার পায়ের শব্দ বন্ধ  
মিলিয়ে গেল তখন সে হঠাৎ দুর্বল বোধ করতে লাগল, টলতে টলতে  
গিয়ে সে বিছানার উপর গুয়ে পড়ল, চালের দিকে ছুচোখের অগ্নিগর্ভ  
দৃষ্টি মেলে চুপ করে পড়ে রইল খানিকক্ষণ। তারপরেই সে আবার উঠে  
বসল, নিজের মনে কি ভেবে বারংবার সে সভয়ে মাথা নাড়তে লাগল।

না, সে নন্দকে ছাড়তে পারে না, পারবে না। হয়ত কাজললতার  
সর্বনাশ হবে, হয়ত নন্দ’র নিজেরও সর্বনাশ হবে, তবু না, সে নন্দকে  
ছাড়বে না।

শাস্তি নেই, শাস্তি আর সুখ যেন হাওয়া হয়ে উড়ে গেছে।

ভিলে ভিলে শুকিয়ে যাচ্ছে মাধবী।

সূর্য্য ওঠে, লাল ধালার মত সূর্য্য ওঠে, আকাশকে পর্য্যটন করে সে  
সূর্য্য আবার অস্ত যায়, লাল বলের মত হয়ে পশ্চিম দিগন্তে ডুবে যায়।  
কিন্তু মাধবীর সে দিকে লক্ষ্য নেই।

## প্রান্তরের গান

বাতাস আসে। দক্ষিণের বাতাস। মূলতানী সুরের আলাপ করে, গাছের পাতায় পাতায় মুহূর্তে প্রশংসা ধ্বনিত হয়। আসে পশ্চিমের বাতাস। ধূলো উড়ায়, ছুঁ করে ডাক ছাড়ে। প্রমত্ত ভৈরবের নৃত্যের সাথে ধলেশ্বরীও নাচে, গজ্জায়। কিন্তু মাধবীর সে দিকে ফ্রফ্রপ নেই।

ফুলের গন্ধ আর পাখীর গানও আছে। এই পৃথিবী স্তম্ভরী, বৈচিত্র্যময়ী। বিচিত্র পৃথিবীতে বিচিত্রতম জীবন-নদীর কল্লোলধ্বনি আকাশের দিকে উঠছে কিন্তু মাধবীর তাতে কি যায় আসে? তার কাছে আকাশের সূর্য অন্ধকার, বাতাস জ্বালাময়, জীবন দুর্স্বহ।

মাঝে মাঝে নির্জজন মধ্যাহ্নে সে কোন গাছের আড়ালে গিয়ে দাঁড়ায়, ছ'চোখের দৃষ্টি মেলে সঙ্কীর্ণ গ্রাম্য পথটাকে লেহন করতে থাকে। বুকটা দ্রুতগতিতে উঠানামা করে, শরীরটা কাঁপতে থাকে, মাথাটা ঘুরতে থাকে, চোখের সামনে জলের পরদা সৃষ্ট হয়। তবু সে দাঁড়িয়ে থাকে, তাকিয়ে থাকে।

প্রবীর কি আসছে? প্রবীর কি আসবে না?

আষাঢ় মাসের বর্ষণ-মুখর রাতে একদিন নন্দর ঘুম ভেঙ্গে গেল।

তীব্র, তীক্ষ্ণ একটা আর্দ্রনাদ। আসছে উঠোনের দিক থেকে। কান পেতে শুনে সে, অন্ধকারে পাশে হাওড়াল। কাজললতা নেই। ও তারি আর্দ্রনাদ।

ভীত, ত্রস্ত পদধ্বনি। সকলের উত্তেজিত কলকণ্ঠ।

পশুর মত চীৎকার করছে কাজললতা।

## প্রান্তরের গান

হঠাৎ আজ যেন সন্ধ্যা ফিরে এল নন্দর। কাজললতাকে সে বড় কষ্ট দিয়েছে। তার বৌ কাজললতা। সেই কাজললতা এখন চাঁৎকার করছে। তার সন্তান হবে।

যদি মরে যায় কাজললতা? না, না কাজললতা যেন মরে না। সে পাপী, সে অনেক শাপ করেছে, কিন্তু তার পাপে যেন কাজললতা না মরে। সে নিজেকে সংশোধন করার চেষ্টা করবে। ভগবান, কাজললতাকে বাঁচাও তুমি।

তীব্র, তীক্ষ্ণ, একটানা আর্ন্তনাদ।

উঃ।

হঠাৎ সব নিঃশব্দ।

নিঃশব্দতায় শঙ্খধ্বনি। আবার কলকণ্ঠ। হরিচরণের হাসি।

পা টিপে টিপে বাইরে গেল নন্দ।

মাধবী দৌড়ে আসছে। অনেকদিন পরে মাধবীর মধ্যে একটা চাকলা, একটা প্রাণস্পন্দন পরিলক্ষিত হচ্ছে। মাধবী আজ যেন হঠাৎ খুশী হয়ে উঠেছে।

“দাদা—দাদা—”

“কি? কি?”

“হয়েছে।”

“কি হয়েছে?”

“ছেলে, তোমার ছেলে হয়েছে—রাজপুত্রের মত, পুত্রুলের মত, নন্দীর মত স্বন্দর একটি খোকনমণি হয়েছে।” মাধবী এমনভাবে খবরটা দিল যেন আকাশের চাঁদটা হঠাৎ তাদের বাড়ীতে ছিটকে পড়েছে।

নিজের জীবনকে বিচার করে নন্দ। মুহূর্তে সব মনে পড়ে। পাপ

## প্রান্তরের গান

করেছে সে, কাজললতাকে অপমান করেছে, ললিতার কাছে নিজেকে বিকিয়ে দিয়েছে, নিজেকে অন্ধকারে ডুবিয়ে দিয়েছে সে।

তবু একটা নূতন অনুভূতি, অদ্ভুত একটা আকর্ষণ, মমতা, আবার ভাল হবার একটা অত্যাগ্র আকাঙ্ক্ষা। নন্দ'র চোখে হঠাৎ জল এল।

আগুণ ছুঁড়েছে। দাবানল বিস্তৃত হচ্ছে।

খবর এল। ভীতিজনক খবর। জাপান যুদ্ধ ঘোষণা করেছে আমেরিকা ও ইংলণ্ডের সঙ্গে। জাপান এগিয়ে আসছে। ভারতবর্ষেও কি এবার যুদ্ধ হবে ?

গ্রামে উত্তেজিত আলোচনা চলে। ককি অবতার এবার বুঝি আবির্ভূত হবেন !

সুত্র আর যত্নপতি বাবু দোড়াদোড়ি করছে। সভা করছে।

মৌলানা 'বসিরুদ্দিন পাকিস্থানের ব্যাখ্যা করছে মুসলমানদের মধ্যে আবদুল শমিকদের বেঝাচ্ছে যে এবার একটা কিছু হবে।

কিন্তু কোনো দলই এক সঙ্গে বসে কিছু ভাবছে না।

ভারতের ভাগ্যবিধাতার নীরব। আপোষের জগু তারা মাথা ঘামাচ্ছেন।

জিনিষের ক্রম চড়ছে। অতি যত্নভাবে।

প্রবীর ঝাঁকলে প্রশ্ন করত—ভারতবর্ষ, আর কত দেরী ? সারা পৃথিবী রণোন্মত্ত হল, শৃঙ্খল ছিন্ন হচ্ছে দেশ বিদেশে, নূতনের, শক্তিমানের জয়যাত্রা শুরু হয়েছে, পুরাতন পৃথিবী ভেঙ্গে পড়ছে। ভারতবর্ষ এবার তুমি কি করবে ?

## প্রান্তরের গান

স্বতন্ত্র বক্তৃতা দিচ্ছিল।

“আমাদের দিন এবার ঘনিষে এসেছে—এবার ডাক আসবে। ভাইসব, আমরা মানুষ, প্রাচীন ও সুসভ্য দেশের মহৎ জাতির বংশধর আমরা, বিরাট একটি দেশের অধিবাসী। অথচ আমরা পরাধীন। ভাইসব, পরাধীনতাই সমস্ত দুঃখের মূল, ঐ একটি বিবেই আমাদের সমগ্র জীবন বিষাক্ত হয়ে উঠেছে। কিন্তু আর নয়, এবার আমরা বোঝাপড়া করব। শুধু আর কিছুদিনের অপেক্ষা। হাজার দুঃখেও আমরা যে মহৎ ও উদার তারি নিদর্শন স্বরূপ আমরা ব্রিটিশ সরকারের সঙ্গে আপোষের চেষ্টা করছি। চেষ্টা ব্যর্থ হলেই আমাদের রণভেরী বাজবে। বন্ধুগণ প্রস্তুত থাক, অপেক্ষা কর।”

ভারতবর্ষ, প্রস্তুত হও।



৯৬



## প্রান্তরের গান

শূণ্যতাকে বিমর্ষিত করে চলে যাচ্ছে। তিনটে উড়োজাহাজ।  
একটান! একটা শব্দ নেমে আসছে নীচের দিকে, পাক খেয়ে খেয়ে।  
পশ্চিম থেকে পূর্ব দিকে যাচ্ছে উড়োজাহাজগুলো। যুদ্ধ নাকি  
এগিয়ে আসছে ক্রমশঃ।

সীমানার বাইরে চলে গেল জাহাজগুলো। কিন্তু এখনো কান  
পাতলে তাদের ক্ষীণ চক্রবর্ণি শোনা যায়। মোমাছির অশ্রুট গুঞ্জনের  
মত।

মাধবী উড়োজাহাজগুলিকে দেখছিল।

এখন মধ্যাহ্ন। জন বিরল পথ। পথে নেমে, গ্রাম্য কৌতূহলকে  
চরিতার্থ করছিল মাধবী।

হঠাৎ দুটিটা তার পথের শেষপ্রান্তে নিবদ্ধ হল। একজন লোক  
আসছে, খোঁচা খোঁচা দাড়িগোঁফে তার মুখ আচ্ছন্ন, মাথার চুলগুলি কক্ক,  
এলোমেলো, হাতে একটা ছোট ক্যাশিসের ব্যাগ।

মাধবীর হৃদপিণ্ডটা যেন একলাফে তার কর্ণদেশে এসে পৌঁছুল,  
মাথাটা ঘুরে গেল তার, রক্তের চাপে কাণের ভূপাশে যেন পাটকলের  
ইঞ্জিনের মত দপ্ দপ্ শব্দ হচ্ছে। কে আসছে? একি চোখের ভুল!

এগিয়ে গেল সে। এগিয়ে নয়, দৌড়ে গেল সে। না, ভুল নয়,  
ভুল হয়নি তার।

সেই লোকটি ধমকে দাঁড়াল।

মাধবী লোকটির পায়ের তলায় লুটিয়ে পড়ল। ধূলা, বালি, কাঁটা,  
কাঁকর, কি যায় আসে? মাধবী লুটিয়ে পড়ে লোকটির পায়ের উপর প্রণাম  
করল।

লোকটি প্রবীর।

## প্রান্তরের গান

প্রবীর ক্লিষ্ট হাসি হাসল, গভীর আবেগে তার কণ্ঠ রুদ্ধ হয়ে এল,  
তবু বলল সে, “ওঠ, ওঠ মাধু, লক্ষ্মীটি”—

“না”—প্রবীরের পায়ের উপর মাথা রেখেই মাথা নাড়ছে মাধবী।  
তার চোখের জ্বলের ধারায় প্রবীরের পা সিক্ত হয়ে উঠেছে। এতদিন  
মাধবী শুধু জ্বলেছে, শুধু পুড়েছে আজ সেই জ্বালা যেন চোখের জল হয়ে  
বেরিয়ে এল।

“তুমি পাগল, একেবারে পাগল মাধু—ছিঃ, ওঠ, লোকেরা দেখলে  
বলবে কি?”

“বলুকগে”,—মাধবীর আর লোকলজ্জা নেই।

“তোমার কথাই ভাবছিলাম মাধু, এই মুহূর্তে তোমাকেই দেখতে  
ইচ্ছে করছিল।”

মাধবীর মরে গেলেও আর দুঃখ নেই।

“ওঠ, বাড়ী চল, খুব খিদে পেয়েছে, খাওয়াবে ত?”

মাধবী উঠল, হাসি কান্না মেশানো অশ্রু-ধৌত মুখখানি তুলে অদ্ভুত  
এক দৃষ্টি মেলে প্রবীরের দিকে তাকাল, হাসল এবং বলল, “খিদে  
পেয়েছে! চল—চল—শীগগীর এসো।”

প্রবীরও তাকাল মাধবীর দিকে, মাধবীর শীর্ণ চেহারার দিকে তাকিয়ে  
তার চোখে গাঢ় একটা ছায়া ছড়িয়ে পড়ল। অদ্ভুত’মেয়ে এই মাধবী।

“মাধু, তুমি বড় রোগা হয়ে গেছ।”

“আর তুমি! চল, আয়নায় মুখ দেখবে।”

প্রবীর হেসে উঠল, “হ্যাঁ, গ্রামের খবর কি? নন্দ কেমন আছে?  
আর কাকা? বৌঠান্ ভাল ত? কাকীমা? হ্যাঁ, আমার পিসির খবর কি  
বলত? যুদ্ধের খবর রাখ ত’ মাধু?”

## প্রান্তরের গান

মনের সমস্ত কথাগুলোকে যেন এক সঙ্গেই প্রকাশ করতে চাইছে  
প্রবীর, একসঙ্গেই সুমন্ত প্রশ্ন করে 'সমস্ত উত্তর পেতে চায় সে।

“উঃ—থাম, থাম প্রবীরদা। বাড়ী চল, ধীরে স্থস্থে সব শুনবে।”

আবার হাসল প্রবীর, “ঠিক, ঠিক বলেছ। চল—”

নূতন মনে হচ্ছে সব কিছু। প্রবীরের যেন নবজন্ম হয়েছে। নব-  
জাতকের বিন্ময় তার চোখে, নবজাতকের ইন্দ্ৰিয়ানুভূতি। গ্রামের বাতাস,  
গ্রামের মাটির বহু পরিচিত মৃদু সৌরভকে, সে বুকভরে প্রাণভরে গ্রহণ  
করল। আঃ—আঃ। কারাগার? এখন একটা ছঃস্বপ্নের মত মনে  
হচ্ছে তার।

গ্রীষ্মের গুফ, অবলুপ্ত মরানদীতে হঠাৎ যেন বর্ষা নেমেছে। উদ্দাম ও  
বলু বজ্রায় সে নদী যেন আবার উচ্ছ্বাল আর ভীষণ হয়ে উঠেছে।  
মাথবী হঠাৎ একমুহূর্তে বদলে গেছে। তার চোখে এসেছে শাবিত  
ধলক, দেহে এসেছে দ্রুত নদীর চাঞ্চল্য, কণ্ঠে এসেছে মুখরার ভাষা।

সবাই ভীড় করে কাছে এসে দাঁড়িয়েছে। হরিচরণ, রাসমণি আর  
শিশু ক্রোড়ে কাজললতা।

প্রবীর যেন একটা বিন্ময়!

“উঃ, কতদিন পরে এলে?”

“খুব কষ্ট হত, না বাবা?”

“তোমার শরীর বড় খারাপ হয়ে গেছে।”

“তোমার শিশু প্রায়ই কাঁদেন—কত বোঝাই।”

“আচ্ছা, ওখানে খুব কষ্ট দেয়, না?”

একসঙ্গে বহু প্রশ্ন। প্রবীর কোনটারই উত্তর দিতে না পেরে কেবল  
হাসে। মানুষ—মানুষ কি চমৎকার। মানুষের মানুষ ছাড়া কি চলে?

## প্রান্তরের গান

এই স্নেহ, ভালবাসা, মমতা—এ মানুষের হৃদয় ছাড়া আর কোথায় পাওয়া যাবে? জেলখানায় অজস্র বঁই পড়েছে প্রবীর; জ্ঞানগর্ভ, স্বপ্ন, নানাকথা। কিন্তু কোনো আনন্দই পায়নি সে। অথচ এই মুহূর্তটি! জীবনের পরম সম্পদ এই স্নেহকাকলী।

মাধবী ছুটে এল, তার হাতে একটি রেকাবে নাডু মুড়ি!

“খাও দেখি এবার”—মাধবী আদেশ করল।

হরিচরণ মাথা নাড়ল, “হ্যাঁ বাবা খাও”।

কাজলতা হেসে ঠাট্টা করল, “গুধু নাডু মুড়ি ভাই, আর কিছু নেই।”

প্রবীরের চোখে যেন জল আসে, “বৌঠান এ অমৃত।”

“কবে ছাড়া পেলো বাবা?” রাসমণি প্রশ্ন করল।

“আজ সকালে। ছাড়া পেয়েই চলে এসেছি, একদণ্ডও মন টিকল না সেখানে।”

“বেশ করেছ, ঘরের ছেলে ঘর ছেড়ে কোথায় যাবে বাবা?”

প্রবীর খেতে থাকে।

“আপনারা কেমন আছেন কাকা?”

হরিচরণ একটা স্নগম্ভীর দীর্ঘনিঃশ্বাস ত্যাগ করল, “আমরা! ভগবান যেমন রেখেছেন। খুব ভাল নেই বাবা”—

রাসমণি সেখান থেকে চলে গেল।

হরিচরণ বলতে লাগল, “মেয়ের বিয়ের খার শোখ করতে না পারায় মহাজন ডিক্রিজারী করে সেই দশবিদ্যাজমি দখল করে নিয়েছে”—

“তাই নাকি?” গভীর সহানুভূতিতে প্রবীরের হৃদয় যেন মুচড়ে উঠল। “হ্যাঁ বাবা। মোকদ্দমার জ্ঞান আরো খার হয়েছে—তাছাড়া এবার ফসলও ভাল হয়নি—হরিচরণের কণ্ঠস্বর রুদ্ধ হয়ে এল।

ক্ষণিক স্তব্ধতা।

## প্রান্তরের গান

কাথার মোড় ফিরাবার জন্ত প্রবীর বলল, “খোকাটি ত’ চমৎকার দেখতে হয়েছে ওর নাম কি বোঠান?”

হরিচরণই জবাব দিল, “ঐ আমার দুঃখের সাক্ষ্য বাবা, ওর নাম রেখেছি গৌরচরণ, ওর দাদামশাইয়ের অর্দ্ধেক নাম আর আমার নামের অর্দ্ধেক এক করে। ডাক নাম গোরা।”

“বেশ বেশ। হ্যাঁ, গোরার বাপের খবর কি? নন্দ কোথায়? শুকি এখনো পাটকলে কাজ করে?”

হরিচরণ নিরন্তরে কাশল একটু।

কাজললতা হঠাৎ দ্রুতপদে সেখান থেকে চলে গেল। তার স্বামীর কেলেকারীর কণা সে আর শুনতে পারে না, তার চোখে জল আসে, মাটিতে পড়ে মাথা কুটতে ইচ্ছে করে সে সব পুরোণো কথা শুনলে।

মাধবী মুখনীচু করল।

“কি ব্যাপার কাকা?”

হরিচরণ আবার একটা দীর্ঘনিঃশ্বাস ত্যাগ করল, “সে সব কথা বলতে ইচ্ছে করে না বাবা, বৌমার জন্ত, আমার লক্ষ্মীর মত বৌমার জন্তই আমি সব সহ্য করছি। আসন্ন অভাবের জন্ত যত না ভেঙ্গে পড়ছি তার চেয়েও ভেঙ্গে পড়ছি নন্দর জন্ত”—

“কি হয়েছে?”—

“ওর অধঃপতন হয়েছে হারামজাদা আজকাল মদ খায় আর-আর-কয়েকমাস ধরে ঐললিতার ওখানে স্নাতায়াত করে। লজ্জায় মরে যাচ্ছি আমি। বৌমাকে আমি কখনো দেখাতে পারি না। বকুনি? জোয়ান ছেলে বকুনির কি ধার ধারে? ওর রোজগার টোজগার সব আজকাল হাওয়ায় মিলিয়ে যায়—তা বাক, আমায় কিছুই না হয় সাহায্য না করল, কিন্তু শোধরায় কৈ? ছেলেটা হওয়ার পর দিনকয়েক ডাল

## প্রান্তরের গান

ছিল, কিন্তু ধীরে ধীরে আবার নরকের পথ বেছে নিয়েছে। অথচ কেন তাই ভাবি। আমার বোমার কি রূপের তুলনা আছে প্রবীর?”

হরিচরণ আবেগের প্রাবল্যে থেমে গেল, কাশতে শুরু করল।

“এত কাশ হয়ে গেছে! নন্দটা এত বয়ে গেছে!” প্রবীর ধীরে ধীরে উচ্চারণ করল। সত্যি, এ অত্যাশ্চর্য কথা। হরিচরণের সংসার তাসের বাড়ীর মত ভেঙ্গে যাচ্ছে। দুঃখ হয়।

নিঃশব্দতা।

হরিচরণ উঠে দাঁড়াল, “বোস বাবা, কথা আছে, নন্দকে তোমায় ভাল করে দিতে হবে। দাঁড়াও, আমি একটু তামাক সেজে নিয়ে আসি।

নিঃশব্দতা।

“মাধু”—

“চুপ্!”

“কেন?”

“তোমায় দেখতে দাও।”

“কোনদিন কি আমায় দেখনি মাধু?”

“দেখেছি। সে কবে? দে-ড় বছর আগে—অনেক সু-গের কথা তা।”

“হলেই বা, এমন কি নূতন জিনিষ আছে আমার মধ্যে?”

“দাড়ি আর গোঁফ।”

“খারাপ লাগছে?”

“বিলম্বী লাগছে।”

“কেন, বেশ ত সাধুর মত দেখতে হয়েছে।”

“ছাই! গুণ্ডার মত দেখাচ্ছে তোমায়।”

“সে না হয় ঠিক হয়ে যাবে, কিন্তু এত দেখার কি ঐ কারণ?”



## প্রান্তরের গান

“হয়ত অগ্নি কারণ আছে কিন্তু সে তোমার জেনে লাভ নেই।”

“কেন মাধু?”

“তুমি মানুষ নও, তুমি পাথরের দেবতা প্রবীরদা।”

প্রবীর হাসতে গিয়ে থেমে গেল। সমস্ত পুরানো ছবিগুলো চোখের সামনে দিয়ে ভেসে গেল। অদ্বুত এই মাধবী। মাধবী তাকে ভালবাসে। সে বিষয়ে এতদিন হয়ত অস্পষ্ট ধারণা ছিল, কিন্তু আজ তা দিনের মত পরিষ্কার। প্রবীর দেখতে পাচ্ছে, অনুভব করতে পাচ্ছে সেই ভালবাসার সুবিপুল গভীরতা।

কিন্তু সে কি করবে? প্রবীর কি মাধবীকে ভালবাসবে? নিজেকে শেষ পর্যন্ত হৃদয়ের কাছে সে কি পরাজিত করবে?

না, অপেক্ষা করা যাক। এখন তার অনেক কাজ।

“আমি যেদিন জেঁলে গেলাম, তোমার সঙ্গে সে দিন দেখা হলনা।”

“আমার কথা কি সেদিন মনে ছিল তোমার?”

“ছিল বৈকি—সকলের কথাই মনে পড়েছিল।”

“আমার সেদিন যে কি মনে হয়েছিল তা তোমায় কি করে বোঝাই। আমি তোমায় কত কি অগ্নায় কথা বলেছিলাম তার কয়েক দিন আগে।”

“কি এমন বলেছিলে? এমনি ছেলেমানুষী কথা—কি হয়েছে তাতে?”

“সেদিন ক্ষমা চাইব ভেবেছিলাম, কিন্তু তোমায় ধরে নিয়ে গেল। আজ তোমার কাছে ক্ষমা চাইছি প্রবীরদা—”

“তুমি পাগলু মাধু।”

“হ্যাঁ, আমি পাগল। তবু তুমি আমায় ক্ষমা কর, আমার সমস্ত অপরাধ ক্ষমা করে শুধু আমার ভালটুকুই তুমি মনে রাখো।”

“তোমার চেয়ে ভালো আর কে আছে মাধু?”

মাধবীর চোখে আবার জল এল।

## শ্রান্তরের গান

অপরূপ এই মূর্তিগুলি । অনন্ত কালসমুদ্র থেকে আহরিত অমূল্য  
নৃত্যার মত ।

হাটের মাঝখানে, কাছারী আর থানার সামনে ছাউনি পড়েছে ।  
এ্যাসিষ্ট্যান্ট-রিজুটিং অফিসার এসেছে লোকজন আর রঙীন ইস্তাহার  
নিয়ে । সৈন্তদলে লোক ভর্তি করাবার জ্ঞ ।

সকলেরই থাকী পোষাক আর বুটজুতো পায়ে, কাঁধে ষ্ট্রাপ্ আর ব্যাজ,  
মাথায় হ্যাট আর ফোল্ডজ ক্যাপ । সব মিলিয়ে প্রায় জন দশেক লোক,  
সঙ্গে দুজন পুলিশও আছে ।

ঠাবুর গায়ে বিভিন্ন ইস্তাহার, হাটের মাঝখানবন্দীর তেঁতুল গাছটার  
গায়ে, কাছারীর গায়ে, থানার বেড়াতে, সর্বত্র ইস্তাহার ঝুলছে । হাসি-  
মুখে লোকেরা তার ভিতর থেকে কলাতিয়া গ্রামের লোকদের দিকে  
তাকিয়ে আছে । বলছে ‘সৈন্তবাহিনীতে যোগদান কর’ ? বলছে ‘টাকা  
আর অভিজাত্য—জীবনে আর কি চাই ?’ বলছে, ‘নিষ্কর্মা বসে থাকার  
দিন গেছে, এসো নৌবাহিনীতে যোগ দাও ।’ বলছে ‘তোমার দেশ  
বিপন্ন হতে চলেছে, তুমি কি লড়াইয়ে আসবে না ?’ বলছে আরো  
অনেক কথা । ভাল ভাল, লোভনীয় সব কথা ।

রোজ বিকেলে লোকজন খেদিয়ে নিয়ে আসে ইদ্রিসখান । চাষাভূষা,  
নমশূদ্র, তাঁতী আর জেলেদের । রোজ বক্তৃত-হয় । রিজুটিং অফিসার  
গত নেড়ে, চীৎকার করে, হেসে, গলা কাঁপিয়ে তাদের যুদ্ধের কথা  
জানায়, বোমার যুদ্ধে কত রকম ভাল চাকরী আছে তার বিশদ বিবরণী  
আউড়ে যায়, সবাইকে যুদ্ধে যোগদান করতে আহ্বান জানায় ।

## প্রান্তরের গান

মাঝে মাঝে অগ্ন্যগ্ন গ্রামে যায় অফিসারটি দালালসমেত ।

লোকেরা সভয়ে শোনে, আড়ালে গিয়ে হাসে আর মাথা নাড়ে ।

“হ্যাঃ, যুদ্ধে যাব, ক্যান, ঘরে কি ভাত নেই একমুঠ ?”

“শালারা হেরে ভূত হয়ে যাচ্ছে এবার আমাদের মারতে চায় ।”

“কিন্তু বেশ টাকা দেয়—না ?”

“দূর, দূর,—ওসব ভীত ।”

“ওতে নাম লেখানো মানেনি চিত্রগুপ্তের খাণ্ড নাম ওঠানো ।”

“উরে বাপ—হেই বোমা ফাটলে তো হাত পা একজায়গায় আর  
খড় একজায়গায়”—

“শুধু তাই নয়, টিপুছই দিয়ে যেতে হবে, ফিরে আসবার জো নেই  
আর ।”

“কেন ? ফিরে আসতে পার—ভূত হয়ে—হাঃ হাঃ হাঃ ।”

কিন্তু তবু তাঁবুর চারিদিকে সারাক্ষণ ভীড় থাকে । উলঙ্গ ছেলেমেয়ে  
আর নিরক্ষা লোকেরা কোতুহলী চোখ মেলে থাকে পোষাকধারী লোক-  
জনদের চলার দিকে দেখতে থাকে ।

ভীড় বাড়ে সকাল সন্ধ্যাবেলায় । লোকগুলো তখন কুচকাওয়াজ  
করে । সে এক দেখবার জিনিষ বটে ।

আর এই সবের মাঝে, হাজার ভয় আর অবজ্ঞা সত্ত্বেও অনেক  
লোকজন আসে—নিরস্ত্র, অভাবগ্রস্তরা । শান্তিহীনরা আর বৈচিত্র্য-  
প্রেমিকেরা । এসে তাঁবুর বাইরে খানিকক্ষণ দাঁড়ায়, তেঁতুলগাছটার  
নীচেও অনেক বসে । কিছুক্ষণ কি যেন ভাবে তারা, তারপরে সোজা  
তাঁবুটার সামনে গিয়ে দাঁড়ায় ।

“কি চাই ?” একজন খাকী পোষাক ছুঁকুঁচকে প্রশ্ন করে ।

“লড়াইয়ে—যাব—আমি ।”

## প্রান্তরের গান

“বটে! তো—”

তারপরে চলে। প্রায় নগ্ন করে দলের ডাক্তার নানারকম ভাবে পরীক্ষা করে। ওজন নেয়, মাপ নেয় বুকের আর দৈর্ঘ্যের। কপিং দিয়ে সেই সব ওজন মাপ আর বয়সের সংক্ষিপ্ত ইতিবৃত্ত তার উপর লিখে দেয়। আর এক দফা পরীক্ষা চলে। তাদের শিক্ষিততদূর তা দেখা হয়। তারপরে ফর্মের উপর আর বণ্ডের উপর তাদের বাপ পিতামহ, জাত বর্ণ আর গ্রাম থানার ইতিহাস খুঁতখুঁত করে। তখন সারি বেঁধে দাঁড় করানো হয় তাদের। অফিসের কক্ষের দেয়ালে কাগজগুলো পড়ে কে কোন্ কাজের উপযুক্ত। ভবিষ্যতের কথা বলে, সোনালী ভবিষ্যতের কাজ—ওরা সব সই করে বা টীপসহি দেয় বণ্ডের উপর আর কর্তৃপক্ষ শপথ গ্রহণ করে। ব্যাস্। আজই কিম্বা কাল যেত হবে। সদরে তারপরে ট্রেনিং। তারপরে মেশিনগান আর বোমা, জীবনকে হাতে নিয়ে জুয়াখেলা। সেখেলায় হার হলে সেটা একান্তভাবে তাদের জিত্ হলে তা সরকারের প্রাপ্য, তাদের নয়। অনুগত প্রজার রাজ্য প্রতি কর্তব্য পালনই বড় কথা। ওরাও অত সব বুঝতে চায় না জন্ম আর মৃত্যুর মাঝামাঝি জীবন নামক যে অস্তিত্বটা তার জন্ত অত্যাৱশ্যক—সেই খাদ্য আর পোষাক পুঁলেই ওদের চলবে।

নির্মল বাবুদের মাঠে যত্নপতিবাবু বিকালবেলায় বক্তৃতা দিচ্ছিলেন যত্ন ছিল, তাছাড়া প্রায় শতাধিক শ্রোতাও ছিল।

## প্রান্তরের গান

“তোমরা যুদ্ধে যেও না ভাইসব। এ যুদ্ধ কির জন্ত? আমাদের জন্ত নয়। আমরা এ যুদ্ধ বাধাইনি। জার্মানী, জাপান আমাদের কিছু করেনি। আমরা কেন যাব এ যুদ্ধে? এ যুদ্ধে কার স্বার্থ বেশী? ইংলণ্ডের। ইংরেজের। কিন্তু মহাপ্রভুরা আমাদের জন্ত কি করেছেন? আমাদের ছ’শ বছর অন্ধকারে রেখেছেন তাঁরা। আমাদের ক্রীতদাস, পশু করে রেখেছেন। আমাদের রক্তের বিনিময়ে যে জয়লাভ হবে তাতে আমাদের কতটুকু অংশ? কিছুই না। আমরা পরাধীন, আমরা অন্ত্যজ, আমাদের ওতে কোন অধিকার নেই। যদি আমাদের ওরা স্বাধীন বলে স্বীকার করত, যদি ওরা আমাদের মানুষ বলে গণ্য করত, তাহলে আমরা আমাদের যথাসর্বস্ব দিতাম। মিত্র ভেবে। কিন্তু সে ঔদার্য্য ওঁদের নেই। তবে কেন আমরা যুদ্ধে যোগদান করব? ভাইসব স্থায়ী ভুলো না, ভেলকীতে বিভ্রান্ত হয়ে না। আমাদের যুদ্ধ করতে বে বটে কিন্তু সে এই ইংরেজ সরকারেরই বিরুদ্ধে—আর কারো বিরুদ্ধে নয়।”

সেইদিন সন্ধ্যাবেলাতেই যত্নপতিবাবুকে গ্রেপ্তার করা হল। যুদ্ধ বিরোধী বক্তৃতা। রাজদ্রোহ। ডিফেন্স অব ইণ্ডিয়া এ্যাক্ট।

দমকা ঝড় এলো হরিচরণের সংসারে। আকস্মিক একটা বিপর্য্যে সব কিছু যেন উলটে গেল তার জীবনে।

## প্রান্তরের গান

ব্যাপারটা হলুদকুঁড়ির জন্য। নন্দই তার জন্য দায়ী।

আগের দিন রাত্রে ললিতা'র সঙ্গে মনকষাকষি হয়েছিল।

সহরে যাবে সে। ললিতা বলল। কারণ সেখানে নাকি তার দূর সম্পর্কের কে এক মাসী হাসপাতালে পড়ে রয়েছে তার সঙ্গে সে দেখা করবে।

নন্দ হঠাৎ যেন বিগুড়ে গেল। ললিতা দিনকয়েকের জন্য তার চোখের আড়ালে যাবে নন্দ সে কথা সহ্য করতে পারল না।

“তুমি যেতে পাবে না ললিতা।” সে বলল।

“কেন?” ললিতা অবাক হয়ে গেল।

ললিতাকে বুক টেনে নিয়ে মাথা নাড়ল, “আমার কষ্ট হবে।”

ললিতা হাসল, “দূর বোকা, মাত্র ছ’তিনদিনের জন্য—দেখতে দেখতে কেটে যাবে।”

“না।” উদ্ধত ভঙ্গীতে নন্দ আবার মাথা নাড়ল।

এই নিয়েই মনকষাকষি হল। নন্দ বলল যে ললিতা যেতে পাবে না। ললিতা নন্দের ছেলেমানুষীতে বিরক্ত হয়ে উঠল। সে বলল যে সে সহরে যাবেই।

নন্দ বলল, “আমার মনে ছঃখু দিও না ললিতা।”

ললিতা বলল, “তুমি ছেলেমানুষী করো না ওস্তাদ।”

“আচ্ছা দেখি কেমন করে যাও তুমি।”

“দেখো।”

ঐ পর্যন্তই হয়ে রইল।

পরদিন কারখানা যাবার সময়ে নন্দ দেখতে পেল যে ললিতা বড়ীতেই আছে।

## প্রান্তরের গান

নন্দকে দেখে ললিতা মুচকি হাসল, “যাও/কামিও আসছি একটু বাদে।”

নন্দ আশ্বস্ত হল। ললিতা তাহলে বাবে না, সে কারখানাতেই আসবে তবে। যাক্।

কিন্তু ললিতা এল না।

নন্দ’র মাথায় যেন আগুণ ধরে গেল। কোনমতে বাকী সময়টা কাটিয়ে সে কারখানা থেকে বেরোল।

সোজা ললিতা’র ওখানে গেল সে। মস্ত বড় তালাবন্ধ দরজাটার দিকে ছটো লোহিত নয়ন মেলে সে খানিকক্ষণ নিশ্চল হয়ে দাঁড়িয়ে রইল। হঠাৎ ঘুণায়, ক্রোধে তার অন্তর পরিপূর্ণ হয়ে উঠল। তার অন্ধ অম্বরগের উল্টো পিঠটা এবার দেখা গেল। মুখ চোখ তার বিকৃত হয়ে উঠল। বেঞ্চা মাগী কোথাকার, শেষ পর্যন্ত তার কথা উপেক্ষা করে সত্যি সত্যিই শহরে গেল! কেন তার হাতে পায়ে ধরে সে কি মত নিতে পারত না! আর সকাতরে অম্বরোধ করলে নন্দই কি অসম্মতি জ্ঞাপন করতে পারত!

নন্দ’র মনের একটা অংশ এখনো অপরিণত রয়ে গেছে। তাই খানিকটা পেয়েই অনেকটা সে কল্পনা করে নেয়। তাই সে আশা করে যে বেঞ্চা ললিতা তাকে ভালবেসে তার ক্রীতদাসী হয়ে পড়বে। তাই সে ললিতা চলে যাওয়াতেই এমন উত্তেজিত হয়ে উঠল।

রাগের চোটে নন্দ কি করবে ঠিক করতে পারে না। খানিকটা শ্মশান বৈরাগ্যের ভাবও তার মাথায় উদ্ভিত হল। দূর ছাই, কে যায় বাড়ীতে! হুনিয়া’তে কে কার?

কিন্তু ঠিক কি চায় নন্দ? নন্দ নিজেই তা জানে না, বুঝতে পারে

## প্রান্তরের গান

না। আগুনের ধোঁয়ার মত উত্তপ্ত ধোঁয়ায় ভরা মস্তিষ্ক নিয়ে সে পা  
বাড়াল। কোথায় যাবে সে? কোথায় যাওয়া যায়।

তার ক্ষুধার্ত জঠর, তার তৃষ্ণার্ত জিহ্বা উত্তর দিল। ভাঁটিখানা।

মজুর বস্তীর শেষপ্রান্তে মহিমসা'র মহিমাঘিট ভাঁটিখানা। বেশ  
ভীড় জমেছে সেখানে।

এক ঠোঙা ঘুগুনি দানা আর পেঁয়াজ বড়া নিয়ে নন্দ এক কোণে  
বসে পড়ল।

মুহূর্তের পর মুহূর্ত কাটতে লাগল।

পাত্রের পর পাত্র নিঃশেষিত হল।

উষ্ণ, কল্লিত মুহূর্তগুলোর পাখায় ভর দিয়ে রাত ঘনিয়ে এল।

স্তিমিত, ঝাপসা নয়ন মেলে নন্দ চারদিকে তাকায়। সব অন্ধকার।  
হাঃ। চেতনায় কালো আগুনের জ্বালা দেহ গ্রস্থিতে মদির অনুভূতি।  
হাঃ। নেশা জমেছে, নেশা ভয়ঙ্কর জমেছে।

ঠিক মাঝরাতে, যখন অন্ধকারে, নিবিড় ঝোপঝাড় আর জঙ্গলের  
মধ্যে প্রেত আর প্রেতিনীদের অভিসার আরম্ভ হয়, ঠিক তেমনি সময়ে  
নন্দ বাড়ী ফিরল।

সয়ে গেছে সব। সয়ে সয়ে পাথর হয়ে গেছে কাজললতা।  
আজকাল তাই আর জেগে জেগে প্রতীক্ষা করার মোহ নেই তার।  
উগ্র বিষের জ্বালায় যেন আচ্ছন্ন হয়ে পড়ে থাকে সে। হঠাৎ রুদ্ধ  
ধারের উপর যখন মত্ত করাঘাত ধ্বনিত হয় তখন সে ধড়মড়িয়ে উঠে  
বসে, বেদনায় কণ্টকিত ও স্থগায় সঙ্কুচিত দেহটাকে টেনে তুলে দরজার  
দিকে এগোয়।



## প্রান্তরের গান

আজও তাই হল।

“এ্যাই—দরজা খোল—এ্যাই মাগী”—জড়িত কণ্ঠে একটা পশু যেন গর্জাচ্ছে দরজার ওপিঠে।

বাড়ীর সবাই জেগে উঠেছে। প্রতিদিনই জাগে। কিন্তু কিছু বলে না আর বলবার মত কথা খুঁজে পায় না ওরা। কেবল অন্ধকারে, শয্যার উপরে বসে বেদনার আতিশয্যে ওরা বুকে হাত চাপা দেয়।

“এ্যাই কথা শুনছিস্ না?” নন্দ চীৎকার করে ডাকল।

“খুলছি।” কাজললতা উত্তর দিল।

“খুলছি”—মুখ ভেংচাল নন্দ, “এত দেরী হচ্ছে কেন তবে, এঁা?”

পক্ষাঘাতগ্রস্তের মত পা টেনে টেনে এগিয়ে গিয়ে দরজাটাকে খুলল কাজললতা। দম্কা বাতাসের মত নন্দ ঘরের ভিতর এল। তার সঙ্গে এল একটা অণ্ডি গ্লানি আর বিষাক্ত বেদনা, এল নূতন একটা আঘাত।

ঘরের মধ্যে আলো ছিল না। অন্ধকারে হোঁচট খেল নন্দ।

অশ্লীল গালি দিয়ে সে বলল, “বাতিটা জালিয়ে রাখলে কি হয়? পাজী মাগী কোথাকার—”

বহুদিনের তিল তিল সঞ্চিত বিরাগ আর জ্বালা অগ্নিগর্ভ বান্ধুদের মত বিস্ফোরণের প্রত্যাশায় নিঃশব্দ হয়ে ছিল। আজ অতি সাধারণ একটা কথায় অতি ক্রীণ অগ্নিসংযোগের ফলে সেই বহুসংবমের বাঁধ ভেঙ্গে বিস্ফোরণই ঘটল।

বাতিটা জ্বালাতে বসে তিত্তকণ্ঠে বলল কাজললতা, “গাল দিও না—আমি রাস্তার ভিথিরি নই।”

প্রদীপের আলোতে দেখা গেল মত্ত নন্দকে। চোখ দুটো জড়িয়ে

## প্রান্তরের গান

এসেছে, কিন্তু যখন সে জোর করে চোখ মেলছে, তখন তার রক্তাক্ত চোখের আলোকিত চাহনি দেখে ভয় লাগছে।

নন্দ বিকৃতকণ্ঠে আরো কি যেন বলল, বোঝা গেল না। সে তক্তাপোষের দিকে এগিয়ে গেল। তক্তাপোষের মাঝখানে ছেলেটি শুয়েছিল। নেশার ঘোরে টাল সাম্লাতে না পেয়ে এমনভাবে শয্যায় এলিয়ে পড়ল নন্দ যে তার ডান হাতটার ধাক্কা খেয়ে ছেলেটা কঁকিয়ে কেঁদে উঠল।

হুচোখ ফেটে যেন আগুন বেরোবে কাজললতার। সে ছেলের দিকে ছুটে গেল, হুহাত বাড়িয়ে তাকে বুকে টেনে নিয়ে গভীর স্বপ্নায় চিবিয়ে চিবিয়ে সে বলল, “তুমি কি মানুষ!”

শায়িত নন্দ তড়াক করে সোজা হয়ে বসল, সাপের ফনার মত হুলছে তার দেহটা।

“কেন আমি মানুষ নইত কি?”

“সেইটাই তোমায় জিজ্ঞেস করছি।”

“কি জিজ্ঞেস করছিস?” নন্দ দাঁড়াল।

“ছেলেটার দিকেও কি তোমার নজর নেই? এই একরত্তি ছেলেটাকে কি দয়া হয় না?”

“চোপ্”

“না, চুপ্ করব না। অনেক স্বপ্নেছি, অনেক জ্বলেছি, তুমি আমায়—”

“চোপ্—চো—প্”—

“না”—চীৎকার করে কেঁদে উঠল কাজললতা, “না তোমায় আমি একটুও ভয় করি না। যে স্বামী বেঞ্জার ঘরে মদ খেয়ে পড়ে থাকে তার চোখ রাঙানি চিরদিন খাওয়া যায় না, বুঝলে?”

## প্রান্তরের সান

“কি ?” উদ্ভঙ বজ্রের ভয়াবহ ইঙ্গিত নন্দর হুচোখে, “কি বললি হারামজাদি ?”

“বা বলেছি ঠিকই বলেছি”—

“বটে !”

ঈষৎ লাফিয়ে পড়ল নন্দ কাজললতার উপর। একটা বস্ত্র পশু যেন হঠাৎ ক্ষিপ্ত হয়ে উঠেছে। হুহাতে চড় কিল বর্ষন করে চলল সে কাজললতার উপর।

আচম্কা কাপারটা ! নন্দ মদ খায়, নন্দ বেস্তাবাড়ী যায়, সব জানে কাজললতা। কিন্তু সে যে তার গায়ে এমন ভাবে হাত তুলবে তা কোনদিনই আশঙ্কা করেনি সে। ঘটনার অকস্মিকতায় কাজললতা প্রথমটা হতবুদ্ধি ও নির্বাক হয়ে গেল। গভীর বেদনায় হুচোখের সামনেকার সমস্ত পৃথিবী যেন, আজ অন্ধকারে তলিয়ে গেল, মিলিয়ে গেল। ছেলেটাকে বুকে জড়িয়ে ধরে সে বসে পড়ল মাটির উপর। নিঃশব্দে সে স্বামীর উন্মত্ত প্রহারকে সহ্য করতে লাগল। একফোঁটা জলও এল না তার চোখে।

ওদিকে পাঁশের ঘরে চাঞ্চল্য জেগেছে। দরজা খোলার শব্দ হল।

ওদের দরজায় করাঘাত হল।

“বোমা—বোমা”—রাসমণির কণ্ঠস্বর।

“নন্দ”—হরিচরণ গম্ভীরকণ্ঠে ডাকল।

কে শোনে তা ? নন্দ একবারে ক্ষেপে গেছে। আজ কাজললতাকে শিক্ষা দিতে হবে। নারীকে ভালবাসলেই তার সব কথা সহ্যেতে হবে নাকি ! •

ঘরের ভিতর ধ্বনিত হচ্ছে কিল চড়ের শব্দ আর একটা টাপা আওয়াজ।

“বোমা শিগীর খোল দরজা, বোমা” রাসমণি চীৎকার করে উঠল।

## প্রান্তরের গান

নন্দ এবার থামল ।

কাজললতা ধীরে ধীরে উঠল দরুজ। খুলে দিল ।

হরিচরণ আর রাসমণি দ্রুতপদে ঘরে ঢুকল ।

“বোকে মারছিলি হারামজাদা !” হরিচরণের যেন বুক ভেঙ্গে গিয়েছে ।

রাসমণি কাজললতার কোল থেকে ছেলেটাকে টেনে নিল ।

কাজললতা কাঁপছিল, টলছিল । সে এবার বসে পড়ল মাটিতে ।

নন্দ বিরুদ্ধকণ্ঠে উত্তর দিল, “মারব না তো কি টাটে চড়িয়ে পুজো করব । যেমন কুকুর তেমনি মুগুর, না হলে কি চলে?”

হরিচরণ মুহূর্তকালে স্থির হয়ে দাঁড়াল, তারপর বলল, “বোমার কাছে মাফ চা”—

নন্দ চোখ বড় করল “কি !”

“বোমার কাছে মাফ চা”

“না ।”

“আবার বলছি”—

“না ।”

“তবে বেরিয়ে যা তুই এ বাড়ী থেকে”—হরিচরণের গলা কাঁপছে ।

“বাবা”—কাজললতা অক্ষুটকণ্ঠে একবার উচ্চারণ করল ।

হরিচরণ মাথা নাড়ল “না মা । ওর বড় বাড় বেড়েছে । এই, জোর কাণে কি কথাটা গেল না ?”

নন্দ তার রক্তিম নয়ন দুটো পিতার দিকে ফিরিয়ে প্রশ্ন করল, “কি ?”

“বেরিরে যা তুই, এবাড়ীতে তোর জায়গা নেই । নিজের অস্ত্রায়ের জন্তু, পাপের জন্তু মাফ না চাইলে তুই আর এবাড়ীতে থাকতে পাবি না !”

নন্দ হাসল, “চলে গেলে শেষে আপশোষ হবে না তো ?”

## প্রান্তরের গান

“একটুও না।”

“বাবা”—কাজললতা আবার আর্তনাদ করল।

রাসমণি স্থির, নির্ঝাঁক।

“যা বেরিয়ে”—হরিচরণ কাঁপছে।

নন্দ উত্তর দিল না, একবার পিতার দিকে তাকাল সে, পরে একবার ঘরের সকলের দিকে তাকাল। মাথা নোচু করে কি যেন ভেবেও নিল সে, তারপরে টলতে টলতে খোলা দরজাটা দিয়ে দ্রুতপদে সে বেরিয়ে গেল।

“নন্দ—নন্দ”—রাসমণি আর থাকতে পারল না।

“ওকে ডেকো না”—হরিচরণ গম্ভীর কণ্ঠে বাধা দিল।

“বাবা, ওষে চলে গেল!”—কাজললতার বুকের ভিতরটা কে যেন উত্তপ্ত লোহশলাকা দিয়ে পুড়িয়ে দিচ্ছে।

“জানি, জানি মা!” হরিচরণ হাসল, “বাক্ না। নেশা কমলেই আবার ফিরে আসবে। তাছাড়া একটু শাস্তি ওর পাওয়া দরকার মা, এত বাড়ি যে ভাল নয়!”

সব বোঝে কাজললতা, সব বোঝে সে। তবু মন কি মানতে চায়? যদি, যদি নন্দ আর ফিরে না আসে? তবে? উঃ!—মাটির উপর, খণ্ডর শান্তুড়ীর সামনেই সে লুটিয়ে পড়ল। অবরুদ্ধ ক্রন্দনাবেগে দেহটা তার বারংবার কেঁপে কেঁপে উঠতে লাগল। কিন্তু মুখ দিয়ে তার একটা আওয়াজও বেরোল না, চোখ দিয়ে তার একফোঁটা জলও গড়িয়ে পড়ল না। আগুনে পুড়বার সময় কাঠ থেকে একরকম রস বেরোয়, কিন্তু বখন পুড়ে ছাই হয়ে যায় তখন কি আর তাতে কোনো রস পাওয়া যায়?

## প্রান্তরের গান

বাইরে বেশ শীত আছে। গুরুপক্ষের রাত, কুয়াসা গলে গলে পড়ছে। ভৌতিক ক্লেলিক। আর সুগভীর নিস্তব্ধতায় সারা গ্রাম আচ্ছন্ন।

তারি মধ্যে উত্তেজিত ও নেশাগ্রস্ত মস্তিষ্ক নিয়ে উদ্দেশ্যহীন প্রেতের মত নন্দ খানিকক্ষণ ঘুরে বেড়াল।

তারপরে নেশা ক্রমে মন্দীভূত হল, শীত লাগতে লাগল। সব পরিষ্কার মনে পড়তে লাগল। এক এক করে সে সব ঘটনাকে খুঁটিয়ে বিচার করল মনে মনে। কিন্তু নেশা কমলেও মনের উত্তেজনা তার কমল না, বরং সূক্ষ্মত। যতই ফিরে আসতে লাগল উত্তেজনাও ততই বৃদ্ধি পেতে লাগল। তার বালকোচিত মন ক্রমেই ক্রোধ আর অভিমানে বেলুনের মত ফুলে উঠতে লাগল। অপমান! সে অপমানিত হয়েছে। অগ্রায়? হ্যাঁ, হয়ত সে অগ্রায় করেছে। নন্দ এখন সূস্থ, সে এখন পক্ষপাতিত্ব করবে না। সমাজ, সংসার যে নিয়মকানুন মেনে চলে তার মতে সে অগ্রায়ই করেছে। কিন্তু তাতেই বা কি? তাই বলে স্ত্রীর সামনেই তাকে অপদৃষ্ট করতে হবে! আর কাজললতাই বা কি রকম মেয়ে মানুষ? সে কি পেছন পেছন ছুটে আসতে পারত না, সে কি তার পায়ে মাথা কুটে তাকে ফিরিয়ে নিয়ে যেতে পারত না? নাঃ, এ সংসারে, কেউ কারো নয়। না, সে পুরুষ মানুষ। সে হার মানবে না, পদাহত নির্লজ্জ কুকুরের মত আবার বাড়ী গিয়ে সে নূতন করে অপমানকে স্বীকার করে নিতে পারবে না। শীত করছে? বস্তীর কোনো বন্ধুর গুথানে কাটিয়ে দেওয়া যাবে। কাল? না, সে আর এ গ্রামেই থাকবে না। কি করবে সে? সত্যি, কি করবে সে? খুব ভাবল নন্দ। খুব ভাবল সে। হঠাৎ সে মাথা নাড়ল। ঠিক, কেউ কারো না এ পৃথিবীতে। বাপ মা আর বিয়ে-

## প্রান্তরের গান

করা বৌ যখন আপন্যার নয়, তখন এক নীচ বেস্তা কি করে তার আপন্যার হবে। সেই ভাল, এ গ্রামকে সে পরিত্যাগই করবে। নূতন একটা উত্তেজনায়, অভিমানে হঠাৎ একটা ভয়ঙ্কর পথই বেছে নিল নন্দ। যা হবার হবে, এজীবনটা ত' একটা জুয়াখেলা। না হয় নরকের আরো খানিকটা সে এবার দেখে নেবে। সেই ভাল, সে আর বাড়ী যাবে না। নন্দ যুদ্ধে যাবে।

তাই হল।

ভোর হতেই সে বেরিয়ে পড়ল। রাত্রিবেলায় ঠিক ঘুমোয় নি সে। উত্তেজনা, চিন্তা আর আসবে অবসাদে তার চোখ দুটো রঙীন, মুখমণ্ডল ক্যাকাসে।

বন্ধুর ওখানে একক'প গরম চা গিলেই সে বেরোল। হাটের মাঝখানে, কাছারী আর খানার সামনে যেখানে ছাউনী পড়েছে; তাঁবুর গায়ে, কাছারীর গায়ে যেখানে ইস্তাহারের ছবি থেকে সহস্র-মুখ সৈনিকেরা ডাক দিয়ে বলছে 'সৈন্তবাহিনীতে যোগদান কর—দাঁড়িয়ে কেন?'—ঠিক সেখানে গিয়েই সে স্থির হয়ে দাঁড়াল।

একজন থাকী পোষাক সেখান দিয়ে যাচ্ছিল, সে হঠাৎ কটমট করে নন্দ'র দিকে তাকাল, "কি চাই তোমার, এ্যা ? কেয়া মাংটা ?"

নন্দ একটু ধতমত' খেল, "আজ্ঞে ?"

"ড্যাম্—কি চাই তোমার ?"

"আজ্ঞে যুদ্ধে যাব।"

"বাই জোভ্—তবে দাঁড়িয়ে কেন এসো এসো"—হঠাৎ যেন অতিমাত্রায় অমায়িক হয়ে গেল লোকটা, যেন খন্তরের মত স্নেহ হয়ে উঠল।

## প্রান্তরের গান

তারপরে সেই একাগ্র মনোযোগ দিয়ে পরীক্ষা। দৈর্ঘ্য আর বকের মাপ, ওজন আর বয়সের হিসাব নেওয়া হল। তারপরে লেখাপড়ার পরীক্ষা আর সারি বেঁধে দণ্ডায়মান হওয়া। রিক্রুটিং অফিসারের মিষ্টি মিষ্টি কথা। প্রলোভন। তারপরে বণ্ডে সহী করে শপথগ্রহণ করা হল। তারা কেউ পালাবে না, প্রাণভয়ে ভীত হবে না, রাজার দেশের সম্মান অক্ষুণ্ণ রাখার জন্ত অকাতরে প্রাণবিসর্জন দেবে। সর্বশেষ কথা আজই অপরাহ্নে সদরে রওনা হতে হবে।

নন্দ সৈনিক হ'ল। রাগ আর অভিমানে প্রথমটা বেশ লাগছিল তার। সে কল্পনা করছিল যে সে যুদ্ধক্ষেত্রে এগিয়ে চলেছে, হাতে সজীন-চড়ানো বন্দুক, চোখে কঠোর সঙ্কল্প। বেশ লাগাছিল ভাবতে।

কিন্তু হঠাৎ যেন ফুলে ওঠা বেলুনটা ফেটে গেল। আজই বিকেলে সদরে যেতে হবে। আজই। আর কয়েক ঘণ্টা পরেই। কিন্তু কি লাভ হল তাতে? হঠাৎ মৃত্যুর কথা মনে পড়ল তার। যে কোনো মুহূর্তে একটি অদৃশ্য গুলির আঘাতে তার প্রাণ যেতে পারে, একটা বোমার ঘায়ে রেণু রেণু হয়ে সে আকাশে উড়তে পারে!

আর সেই সঙ্গেই বাড়ীর কথা মনে পড়ল তার। বাপ মা, বোন, কাজললতা আর ছেলেটার ছবি চোখের সামনে ভীড় করে এল। কাজললতার কান্না আর ছেলেটার কঁকিয়ে কঁকিয়ে ওঠার কথা তার মনে পড়ল। তারা সব অপক্লপ হয়ে উঠে নন্দকে যেন হুণিবার ভাবে টানতে লাগল। নিজের অতীত ইতিহাসের পাতা ওলটোটে ওলটোটে অস্মৃতাপ আর গ্লানির বোঝায় তার শরীর মন যেন ভেঙ্গে পড়তে চাইল। ছিঃ, এ কি করেছে সে!

আর কি ফেরা যায় না?

সেই প্রথম খাকী-পোষাক কাছে এল।



## শ্রান্তির গান

“শুনুন ?”

“কি ?”

“আজকেই যেতে হবে ?”

“হ্যাঁ হে। আর পাঁচ ছয় ঘণ্টা বাদেই। যাও, বাড়ী গিয়ে তৈরী হয়ে এসো।”

“আজ্ঞে যাচ্ছি।” নন্দ চুপ হয়ে গেল।

খাকী-পোষাক চলে যাচ্ছিল।

নন্দ আবার আকুলকণ্ঠে ডাকল তাকে, “শুনুন”—

খাকী-পোষাক বিরক্ত হয়ে উঠল, মিলিটারী মেজাজে বলল সে “কি হয়েছে তোমার বলত ?”

“আজ্ঞে একটা কথা ছিল।”

“কি ?”

“আমি বুঝে যাব না,”

“হোয়াট !”—খাকী-পোষাক খাড়া হয়ে দাঁড়লে, ছুচোখে তার ক্রোধ বনিয়ে এল, “কি’ বলছ তুমি ! এ কি ইয়ারকি হচ্ছে, এঁয়া ? সাবধান, বগে সই দিয়েছ তুমি, এ সব ছেলেখেলা নয়। ও সই করার পর আর পাল্টানো চলে না, নিজের বিধিনিষিদ্ধে সই করেছ তুমি ও আর মেটানো যাবে না। ওসব বাজে কথা ছাড়, তৈরী হয়ে এসো। আর হ্যাঁ, পালাবার চেষ্টা করো না, এখন বুঝে যেতে না চাইলে হয় জেল না তো আরো সাংসাতিক’কিছু শাস্তি পাবে তুমি। বুঝলে ?”

খাকী পোষাক বুটজুতের আওয়াজ তুলে চলে গেল।

বিধিনিষি ! তাই বটে।

মুহূর্তকাল ভাবল নন্দ। কেন সে উতলা হচ্ছে। ভয় পাচ্ছে ! দূর, এ সংসারে কে কার ! তার যদি কেউ থাকত তাহলে কি আর খুঁজে বেড়াতে

## প্রান্তরের গান

না, কেউ কি তাকে ডাকতে আসত না ! নাঃ, আর ভয় নয়, ভাবনা নয়, জীবনকে নিয়ে জুয়াই খেলবে সে। সেই ভাল। 'সে আর বাড়ী যাবে না এখন। কিন্তু তবু চেত্নে তার জল এল।

কিন্তু নন্দ মিথ্যে অভিমান করছে। তার বিষয়ে সবাই ভাবছিল বৈকি।

নেশা কার্টবার সময় অতিক্রান্ত হওয়ার পরও যখন নন্দ বাড়ী ফিরল না, তখন সবাই ব্যস্ত হয়ে পড়ল। সবচেয়ে বেশী ব্যস্ত হল হরিচরণ।

পথ চেয়ে আর অপেক্ষা করে করে ভোর হল। তবু এল না নন্দ। তখন হরিচরণ একবার ঘুরে এল আশপাশ আর নন্দ'র যক্ষুদের বাড়ী থেকে। কেউ বলতে পারল না কিছু। থকর শুনে অর্জুন বেরোল নন্দ'র খোঁজে।

খুঁজতে খুঁজতে ঠিক জায়গাতে গিয়েই হাজির হল অর্জুন।

হাটের মধ্যস্থিত ইস্তাহার-লট্‌কানো তেঁতুল গাছটার নীচে বসে নন্দ বিড়ি ফুকছিল। তার উদাস বাস্পাচ্ছন্ন দৃষ্টি সামনের দিকে প্রসারিত।

সব কথা জানতে পারল অর্জুন।

তার মুখে আর কথা সরে না, তবু সে প্রশ্ন করল, “কিছুই হতে পারে না তাহলে?”

নন্দ ঘাড় নাড়ল।

“তবে বাড়ী চল্।”

“না।”

“নে, রাগ করিস্ না আর। রাগ করে তো নিজের সর্বনাশ করলিই আর কেন?”

## প্রান্তরের গান

“না।” দৃঢ়কণ্ঠে মাথা নাড়ল নন্দ।

অর্জুন একটু চিন্তা করল। ‘উহু’, প্রবীরকে খবর দেওয়াই ভাল। সে শিক্ষিত লোক, হয়ত অফিসারের সঙ্গে কথাবার্তা বলে কিছু নিষ্পত্তি করতে পারে। আচ্ছা, আপাততঃ নন্দ এখানেই থাক্।

বাড়ীতে সবাই খবর পেল।

যুদ্ধ! শকটাই যেন একটা বোমা বিস্ফোরণের মত ভয়ঙ্কর। যুদ্ধ মানেই ত মৃত্যু।

বাড়ীতে কান্না শুরু হল। ধুলোয় আছড়ে পড়ে কাজললতা মাথা কুটতে লাগল।

হরিচরণ অর্জুনের দিকে তাকাল, বিড় বিড় করে প্রশ্ন করল সে, “কি করি তবে?”

অর্জুন বলল, “প্রবীরকে খবর দিন্।”

ঠিক্।

মাধবী দৌড়োল। বিয়ের বয়স হয়েছে মাধবীর, যখন তখন রাস্তায় বেরোয় না সে। তবু সে আজ দৌড়েই গেল। তার ভাই, তার একটি মাত্র ভাই যুদ্ধে যাচ্ছে! যুদ্ধ মানেই ত’ মৃত্যু! তার ভাই, তার একটি মাত্র ভাই আজ সেই যুদ্ধে হয়ত মরতেই চলেছে, মাধবী কি করে স্থির থাকে?

প্রবীর খবর পেল। সে গেল রিক্রুটিং অফিসে, দেখা করল অফিসারের সঙ্গে। সব কথা খুলে বলে নানাভাবে অনুরোধ করল নন্দকে ছেড়ে দেবার জন্য।

কিন্তু কিছুই হল না। প্রবীর ব্যর্থ হল।

নন্দকে যুদ্ধে যেতেই হবে, আজই তাকে সদরে রওনা হতে হবে। যা হয়ে গেছে তার রদ হবে না, বিধিলিপিকে কে খণ্ডাবে বল?

## প্রান্তরের গান

নন্দ বাড়ী গেল ।

তাকে আর চেনা যায় না রাতারাতি যেন একটা বিপ্লব হয়ে গেছে তার ভিতরে । রাতারাতি নয়, সৈনিক হওয়ার পর থেকে । সে বাড়ীতে বাওয়ার পর ভীত, ছঃখহত পরিবারে যা ঘটল তা বর্ণনা করে কি হবে । সে বড় বেদনার কাহিনী ।

হরিচরণ নিঃশব্দে চোখের জল মুছতে লাগল ; রাসমণি উন্মাদিনীর মত আবোল তাবোল বক্তে লাগল । মাধবী কাঁদল না, চীৎকারও করল না, কিন্তু এঘরে ওঘরে ছট্‌ফট্‌ করে বেড়াতে লাগল সে । প্রবীর বাইরের দাওয়ায় চুপ করে বসে আছে । যে প্রবীরকে দেখবার জন্ম মাধবী প্রবীরের বাড়ীতে গিয়ে পর্য্যন্ত হাজির হয়, সেই প্রবীরই কতক্ষণ ধরে বাইরে বসে আছে । অথচ আজ একটুও আগ্রহ হচ্ছে না বাইরে যেতে বা দরজার আড়াল থেকে উকি মারতে । রক্তের স্টানটা আজ বড় হয়ে উঠেছে ।

আর কাজললতা ? আলুথানু বেশ, বিপর্য্যস্ত কেশ তার, চোখে জলের ধারা । অলস্ত কাঠের রসধারা আবার দেখা যাচ্ছে ।

বারংবার সে নন্দর পায়ে মাথা খুড়তে লাগল আর প্রশ্ন করতে লাগল, “কেন তুমি এ সর্ব্বনাশ করলে গো—কেন, কেন ?”

পাথর হয়ে গেছে নন্দ । বুকের ভিতরটা তার মুচড়ে উঠছে, ছুটে কঠিন কিছুর উপর মাথাটা খুড়ে ভেঙ্গে ফেলতে ইচ্ছে করছে তার কিন্তু পারছে না সে । কান্নায় ভেঙ্গে পড়ে চীৎকার করতে ইচ্ছে হচ্ছে তার কিন্তু সে অক্ষম । একি বিধিলিপি !

ইঠাৎ সে ছেলেটার দিকে তাকাল । কি মায়াময়-ছুটি অবোধ চোখের চাহনি ! ছেলেকে সে বুকে জড়িয়ে ধরল । কি স্নকোমল স্পর্শ ! একি করেছিল সে ! ইঠাৎ যেন প্রথম জন্ম হল নন্দ'র । যেন ইঠাৎ স্মৃষ্ হল

## আস্তরের গান

সে। একি কয়েছিল সে! ললিতার আকর্ষণে সে কি সর্বনাশ করেছে  
ওই হতভাগিনীর আর এই ছেলোটর! যুদ্ধে নাম লিখিয়ে কেন সে  
আবার নূতন সর্বনাশের দিকে পদক্ষেপ করল? ঠিকই, তার বিধিলিপি।

কাজলতাকে বুকে টেনে নিল সে, তার বুকে মাথা রেখে অকস্মাৎ  
সে কঁদে ফেলল আর ভগ্নকণ্ঠে বলল, “আমায় মাফ কর, কাজলতা।  
আমায় তুমি মাফ কর।”

চোখের জলে সব ধুয়ে মুছে গেল। নন্দ’র গ্লানি আর জালা, কাজল-  
লতার হুঃখ আর বেদনা সব চোখের জলের সঙ্গেই ধুয়ে মুছে গেল।  
আগামী দিনের যুদ্ধ আর মৃত্যুর কথা, বিচ্ছেদ ও শূণ্যতার কথা ওরা সব  
ভুলে গেল। ভুলভ্রান্তি, অত্যাচার, অবিচার আর মনকষাকষির পর আসন্ন  
বিদায়ের প্রাক্কালে বুকে মাথা রেখে এই যে অশ্রুবর্ষণ করল নন্দ তাতে  
সব পৃথিবী যেন আবার ওদের কাছে আলোয় ঝলমল হয়ে উঠল, আবার  
বাঁচবার জুত একটা আকুল পিপাসা যেন ওদের মনে জাগল। ওদের  
হারানো প্রেম-স্নেহ ফিরে এল, ভাঙ্গা কাঁচ যেন আবার জোড়া লাগল।

মধ্যাহ্ন শেষ হলো। সময় হলো যেতে হবে।

প্রবীরও ঘাটে গেল। একটা বড় নৌকা খালঘাটে বাঁধা রয়েছে,  
ভাতে জন বারো লোক, ছদ্মনামধারী পোশাকধারী তাদের নিয়ে যাচ্ছে।  
নন্দও হাজির হয়েছে আর তার পেছন পেছন চোখের জল ফেলতে  
ফেলতে গিয়েছে হরিচরণ, রাসমণি আর ছেলে কোলে করে কাজলতা।  
অর্জুনও আছে। নন্দ যেন হতবুদ্ধি হয়ে গেছে, মুখে চোখে তার প্রাণের  
কোনো সাড়া নেই, সৈনিকের খাতার নাম লিখিয়েই সে যেন মরে  
গেছে। মাঝে মাঝে এদিক ওদিক তাকাচ্ছে সে। কল্যাণের গাছ-

## প্রান্তরের গান

পালা, নদী নালা, আকাশ বাতাস আর ফুলফলকে সে যেন শেষবারের মত দেখে নিচ্ছে ।

ওদিকে ওরা কাঁদছে ।

প্রবীর দূরে দাঁড়িয়েছিল । হঠাৎ তার অসহ মনে হল এই ককণ দৃষ্টিকে । মনটা ভারাক্রান্ত হয়ে উঠল, পালাতে ইচ্ছে করল তার ।

ঘাটে সবাই এসেছে নন্দকে বিদায় দিতে, কেবল মাধবী আসেনি । ইচ্ছে করেই আসেনি সে, ভাই মরতে যাচ্ছে একথাটা সেই সব থেকে বেশী করে বিশ্বাস করেছে বলে ।

পা টিপে টিপে প্রবীর সরে গড়ল সেখান থেকে ।

“মাধু”—প্রবীর ডাকল ।

দরজা খোলাই রয়েছে । মনে হয় বাড়ীটা যেন হঠাৎ পোড়ো হয়ে পড়েছে ।

“মাধু”—

বাড়ীর ভিতরে ঢুকল প্রবীর ।

ভিতরের দাওয়ায়, বাঁশের খুঁটিতে হেলান দিয়ে মাধবী চুপ করে বলে রয়েছে । তার দৃষ্টি অর্থহীন ।

“মাধু”—

মাধবী প্রবীরের দিকে তাকাল ।

“দাদা গেছে ?” শুককণ্ঠে সে প্রশ্ন করল ।

“এইবার যাবে—সবাই তৈরী”—

মাধবী উত্তর দিল না ।

ভ্রুজনেই চুপ করে আছে ।

হঠাৎ মাধবী ঝরঝর করে কাঁদে ফেলল ।

## প্রান্তরের গান

“মাধু, কঁাদছ!” বেদনায় প্রবীরের বুকটা মুচড়ে উঠল। আশ্চর্য্য!

সে মাধবীর কাছে গিয়ে দাঁড়াল, হাঁটু গেড়ে বসল। মাধবীর চোখের জল যেন স্ফটিকের মত স্বচ্ছ। মাধবী কঁাদছে কিন্তু কি অপরাধই না দেখাচ্ছে তাকে।

একটা কিছু করতে হবে, মাধবীকে সান্ত্বনা দিতে হবে! প্রবীরের মন বলল।

ডান হাত দিয়ে সে মাধবীর চিবুকটা তুলে ধরল। অশ্রুধৌত মুখ-শঙল। কৌকুড়ীনা চুলের রাশি, টানা টানা ভুরু, হরিচরণের মত ডাগর ডাগর ছুটি চোখে স্ফটিকের মত স্বচ্ছ জলের পর্দা। অপরাধ। তার হৃদয়ের মধ্যে মাধবী যে কোন নিভৃত মুহূর্তে এসে নিজের আসনটিকে সুপ্রতিষ্ঠিত করে ফেলেছে তা প্রবীর এতদিন ঠিকভাবে জানতে পারেনি কিন্তু আজ সে জানতে পারল। ভুল নয়, সে বোধ হয় মাধবীকে ভাল-বাসতে শুরু করেছে।

“কৈন্দো না মাধু—ছিঃ”—

সমবেদনা!, স্পর্শ! মাধবী তার কল্পনার প্রবীরের সঙ্গে মনের মধ্যে নিরন্তর যে মান অভিমান করে তা যেন এই সমবেদনা আর স্পর্শের ফলে আজ একটা গতিপথ পেল।

সশব্দে কৈন্দে উঠল মাধবী। ছহাত বাড়িয়ে প্রবীরের কর্ণদেশ বেষ্টন করে, তার কাঁধে মাথা রেখে সে কঁুপিয়ে কৈন্দে উঠল।

“কৈন্দো না মাধু—ছিঃ”—প্রবীরের চেতনা রোমাঞ্চিত হয়ে উঠেছে। কিন্তু তবু একি বিপদ! যদি কেউ এসে পড়ে!

“আমার দিবি—কৈন্দো না লক্ষীটি”—

মাধবী কান্না চাপতে চেষ্টা করতে লাগল।

ছুটি মৃণালভূজের আর একটি ইন্দুমুখের উষ্ণ স্পর্শ। প্রবীরের

## প্রান্তরের গান

মনের মধ্যে হঠাৎ যেন দেবাসুরের সংগ্রাম আরম্ভ হ'ল। আর সেই প্রচণ্ড সংগ্রামের সংঘাতে সে বেদনায় বিবর্ণ হ'তে লাগল।

“ছাড়—মাধু”—

“না”—

“ছিঃ”—

“না।”

“কৈদো না—থামো।”

“থেমেছি।”

“এবার ছাড় তবে”—

“না।”

“তোমার মাথা খারাপ হয়েছে।”

“এতদিনে টের পেলে তুমি?” মাধবী কান্নার মধ্যেই বিরক্ত হাসি হাসছে। আর কঁাদছেই বা কি জন্তে এখন সে? ~~নন্দ~~ জন্ত? হ্যাঁ কান্নাটা নন্দর জন্তই শুরু হয়েছিল বটে কিন্তু শেষ হল নিজের জন্ত, প্রবীরের জন্ত। আশ্চর্য্য মেয়ে এই মাধবী।

কিন্তু না, প্রবীর আর মাথা ঠিক রাখতে পারছে না।

মাধবীর হাত দুটো জোর করে ছাড়িয়ে দিল প্রবীর, হেসে বলল, “অত অবুঝ হলে কি তোমায় সাজে মাধু? নন্দ যুদ্ধে গেছে, তাকে কান্নার কি আছে বলত? দেশ যদি স্বাধীন হয় তবে তো আমরা সবাই যুদ্ধে যাব, যুদ্ধ করব। আর যুদ্ধে গেলেই কি সবাই মরে? তা হ'লে তুমি পৃথিবী একদিনেই শেষ হয়ে যেত। কান্না থামাও দিখি। হ্যাঁ এবার চোখ মোছ।”

মাধবী চুপ করল, কেবল প্রবীরের মুখের দিকে ভ্রূণ্ডের মত সে চেয়ে রইল। সব ভুলে গিয়েছে মাধবী।



## প্রান্তরের শান

“আমি যাচ্ছি মাধু” প্রবীর উঠে দাঁড়াল।

“যাবেই?”

“হ্যা, আবার পরে আসব।”

ছুটে পালাল প্রবীর।

মাধবী আবার কাঁদতে বসল।

নন্দ যুকে গেল।

আরে! অনেকেই গেল। তাদের আগেও গিয়েছে অনেকে।

কিন্তু তবু কিছু হলনা। দুর্বীর গতিতে প্রচণ্ড বিক্রমে, জাপানীরা এগিয়ে আসতে লাগল। তাঁদের বিজয়-পতাকা একের পর এক, নতুন নতুন দেশের গর্জনের মাঝে পত্ পত্ করে উড়তে লাগল। ফিলিপাইন দ্বীপপুঞ্জ, জাভা, সুমাত্রা, বোর্নিও গেল। গেল সিঙ্গাপুর। ব্রিটিশ সাম্রাজ্যের বড় বড় ঘাটিগুলো থেকে ইউনিউন জ্যাক অপসারিত হল। বিজয় গর্জিত জাপ সৈন্যদের পদধ্বনি আর কামানের গর্জনে ব্রহ্মদেশের বাতাস কাঁপিয়ে ভারতবর্ষেও পৌঁছোল।

ভারতবর্ষে তখন আলোড়ন চলছে। ভয়, ভাবনা, আশা, নিরাশা। সুভাষচন্দ্রের কণ্ঠস্বর শোনা যাচ্ছে বেতার মারফৎ। লোকে উত্তেজিত হচ্ছে ইংরাজের বিপদ দেখে, ভয় পাচ্ছে জাপানী আক্রমণের আশঙ্কায়। পরাজয় আর ভারতবর্ষের এই উত্তেজিত অবস্থায় ব্রিটিশ সাম্রাজ্যবাদও শক্তিত হল। ভারতীয়দের পোষ মানাবার জন্য একটা চেষ্টা না করলেই নয়। বিলেৎ থেকে দূত এলেন। স্যার ষ্টিফোর্ড ক্রিপ্স। ভারতবর্ষের সংবাদ পত্রগুলোতে বড় বড় ছাপার হরফে নানা জল্পনার খোরাক জুটতে

## প্রান্তরের গান

লাগল। দেশময় সবাই রুদ্ধশ্বাসে অপেক্ষা করতে লাগল। সাহেব দূত এসে ভারতবর্ষের নেতৃবৃন্দের সঙ্গে আলাপ আলোচনা করতে লাগলেন। ক্রিপস্ তার ব্যাগের ভিতর থেকে নূতন লাডু বের করলেন, দিল্লী-কা-লাডু ঢুকেও লজ্জা দেয়। তিনি বললেন যে ভারতবর্ষ যুদ্ধের পর স্বাধীনতা পাবে বটে কিন্তু আপাতত দেশ শাসনের ক্ষমতা ভারতীয়দের হাতে দেওয়া যেতে পারে না। কংগ্রেসের ইচ্ছামত যুদ্ধের সময়ে জাতীয় সরকার প্রতিষ্ঠা করার মধ্যে ইংরাজেরা নিজেদের কবরের ছবি দেখতে পেয়ে ঘাবড়ে গেল। দৌত্য ব্যর্থ হল। ভারতবর্ষ অপমানিত হল। নিরাশা ও বিকোন্ডের আগুনে ছাইচাপা আগুনের মত সমস্ত দেশ জ্বলতে লাগল, তার নজর এবার জাপানী আক্রমণের গতির দিকে পড়ল। ভারতবর্ষ জাপানের হাতে যাক্—কোনো ভারতীয়ই তা চাইল না তবে ব্যর্থতায় পীড়িত হয়ে মনে মনে অনেকেই কামনা করল যে ইংরেজেরা যেন জাপানীদের কাছে আরো লাহিত হয়। নিরুদ্বেগ, দুর্বলের এ মনোভাব নিলনীয় হলেও অস্বাভাবিক নয়।

মোটকথা ভারতবর্ষের বুকের উপরকার শিলাস্তম্ভ একইভাবে অনড় রইল, তার শৃঙ্খলে এতটুকুও ক্ষয় দৃষ্ট হল না। আপোষ নয়, সংগ্রামের পথে এবার যে না গেলেই আর নয়—সে কথা দেশের সবাই বুঝল। কিন্তু কংগ্রেস তা এড়াতে চাইল।

শেষ কথা এই যে ভারতবর্ষ শুধু আত্মদাহী অগ্নিজালাতেই জ্বলতে লাগল, ইতিহাসের দ্রুত পরিবর্তনশীল ঘটনার মাঝে কিংকর্তব্যবিমূঢ় হয়ে অন্ধের মত সে শুধু পথ হাওড়ে বেড়াতেই লাগল।

## প্রান্তরের গান

পৃথিবীর দ্রুত পটপরিবর্তনের মধ্যে নাকি একটা গভীর ইঙ্গিত আছে। ধর্মের দেশ ভারতবর্ষের মানুষেরা তাই নিয়ে আলোচনা করছিল। খালিমুখে মদ খেলে যেমন আনন্দ হয় না তেমনি নিছক ভ্রামকের ধোঁয়ায় নেশা জমে না চাটু চাই। জাপানীদের অগ্রগতির কথা সেই চাটের খোরাক জোগাচ্ছিল।

মুদ্রিত-নেত্রে অঘোর পণ্ডিত হরিভূষণ গাঙ্গুলীর ওখানে বসে বসে বলছিলেন, “আমরা মানুষ আমাদের বিচার নিভুল হতে পারে না। কিন্তু সে যাই হোক—মায়ের লীলা’র অর্থ এবার বোঝা যাচ্ছে—শ্বেচ্ছদের দিন এবার ঘনিষে এসেছে”—

নরুত্র আর গ্রহের অবস্থান নিয়ে তিনি রুদ্ধশ্বাস শ্রোতৃমণ্ডলীকে বোঝাতে লাগলেন যে আর দিন নেই, কলির শেষ হল বলে, ধ্বংস আর স্রুত্বর মাঝে কলিযুগের নাভিধ্বাস উঠেছে।

তামাকের ধোঁয়ার মাঝে, নিজেদের প্রাচীন সংস্কারের জীর্ণতার মাঝে, এমনিভাবে জল্পনা করবার নেশা নিয়েই ওরা বৃন্দ হয়ে রইল।

সুত্রত মাথা নাড়ল, “উহ—এবার সংগ্রাম আসন্ন। কংগ্রেস তার ধৈর্যের জন্ত প্রশংসার্ক—শেষ চেষ্টা নিষ্ফল হয়েছে—এবার সংগ্রাম আসন্ন।”

প্রবীর মূহ হাসল, “কিন্তু যুদ্ধের চেহারা যে পাল্টে গেছে। রাশিয়া যুদ্ধে নেমেছে, জাপান এগিয়ে এসেছে। আজ সংগ্রাম করা মানে একদিকে মানুষের শ্রেষ্ঠ স্বপ্নের ‘কারখানাকে ভেঙ্গে ফেলা’ অত্মদিকে নূতন এক বর্ষার জাতির হাতে অতি সহজে দেশকে তুলে দেওয়া। তা কি উচিত?”

## প্রান্তরের গান

স্বত্রত কিছুতেই বুঝবে না অশ্রু কথা, সে বলল, “তোমার জনযুদ্ধের কথাটা আমি মানি না প্রবীর, রাশিয়াতে যেটা জনযুদ্ধ দশ ভারতবর্ষে তা মোটেই জনযুদ্ধ নয়। আমরা পরাধীন—আমাদের একটি মাত্র কর্তব্য ইংরেজদের ভারতবর্ষ থেকে তাড়ানো।”

“তা সত্যি—কিন্তু ফ্যাশিজম্ও কি আমাদের শত্রু নয়? সাম্রাজ্যবাদের চরম সংস্করণ হল ফ্যাশিজম্—সেদিক দিয়ে জাপানকে আমাদের বাধা দিতেই হবে। ইংরাজ-বিতাড়ন আর জাপানী-প্রতিরোধ একসঙ্গেই হতে পারে না।”

“তা মানি কিন্তু তোমাদের কম্যুনিষ্টদের জনযুদ্ধ নীতিকে মানতে পারছি না প্রবীর। আমরা যদি ইংরাজের বিরুদ্ধে লড়তে পারি তবে জাপানের বিরুদ্ধেও পারব। চল্লিশ কোটি ভারতবর্ষসীর শক্তি কম নয়।”

প্রবীর হাসল, “সে চল্লিশকোটি এক হলে ত’ কথাই ছিল না। আমরা ত, সেইটেই চাই। চল্লিশকোটিকে সম্মিলিত করে নূতন শত্রুকে হাটিয়ে দেব এবং তারপরে ইংরাজদের সঙ্গে লড়াই করব।”

স্বত্রত অবিশ্বাসের হাসি হাসল, দেশের মধ্যে জাগরণ এসেছে, উত্তেজনা সঞ্চারিত হয়েছে—একে অশ্রুপথে পরিচালিত করলে নিরাশায় মুহ্যমান হয়ে পড়বে সবাই।

“তা হোক। তাই পিছনে পরিচালিত করবে দেশকে।”

“তোর সঙ্গে আমার মতে মিলছেন প্রবীর।”

“তা তো বুঝতেই পারছি, কিন্তু ভেবে দেখ স্বত্রত। ইতিহাস তোর জন্ত অপেক্ষা করবে না, করেও না। যে সংগ্রাম গতকাল প্রয়োজন ছিল আজ তার প্রয়োজন গৌণ হয়ে গেছে। এতদিন সবাই বখন সংগ্রামের জন্ত ছটফট করছিল তখন নেতারা আপোষের পথে গিয়ে

## প্রান্তরের গান

কি ভাল করেছিলেন? সংগ্রামের প্রয়োজন হয়ত আজো আছে কিন্তু তার গতিমুখ এবার অল্প দিকে ফেরাতে হবে।”

“না আমি তোর কথা মানতে পারছি না।”

“সময়ের সঙ্গে তাল রেখে চল সূত্রত, অবস্থানুযায়ী নীতিকে পরিবর্তন কর—আধুনিক রাজনীতির তাই ধর্ম।”

সূত্রত হাসল, “হয়ত তোর যুক্তি আছে তবে আমার যুক্তিও কম নয়। আসলে ব্যাপারটা কিন্তু আলাদা প্রবীর—”

“কি?”

“আমাদের মাঝে এবার ব্যবধান গড়ে উঠেছে।”

“তাই মনে হচ্ছে।”

“হ্যাঁ। আমাদের পথ এবার বিপরীতমুখী। আমার পথ দক্ষিণে, পরিকার পথে।”

প্রবীর হাসল, “আর আমার পথ বামে—সহজ পথে।

হাসল হুজনে। সে হাসি ইঙ্গিতপূর্ণ।

খানিকটা অগ্রমনস্ক হয়েই ফিবিছিল প্রবীর। মনটা তার ভারাক্রান্ত হয়ে উঠেছে।

হঠাৎসে ধম্মকে দাঁড়াল। শিখা আসছে।

“আপনি!” প্রবীরের মুখ থেকে উচ্চারিত হল।

মুহূর্তকাল নিঃশব্দে কাটল। তারি মধ্যে হুজনে নিজেদের অভিভূত অবস্থা কাটিবার চেষ্টা করতে লাগল, তারি মধ্যে প্রবীর লক্ষ্য করে দেখল যে শিখা আরো ক্রুশাঙ্গী হয়েছে, তার হুচোখে একটা বস্তু

## প্রান্তরের গান

জালা ফুটে রয়েছে, অযত্ন আর নিরাসক্তিতা দেহের সর্বান্তে প্রকট হয়ে আছে।

“আপনার ওখানেই যাচ্ছিলাম” শিখা যেন একটা টাল সামনে নিল।

“তাই নাকি? সুস্বাগতম—চলুন”—শিখার কণ্ঠস্বরকেও লক্ষ্য করল প্রবীর।

প্রাণের কোনো সাড়াই নাই তাতে, জীবন সম্বন্ধে একটা নিদারুণ হতাশা আর ক্লান্তি যেন খবনিত হল তার কণ্ঠস্বরে।

শিখা একটু ইতস্ততঃ করল পরে নিজেকে সামলে নিয়ে বলল, “না এমনি বেড়িয়ে আসি চলুন।”

সস্বোচবোধ করছে শিখা—প্রবীরের সঙ্গে দেখা হয়ে যাওয়ায় তার লজ্জা করছে এখন।

“তাই চলুন তবে”—প্রবীর বলল।

কিন্তু বেড়াবার জায়গা কোথায় গ্রাম দেশে?

খানিকক্ষণ নিঃশব্দভাবেই পথ অতিক্রম করল তারা। কোনো কথাই যেন তারা খুঁজে পাচ্ছে না।

প্রবীরের অস্বস্তিবোধ হয় সে বলল, “কবে এলেন?”

“কাল এসেছি আমার দাদার সঙ্গে। আজ খবর পেলাম যে আপনিও এসেছেন।”

“আপনার দাদাও এসেছেন? হ্যাঁ, শুনেছিলাম বটে যে তিনি এম, এ, পাশ করেছেন। যাক সেকথা—আমাদের নিকট অনেকদিন পরে দেখা—না?”

“হ্যাঁ। ঢাকা’র জেলে একবার দেখা হয়েছিল—প্রায় বছর খানিকের কথা, তারপরে যে কোথায় গেলেন।”

## প্রান্তরের গান

প্রবীর হাসল, “যাইনি ত’—সরকার বাহাদুর নিয়ে গেলেন যে।”

“কোথায় কোথায় ঘুরলেন?”

“ফরিদপুর আর রাজসাহী”—

“আপনার স্বাস্থ্য খুব ভাল দেখছি না তো।”

“আপনারটাও অল্পরূপ।”

শিখা স্নান হাসি হাসল।

আবার নিঃশব্দতা।

হঠাৎ শিখা ডাকল, “প্রবীরবাবু”—

“এঁা?!”

“আমায় ক্ষমা করবেন”—

“কেন বলুনত?” প্রবীর আশ্চর্য্য হল।

“আপনার জেলে যাবার মূলে আমি”—শিখা যেন হাঁপাচ্ছে।

প্রবীর হেসে উঠল।

“হাসি নয়”, শিখা মাথা নাড়ল, অন্তরিক্কে দৃষ্টি ফিরিয়ে বলল, “আপনি সেদিন আমার নেমস্তন্ন রক্ষা না করাতে আমি জ্ঞান হারিয়েছিলাম। বাবা আপনাকে জব্দ করার তোড়জোড় করছিলেন বরাবরই—আমি উত্তেজিত হয়ে তাঁকেও উত্তেজিত করেছিলাম বলেই আপনাকে এই লাজনা ভোগ করতে হল। আমিই প্রকৃত দোষী।”

শিখার কথাঁর শেষাংশ অস্ফুট হয়ে এল, রুদ্ধ আবেগে কেঁপে উঠল তাঁ। •

প্রবীর ক্ষণকাল চুপ করে রইল, তায়পরে হেসে এগিয়ে গিয়ে, শিখার একটি হাত ধরে মৃদুকণ্ঠে বলল, “আসল দোষ কার সে আমি বুঝতে পারছি শিখা দেবী—যতই বলুন—আপনি সে ব্যক্তি নন। আর আমিই ত’ প্রথমে দোষ করেছিলাম—আমি আপনার নিমন্ত্রণকে উপেক্ষা করে

## প্রান্তরের গান

আপনাকে অপমানিত করেছিলাম, হুংখ দিয়েছিলাম। আমায় ক্ষমা করুন।”

হুংখ বুজে শিক্ষা টলে উঠল একবার, তার সমস্ত দেহ এক বিচিত্র অনুরূপিতে স্পন্দিত হয়ে উঠল।

মৃহু হেসে, সলজ্জ ভাবে শিক্ষা বলল, “কিন্তু সেদিন কেন যে আপনি আসতে পারেননি তা আমি জানতে পেরেছি, স্মতরাং আপনি ক্ষমা চেয়ে আমার মনের বোঝা আর বাড়াবেন না, আসলে আমাকেই আপনার ক্ষমা করা উচিত।”

“তার চেয়ে এক কাজ করা যাক।” প্রবীর সহাস্ত মুখে বলল।

“কি?”

“কেউ কাকে ক্ষমা করব না এবং ব্যাপারটা তুচ্ছ বলে হুজনেই তা ভুলে যাব।”

হুজনেই হেসে উঠল।

ঘুরতে ফিরতে শিক্ষার বাড়ীর ফটকের কাছেই হুজনে এসে হাজির হল।

“আপনার বাড়ী।” প্রবীর বলল।

“তাইত দেখছি।”

“তাহলে আসি এবার।”

“ভিতরে আসবেন না?”

প্রবীর উত্তর দিতে গিয়ে থেমে গেল। মুখের উপর, ‘না’ বলতে আজ যেন বাধল একটু, শিক্ষার পরিবর্তন, তার দৈন্য, তার হতাশা তাকে আজ কঠোর হ’তে নিষেধ করল।

হঠাৎ ফটকের সামনে একজনের ছায়া পড়ল।

শশাঙ্কবাবু।



## প্রান্তরের গান

শিখার মুখ বিবর্ণ হয়ে গেল, প্রবীরের কঠিন ও শীতল চোখ  
ছোটের দিকে তাকাল সে।

প্রবীরও শিখার দিকে তাকাল।

শিখা মাথা নাড়ল, “না, আপনি যান।”

“ঠিক বলেছেন আপনি, ধন্যবাদ। নমস্কার।”

“নমস্কার।”

বজ্রাহতের মত দাঁড়িয়ে রইল শিখা প্রবীর চলে গেল। রাস্তার  
দিকে দৃষ্টি নিবদ্ধ করে শিখা স্তন্যতে পেল যে তার পিছনে তার বাবার  
পায়ের জুতোর শব্দ ধ্বনিত হচ্ছে।

সে শব্দ-শিখার কাছে এসে থামল।

“কালকে তুই বাড়ী এসেছিস্ আর আজকেই গিয়ে ওই স্কাউন্টের লটার  
সঙ্গে দেখা করেছিস্!” স্নেহভিত্তিক কণ্ঠে ভৎসনা করলেন শশাঙ্কবাবু।

শিখা চুপ করে রইল।

“শিখা”—

“কি?”

“আমার একটা কথা আছে।”

“বল।”

“ওই কম্যুনিষ্টটার সঙ্গে তুই আর মিশিস্ না।”

শিখা স্নান হাসি হাসলো, “তা আর পারব না বাবা।”

“ও আমায় শত্রু”—‘শত্রু’ কথাটা উচ্চারণ করেই শশাঙ্কবাবু উত্তেজনা  
বোধ করলেন এবং কণ্ঠস্বরকে উচ্চগ্রামে চড়ালেন তিনি।

“তা হোক—তবু আর পারব না বাবা।”

“ওর সঙ্গে আবার মিশলে মেয়ে বলেও আমি তোকে ক্ষমা করতে  
পারব না কিন্তু”—

## প্রান্তরের গান

“আমার হুঁচকি কিন্তু তবু আমি তোমার কথা রাখতে পারব না বাবা।”

“কিন্তু কেন?” শশাঙ্কবাবু হঠাৎ গর্জ্জ উঠলেন, মাথায় যেন মুহূর্তে রক্ত চড়ে গেল তার, “এমন ভাবে বারবার ‘না’ বলার কারণটা কি? কোন্ সাহসে তুই আজ আমার মুখের উপর এমন নিল্ল’জের মত কথা বলছিস্ তা কি জানতে পারি?”

“পার।”

“কি সে কথা?”

“আমি প্রবীরকে ভালবাসি।”

“শিখা!”—শশাঙ্কবাবুর কানে যেন কেউ গলিত শীসা ঢেলে দিল।

“মিথ্যে নয়, এই আসল কথা বাবা।”

শিখা দ্রুতপদে ভিতরে চলে গেল।

একি হল! শশাঙ্কবাবু যেন পাথর হয়ে গেলেন। তিনি একদিন যে ভয় করেছিলেন তাই শেষ পর্যন্ত সত্য হল। শ্বাতি, ঐশ্বর্য আর প্রতিপত্তি আজ শিখার কাছে অর্থহীন হয়ে গেল! শেষপর্যন্ত সে ঐ নিকর্ম্য কন্যনিষ্ঠটাকেই ভালবাসল! শুধু তাই নয়, নির্ভয়ে তাই সে আজ ঘোষণা করল! আর কি কোনো উপায় নেই? আর কি কোনো উপায় নেই!

শশাঙ্কবাবুর ছোটোখাটো বাগের ক্ষুধা? উপায় না থাকলেও খুঁজে বের করতেই হবে। এত সহজে পাটকলের মালিক আর জমিদার শশাঙ্ক রায় হার মানবেন না।

বিভাবতী সব শুনে প্রশ্ন করলেন, “কি করতে চাঁও তবে?”

“কি করতে চাই? দাঁড়াও”—ভাষতে লাগলেন শশাঙ্কবাবু, হঠাৎ কি ভেবে নিয়ে তিনি ডাকলেন, “জয়ন্ত—জয়ন্ত”—

## প্রান্তরের গান

সাদা এল, “বাই বাবা—”

জয়ন্ত এসে দাঁড়াল।

“কি বাবা?”

“তোর সেই ফ্রেণ্ড—আমাদের প্রমথর ছেলেটির নাম কি রে?”

“হিরন্ময়।”

“ঠিক। ও এবার ডেপুটি ম্যাজিস্ট্রেট হয়েছে না?”

“হ্যাঁ।”

“অনেকদিন দেখা সাক্ষাৎ হয়নি। আমাদের শহরের বাড়ীতে প্রায়ই ও আসত, ছেলেটি বেশ, না?”

জয়ন্ত সহাস্যে বলল, “হি ইজ একসেপ্শনালি স্মার্ট এ্যাণ্ড হ্যাণ্ডসাম্ টু”—

“হ—বেশ, তুই কাল তাকে একটা চিঠি লিখে দিস্।”

“কেন?”

“এমনি—বেড়িয়ে যাবার জন্য, আর-আর—শিখাকে দেখবার জন্য।”

“ওঃ”—

“হাউ ডু ইউ লাইক দি আইডিয়া।”

জয়ন্ত গম্ভীর হল, “আমার ত’ খুব মত কিন্তু শিখা হতভাগী যে তাকে আমলই দেয় না।”

“বটে?” শশাঙ্কবাবু যেন আবার অগাধ জলে পড়লেন, একটু ভেবে আবার উত্তেজিত কণ্ঠে তিনি বললেন, “তা হোক তবু তুমি তাকে চিঠি লেখ। আমি দেখব কেমন করে শিখা আমার বিরুদ্ধে যায়।”

“আচ্ছা।”

জয়ন্ত চলে গেল।

## প্রান্তরের গান

বিভাবতী মুহূর্তে বললেন, “শিখার বিয়ে দেবে?”

“হ্যাঁ।

“জোর করে?”

“হ্যাঁ।”

“তা কি ভাল হবে?”

“তবে কি ভাল হবে—প্রবীর চৌধুরীকে জামাই করলে? তুমি যে মেয়ের দলে তা আমি জানি তাই তোমায় আমি নিষেধ করে দিচ্ছি যে অন্ততঃ তুমি যেন আমার মতের বিরুদ্ধে না যাও, বুঝলে?” শশাঙ্কবাবু উষ্ণকণ্ঠে কথাগুলো বললেন।

বিভাবতী মাথা নাড়লেন, মুহূর্তে অথচ উত্তপ্তকণ্ঠে তিনি জবাব দিলেন, “বুঝেছি—সব বুঝেছি। মেয়ের অদৃষ্ট নিয়ে খেলবার জ্ঞান বিধাতা পুরুষ হবার সাধ হয়েছে তোমার। বেশ, তোমার ভয়ের দরকার নেই, আমি একটি কথাও বলব না তোমাকে, তোমার যা ইচ্ছে তাই কর।”

হরিচরণের সংসারে ভাঙ্গন ধরেছে। একটার পর একটা করে ঝড়ে দোলায় তার দরিদ্র সংসারের ভিত্তি দিন দিন দুর্বল হয়ে উঠছে। উপায় নেই। জীবন পথের আঁকে বাঁকে, পরস্বাপহারী তত্ত্বের মত যে সব অপ্রত্যাশিত ঘটনাবলী অপেক্ষা করে স্বেচ্ছালিকে তে। জানবার উপায় নেই। তাই অসহায় তৃণখণ্ডের মতই নিজেকে ছেড়ে দিয়েছে হরিচরণ। যা হবার হোকগে, কি যায় আসে?

কাজলতায় বাব মারা গেছে—সন্ধ্যাস রোগে। গৌরদাসের অহমিক। বা পিতৃপুরুষের লুপ্ত ঐশ্বর্য নিয়ে গৌরব বোধ থাকলেও অবস্থা ভাল ছিল।

## প্রান্তরের গান

না। শেষে মারা যাবার পর আরো বেঝো গেল যে তার খারাপ অবস্থা কতদূর ধারাপ ছিল। প্রায় পাঁচ ছয়শ টাকার ঋণের বোঝা সে তার বিধবা স্ত্রীর উপর ফেলে গেছে। এর অর্থ কি? অর্থাৎ সে ঋণ শোধ হবে না আর, গৌরদাসের ভিটে জমি ক্রোক করে মহাজনেরা অল্প টাকায় মোটা মুনাফা লাভ করবে।

যথাসময়ে খবর এল। স্বামী-বিবাহে ছটফট করছিল, তাতে আবার নূতন একটু আঘাত। অন্ধকার আকাশ থেকে বাজ পড়ল যেন। মাটিতে লুটিয়ে এত কাঁদল কাজললতা যে মরা মানুষ কেঁদে বাঁচাবার উপায় থাকলে গৌরদাস আবার বেঁচে উঠত। তা হল না, তাই শেষ পর্যন্ত থামল কাজললতা।

হরিচরণ তাকে তেতুলঝোঁরায় নিয়ে রেখে এল।

জমিদার নন্দন জয়ন্ত রায় এম, এ পাশ করে গ্রামে ফিরে এসেছে পিতৃসিংহাসনের সঙ্গে সুপরিচিত হবার জন্ত। বয়স পঁচিশেক, উগ্র বিলাতীভাবাপন্ন, রুক্ষ ও নারীমাংস-লোলুপ যুবক সে। গ্রামের ছোট গণ্ডিতে, নিরীহ, বিনীত প্রজামণ্ডলীর মাঝে নিজের ক্ষমতাকে উপলব্ধি করল সে। সে উপলব্ধি তার হৃৎস্বস্তিকে উত্তেজিত করল।

মিলের কর্তৃত্বভার সে প্রায় সম্পূর্ণভাবে গ্রহণ করল। কয়েকদিন পর থেকেই শ্রমিকদের ইউনিয়নকে ধ্বংস করার মৎসব সে মনে মনে আঁটতে লাগল। আবহুল, তাহের, অবিনাশ প্রভৃতি মুখ্য কর্মীরা তার চক্ষুশূল হল। প্রবীরের নামেও তার কানে এল।

প্রায়ই বিকেলের দিকে সে রাইফেল নিয়ে শিকারে বেরোয়। তার

## প্রান্তরের গান

শিকারী চোখ ছুটো কিন্তু অণু সন্ধানে সেই সময়ে ব্যাপ্ত থাকে। শিকারের নাম করে সে প্রজাদের অন্তর মহলের দিকে নজর বুলিয়ে নেয়। ইতিমধ্যেই ভাবী শিকারদের একটা লিষ্টও সে মনে মনে তৈরী করে ফেলেছে। এমনি শিকারের সন্ধান বেরিয়েই জয়ন্ত একদিন মাধবীকে দেখল। কামিনী সরকারের টিউবওয়েল থেকে জল নিয়ে কলসী কাঁখে ফিরছিল মাধবী। আর চল্লিশ পঞ্চাশ হাত দূরেই তার বাড়ী।

মাধবীকে দেখে জয়ন্তর লিষ্ট শতছিন্ন হয়ে উড়ে গেল।, নূতন লিষ্ট করতে হবে, তার প্রথমে থাকবে এই মেয়েটির নাম।

“শোন”—জয়ন্ত ডাকল।

মাধবী বনুকধারী জয়ন্তকে দেখে একটু ঘাবড়ে গেল।

“আমায় তুমি চেন?” মাধবীর কাছ ঘেঁষে, হেসে প্রশ্ন করল জয়ন্ত।

“না।”

“আমি জয়ন্ত রায়—জমিদারের ছেলে—”

“ওঃ”—মাধবী অবাক হয়। এত ঘটা করে আত্মপরিচয় দেবার হেতুটা কি? আর জমিদার নন্দনের চোখের দৃষ্টিটা কেমন যেন জলজলে, লোভীর মত চক্চকে। কেন?

“তোমার নাম কি?”

“মাধবী।”

“মা-ধ-বীলতা! বেশ নাম ত’—তা তোমার বাবার নাম কি?”

“হরিচরণ দাস।”

“বাড়ী কোথায়?”

“ঐ ত—সামনে।”

“হঁ—তা বেশ, তা বেশ—কিন্তু আমাদের বাড়ীতে আসো না কেন তুমি? জমিদার বলে ভয় পাও নাকি?”

## প্রান্তরের গান

মাধবী কথা খুঁজে পায় না। কি সব অর্থহীন কথা বলছে লোকটা

“যেয়ো, বুঝলে?”

নীরবে বস্তুচালিতের মত ঘাড় নেড়ে মাধবী প্রায় ছুট্ দিল।

জয়ন্ত হেসে বলল, “তোমাদের বাড়ী আসব আমি—তোমার বাবাকে বলব, বুঝলে?”

মাধবী ততক্ষণে অদৃশ্য হয়ে গেছে।

রাইফেলটাকে শক্ত করে ধরে জয়ন্ত হাসল। বাই জোভ্ সি ইজ এ্যান এঞ্জেল। এ যে শঙ্কে পদ্মফুল!

মাধবী’র বুকটা ধড়াস্ ধড়াস্ করছে। জমিদার পুত্রের কথার অর্থ সে বুঝতে পেরেছে।

কিন্তু অল্পক্ষণপরেই সে কথা ভুলে যায় মাধবী। প্রবীরের কথা ভাবতে থাকে। মানুষটা যখন জেলে ছিল তখন দিনের পর দিন কাটিয়েছে মাধবী প্রবীরের অদর্শন-জনিত বেদনা বাধ্য হয়ে সহ্য করতে হয়েছে। কিন্তু মানুষটা এই গ্রামেই আছে, মাত্র দুতিন মিনিটের পথের ব্যবধান তাদের দুজনের মাঝে অথচ তাকে দুদিন ধরে দেখতে পাওয়া যায় না! মাধবী অধৈর্য্য হয়ে উঠেছে, তার কোনো কিছুতেই আর মন বসছে না।

একটু বাদেই সে মাকে এড়িয়ে বাইরে বেরোল। সে-ই যাবে প্রবীরদের বাড়ী। অন্ধকার ঘনিষে এসেছে, কেউ লক্ষ্যও করবে না তাকে। বেরোতেই বাইরের দরজার সামনে অজুনের সঙ্গে মুখোমুখি দেখা।

## প্রান্তরের গান

“অর্জুনদা !” অপ্রসন্নচিত্তে বলল মাধবী ।

“হ্যাঁ ।” মুহূহাসির প্রয়াস দেখা গেল অর্জুনের ঠোঁটের কোণে ।

“কাকে চাও ?” একটু রুক্ষকণ্ঠেই প্রশ্ন করল মাধবী । প্রবীরের  
ওখানে যাওয়ার পথে বাধা পেয়ে তার মনটা বিগড়ে গেল ।

অর্জুন এই প্রশ্নের উত্তর দিতে গিয়ে থেমে গেল । কাকে চায়  
অর্জুন ? অর্জুন কি বলবে সে কথা ? কিন্তু কি হবে তা বলে ? মাধবী ত  
তা জানে আর জানে বলেই সে এই বেয়াড়া প্রশ্নটা করছে, না  
ও থাক্

“কাউকে না—মানে এমনি”—জড়িয়ে জড়িয়ে কথা বলল অর্জুন,  
যেন শূণ্যতার মাঝে পাক খেয়ে, নীচে পড়তে পড়তে, অক্ষুট আর্ন্তনাদ  
করছে সে ।

“ওঃ—”

“তুমি বুঝি—কোথাও—বেরুচ্ছিলে ?”

এবার মাধবীর ঘাবড়াবার পালা ।

“হ্যাঁ—না—মানে—এমনি—”

“ওঃ !”

মিথ্যে কথা বলল মাধবী কিন্তু অর্জুন সব বুঝল । প্রবীর যখন ছিল  
না তখন অর্জুনের মনে আশা হয়েছিল যে হয়ত—হয়ত মাধবীকে সে  
জয় করতে পারবে । তা হয়নি । শিবৈশ্বর, অর্জুনের মা পীড়াপীড়ি  
করেছিল তাকে বিয়ে করবার জগ্ন অর্জুন তাতে রাজী হয়নি, মাধবীকে  
সে চুল্লভা জেনেও আশা হারায়নি । কিন্তু, মাধবী যে প্রবীরকে  
ভালবেসেছে সেই প্রবীর গ্রামে ফিরে এসেছে, এখন মাধবী ত' আরো  
হুহুলভা । না, উপায় নেই, ক্রতবিক্ষত হৃদয়টাকে নিয়েই অর্জুনকে  
জীবনের বোঝা বয়ে বেড়াতে হবে । এদিকে জীবন যুদ্ধে ক্লান্ত,



## প্রান্তরের গান

দিশাহারা হয়ে গেছে অর্জুন। তার দোকান আজকাল ভাল চলে না  
সংসারে অভাব বাড়ছে অস্বাভাবিক মাত্রায়। তার উপর মাধবীকে  
হারানো। কিন্তু তবু বেঁচে থাকতে হবে, তবু নিরবলম্ব প্রেতের মত  
শূন্যতায় ভেসে ভেসে বেড়াতে হবে, অপেক্ষা করতে হবে, আশাহীন  
আশার জাল বুনে স্বপ্ন দেখতে হবে! আশ্চর্য্য, আশ্চর্য্য!

উদ্ভ্রান্তের মত চলে গেল অর্জুন।

আরো খানিকক্ষণ দাঁড়িয়ে থেকে মাধবী পা বাড়াল।

পিছন থেকে রাসমণির ডাক শোনা গেল, “মাধু রে—মাধু”—

আবার বাধা! মা মুখপুড়ী মরুক। মাধবী সক্রোধে চলার গতি  
বাড়িয়ে দিল।

প্রবীরের বাড়ী।

শুষ্ক ঘর।

“পিছিমা কি করছ গো?”

“রাঁধছি মা—আয় বোসো।”

বসল মাধবী।

এদিকে ওদিকে সতৃষ্ণ ও সন্ধানী দৃষ্টি বুলিয়ে মাধবী আমতা আমতা  
করে প্রশ্ন করল। “একা রয়েছ পিসী, না?”

“প্রবীরটা সেই ছপুরে যে কোথায় গেছে তা সেই জানে ফিরতে রাত  
হবে বলেছিল।”

“ওঃ—ওঃ”—

হঠাৎ অর্জুনের উপর রাগ হয় মাধবীর। হারামজাদা, শুয়োর  
ঐ অর্জুন। হাংলাটার জন্যই বোধ হয় সে আজ প্রবীরকে দেখতে পেল  
না। আসলে সে প্রবীরের উপরই রাগ করেছে কিন্তু তবু সে সচেতন  
মনটার কাছে সাধু সাজতে চায়। তাই তার মনের নিষ্ফল ক্রোধ লক্ষ্য

## আন্তরের গান

হল এড়িয়ে তিথ্যকগতিতে অর্জুনের উপর গিয়েই পড়ল। বেচারী অর্জুন ! মেয়ে মানুষের মনে যে এত জটিলতা তা সে কি করে জানবে ?

কাজললতা ফিরে এল। থম্‌থম্‌ মুখ আর ভাঙ্গা মন নিয়ে সে দিনের পর দিন কাটাতে লাগল। রাজকন্যার মত রূপসী কাজললতার অনেক পরিবর্তন হল। বেশভূষা আর সাজসজ্জা সে ভুলে গেল, তার দেহ হল শীর্ণ, তার চোখের কোণে লাগল চিন্তার কজ্জল লেখা। কাজললতাকে খার চেনাই যায় না। দিনরাত গুম্‌ হয়ে থাকে সে। মাঝে মাঝে অকারণে দপ্‌ করে জলে ওঠে।

অনেক দিন নন্দর চিঠি আসেনি। যাওয়ার দিনকয়েক পর একটা চিঠি এসেছিল—মেহাৎই মামুলি, তার বাবাকে লেখা। কাজললতা আশা করেছিল যে নন্দ তাকে একটা চিঠি লিখবে, ‘প্রাণেশ্বরী’ ‘প্রিয়তমা’ বলে আদর জানিয়ে বিরহ জ্বালাকে কথঞ্চিৎ নির্বাপিত করবে, কিন্তু নন্দ তা করেনি। কাজললতা’র পরিবর্তনের বড় একটা কারণ হয়ে ওঠে তা।

কিন্তু সে দিন একটা চিঠি এল নন্দর কাছ থেকে আর কাজললতা’র নামেই। নানা মোহর-যুক্ত খামে ভর্তি চিঠি। ‘প্রাণেশ্বরী’ বলে সম্বোধন করেনি নন্দ, লিখেছে ‘কল্যাণীয়া’ বলে। তা হোক, নন্দ কাজললতাকে যে একটা চিঠি লিখেছে সেইটেই বড় কথা।

বুকের মধ্যে, যেখানে নন্দ কতবার মাথা রেখেছে, প্রণয়ামস্ত মৃদু আলাপ আর উষ্ণ নিঃশ্বাস যেখানে রোমাঞ্চ জাগিয়েছে কতবার ঠিক

## প্রাস্তরের গান

সেইখানেই চিঠিটাকে চেপে ধরল কাজললতা। আঃ—মক্‌তুমির উপর আকাশ ভেঙ্গে যেন জল পড়ছে।

দুপুরের পর। বাইরের দাওয়ায় বসে একটা ছেঁড়া কাঁথার সংস্কার করছিল কাজললতা। তার ছেলে এখন বছরখানিকের হয়েছে, ঘরের ভিতর ঘুমোচ্ছে ঠাকুরমার সঙ্গে।

অলস মধ্যাহ্ন-মুহূর্তগুলিতে সুন্দরী বিলের স্বপ্ন-কথা মনে পড়ে। কি রোমাঞ্চকর মে দিনগুলি!

কার লঘু পদশব্দ। কাজললতা মুখ তুলে অবাক হয়ে গেল।

ললিতা এসে সামনে দাঁড়িয়েছে। রুক্ষ, চিন্তাক্লিষ্ট আকৃতি তার।

ধীরে ধীরে কাজললতার মুখচোখ কঠিন হয়ে উঠল।

বসতে যাচ্ছিল ললিতা।

কাজললতা বলল, “এখানে বসো না তুমি আমাদের বাড়ীকে অপবিত্র করো নাশ”

ললিতা থেমে ‘গেল’, বিষদন্তোৎপাটিত নাগিনীর মত সে মাথা নীচু করে বলল, “বো—”

“কি?”

“একদিন তোমার সঙ্গে দুর্ব্যবহার করেছি আমায় মাফ কর।”

কাজললতা জবাব দিল না।

“আমি অগ্রায় করেছি,” ললিতা বলতে লাগল, “কিন্তু তবু তোমার সোয়ামীকে—ওস্তাদকে আমি ভালবেসেছিলাম—আর তাকে কে না ভালবেসে পারে?”

কাজললতার হৃদয় জ্বলে যাচ্ছে। তার স্বামীকে এখনো আর একজন, একটা নীচ বেস্তা ভালবাসে! কিন্তু কেন হবে তা?

“যাবার সময় তার সঙ্গে দেখা হয়নি—দিনরাত আমি চিন্তায়

## আন্তরের গান

পড়ে মরেছি বৌ। সে কেমন আছে কিছু জানি না আমি—আমায় সে কিছুই লেখেনি তাই জানতে এলাম তার কথা। আমি আর তোমায় বিরক্ত করব না কিন্তু সে কেমন আছে শুধু সেই খবরটুকু আমায় দাও। সে কি তোমায় কোন চিঠি লিখেছে ?”

কাজললতার মুখচোখ উজ্জল হয়ে উঠল। নন্দ তাহলে বদলাচ্ছে। সে ললিতাকে চিঠি লেখেনি, সে আবার সেই পুরোনো নন্দই হয়ে গেছে! বাঁচল, বাঁচল কাজললতা।

“বৌ - ”

“ই্যা—লিখেছে—”

“কি—কি লিখেছে ?” ব্যগ্রকণ্ঠে প্রশ্ন করল।

ঠাণ্ডা নিশ্বাস হয়ে উঠল কাজললতা বলল “বলব না—”

“বৌ !”

দাওয়ার কোণে একটা ঝাঁটা পড়ে ছিল, সেইটে তুলে নিয়ে আন্দোলিত করল কাজললতা, “বলব না কিছু বলবনা, আজ আমার দিন। সে দিন তুমি আমায় তাড়িয়েছিলে, আজ আমার পালা। শুনছ ? তুমি বেরিয়ে যাও—”

“বৌ !” বিবর্ণ হয়ে গেল ললিতা।

“বেরো বলছি—নইলে ঝাঁটা পেটা করে তাড়াব তোকে, বুঝলি ?”

ললিতার মুখে কথা সরল না, আজ তার কোন শক্তি নেই। সে যদি জানত যে তার অসুপস্থিতিই এমন ভাবে নন্দকে দূরে টেনে নেবে তাহলে সে নিশ্চয়ই শহরে যেত না। কিন্তু আর উপায় নেই, নিজের হাতেই সে নিজের চিতা রচনা করেছে। ছুচোখে তার জল এল। খজ্র কুকুরের মত সে পা টেনে টেনে সেখান থেকে চলে গেল।

## কান্তরের গান

প্রতিশোধ ! অপরিদ্রব ও বিচিত্র একটা তৃপ্তির ছায়া কজলতা'র মুখমণ্ডলে ফুটে উঠল। প্রতিশোধ !

হিরন্ময় এসেছে। পাশ্চাত্য সভ্যতার ভারতীয় সংস্করণের দিব্য নিদর্শন সে। মুখে চোখে কথা বলে সে, সর্ববিষয়ে পাণ্ডিত্যের ভাণ করে। তাকে দেখে শশাঙ্কবাবু ভারী খুশী হলেন। খুশী হলেন না বিভাবতী, খুশী হল না শিখা। নেহাৎ অতিথি তাই বাধ্য হয়ে ছ' একটা অতি প্রয়োজনীয় মামুলি কথা বলে সে অন্তরালেই আত্মগোপন করে রইল।

বিবাহের দিন স্থির হয়ে গেল। হিরন্ময় পছন্দ করেছে শিখাকে। শ্রাবণ মাসে বিয়ে হবে। 'সঠিক' তারিখ প্রমথবাবুর মত নিয়ে জানানো হবে।

জয়ন্ত আর হিরণ্ময় শিকার করতে বেরোয় মাঝে মাঝে।

আষাঢ় মাস ধলেশ্বরীর ঘোলাটে জলের ধাক্কায় মাটির বড় বড় চাঙর ধবসে পড়ছে, ধলেশ্বরী গর্জাচ্ছে। রাতের বেলাতেও সে শব্দ শোনা যায়, ভয় লাগে।

ধলেশ্বরীর ধারে স্নে দিন ওরা গেল।

হিরণ্ময় বলল, “বাই দি বাই—জয়ন্ত—”

“এ্যা ?”

“একটা কথা বলব ?”

“সে।”

“তোমার বোনকে আমার পছন্দ হয়েছে—”

## প্রান্তরের গান.

“বেশত।”

“কিন্তু দেয়ার ইজ অলওয়েজ দি আদার সাইড্ অফ্ দি বিস্টিউ-  
ইউ নো?”

জয়ন্ত হাসল। দূরে ধলেশ্বরীর ধারে, ক্ষিপ্ত শ্রোতোধারার দিকে  
তাকিয়ে একটা বক বসেছিল। তাকে লক্ষ্য করে জয়ন্ত রাইফেল  
ছুঁড়ল। একটা শব্দ। বাক্সদের ধোঁয়া আর গন্ধ। বকটা লুটিয়ে  
পড়ল। জয়ন্ত হাসল, “আদার সাইড হিরণ্ময়? কি বায় আসে?  
সেন্টিমেন্টাল হওয়ার কোনো অর্থ হয় না, মাই ডিয়ার। মেয়েরা,  
চিরদিনই ভোগের বস্তু, ওদের ভোগ করতে যদি চাও তবে ওদের  
মনের খোঁজ করো না। ওদের মন বলে কিছু আছে কিনা আমি  
জানিনা। আমি শুধু এইটুকু জানি যে সত্যিকারের পুরুষ ও ভোগী  
হতে গেলে শিকারীর মত নির্বিকার ও নিষ্ঠুর হতে হয়। এই যে  
বকটা মারা গেল ওর মনের কথা জেনে আমার লাভ কি? ও আমার  
শিকার এবং আমি ওকে শিকার করলাম—এই শেষ কথা।”

হিরণ্ময় একটু হাসল।

মনোরমা এসেছে। একটি ছেলে ও একটি মেয়ে হয়েছে তার।  
তার অবস্থাও খুব ভাল নয়। তার স্বামীর চাকুরী নাকি অস্থায়ী ছিল, তা  
তিন চার মাস হল গেছে। বর্তমানে সে বেকার। অভাব বাড়ল  
কিন্তু চাহিদা কমেনি বরং বৃদ্ধি পেয়েছে। ওরা আসাতে হরিচরণেরও  
খয়চ বাড়ল। ওদিকে মিয়াদ শেষ হয়েছে। হরিভূষণ গাজুলী ও  
নিকুঞ্জসার মত তার বন্ধকী জমি গ্রাস করার মতলবে আছে। ঋণ  
শোধ করবার সাধ্য নেই হরিচরণের, নন্দও কিছুই পাঠায় না—অর্থাৎ  
ও জমিও যাবে।

যাক—যাক। হরিচরণ আজকাল আর ভাবে না। সে জানে

## প্রাস্তরের গান

যে তার সংসার ভেঙ্গে পড়ছে, তাকে বাঁচবার মত আর কোনো উপায়ই  
আর হরিচরণের জানা নেই।

আখড়ার পিছনে যে আম কাঠালের বাগানটা আছে সেইখানে।  
বাগানের বুক চিরে অজগরের মত সরু একটা পথ চলে গিয়েছে একে  
বঁকে। সেই পথেরই পাশে।

তখন সন্ধ্যা হয়ে আসছে।

মাধবীর হাতটাকে খপ্প করে ধরে ফেলল জয়ন্ত বন্ধুকে দাঁতে  
হেসে বলল, “তুমি যে আমায় না চেনার ভাণ করছ মাধবী—”

ভয় আর ক্রোধে ঋনিকঙ্কণ নিকর হলে মাধবী। কি  
করবে, কি করা উচিত কিছুই সে ভেবে ঠিক করতে পারে না।

কণ্ঠস্বর নীচু করে জয়ন্ত বলল, “কি চাই? বল না, কি চাই  
তোমার?”

“কিছু না—”

“সেকি! তা কি হয়—আর কিছুই না নেবে ত’ আমার হৃদয়টাকে  
নাও—”

• “হাত ছাড়ুন—”

“লজ্জা কেন?”

“ভাল হবে না বলছি—”

“তুমি পাগল।”

“ভগবান—”

একটা ধ্বস্তাধ্বস্তি শুরু হয়ে গেল।

## প্রান্তরের গান

“উঃ—ছাড়—হাত ছাড়”—চীৎকার করে উঠল মাধবী।

শুকনো পাতা দলে পিষে কারা যেন আসছে।

প্রবীর আর শিখা।

জয়ন্ত মাধবীর হাত ছেড়ে দিল।

“পাজী—বদমাস—শয়তান—”

জয়ন্ত হাসল।

প্রবীর ছুটে এল।

“কি হয়েছে মাধু?”

“প্রবীরদা—প্রবীরদা!” মাধবী বেন প্রাপ পেল, প্রবীরের কাছে ছুটে গিয়ে তার ডানহাতটা হুহাতে চেপে ধরে সে হাঁপাতে লাগল।

“কি হয়েছে?” প্রবীর তাকাল জয়ন্তের দিকে।

শিখা স্তম্ভিত হয়ে গেছে, মাধবীকে দেখে তার চোখের তারায় বাড়বাগ্নির আভাষ পাওয়া যাচ্ছে।

“দাদা—তুমি এখানে কেন?” সে প্রশ্ন করল।

জয়ন্ত হাসল, “মেয়েটার সঙ্গে কথা বলছিলাম ক্লিন্ট ও এমন ভয় পেল যে কি বলব।”

“কি হয়েছে মাধু?” প্রবীর মাধবীকে আবার প্রশ্ন করল।

“ঐ লোকটা আমার হাত চেপে ধরে খারাপ কথা বলছিল।”

“হঁ—আচ্ছা, তুমি বাড়ী যাও এখন।”

মাধবী তাকাল শিখা’র দিকে। শিখাও তার দিকে তাকিয়ে আছে। হুজনেই পরস্পরের প্রতিদ্বন্দ্বীকে চিনতে পারেন্ন।

“বাড়ী যাও মাধু—”

“আমার ভয় করছে।”

“ভয়ের আর কিছুই নেই, এবার যাও।”



## প্রান্তরের গান

“আমার পা টলছে প্রবীরদা, সত্যি বলছি।”

“কথা শোন মাধু ”

মাধবী চলে গেল।

“এবার ?” প্রবীর জয়ন্তের দিকে তাকাল।

“কি ?” উদ্ধত ভঙ্গীতে. নির্ভয় দৃষ্টি মেলে জয়ন্ত প্রবীরের দিকে তাকাল।

“আপনি সংযত হবেন এই আমার ইচ্ছা।”

“বটে !”

“হ্যাঁ, আপনি শিখা দেবীর ভাই না হলে আজ আপনাকে শিক্ষা দিতাম।”

জয়ন্ত মুহম্মদ হাসতে লাগল, “তুমিই প্রবীর ! আই থট এ্যাজ্ মাচ্।”

শিখা চাঁৎকার করে ভৎসনার সুরে বলল, “ছিঃ দাদা, তুমি এত নীচে নেমেছ !”

জয়ন্ত চিবায়ে চিবিয়ে বলল, “ধীরে, রজনী ধীরে। তা বেশ, বেশ, আজকেই বাড়ীতে গিয়ে তোর কথা বলব, কেমন ? তোর যে একজন ডন্ জুয়ান আছে তা তো আমি আগে জানতাম না।”

“জয়ন্তবাবু !”

“নেভার মাইণ্ড্ প্রবীরবাবু—আচ্ছা চিয়ারিও, আপনার সঙ্গে বোঝাপড়া হবে আর একদিন।”

মাটি থেকে রাইফেলটাকে তুলে নিয়ে জয়ন্ত চলে গেল।

গভীর স্তব্ধতা।

লজ্জা আর ক্ষোভের প্রাচীরের হুপাশে হুজন।

“চলুন”—প্রবীর বলল।

## প্রান্তরের গান

“আমি লজ্জিত প্রবীরবাবু ”

“এ লজ্জা আমারও যে আমারি মত একজন শিক্ষিত পুরুষ এমন নীচ কাজ করতে পারে। কিন্তু কথা থাক—চলুন —”

“কোথায় যাব ?”

“কোথায় ? আচ্ছা আজ আমার বাড়ীতেই চলুন।”

“আপনার বাড়ীতে ? চলুন।”

কিন্তু শিখা’র মনে আর স্মৃতি নেই, স্বস্তি নেই। ‘প্রবীরের চিত্তকে সে না টলাতে পেরে কারণ খুঁজত মনে মনে, সে কারণকে সে আজ দেখতে পেয়েছে। মাধবী। সন্দেহই সত্য। অতি সাধারণ, গ্রাম্য একটি মেয়ে। প্রবীর তাকে ভালবাসে। কয়েকটি মুহূর্তের ব্যাপার—এরি মধ্যে, প্রবীর আর মাধবীর চোখেমুখে যে উদ্বেগ ও কোমলতাকে সে লক্ষ্য করেছে, যে নির্ভরতার সঙ্গে মাধবীকে সে প্রবীরের হাত চেপে ধরতে দেখেছে তাতেই সে নিঃসন্দেহ ~~হুয়েছে~~ যে মাধবী প্রবীরকে ভালবাসে আর প্রবীরও মাধবীকে ভালবাসে।

অথচ একটা অতি সাধারণ গ্রাম্য মেয়ে দরিদ্রের মেয়ে! কিন্তু কি করা যায়? শিক্ষা আর ঐশ্বর্য্য তো সবই অর্থহীন। নিজেকে পরিবর্তিত করেছে শিখা, তপস্রাও করেছে সে প্রবীরকে জয় করার জন্ত। কিন্তু সবই ত’ আজ নিষ্ফল ও অর্থহীন মনে হচ্ছে। বেঁচে থেকে লাভ কি?

তবু একবার শেষ চেষ্টা করতে হবে। দেরী নয়, আজকেই।

## প্রবীর গান

প্রবীরের ঘর।

“আপনার ‘ক্যাপিটাল’ বইটি কিন্তু এখনো আমার কাছে।” শিখা  
হেসে বলল।

“তাই নাকি! আমি ত’ একেবারে ভুলে গিয়েছি সে কথা।”

“ভুলেই বা কি, আপনার বই মারা যাবে না।”

প্রবীর হেসে উঠল।

“বইটা পড়েছেন?” সে জিজ্ঞেস করল।

“উহ—আমি তো বইটা পড়বার জ্ঞান নিই নি।”

“তবে?”

“দ্বিতীয়বার আপনার সঙ্গে দেখা করার একটা হেতু খুঁজে  
পাচ্ছিলামনা, ঐটে উপলক্ষ্য করে সে সুযোগ ঘটবে বলেই বইটা নিয়ে  
গিয়েছিলাম।”

প্রবীর ধীরে ধীরে গম্ভীর হয়ে গেল। সে শিখার দিকে তাকাল,  
শিখাও তার দিকে নির্নিমেষ ও ক্ষুধার্ত নয়নে তাকিয়ে আছে।

শিখা বলল; “অত সূক্ষ্মতত্ত্বের জ্ঞান আমার তো কোনো মাথাব্যথাই  
নেই—আসলে—”

“আসলে কি?”

শিখা চুপ করল কিন্তু দৃষ্টি ফিরল না।

“অত কি দেখছেন আমার মধ্যে?” বিকৃতভাবে হাসল প্রবীর।

“তোমা!” শিখা বলল।

“কি বলছেন!”

“ঠিকই বলছি,” শিখা উঠে দাঁড়াল, উত্তেজনায় তার কণ্ঠ তলুটি  
বায়ুতাড়িত লতার মত কেঁপে কেঁপে উঠছে, “ঠিকই বলছি প্রবীর।  
দোহাই তোমার, আমায় আপনি বলে আর অপমান করোনা ভুমি।”

## প্রান্তরের গান

প্রবীর ভয় পেল। এই আশ্চর্য বিস্ফোরণের জন্ত সৈ আদৌ প্রস্তুত ছিল না। এমন ঘটনা যে একদিন ঘুটতে পারে সে সম্ভাবনার কথা বুঝতে পেরেছিল বলেই সে শিখাকে আমল দিত না, তাকে সে এড়িয়ে চলত। কিন্তু এত তাড়াতাড়ি, এমন আকস্মিকভাবেই যে সেই ঘটনা ঘটবে তা সে মোটেই ভাবত না।

“আমি কি তোমায় অপমান করি?” বিবর্ণমুখে প্রবীর উচ্চারণ করল।

“কর বৈকি। আর কেন অপমান কর তা শুনবে? কারণ তুমি জান যে আমি তোমায় চাই, তোমায় ভালবাসি”—হঠাৎ নিঃশব্দভাবে মুখরা হয়ে উঠল শিখা।

“শিখা!”

“বলতে দাও, দোহাই তোমার। হ্যাঁ, আমি তোমায় ভালবাসি। কতভাবে তোমায় ইজিত দিয়েছি, জানিয়েছি, তুমি সাড়া দাও নি, আমায় এড়িয়ে চলেছ বরাবর। তুচ্ছ জল্পে গেলে, তোমারি প্রতীক্ষায় আমি দিন কাটিয়েছি, তোমার তপস্বী করেছি, নিজের সহকার আর আভিজাত্যকে ভেঙ্গে ফেলে নিজেকে তোমার মত করায় চেষ্টা করেছি আমি”—

“শিখা। থাম”—বিবর্ণ, পাংশু হয়ে গেছে প্রবীর। হঠাৎ ভয় লাগছে তার। শিখাকে যেন অপ্রকৃতিস্থ মনে হয়, অস্বাভাবিক ও উগ্র বলে মনে হয়!

“না, আমি থামব না,” শিখা মাথা নাড়ল, ডান চোখের উপর থেকে শানত একগুচ্ছ অলককে সরিয়ে দিয়ে সে বলে চলল, “আজ আমার হৃদয়কে নিঃশেষিত করব আমি। হ্যাঁ, আমি তোমায় জয় করবার জন্ত কঠোর সংগ্রাম করেছি, ভিক্টরের মত নিজেই উপযাচিকা হয়ে তোমার

## ‘প্রান্তরের গান

পিছনে পিছনে ঘুরেছি। সে বিষয়ে আমার লজ্জা মেই, আমার হুঃখ নেই, থাকলেও তা ভুলতে পারব আমি, আমার সমস্ত বেদনা সার্থকতায় আবার অপরূপ হয়ে উঠবে যদি তুমি—যদি তুমি আমার গ্রহণ কর”—

“ধাম, দোহাই তোমার, তুমি ধাম শিখা”—

প্রবীরের পায়ের কাছে লুটিয়ে পড়ল শিখা, রুদ্ধ কণ্ঠে, নিজের বেদনা বিদার্ত অন্তস্তলের গোপন কথাগুলোকে আজ উজার করে দিয়ে সে বলল “তুমি আমায় গ্রহণ করো, তুমি আমার জীবনকে ধন্য করো—আমায় তোমার ক্রীতদাসী করে নাও”—

একি নাটকীয় ঘটনা! একি অবাস্তব পরিবেশ! ভয় লাগে প্রবীরের।

হাতে ধরে সে শিখাকে দাঁড় করাতে গেল। শিখা উঠবে না।

“তুমি আজ জবাব দাও—হ্যাঁ কি না—শেষ কথা বল আমায়। আশা নিরাশার মাঝে আমি দিন দিন, তিলে তিলে, পুড়ছি, মরছি,—তার শেষ করে দাঁও তুমি।”

কি দরবে প্রবীর? কোথায় যেন মনটা খচ্‌খচ্‌ করে, হুর্কল যোধ হয়। একটা যন্ত্রণাদায়ক অন্তর্দন্দ। সব ছেড়ে দেবে সে? জমিদার-কন্যাকে বিয়ে করে ড্রয়িং‌রুমে বসে বসে, শত সহস্র বক্ষিতের উপর মোড়লী করে সে কি জীবনটাকে আজ গতানুগতিকতার দিকে আলস্যের আর বিলাসের দিকে ঠেলে দেবে? তা নয়, আসল কথা এই যে প্রবীর কি শিখাকে ভালবাসে?

না। প্রবীর শিখাকে ভালবাসে না। সমবেদনা, সহানুভূতি প্রশংসা এর বেশী অন্য কোনো অনুভূতি আর শিখার জন্য তার নেই। না, সে শিখাকে ভালবাসে না।

প্রবীর কি শিখাকে পরে ভালবাসতে পারে? খুব ভাল প্রবীর

## প্রান্তরের গান

ভাবতে গিয়ে বারংবার মাধবীর মুখটা মনে পড়ে যায়, বারংবার মাধবীর ছোট ছোট কথা মাথার ভিতর টোকা মেরে যায়।

না, সে শিখাকে ভালবাসতে পারবে না।

“জবাব দাও”—শিখা যেন উন্মাদিনী হয়ে গেছে।

“পারবে সহ করতে?”

“পারব যদি আকাশের বজ্রের চেয়েও ভয়ঙ্কর হয়, তবু সহ করতে পারব।”

“তুমি আমার বোন, তুমি আমার বন্ধু”—

“বলোনা—বলোনা ওকথা”—আত্মকণ্ঠে চীৎকার করে উঠল শিখা।

“হ্যাঁ, শিখা, তুমি আমার কথা শোন।”

“ভেবে দেখ গো—ভেবে দেখ।”

“এই আমার শেষ কথা শিখা।”

শিখা চুপ করল। ধীরে ধীরে সে উঠে দাঁড়াল। ছ'চোখের বিস্ফারিত দৃষ্টি মেলে সে প্রবীরের দিকে তাকাল।

“তুমি কি আর কাউকে ভালবাস?” হঠাৎ যেন প্রবীরের উপর কষাঘাত করল শিখা। তার ঠোঁটের কোণে একটা তিক্তমধুর হাসির রেশ, অথচ তার হুচোখ বেয়ে এবার জল নেমেছে।

প্রবীর তার দিকে তাকাল। সে কি মিথ্যা কথা বলবে, সে কি প্রতারণা করবে শিখার সঙ্গে? না! ভেঙ্গে যাক শিখা তবু মিথ্যা বলে ওকে আরো ছুঁখ দিয়ে লাভ নেই!

প্রবীর কি কাউকে ভালবাসে? উত্তর খুঁজতে গিয়ে মনের কাছে সে পরিস্কার উত্তর পেল। হ্যাঁ, সে আর একজনকে ভালবাসে।

“বাসি—আমি আর একজনকে ভালবাসি”—

শিখার হুচোখ বেয়ে জল নেমেছে। তার চোখের ভিতরকার

## ‘প্রান্তরের গান

স্নায়ুজালের মাঝে কোথায় কি যেন বিগড়ে গেছে তাই অনর্গল দরদর করে জল নামছে তার হুচোখ বেয়ে।

“ওঃ—ওঃ”—যেন অঠে জলের মধ্যে ডুবে যাচ্ছে শিখা। নিমজ্জিত ব্যক্তির অন্তিম আর্তনাদ যেন ধ্বনিত হল তার কণ্ঠস্বরে।

“শিখা, শান্ত হও।”

শিখা থিলথিল করে হাসল, “তাই বল, তাইত ভাবি কেন এমন নিঞ্চল হই। ঠিক, আমি যা ভেবেছি তাই ঠিক”—

“কি?”

“তুমি মাধবীকে ভালবাস।”

“হ্যাঁ।”

শিখা হঠাৎ দ্রুত দরজার দিকে ছুটে গেল।

“শিখা।”

শিখা দাঁড়াল, প্রবীরের দিকে তাকিয়ে দাঁতে দাঁত চেপে বলল,

“কিন্তু শুনে রাখ প্রবীর, আমি তোমার আশা ছাড়তে পারব না— আমার জীবন ব্যর্থ হোক, যাই হোক না কেন, তবু আমি তোমারি জন্য বলে থাকব”—

“শিখা”—

“আমি যাই”—

তীরের মত বেরিয়ে গেল শিখা।

“একু মেয়ো না শিখা—শোন”—ছুটে গেল প্রবীর।

বাইরে অন্ধকার।

শিখা দৌড়ে চলেছে। খোঁপা ভেঙ্গে পিঠের উপর এলিয়ে পড়েছে তার, অশ্রুবর্ষী চোখছটো জলছে, শাড়ীর আঁচল পিছনে উড়ছে।

“শিখা—শিখা”—

## প্রান্তরের গান

শিখা দূরে মিলিয়ে গেল।

হঠাৎ দুঃখ হয় প্রবীরের। নিজের জ্ঞা। একি শৃঙ্খলে জুড়াচ্ছে সে  
নিজেকে! কেন সে মানুষের দুঃখের কারণ হচ্ছে? অথচ ভাবলে পরে  
সে নিজের কোনো দোষ খুঁজেও পায় না। একি বিপদ!

ক্রকটকুটিল নেত্রে শশাঙ্কবাবু বললেন, “তোমার জন্যই বসে আছি  
শিখা।”

শিখা দাঁড়াল, “কেন বাবা?”

“কোথায় গিয়েছিলি তুই?” শশাঙ্কবাবুর বর্ধমান কর্কশ।

ভয়কণ্ঠে, নিস্তেজভাবে শিখা বলল, “বেড়াতে।”

“মিথ্যে কথা বলিস্ না, আমি জানি তুই কোথায় গিয়েছিলি”—  
গর্জ্জন করে উঠলেন শশাঙ্কবাবু।

“তবে আর জিজ্ঞেস করছ কেন?”

“তোকে আমি নিষেধ করেছিলাম ঐ লোফার প্রবীরে সঙ্গে মিশতে  
অথচ তুই তা অগোছ করে ওর সঙ্গে এখনো গিয়ে দেখা করিস্!”

“ই্যা করি!”

“আর এমন করতে পারবি না তুই!”

হঠাৎ যেন বেপরোয়া হয়ে উঠল শিখা, রিণরিণে গলায়, উদ্ধত ও  
জ্বলন্তভাবে সে বলল, “নইলে কি করবে?”

“কি! তোর এতদূর স্পর্ক হয়েছে যে তুই আমার মুখের উপর কথা  
বলিস্! শিক্ষা দিয়ে যে তোর সাহস আর নির্লজ্জতাই শুধু লাভ হবে  
তা যদি আমি জানতাম তবে তোকে বাড়ীর বাইরে আর পা দিতে  
দিতাম না।”



## প্রান্তরের গান

“এখন কি করবে শুনি ?”

“আর দিন পনেরোর মধ্যেই তোয় বিয়ে—সব ঠিক। আমি তোকে শেষবার নিবেদন করে দিচ্ছি যে তুই আর বাইরে বেরোতে পারবি না।”

“কিন্তু আমি বাইরে যাবই বাবা।”

“শিখা!” ক্রোধে ভয়ঙ্কর হয়ে উঠলো শশাঙ্কবাবু।

চীৎকার শুনে বিভাবতী আর জয়ন্ত এসে দাঁড়াল।

“হ্যাঁ। শুধু তাই নয়, আমি বিয়েও করব না।”

জয়ন্ত অশ্লুচকণ্ঠে হেসে উঠল, “এষে রীতিমত নভেল হল বাবা—  
হাউ ইণ্টারেস্টিং!”

বিভাবতী স্নানমুখে স্বামীকে বললেন, “এখন তুমি থাম—পরে হবে  
ওসব কথা”—

“চুপ!” শশাঙ্কবাবু হঠাৎ ক্ষেপে গেলেন, “শেষবার বলছি শিখা  
ছেলেমানুষী করিস না।”

“আমি ত’ আর ছেলেমানুষ নই বাবা। যে তোমার ধমকানিতে ভয়  
পাব, আমায় তুমি ধমকো না।” মরিয়ার মত কথা বলছে শিখা  
হিতাহিত জ্ঞান ওর লুপ্ত হয়ে গেছে।

“বটে!” মুহূর্তকাল ক্রোধে নির্ঝাঁক হয়ে গিয়ে আবার ফেটে পড়লেন  
শশাঙ্কবাবু, “তুই তাহলে এম্নিতে শুনবি না?”

“তাইত মনে হচ্ছে।”

শিখাবু দিকে এগিয়ে ছুটে গেলেন শশাঙ্কবাবু। বজ্রমুষ্টিতে তার ডান  
হাতটা ধরে হিড় হিড় করে টেনে নিয়ে চললেন তিনি।

বিভাবতী চোঁচিয়ে উঠলেন, “কি করছ তুমি? ওগো—”

“চুপ। আমি ওকে তালাবদ্ধ করে রাখব।”

“তোমার মাথা খারাপ হয়েছে।”

## প্রান্তরের গান

“চুপ্ করো, আমার বাধা দিয়ে না। একটা একরক্মি মেয়ের কাছে আমি হার মানতে রাজী নই। আমার বাধা দিয়ে না—বাধা দিলে তোমরা আমার মরা মুখ দেখবে।”

জয়ন্তও এগিয়ে এল, “দিস্ ইজ্ টু মাচ্ বাবা—”

“শাট্ আপ্ ইউ পাপি।”

জয়ন্ত পিছু হটে গেল।

শিখার ঘরে গিয়ে থামলেন শশাঙ্ক বাবু।

“এখনো বল্—কথা শুন্বি ?

“না।” শিখা কাঁদছে।

“তবে থাক্।”

বেরিয়ে গেলেন শশাঙ্ক বাবু, বাইরের থেকে ঘরে শিকল বন্ধ করলেন। শুধু তাই নয়, তিনি তাতেও খুশী না হয়ে, তাক্কাচুম্বি এনে লাগালেন তাতে।

“দেখা যাক্—দেখা যাক্ তোমার গোয়ার্কুম্বি কমে কিনা—” নিজের মনে বিড় বিড় করে বলে শশাঙ্ক বাবু চুরুটে টান দিতে লাগলেন।

বিভাবতী পাষণ-প্রতিমার মত নিশ্চল হয়ে দাঁড়িয়ে আছেন।

নিজের জীবনেতিহাসের পাতাগুলোকে অতিক্রম উল্টে গেল শিখা। কি আছে তার ? সব আছে অথচ কিছু নেই। ঐশ্বর্য, খ্যাতি আর প্রতিপত্তির মোহ যতদিন ছিল ততদিন সবই ছিল। কিন্তু সে বদলেছে। আজ দারিদ্র্যও মহান্ মনে হয়, খ্যাতির চেয়ে অখ্যাতিও কাম্য, প্রতিপত্তির চেয়ে অপ্রতিপত্তিতেও হুঃখ নেই। অথচ যার জন্ত সে বদলাল সে আজ প্রত্যাখান করেছে, সে আর একজনকে ভালবাসে। মানুষ কেন বেঁচে

## প্রান্তরের গান

থাকে? খাওয়া পরা আর বেঁচে থাকা নিয়ে যে জীবন তা তো শিখা  
আর চায় না। সে যা চায় তা আর পাবার উপায় নেই। তবু বাঁচা  
যেত, যদি আদর্শ থাকত একটা। যদি একটা কর্মের পথ থাকত তার  
না থাকলেও তা খুঁজে বের করা যেত। কিন্তু কি লাভ আর তাতে?  
প্রবীরকে খুশী করার জন্ত, প্রবীরের মনের মত হবার জন্তই সে সব কিছু  
করতে রাজী ছিল। কিন্তু তা আর হল না। বালির বাঁধ ভেঙ্গে  
গিয়েছে, আকাশের চাঁদ হাতে পাওয়ার কথা আজ আকাশ কুসুমের মতই  
অবাস্তব। আজ শিখা একা। বাপ বিরুদ্ধে, ভাই বিরোধি, মা  
অসহায়। বাঁচতে গেলে একটা অবলম্বন চাই। কিন্তু সে অবলম্বন  
- আজ শিখার কোথায়? অতএব শিখার বেঁচে থেকে লাভ কি?

অতি দ্রুত ব্যাপারটা ঘটল। মস্তিষ্কের অন্ধকার গুহায়, অদৃশ্য  
লেখায়, হ্রস্বজ্য নিম্নতির অমোঘ নির্দেশ ঘোষিত হবার সঙ্গে সঙ্গেই  
ব্যাপারটা ঘটল। তারপরে মুহূর্তকাল বিলম্ব হয় নি।

টেবিলের উপর একটা চৈয়ার রাখলেই কড়িকাঠের রিংটার নাগাল  
পাওয়া যায়, ত্রাত্তে একটা শাড়ী বেঁধে একটা ফাঁস তৈরী করতে আর  
কতক্ষণ লাগবে? তারপরেই যবনিকা পতন।

ছ'ঘণ্টা বাদে দেখা গেল, শিখা মরেছে। মরেছে নয়, শিখা  
আত্মহত্যা করেছে। কার্ল মাক্স'এর 'ক্যাপিটাল' বইটা আর প্রবীরকে  
ফেরৎ দিতে পারল না। তার কথা সে রাখতে পারল না।

## প্রান্তরের গান

ঐ পাঁচ বিঘা জমিও যাবে।

হরিভূষণ গাঙ্গুলি হরিচরণের বিরুদ্ধে মোকদ্দমা করেছে। মানুষের বিপদের সময় দয়া দেখালে কি মহাজনী চলে?

টাকা কই? নাই। অতএব মোকদ্দমার বিরুদ্ধে লড়বার ক্ষমতা নেই আর।

জিনিষপত্রের দাম বাড়ছে, সংসারে খরচাও বেড়েছে।

এ বছর ফসল মন্দ হয়নি, বৃষ্টিও বেশ হচ্ছে। হরিচরণের স্ত্রী আশা আছে যে হাতে পায়ে ধরে কারো কাছ থেকে অল্প টাকা নিয়ে তিন চার মাস মোকদ্দমাটাকে ঠেকিয়ে রাখবে সে। তারপর ফসল থেকে কিছু টাকা এলেই ভিতরে ভিতরে আপোষ করে নিয়ে মোকদ্দমাটা খারিজ করিয়ে নেব।

কিন্তু আকাশের দেবতা বাদ সাধল। আষাঢ়ের মাঝামাঝি থেকে অশ্রান্ত বর্ষণ শুরু হল। প্রায় দিন সাতেক চলল। বুড়ীগঙ্গা আর খালের জল ছাপিয়ে গ্রামের রাস্তাঘাট ডুবিয়ে দিল, মৌলখরীও গ্রামের উপর ঝাঁপিয়ে পড়বার জন্ত চেষ্টা করতে লাগল।

সাতদিন বাদে বৃষ্টি থামল বটে কিন্তু আবার ছ'তিন দিন বাদেই শুরু হল? আবার তিন চারদিন। অনবরত।

যে ফসল ভাল হয়েছিল তার অর্ধেক পচে গেল।

রিক্ততার, অভাবের কঙ্কালটা হরিচরণের চোখের সামনে উদ্দাম নৃত্য শুরু করে দিল।

## প্রান্তরের গান

নেপথ্যে, রক্তমঞ্চের অন্তরালে, ভারতবর্ষের অদৃষ্ট নিয়ে মারামারি চলেছে ।

স্বৈচ্ছায় ইংরেজেরা ভারতবর্ষকে স্বাধীনতা দেবে না, জাতীয় সরকার ও না ! সে কথার নিষ্পত্তি হয়ে গেছে, কথার জাল বুনে তাকে লুকোবার চেষ্টা করলেও ইংরেজদের মনোভাব স্পষ্ট হয়ে উঠল ।

আগষ্ট মাসে, বোম্বাইয়ে, নিখিলভারত কংগ্রেস কমিটির অধিবেশন হল । ওদিকে কংগ্রেস-মীং ঐক্যের চেষ্টা চলছে । কংগ্রেস প্রস্তাব করল যে ইংরেজেরা ভারতবর্ষ পরিত্যাগ করে চলে যাক—তাদের জাতীয় দাবী গ্রহণ করুক, আর যদি তা না গৃহীত হয় তবে আন্দোলন শুরু করা হবে । তবে সেই সংগ্রামের পূর্বেও শেষ চেষ্টা করবে কংগ্রেস, সোভিয়েট, চীন ও আমেরিকাকে তাদের দাবী জানিয়ে ব্রিটিশ সরকারকে ভারতীয় দাবী পূরণ করতে বাধ্য করার চেষ্টা করবে ।

ইংরেজেরা ভয় পেল । যদি কংগ্রেস-লীগ তথা সারা ভারতবর্ষ মিলিত হয় এবং আন্তর্জাতিক সহানুভূতিকে তারা লাভ করতে পারে তবে তো মহাবিপদ ঘটবে ।

সে বিপদের সম্ভাবনাকে বন্ধ করার পথ কি ? আমলাতন্ত্র অস্থির হয়ে উঠল ।

১৯৪২ সালের ৮ই আগষ্ট 'ভারত ছাড়' প্রস্তাব তথা কংগ্রেসের সংগ্রামাত্মক প্রস্তাব পাশ হল ।

আর দেরী নয় । ৯ই আগষ্ট ইংরেজ সরকার সব নেতাদের বন্দী করল ।

তুঘের মত যে আগুণ জ্বলছিল ধিকি ধিকি করে প্রবল বায়ুর সংস্পর্শে তা এবার যেন দাউ দাউ করে জলে উঠল । ভারতবর্ষের কোটি কোটি

## প্রান্তরের গান

লোকের মনে যে আশ্বেয়গিরি জাগ্রত হয়ে অপেক্ষা করছিল তা এবার অগ্ন্যুৎসার করল।

ওদিকে যুদ্ধের গতিক স্রবিসার নয়। ইউরোপে জার্মানরা রাশিয়ানদের উপর প্রবল চাপ দিয়েছে, আফ্রিকায়ও কোনো নিষ্পত্তি হয়নি, প্রাচ্যদেশে জাপানের অগ্রগতি থামে নি, বর্ম্মাদেশ সম্পূর্ণভাবে তাদের করায়ত্ত, বঙ্গোপসাগরে আন্দামান দ্বীপপুঞ্জে জাপানী ঘাঁটির প্রতিষ্ঠা হয়েছে। বোমা আর কামানের শব্দে পৃথিবী কাঁপছে, বারুদের ধোঁয়ায় আকাশ বাতাস রুদ্ধস্থান।

“এবার ?” প্রবীর স্রব্রতকে প্রশ্ন করল।

স্রব্রত উত্তেজিত।

“এবার ?” আবার প্রশ্ন করল প্রবীর।

“কি ?”

“এবার কি হবে ?”

“সংগ্রাম।”

“কিন্তু কি রকম সংগ্রাম ?”

“অসহযোগিতা—বিপ্লবাত্মক প্রতিরোধ।”

“কিন্তু কংগ্রেস ত’ সে বিষয়ে নির্দেশ দেয় নি।”

“না দিলেই বা, ইঙ্গিত আছে, আর নির্দেশ দেবার সময়ই বা কোথায় পাওয়া গেল ?”

“দায়িত্বটা নিজেদের ঘাড়েই নিবি ?”

“হ্যাঁ।”

## প্রান্তরের গান

“কিন্তু দেশের বিপদে, যুদ্ধের অবস্থা কি দেখছি না?”

“কি যায় আসে? জাপান আমাদের সঙ্গে যুদ্ধ করেছে না। তাছাড়া দেশের নেতাদের এমনভাবে বন্দী করাতে কি বোঝায়? তারা অপমান করল আমাদের। সারা দেশকে তারা পদাঘাত করল। তার প্রতিশোধ নিতে হবে।”

“পরানীন জাতির সে ত’ পুরানো কথা। প্রতিশোধ নিতে গেলে তৈরী হতে হবে, সবাইকে মিলিত হতে হবে, সুনির্দিষ্ট পথ ধরে সংগ্রাম করতে হবে।”

“বিপৎকালে নিয়ম বজায় থাকে না। আজ প্রত্যেক মানুষই নিজের নিজের সেনাপতি হবে। সফল হই আর না হই তাতে যায় আসে না, আজ আমরা যুদ্ধে নামবই, অপমান আর অত্যাচারের যোগ্য প্রত্যুত্তর দেবই।”

“তুই কি যুক্তি মানবি না।”

“তোমার যুক্তি নয় প্রবীক্ষ, আমার রক্তে আজ অগ্নি ঘোষণা।”

হবে না—স্বত্বকে আর ফেরানো যাবে না। উত্তরোল রক্তধারা কখনো যুক্তির ধার ধারে না।

সারা দেশ যেন গজরাচ্ছে। নিকরপায় আক্রোশ, নিষ্ফল ক্রোধে সারা দেশ যেন কেঁপে গেছে। তার ঢেউ এসেছে কলাতিয়া গ্রামে।

স্বত্বের সময় নেই, আহার নেই, নিদ্রা নেই।

সভা হবে। হাটের মাঝখানে। তারি জগ্ন স্বত্বত ব্যস্ত।

ঘরে ঘরে যায় সে, ইত্তাহার বিলি করে, উত্তেজক কথা বাল।

“আর কতদিন অপেক্ষা করবে তোমরা? সময় কি হয়নি?”

## আন্তরের গান ,

উত্তেজনায ছোঁয়াচ লাগে সবার মনে, যে আঙনের আলায় স্নেহ  
এমন ভয়ঙ্করভাবে উত্তেজিত হয়েছে তা, অস্তুর মধ্যও সংক্রামিত হয় ।

“সময় কি হয়নি ? বল—”

সবাই মাথা নাড়ে, “হয়েছে ।”

“তবে আসবে সবাই—আসতে হবে তোমাদের ।”

“যাব, যাব ।”

ইদ্রিস্ খাঁর কাজ বাড়ল । মোটাখামে শহর থেকে এস্, পি'র  
নির্দেশ এসেছে । রিভলভারটা কোমরে নিয়ে সে 'দিনরাত ঘুরে  
বেড়াতে লাগল । ধারালো হাসিতে মুখ চোখ উদ্ভাসিত হয়ে উঠল  
তার । হোক না একটা কিছু, কড়াহাতে শায়েস্তা করবে সে, যতসব  
দেশভক্তদের গারদে পুরে ঠাণ্ডা করে দেব সে, ইন্স্পেক্টর হওয়ার পথ  
করে নেবে অল্প আয়াসে ।

জয়ন্তর সঙ্গে দেখা হলো পথে ।

“কি খবর দারোগা সাহেব ? সামনে কেমনে কাজ ।”

“তাতে ডর কি মিঃ রায় ?”

“কি করবেন ?”

রিভলবারে হাত দিল ইদ্রিস্, “দরকার হলে সবই করব ।”

“ছাট্ উইল বি ইন্টারেস্টিং ইনডিড্”—জয়ন্ত হেসে বলল, “আপনার  
ওখানে একদিন যাব দারোগা সাহেব—অনেক কথা আছে ”

“স্বচ্ছন্দে ।”

“গুড্ ডে ।”

মনে মনে খসড়া করে জয়ন্ত । অনেকগুলো কাঁটা আছে তার  
সামনে । সেগুলোকে সরাতে হবে । কণ্টকেন কণ্টকোৎপাতিতম্ ।



## ১. আন্তরের গান

আবহুল বলল, “কমরেড্—ওরা উত্তেজিত।”

প্রবীর শঙ্কিত হল, “কারা ?

“শ্রমিকেরা।”

“কেন ?”

“জয়ন্তবাবু’র অত্যাচার আর কংগ্রেস নেতাদের গ্রেপ্তারে—ওরা আবাস ধর্মঘট করতে চায়। তাছাড়া, মজুরীও অরো বেশী চায় তারা—জিনিষ পত্রের দাম বাড়ছে।”

“কিন্তু সব সময় তো এক নিয়মে চললে হবে না আবহুল। দেশের এখন বড় দুর্দিন—শত্রু নিকটস্থ—এখন আমাদের নীতি হবে আত্ম-রক্ষাশ্রমক।”

“ওরা মানতে চায় না।”

“উত্তেজনা আর আবেগে সব সময় ভাল কাজ হয় না আবহুল, যুক্তি আর বুদ্ধিকে মানা উচিত। রাজনীতি বড় কঠিন জিনিষ, একটা রাজনৈতিক ভুলে দেশের চরম সর্বনাশও হতে পারে। এখন আমাদের সংহতি হবে, মিলিত হতে হবে, অগ্র পথে গেল এখন ধ্বংস আর মৃত্যুই হবে আমাদের লাভ। তা কি চায় ওরা ?”

“কি করা যায় তবে ?”

“ওদের বোঝাতে হবে—ধামাতে হবে, আজকে মিটিং করো।

সেদিন সন্ধ্যার পরে মিটিং বসল।

আসমুদ্র হিমাচল ভারতবর্ষের কোটি কোটি পরাধীন লোকের বিক্ষুব্ধ কণ্ঠস্বর শোনা যাচ্ছে।

## শ্রমিকের গান,

ধ্বনি উঠছে—“বন্দে মাতরম্ ।”

ধ্বনি উঠছে—“মাহাত্মা গান্ধীকি জয় ।”

ধ্বনি উঠছে—“করেঙ্গে ইয়ে মরেঙ্গে ।”

আন্দোলন শুরু হয়েছে । অগণন নরনারীর মিছিল চলেছে । তাদের পদক্ষেপে মাটি কাঁপছে । তাদের হস্তধৃত ত্রিবর্ণ জাতীয় পতাকা বায়ুভরে সোল্লাসে উড়ছে ।

শৃঙ্খল ছিঁড়েছে—তার বনবান্ শব্দে শোনা যায় । শৃঙ্খলিতের চোখে ঘনায় স্বাধীন জীবনের দীপ্তি । একজন নয়, দুজন নয়, অগণন নরনারীর মর্ম্মস্থল থেকে ধ্বনি উঠল, ঘোষণা উচ্চারিত হল । সময় এসেছে । বহুযুগের শোষক, পরত্যাগহারী, অত্যাচারী বিদেশী শাসকেরা শোন তোমরা যাও—ভারতবর্ষ থেকে বিদায় হও । অনেক জুয়াচুরি আর জালিয়াতি, শঠতা আর প্রবঞ্চনা করেছ তোমরা—পরের দেশে পরের রক্ত চুষে চুষে তোমরা নিজেদের ক্ষোঁকের মত শাসালো করেছ । সাদা রং আর অস্ত্রের জোরে, বিজ্ঞান আর বাহুর বলে, আমাদের ভেদাভেদ আর দুর্বলতার সুযোগ নিয়ে তোমরা যে সাম্রাজ্য গড়ে তুলেছ তার দিন এবার শেষ হল । হে স্বতন্ত্র বণিক প্রভুর দল—তোমরা এবার বিদায় হও ।

১৪ই আগষ্ট ।

খবর এল যে ভারতবর্ষে বিভিন্ন স্থানে জনতার উপর গুলিবর্ষণ করা হয়েছে । খবর এল যে রক্ত পড়েছে—নিরস্ত্রের আর নির্ঘাতিতের লাল রক্ত দিয়ে ভারতবর্ষ রক্ত-ভিলক পরেছে ।

## প্রান্তরের গান

সে খবরে রক্ত উতরোল, পেশীতে এল কাঠিগু, চোখে এল প্রতিজ্ঞা  
কণ্ঠে এল অভিশাপ ।

হাটে 'সভা' বসেছে । চারপাঁচশ লোক এসেছে । জাতিবর্ণ  
নির্ঝরশেষে দূর দূর থেকে লোক এসেছে । উত্তেজনা উৎকর্ষ  
হয়ে সবাই স্রবতর বক্তৃতা শুনেছে । সূর্য্য তখন পশ্চিমে  
হেলেছে ।

“কিছু একটা করতে হবে” স্রবত বলছিল, “সেদিন এসে গেছে ।  
আর দেরী নেই”; আর দেরী করলে চলবে না ! অনেক চেষ্টা হয়েছে,  
শান্তিপূর্ণভাবে আমাদের দাবী জানানো হয়েছে । কিন্তু ভাইসব, ‘চোরা  
না শুনে ধর্ম্মের কাহিনী’ । আবার আমরা বুঝতে পারছি যে স্বৈচ্ছায়  
তারা কিছু দেবে না—তারা আমাদের পায়ের নীচেই রাখতে চায় । তার  
প্রমাণ আমাদের নেতাদের কারাভোগ । কিন্তু আর নয়, এবার আমরা  
সংগ্রাম ঘোষণা করছি—আমরা এবার প্রতিশোধ নেব । প্রতিশোধ  
কেন ? অধিকারকে আদায় করব । অস্ত্র দিয়ে নয় কারণ আমরা নিরস্ত্র,  
অস্ত্র দিয়ে নয় কারণ অস্ত্রকে জয় করারও বড় অস্ত্র আছে । আমাদের  
সে অস্ত্র অহিংসা । ভাইসব, সেই অস্ত্র অস্ত্র দিয়ে আমরা বিদেশী  
শাসকদের দেশ থেকে তাড়াব ।”

এই ত' সময় জাপানীরা চাপ দিয়েছে—ইংরেজ বিপন্ন—সহজে যা  
দিল না আজ বাধ্য হবে তার প্রায়শ্চিত্ত করবে তারা ।

উত্তেজিত জনতা ধ্বনি তুলল—“বন্দে মাতরম্ ।”

“মহাত্মা গান্ধীকি জয়”—

“ব্রিটিশ সাম্রাজ্যবাদ ধ্বংস হোক”—

“ইনকিলাব জিন্দাবাদ”—

হঠাৎ বাধা পড়ল । ব্রিটিশ সরকারের দেশী ভৃত্যরা এসে হাজির”

## শ্রীমদ্ভগবদ্গীতা ,

হল । তাদের মাথার লাল পাগড়ী সূর্যের আলোকে ঝলমল করে উঠল ।  
দশজন কন্ঠেবলকে নিয়ে ইদ্রিস খাঁ হাজির হয়েছে ।

সুব্রত বর্লৈ চলল, “তোমরা কি শুনেছ ? গুলি চলেছে কত  
জায়গায়, পুলিশদের ঐ লাল পাগড়ীর মত কত মানুষের লাল রক্ত  
মাটিতে শুকিয়েছে ? শোননি, তোমরা কি শোননি সে নৃশংস কাহিনীর  
কথা ?”

“সুব্রত বাবু—থামুন—এসভা বন্ধ করুন ।” ইদ্রিস খাঁ সগর্জনে  
হুকুম করল ।

“কিন্তু কি যায় আসে ? কত রক্তপাত করবে ওরা ? ভাইসব আমরা  
প্রাণ দেব, একের পর একজন আমরা বুক পেতে দাঁড়াব । কত মারবে,  
কত গুলি চালাবে ওরা ?”—

ইদ্রিস খাঁ আবার হুকার ছাড়ল, “শেষ কথা, শুনুন সুব্রতবাবু—  
থামুন”—

“শোন’ শোন ভাইসব । হুমকী দিয়ে থামাতে চায় ওরা—জোর  
করে আমাদের দাবিয়ে রাখতে চায় ওরা”—

অসহিষ্ণুভাবে কন্ঠেবলদের দিকে ঘুরে দাঁড়াল ইদ্রিস, হুকুম দিল—  
“চার্জ”—

মুহূর্তে অপ্রত্যাশিত ঘটনা ঘটল । সেই দশজন কন্ঠেবল লাঠি  
নিয়ে জনতার মাঝে লাফিয়ে পড়ল । লাঠির খেঁচা শ্রীর আঘাত দিয়ে  
তারা লোকদের হটিয়ে দিতে লাগল ।

চীৎকার করে উঠল সুব্রত, উদ্বেজনার কাঁপতে কাঁপতে হুঁহাত  
উপরে তুলে সে প্রাণপণে চেষ্টা করে বলল, “ভয় পেয়ো না স্থির হয়ে বসো—  
পালিয়ে না, হটে যেয়ো না । কত—আর কত অত্যাচার করবে  
ওরা ? শোন”—

## প্রান্তরের গান

কিন্তু ততক্ষণে ঘটনা অনেকেদূর এগিয়েছে। লাঠির খোঁচা খেয়ে সবাই চীৎকার করে উঠল, “বন্দে মাতরম্”—

আঘাত পেয়ে অনেকে চীৎকার করে বলল, “এই কেজন লোক ত’ মাত্র, ওদের লাঠিগুলোকে ছিনেয়ে নাও”—

তখন কন্ঠেবলগুলো বন্ বন্ করে অন্ধের মত লাঠি ঘুরোতে লাগল। ইদ্রিস খাঁ আবার গর্জে উঠল “চার্জ—আরো—আরো”—সেও এগিয়ে গেল, কোমরের বেষ্ট থেকে রিভলভারটাকে বের করে সে ধাক্কা আর ঘুঘি মেরে লোকদের সরাতে লাগল।

“পালিয়ানা—এইত’ পরীক্ষার সময়—ভাইসব—শোন”—উম্মাদের মত চীৎকার করে উঠল সুরত।

কিন্তু ততক্ষণে জনতা ছত্রভঙ্গ হয়ে গেছে। বিরাট কোলাহল। ক্রোধ, ভয় আর আঘাত জনিত চীৎকার ও আর্ন্তনাদ। যারা রুখে দাঁড়াত তারা ইদ্রিসের রিভলভার দেখে ভয় পেল। হুড়োহুড়ি আর ধাক্কাধাক্কি। লাঠির ঘায়ে অর্জর হয়ে সবাই পালাতে শুরু করল।

“কাপুরুষের দল—শোন—ফিরে দাঁড়াও। এত ভয়? এত ভয়?”—লাফিয়ে নীচে নামল সুরত, চীৎকার করে গলা চিরে গেছে তার, দু’কসে ফেণা জমেছে, দু’চোখ বেয়ে জল নেমেছে।

“ভাইসব—শোন”—

ইঠাৎ কে যেন সুরতকে টেনে নিল। সে রাজেন মণ্ডল।

“জনতা ছত্রভঙ্গ হয়ে গেছে ভাই—এখন কোনো ফল হবে না। মিছিমিছি চেষ্টা করে লাভ কি, এবার আরো ভালো করে তৈরী হতে হবে। তাছাড়া ভয় কেন—এই ত’ সব শুরু হল। আজ ওরা পালাল বটে কিন্তু দেখো ওরাই আবার কাল লড়াই করবে।”

দুঃখে, ক্রোধে উম্মাদের মত হয়ে গেছে সুরত। রাজেন মণ্ডলের কথা

## প্রান্তরের গান

“ঠিক কিন্তু তবু স্তব্রত না ভেবে পারে না। কেন পালাল ওরা? কেন? ভয়? তবে ওরা কাপুরুষ। কিন্তু কেন এই কাপুরুষতা? অস্ত্র নেই। অহিংসভাবে অস্ত্র না নিয়েও যে যুদ্ধ করা যায় তার মত আত্মিক শক্তি ওদের নেই। তবে? তবে কি আন্দোলন বার্থ হবে? না, কাপুরুষের অহিংসার চেয়ে হিংসা ভাল। কিন্তু নীতি আর আদর্শ যে বদলে যাচ্ছে! বদলাক, উপায় নেই। এ আন্দোলন থামলে চলবে না, আবার দেশ দশ বছর পিছিয়ে পড়বে, এতদিনের প্রস্তুতি সব নিষ্ফলতার অন্ধকারে তলিয়ে যাবে। না, তা হবে না। সে অহিংসভাবেই লড়বে বটে কিন্তু যারা পারবে না তারা ইচ্ছেমতই লড়বে। গান্ধীজির সে বিষয়ে নির্দেশ আছে। আসল কথা, লড়তে হবে, সংগ্রামকে চালু রাখতে হবে। যে ভাবেই হোক, স্বাধীনতাকে এবার আদায় করতেই হবে।

জমিদারের বাড়ীতে ইদ্রিস খাঁ গল্প করছিল। জয়ন্তের সঙ্গে। শশাঙ্কবাবু আজকাল আর বাইরে বেশী বেরোন না। শিখার আত্মহত্যার জরটা কাটিয়ে এখনো সামলে উঠতে পারেন নি তিনি।

ইদ্রিস আর জয়ন্ত নিম্নকণ্ঠে আলোচনা করছিল। ভারী গোপন সে সব কথা।

রাত্রিবেলায় কে একজন ডাকল, “স্তব্রত বাবু”—

“কে?” স্তব্রত বেরিয়ে এল।

## প্রান্তরের গান

গণেশ এসেছে—সে শহরে পড়ে ।

“কি গণেশ ?”

“সোশ্যালিস্ট পার্টির একটা সাকুলার । এক বাঙালি এনেছি ।”

“দাও ।”

একটু পরেই এল বতীন । এল তাঁতিপাড়ার নকুল, এল নমঃশূদ্র পাড়ার কান্তিক, এল ইস্মাইল আর হারাধন । আর এল অবিনাশ মজুরদের বস্তী থেকে । অবিনাশ নিজেকে সামলাতে পারেনি, ইউনিয়নের নির্দেশ বরাবরই মেনে চলে সে, তবু উন্নয়নের ঘোষণাকে সে অগ্রাহ্য করতে পারেনি ।

ঘরের মধ্যে দরজা বন্ধ করে সাকুলারগুলোকে ভাগ করা হল । এক একজন যাবে এক এক দিকে । পলাশোনা গ্রামেই আগে যেতে হবে ।

“মনে রেখো, পরশুদিন—দশটার পরে, ধলেশ্বরীর ধারে সবাই জড় হবে ।”

রাতের অন্ধকারে সন্ধ্যাই চারদিকে মিলিয়ে গেল । মাথার উপরে আকাশভরা মেঘের কোলে বিদ্যুৎ খেলা করছে । কিন্তু কে গ্রাহ্য করে, কিসের ভয় ? ডাক এসেছে, প্রাণে জেগেছে উদ্ভাদনা, রক্ত হয়েছে উত্তরোল । এগিয়ে চল ।

ঘরে ঘরে যায় ওরা, জনে জনে শোনায সব কথা, সাকুলার ছড়িয়ে দেয় ।

“পড়ে—এটা পড়ে ভাই, পড়ে আবার আর একজনকে পড়তে দিও”—

“কাল দশটার পরে, ধলেশ্বরীর ধারে জড় হবে, মনে রেখো—  
ধলেশ্বরীর ধারে”—

ওদের মাথায় তেল নেই, উদরে অন্ন নেই, পায়ে এক হাঁটু ধুলো ।

## প্রান্তরের গান

তবু কি যায় আশে। নারীদেরও সে কথা শোনায় ওরা—তারার  
আগ্রহে শোনে তাদের কথা।

“পড়ো—পড়ে দেখ—ভাইসব আদায় না করলে কোনো কিছু পাওয়া  
যায় না।”

“স্বাধীনতা আমাদের জন্মগত অধিকার তা কি তুমি চাওনা ভাই?”

“মনে রেখো, দশটার পরে—ধলেশ্বরীর ধারে এসে সবাই জড় হবে।”

সবাই পড়ে সে সাকুলার। একজন আর একজনকে পড়তে দেয়।  
সে আবার তৃতীয় জনকে দেয়। সারা গ্রামে পড়ে, আলোচনা করে।  
উত্তেজনা আর আবেগ তাদের স্বপ্নাচ্ছন্ন দৃষ্টিতে বিদ্যাতের মত ঝিলিক  
যারে।

নির্দেশ—সংগ্রামের নির্দেশ। সাকুলারে লেখা আছে কি কি করতে  
হবে। গভর্ণমেন্টের সহযোগিতা সর্বপ্রকারে বর্জন করতে হবে,  
অমাত্র করতে হবে, ইকুল কলেজ ছাড়তে হবে। সরকারী কর্মচারী  
আর সৈন্যদের চাকুরী ছাড়তে বলা হবে। হাজার হাজার লোকের  
মিছিল নিয়ে সরকারী কার্যালয়গুলোকে দখল করে, অস্ত্রাগার ও অস্ত্রশস্ত্র  
অধিকার করে, সেগুলোকে ধ্বংস করতে হবে, সরকারী পোষাক  
পোড়াতে হবে। শুধু তাই নয়—ডাকঘর, ইউনিয়ন বোর্ড অফিস আর  
মাদকের দোকান ধ্বংস করতে হবে। টেলিগ্রাফের তার কাটতে হবে,  
ট্রেনচলাচল বন্ধ করতে হবে, খাজনা দেওয়া স্থগিত হবে। এককথায়  
সরকারকে অচল করতে হবে কিন্তু সব কিছুই অহিংস ভাবে করতে  
হবে। শেষ কথা এই যে আন্দোলন ব্যর্থ হলে হয়ত গান্ধীজি আমরণ  
অনশন করতে পারেন অতএব সফল হতেই হবে। তাছাড়া, দুর্বলের



## প্রান্তরের গান

বেঁচে থাকার কোনো অধিকার নেই.....করেঙ্গে ইয়ামরেঙ্গে। সবাই পড়ল।, কিন্তু ‘অহিংসা’ কথাটা সবাই ভাল করে বুঝল না।

‘ছপুরবেলায় মাধবী এল।

“শোন”—সে এসে পাশে দাঁড়াল।

প্রবীর তখন কি, লিখছিল। আবার গ্রামে গ্রামে যেতে হবে, লোকদের বোঝাতে হবে। কংগ্রেস জনসাধারণকে নেতৃত্বহীন অবস্থাতেও সংগ্রাম করার জন্ত কোনো নির্দিষ্ট আদেশ দেয়নি। অতএব এ সংগ্রাম যে এখন অস্থায়ীকালের জন্ত স্থগিত রাখতে হবে তা লোকদের বোঝাতে হবে।

“প্রবীরদা।”

“কি?”

“আবার কি সব আরম্ভ হল?” বেশ বোঝা যায় যে মাধবী ভয় পেয়েছে। গতকল্যকার সভার কাহিনী তাকে যে রীতিমত চিন্তিত ও শঙ্কিত করে তুলেছে তা তার মুখেচোখে লেখা আছে।

“কি আবার হল?” প্রবীর মাধবীর মুখের দিকে চেয়ে হাসল।

“এই আন্দোলন? কিন্তু না, তুমি—তুমি ওতে যেয়ো না—দোহাই তোমার”—

ঠাৎ প্রবীরের কাছে হাঁটু গেড়ে বসল মাধবী।

“আমি তোমার পায়ে ধরছি প্রবীরদা”—

প্রবীর হেসে ফেলল, “তুমি পাগল মাধু”—

“তুমি অন্ধকথা বলে আমায় ভোলাতে পারবে না।”

## প্রান্তরের গান

“কিন্তু এসব বলার দরকার নেই যে মাধু—

“কেন?”

“আমি এরং আরো অনেকে এই আলোচনায় যোগ দেব সা।”

“সত্যি? না, তুমি মিথ্যে কথা বলছ, আমরা এমনি বুঝিয়ে ঠাণ্ডা করবার চেষ্টা করছি।”

“না, সত্যি বলছি।”

“আমার গা ছুঁয়ে বল।”

“বলছি।”

মাধবীর বাহকে স্পর্শ করতেই সেই পুরোনো অনুভূতিটা আবার আজ উপলব্ধি করল প্রবীর। তাড়াতাড়ি সে হাত সরিয়ে নিল, বেন আগুনে হাত দিয়েছে সে।

তবু মাধবীর মুখের দিকে তাকিয়ে রইল সে। তাকিয়ে থাকতে থাকতে হঠাৎ আর একজনের কথা মনে পড়ল প্রবীরের। ভিক্ষুকের মত কাঙাল, প্রার্থী একটি মেয়ে। সেই মেয়েটি আজ আর বেঁচে নেই। সেই মেয়েটির শোচনীয় পরিণামের জন্য পরোক্ষ প্রবীরই দায়ী। ধিকার আর আত্মগ্লানিতে প্রবীরের চিত্ত আজকাল প্রতিদিন অলে। মাঝে মাঝে অকস্মাৎ স্মৃতির দরজায় করাঘাত করে সেই মেয়েটি। তার ‘ক্যাপিটাল’ বইটা সে ফেরৎ দেবে বলেছিল কিন্তু সে আর আসেব না, এ জীবনে না।

সে দিনটা কোনো কিছু হল না শান্তিতেই কাটল। ইদ্রিস খাঁ খানায় বসে খুশী মনে সিগারেট টানছিল আর একটা লিষ্ট দেখছিল। ভাবী আসামীদের লিষ্ট।

কিন্তু ইদ্রিস খাঁ জানে না যে আড়ালে আড়ালে তোড়জোড় চলেছে।

## প্রান্তরের গান

সে জানে না যে কাল অনেকে আসবে—অনেকে—অনেক লোকের  
মিছিল কাল সমুদ্র তরঙ্গের মতে এসে তার উপর আছড়ে পড়বে।

মনোরমা চলে গিয়েছে।

রাসমণি আর মাধবী রান্নাঘরে।

কাজললতা ছেলেকে ঘুম পাড়াচ্ছিল।

হুটুছেলে কিছুতেই ঘুমোবে না।

“ঘুমোও, সোনা মাণিক ঘুমোও”—ছেলের পিঠে মৃদু চাপড়  
দিতে দিতে সুর করে গাইতে লাগল “আয় ঘুম আয়, সোনার কপালে  
আমার টিপু দিয়ে যা”—

সুরের তালে তালে চাপড় দেয় কাজললতা আর প্রতি চাপড়ে  
মৃদুতচক্কু বালকটি অন্ধ-তন্দ্রাঘোরে প্রতিধ্বনি তুলে জবাব দেয়—উ—উ  
—উ—উ—

ছেলে ঘুমোল ছেলের কোমল দেহটাকে বুকে চেপে ধরে স্বপ্ন দেখে  
কাজললতা। কোথায় কোন দূর দেশে, অখ্যাত স্থানের কোন অরণ্যে  
আর প্রান্তরে কারা, যেন অন্ধকারে এগিয়ে চলেছে। কামান গর্জন  
করছে, বোমা ফাটছে, বিস্ফোরণের ঢুকিত আলোতে টলমল সেই সব  
পদাতিকদের আঁবছা মূর্তি মাঝে মাঝে উদ্ভাসিত হয়ে উঠছে।

কাজলতা অশ্রুটকণ্ঠে গোঙায়, “ওগো—তুমি কোথায়? কবে  
আসবে তুমি, ওগো. কবে ফিরে আসবে?”

কাজললতার চোখে আর জল নেই।

## প্রাস্তরের গান

“বন্দে মাতরম্ !”

খলেশ্বরীর ধার থেকে, গ্রামের দক্ষিণদিক থেকে সমুদ্র গর্জনের মত  
একটা গম্ভীর ধ্বনি ভেসে এল।

ধানার ভিতরে ইদ্রিস খাঁ লাফিয়ে উঠল।

“কলিমুদ্দিন” — হাঁক দিল সে।

“হজুর ?”

“তৈরী থাক সবাই আবার মিছিল আসছে।”

আবার ধ্বনি শোনা গেল — “বন্দে মাতরম্।”

ক্রমে আরো নিকটে ধ্বনিতে এল সেই উত্তেজিত ধ্বনি।

একটা কিছু ঘটবে আজ। ইদ্রিস্ খাঁ বারংবার রিভলভারের উপর  
হাত রাখে।

চার পাঁচশ লোকের জনতাকে দূরে দেখা গেল। পুরো ভাগে সস্ত্রত,  
যতীন, কার্তিক আর লতিফ। তাদের হাতে রয়েছে বড় বড় দুটো  
ত্রিবর্ণ পতাকা। ছেলে বুড়ো সবাই আছে দলে। শুধু পুরুষ নয়, জন  
ত্রিশেক স্ত্রীলোকও আছে মিছিলে। তাদের পুরো ভাগে কার্তিকের মা  
তরঙ্গিনী। তাদেরও হাতে আছে জাতীয় পতাকা। ওদের সবার  
চোখে ধারালো ছুরির ভয়াবহ ইঙ্গিত, ওদের ললাটে রয়েছে স্কটোর  
প্রতিজ্ঞার লেখা। ওরা আজ আর পালাবে না। আজ ওরা প্রাণ  
দেবে তবু মান দেবে না, ওরা আজ লড়বে।

“বন্দে মাতরম্”

আকাশ কাঁপল।

“মাহাত্মা গান্ধীকি জয়—”

বাতাস কাঁপল।

“বিপ্লব দীর্ঘজীবী হোক—”

## শ্রান্তির গান

পাঁচশ নরনারীর পদক্ষেপে ধুলো উড়লো !

“ব্রিটিশ সাম্রাজ্যবাদ ধ্বংস হোক্—”

অভিশাপ ঘোষিত হল ।

“ইংরেজেরা ভারত ছাড়—”

দাবী ।

মিছিল কাছে এল, এল হাটের মাঝে ।

গ্রামের পূর্বদিক থেকে প্রবীর এল । সে ব্যর্থ হয়েছে—অধিকাংশ লোকই তার কথায় কর্ণপাত করেনি । উষ্ণ রক্ত আজ তাদের বুদ্ধিকে আচ্ছন্ন করেছে ।

সে এসে দূরে দাঁড়াল । কি করা যায় ?

স্বতন্ত্র চীৎকার করে উঠল, “ভাইসব, দাঁড়িয়ে কেন ? এ দেশ আমাদের—তবে ভয় কেন ? এসো—থানার উপর আমাদের পতাকা উড়িয়ে দাও—”

ইদ্রিস্ গর্জে উঠল—“সাবধান—”

জনতা সগর্জে ধ্বনি তুলল—“ব্রিটিশ সাম্রাজ্যবাদ ধ্বংস হোক্—”

ইদ্রিস্ বলল—“পিছু হটে যাও—কথা শোন—”

জনতা উত্তর দিল—“বিপ্লব দীর্ঘজীবী হোক্—”

ইদ্রিস্ বলল—“খবরদার—কেউ এগিয়ে না—”

জনতা দৌড়ে গেল থানার দিক, মুহূর্তে তার! থানাকে ঘিরে ফেলল ।

ইদ্রিস্ হুকুম দিল—“কলিমুদ্দিন তোমরা চার্জ করো ।”

দশটা লাঠি ঘুরতে লাগল ।

কিন্তু আজ ভয় নাই ।

“বন্দে মাতরম্—”

থানার চালে তখন জাতীয় পতাকা উড়ছে ।

## প্রান্তরের গান

জনতা তখন ক্ষেপে গেছে। প্রতিটি পুলিশকে নিয়ে ফেলল তারা,  
তার উপর লাফিয়ে পড়ে তার লাঠি কেড়ে নিল, তাকে চেপে ধরল।

প্রবীর দৌড়ে এল। একি হচ্ছে সব!

“সুব্রত—”

সুব্রতের জ্ঞান নেই।

ইদ্রিস্ চীৎকার করছে—“সরে যাও—সরে যাও বলছি—”

যতীন চীৎকার করে উঠল, “পুলিশদের ইউনিফর্ম ছিঁড়ে ফেল ভাই  
সব—”

মূহুর্তে সব লাল পা গড়ী আর থাকী জামা ছিন্ন হল।

“বন্দে মাতরম্—”

“ওদের ছেড়ে না—ধরে রাখ”—কার্তিক সঙ্গীদের আদেশ করল।

“সুব্রত, একি হচ্ছে! সুব্রত”—প্রবীর উত্তেজিত কণ্ঠে ডাক দিল।

সুব্রত ফিরে তাকাল,—“আমায় ডাকিস্ না প্রবীর—আমাকে  
ফেরাবার আজ আর কোনো অধিকার নেই তোরা।”

“দারোগাকেও ধর হে”—কে একজন বলল।

মন্দ কথা নয়। হঠাৎ পরম উৎসাহ বোধ করল সবাই। একদল  
ছুটে গেল ইদ্রিসের দিকে।

করমচার মত লালচোখ মেলে, কর্কশ চীৎকার করে, পিছু হটে  
পালাবার পথ খুঁজতে খুঁজতে ইদ্রিস্ বলল—“খবরদার ভাল হবে না।”

“দারোগা সাহেব, তোমার পেঁয়াক খুলে ফেল—”

“দারোগা সাহেব, বল বন্দে মাতরম্—”

জনতা এগোচ্ছে তার দিকে।

রিভলভারটা বাগিয়ে ধরে ইদ্রিস্ পিছু হটছে আর বলছে—“সাবধান  
এবার এগোলে গুলি ছুঁড়ব”—

## প্রাণের গান

প্রবীর ডাকল—“সুত্র ভুল করিম না, আন্দোলনকে ভুলপথে নিয়ে যাস না”—

“তুই ফিরে যা প্রবীর—তুই দেশদ্রোহী—”

দেশদ্রোহী ! নিজের মতানুযায়ী, বুদ্ধি দিয়ে বিচার করে সর্বনাশ আর বিশৃঙ্খলাকে বন্ধ করার চেষ্টা করায় সে দেশদ্রোহী ! হঠাৎ চোখে জ্বালা বোধ হয় প্রবীরের, নিজেকে বড় দুর্বল ও অসহায় মনে হয়, বড় ছোট মনে হয় ।

কারা যেন হাসিল, “কাপুরুষ ! বিশ্বাসঘাতক—”  
টলতে টলতে দূরে সরে গেল প্রবীর । দাঁড়িয়ে দাঁড়িয়ে সে দেখতে লাগল উন্মত্ত জনতার বিক্ষোভ ।

“ধরো দারোগাকে”—নকুল চীৎকার করে বলল ।

পিছু হটতে হটতে শেষবার বলল ইন্ড্রিস—“এবার গুলি ছুটবে—”

“হাঃ হাঃ হাঃ—কে ভয় করে ?”

ছুটে গেল সবাই ।

গুডুম্—গুডুম্—

যতীন, নকুল এবং আর একজন পড়ল ।

রক্ত !

হঠাৎ ক্রোধে উন্মত্ত হয়ে উঠল সবাই ।

“বন্দে মাতরম্”—

আবার এগোল কয়েকজন ।

আবার গুলি ছুটল ।

লতিফ পড়ল ।

আবার রক্ত ।

শেষ নিঃশ্বাস ফেলে লতিফ বলল—“বন্দে মাতরম্”

## আন্তরের গান

নকুলও মরল।

বাকী হুজন আহত।

ইদ্রিস পালাল। কোলাহল, দৌড়াদৌড়ি—জল আর ডাক্তারের  
জগা ছুটোছুটি।

“বন্দেমাতরম্—”

রক্ত পড়ল, মানুষ মরল। তবু আজ আর কেউ পালাল না :  
রোমাঞ্চিত, উত্তেজিত, উষ্ণ দেহ মন নিয়ে সবাই আজ বহুযুগের নিষ্ক্রি-  
য়তার প্রায়শ্চিত্ত করতে চায়।

কন্ঠেবলেরা মিনতি জানাতে লাগাল—“আমাদের ছেড়ে দাও—”

“ছেড়ে দেব? হাঃ হাঃ হাঃ”—ইসমাইল হাসল।

স্বত্রত এগিয়ে এল, “না, ওদের ছেড়েই দাও—”

“ছেড়ে দেব?”

“দাও—কিন্তু ওদের বল যে সরকারী চাকরী ছাড়তে হবে।”

সবাই ঘাড় নাড়ল, দ্রুতকণ্ঠে কি বলল তা বোঝা গেল না।

“বল—বন্দেমাতরম্—”

শুধু তালুকে লেহন করে পুলিশেরা ভয়কণ্ঠে বলল, “বন্দেমাতরম্”—  
কিন্তু রক্ত পড়েছে, মানুষ মরেছে। তার কি হবে? কি করে  
শোধ নেত্তরা যায়?

দশ বারজন লোককে নিয়ে রাঞ্জন মণ্ডল মৃত ও আহতদের সন্নিবে-  
শে নিয়ে গেল।

স্বত্রত বলল, “ভাইসব শোন—আমরা আজ থেকে স্বাধীন। সরকারী  
যা কিছু এ গাঁয়ে আছে সব আজ নষ্ট করো, ভেঙ্গে ফেলো সবাই। আজ  
থেকে এই গ্রাম, আমাদের—তোমাদের—”

“বন্দেমাতরম্—”



## প্রান্তরের গান

“সাম্রাজ্যবাদ মিশ হোক—”

“বিপ্লব দীর্ঘজীবী হোক—”

“ধানাতে আগুন লাগাও—”

চালের খড় টেনে নিয়ে মশাল করল কয়েকজন। তারপরে ধানার গায়ে অগ্নিসংযোগ করল। খানিক পরেই দাঁউ দাঁউ করে আগুন জলে উঠল, টটপট শব্দ হতে লাগল, দিনের আলোয় আগুনের কুণ্ডলী সাদা ধোঁয়ার কুণ্ডলীর মত পাক খেয়ে খেয়ে উপরের দিকে উঠতে লাগল।

সেই অগ্নিকুণ্ড দেখে সেই অগ্নিদগ্ধ ধানাকে দেখে সে কি উল্লাস জনতার! সে কি উন্নত হর্ষধ্বনি! সেই অগ্নিকুণ্ড যেন একটা বিরাট প্রতীক তাদের কাছে। ওটা যেন কলাতিয়া গ্রামের ধান। নয়। ওটা যেন ব্রিটিশ সাম্রাজ্যবাদের বনিয়াদ পুড়ছে, ভাঙছে, জলে পুড়ে ছাই হয়ে যাচ্ছে। আর সেই ভস্ম রাশির ভিতর থেকে নূতন ভারতবর্ষ বেরিয়ে আসছে—স্বাধীন ভারতবর্ষ।

সেই অগ্নিকুণ্ডের সামনে দাঁড়িয়ে জনতা গাইল। যেন যন্ত্র-কুণ্ডের সামনে মন্তোচ্চারণ করছে সবাই।

জনতা গাইল, “বন্দে মাতরম্—

সুজলাং সুফলাং মলয়জ শীতলাং

শান্ত শ্রামলাং মাতরম্।

বন্দে মাতরম্।”

সমুদ্রের গভীর নির্ধোষের মত শ্রাবণমেঘের ডব্বর-নিনাদের মত ব্রহ্মধ্বর সে সঙ্গীত।

শুধু ধান। নয়। সাব-রেজিষ্ট্রেশন আফিস, ডাকঘর আর মহিমসার মদের দোকানও পুড়েছে।

## প্রান্তরের গান

জয়ন্ত সব শুনল, 'ইদ্রিসকে সাঙ্গনা দিয়ে সে বলল, 'নেভার মাইণ্ড্ আপনি আপনার ডিউটি করেছেন মাত্র—একা অতগুলো লোকের সঙ্গে লড়েছেন আপনি—ইউ আর এ হিরো। তারপর ? কি করবেন এখন ?”

“শহরে লোক পাঠাব—আর্মড্ ফোর্স’ আনাতে হবে।”

“ঠিক বলেছেন—তাই করুন”—গলার সুরটা বদলে, তরল কণ্ঠে একটু হেসে জয়ন্ত আবার বলল, “তাহলে কালকেই ওদের অ্যারেষ্ট করবেন ?

“হ্যা—নিশ্চয়ই।”

“রাইট্। নিন্—এ সিগারেট প্লীজ্—”

সেখানে বসেই আসামীদের লিষ্ট করল ইদ্রিস্ খাঁ। কালকে ফোর্স্ আসার সঙ্গে সঙ্গেই সবাইকে গ্রেপ্তার করতে হবে। ভুল কয়েছে সে। সেদিন সেই হাটের সভাতেই ওকাজটা শেষ করা উচিত ছিল। অবগু ক্ষতি হবে না, তার উন্নতির পথে এসব ঘটনা সহায়তাই করবে। হ্যা অনেককে গ্রেপ্তার করতে হবে। সূত্রত, হারিশন, অবিনাশ, কার্তিক, ইস্মাইল, রামকান্ত, বেণী, তাহের, আবদুল আর প্রবীর। দশজন। হ্যা হ্যা, সবাই ছিল ঐ মিছিলে।

পরদিন বিকেল নাগাদ আর্মড্ ফোর্স্ এসে হাজির হল। দশজন। ঝকঝকে রাইফেল কাঁধে সারি বেঁধে এল তারা। তাদের ভারী বুটের মস্‌মস্‌ আওয়াজ গ্রামের পথে ধ্বনিত হ'ল।

এতক্ষণ পর্যন্ত গা-ঢাকা দিয়ে ছিল ইদ্রিস্, এইবার সে ধেরিয়ে এল। সময় হয়েছে।

হারিশন, ইস্মাইল, রামকান্ত, বেণী সন্ধ্যার আগেই চারজন ধরা পড়ল।

## প্রান্তরের গান

প্রবীর পাথরের মত নিশ্চল হয়ে বসে ছিল।

গত কল্যাণের আন্দোলনকে সে দেখেছে। সারা ভারতবর্ষে এঁ একই ইতিহাস। হয়ত স্থানে স্থানে আরো ভয়ঙ্কর ঘটনা ঘটেছে। জনসাধারণ জেগেছে। কিন্তু যদি শৃঙ্খলা থাকত, নির্দিষ্ট কার্যক্রম থাকত, আর নেতারা থাকতেন! অথচ কি হল! যুক্তি আর বুদ্ধিকে সে বড় করে দেখে। মানুষের হৃদয়টা সবচেয়ে আদিম বস্তু—গুণ্ডু ওর উপর নির্ভর করলেই বড় কাজ হয় না। সে এবং তার দল তাই বুঝেছে। কিন্তু গতকাল সূত্রত তাকে দেশদ্রোহী বলেছে, আগামীকাল হয়ত সবাই বলবে 'কিন্তু তাতে কি সে ভয় পাবে, পিছু হটবে? না, হোক তাম্র লাজ্জনা অপমান আর আঘাত ত' কন্মীর জীবনে আসবেই। স্বাধীনতা আর সাম্যের পথে ত' ফুল থাকে না, কাঁটা থাকে। ইতিহাস পরে বিচার করলে কাদের কথা ঠিক। কিন্তু এটাও ঠিক তারা আগামী কালের সৈনিক—তাদের মতই আগামী কালের জনমত। ইতিহাস এবং পৃথিবীর বর্তমান অবস্থা সেই অনিবার্য পরিণতিরই ইঙ্গিত দিচ্ছে। তবু দুঃখ হয়। এক হওয়া কি যায় না? কিছুতেই কি সবাই মিলে একবার ঝুঞ্জে দাঁড়ানো যায় না? যায়—তাছাড়া যে উপায় নেই আর।

“প্রবীরদা”—দৌড়ে ঘরে এল মাধবী।

“এঁ!” প্রবীরের চমক ভাঙল।

“শিগ্গীর—শিগ্গীর”—হাঁপাতে হাঁপাতে বলল মাধবী।

“কি হয়েছে?”

## প্রান্তরের গান,

“বন্দুকধারী পুলিশ এসেছে গাঁয়ে—সবাইকে গ্রেপ্তার করছে—”

“তাতে হয়েছে কি—আর কি-ইবা করব আমি?”

“না—না”—আতঁকঠে চীৎকার করে মাধবী মাথা নাড়ল, “তোমাকে—তোমাকেও ধরতে আসছে। দোহাই তোমার আমার কথা বিশ্বাস করো তুমি, তুমি ওঠো, ওগো, তুমি ওঠো—”

প্রবীর উঠে দাঁড়াল, “পালাব?”

“হ্যাঁ।”

“কিন্তু আমি ত’ কিছু করিনি—আমায় ধরবে কেন?”

“তা আমি কি করে বলব—শুন্‌লাম বস্তীতে গিয়ে তাহের আর আবছুলকেও নাকি এইমাত্র ধরল—”

“এ্যাঁ!”

ইঠাৎ সন্‌দেহ হল প্রবীরের। একটা ষড়্‌যন্ত্র আছে—সরকার পক্ষ ছাড়া অপর একটা পক্ষের।

মুহূর্ত্তে মনস্থির করে ফেলল প্রবীর। • হ্যাঁ সে পালাবে, সে ধরা দেবে না। দেশময় অশান্তি এখন, অসন্তোষ আর উদ্‌দেশহীন বিদ্‌রেহের আগুন সারা দেশে প্রজ্জ্বলিত হয়ে উঠেছে। এখন যে তার অনেক কাজ। তাকে স্মরণ ‘দেশদ্রোহী’—বল্লেই বা কি? তার কাজ থেকে সে বিরত হবে কেন?

“যাও—”

“হ্যাঁ—আমি পালাবই মাধু—”

“তবে চল—”

প্রবীর পা বাড়াল।

ইঠাৎ মাধবী তার হাতে ধরে টানল, “একটা শব্দ পাচ্ছ?”

“না তো।”

## প্রান্তরের গান

“কান পেড়ে শোন।

ছজনে উৎকর্ষ হল।

কিছু না।

“মাধু—”

“কি?”

“বাই—”

মাধবী জবাব দিল না, সতুষ-নয়নে সে প্রবীরের দিকে তাকল।  
কি যেন বলতে চায় সে, তার ক্ষুরিত অধরের কোণে কোন কথা যেন  
এসে এসে ফিরে যায়।

প্রবীর তাকালে। গরীবের ঘরের সাধারণ, গ্রাম্য একটি মেয়ে।  
অথচ তবু তার ভালবাসা তুচ্ছ কিসে? আজ এখন বিদায় নেবার  
সময় আর আত্মপ্রত্যাহার করে লাভ কি? ‘আজত’ মনে প্রাণে জানে,  
‘আজত’ সে স্বীকার করে যে সে মাধবীকে ভালবাসে।

একটা হাত বাড়িয়ে দিয়ে প্রবীর ডাকল “মাধু, কাছে এসো—”

মাধবী সেই প্রসারিত হাতটাকে দু’হাত দিয়ে ধরল কিন্তু এগোল  
না। শুধু কাঁপতে লাগল সে, যেন হঠাৎ তার জ্বর এসেছে।

প্রবীর একটু অপেক্ষা করল, একপা এগিয়ে এল তারপরেই হঠাৎ  
অসহিষ্ণুভাবে সে মাধবীকে বুকে টেনে নিল। বহুদিনের অন্তর্ভন্দ্র  
আজ শেষ হল। আবছা কথা আর স্পর্শ, স্মৃতি আর স্বপ্ন  
দিয়ে তারা পরস্পরকে যা বলতে চেয়েছিল আজ তার প্রকাশ  
হয়ে গেল।

সমস্ত দেহ যেন ঝঙ্কত হয়ে উঠেছে। কিন্তু মাধবীর হঠাৎ লজ্জা  
এল কেন? মাধবী কি আর মুখ তুলবে না?

“মাধু—মাধবী—মুখ তোল”—ফিস্‌ফিস করে বলল প্রবীর।

## প্রান্তরের গান

মুখ তুলল মাধবী। তার ছোটো পাংলা ঠোট যেন ছোটো প্রবাল  
পদ্মের পাপড়ি। তৃষ্ণার্ত, অপেক্ষমান।

বুটের মূহু শব্দ শোনা গেল।

মাধবী কঁপে উঠল।

“তোমায় আমি ভালবাসি মাধবী—”

অতি সন্তুর্পণে কারা যেন বাড়ীটার চারদিক ঘেরাও করেছে।

“আবার বল।” মাধবী যেন স্বপ্ন দেখছে।

“তোমায় আমি ভালবাসি।”

কিন্তু আর একজনের মুখ মনে পড়ে প্রবীরের। এক অতৃপ্ত  
প্রতিনীর মুখ।

ভারী বুটের শব্দ। দরজার গোড়ায়।

“পালাও”—ছিটকে সরে দাঁড়াল মাধবী—“একি করলাম আমি!  
ওগো পালাও—পালাও এবার—”

দরজটা খুলে গেল। ইজিস্ থাঁ ঘরে এল, পিছনে হুজন রাই-  
ফেলধারী পুলিশ।

“আর পালাতে হবে না প্রবীরবাবু—আম্বন।” মাধবীর দিকে  
একবার তীক্ষ্ণ ও কৌতূহলী দৃষ্টি মেলে ইজিস্ হেসে বলল, “এসেছি  
একটু আগেই—আপনারা ব্যস্ত ছিলেন—”

প্রবীর সেদিকে কর্ণপাত করল না, মাধবীর দিকে তাকাল, হেসে  
বলল, “পালানো হল না মাধবী—”

মাধবী কাঁদছে, তবু বলল, “পিসীকে খবর দেব?”

“পাগল, বুড়ী কৈদে আকুল হবে। পিসীকে তুমি দেখো, কেমন?”

“আচ্ছা।”

“তবে আসি—”

## আস্তরের গান

জবাব দিল নী মাধবী, ঘাড় নাড়ল ।

ইন্দ্ৰিস্‌ থাঁ হাসছে ।

“চলুন—”

ক্লক্ করে একটা শব্দ হল । হাতকড়ি ।

বাইরে গেল ওরা ।

মাধবীও পিছন পিছন গেল ।

“মাধবী ফিরে যাও—”

“না ।”

“কথা শোন—”

“না ।”

“ছিঃ—”

“আমায় নিয়ে যাও”—হঠাৎ আকুলভাবে, সশব্দে কেঁদে উঠল  
মাধবী—“ভগো আমাকেও সঙ্গে নাও তুমি—”

“মাধবী, ছেলেমানুষী করো না । আমি তো আবার ফিরে আসবই  
—আমার জগৎ অপেক্ষা করো । যে দিন ছাড়া পাব—সেদিন আমি  
তোমার কাছেই প্রথমে আসব । যাও লক্ষ্মীটি, কথা শোন—”

“চলুন, চলুন মশাই—দেৱী হয়ে যাচ্ছে ।”

“চলুন ।

মাধবী মাথা নাড়ল, দাঁতে দাঁত চেপে অশ্রুটকণ্ঠে বলল সে “না—  
তুমি যেয়ো না—যেয়ো না । এতদিন পেরেছি, আরো হয়ত পারতাম—  
কিন্তু আজ যে তুমি আমায় হুর্কল করে দিলে । তুমি আমায় নিয়ে  
যাওগো, নিয়ে যাও—কোনছ ? কোনছ—?”

কাঁপতে কাঁপতে মাটির উপর বসে পড়ল মাধবী । রাত হয়েছে,  
অন্ধকার চারিদিকে, তারি মাঝে প্রবীর ওরা ধীরে ধীরে মিলিয়ে গেল ।

## প্রান্তরের গান

ধীরে ধীরে পুলিশদের বুটের আওয়াজ ক্ষীণ থেকে ক্রমে ক্ষীণতর হয়ে শেষে একেবারেই ধমে গেল। গেল আবার মাধবী প্রবীরকে হারালো। প্রবীর আবার তার জীবনে অন্ধকার আর বিরহ দিয়ে গেল। আবার পথের দিকে তাকিয়ে তাকিয়েই দিন কাটাতে হবে—রাত কাটাতে হবে। কতদিন আর কত রাত কে জানে। হয়ত বহুদিন, হয়ত বহুবছর হয়ত বহুযুগ—পরে আবার দেখা হবে। কিংবা—কিংবা হয়ত এ জীবনেই আর দেখা হবে না। কি করে বাঁচবে মাধবী? মাধবী কি বেঁচে থাকতে পারবে, এই ভ্রুংসহ বিরহ বেদনায় কি মাধবী মরবে না?

না' মাধবী মরবে না। এত ভ্রুংথেও সে বেঁচে থাকবে এত ভ্রুংথেও সে আর নিরাশ হবে না। কারণ আর সন্দেহ নেই, আর ভয় নেই। কারণ আজ প্রবীর বলেছে যে সে মাধবীকে ভালবাসে। এর পর আর কি চায় মাধবী? এখন তার মরতেও ভয় নেই।

রাতারাতিই সদরে চ'লান হল তারা।

নৌকোর মধ্যে আবহুল আর তাহেরও ছিল। তারা বুঝতে পেরেছে কেন তাদের ধরা হয়েছে, কিন্তু উপায় নেই। পরস্পর পরস্পরের দিকে তাকিয়ে তারা নিঃশব্দে হাসল শুধু।

ভরা খালের ঘোলাটে জল অন্ধকারে বিলীন হয়ে গেছে। শুধু নৌকোর গায়ে আছড়ে পড়ে সশব্দে আত্মপরিচয় দেয়। ছলে ছলে নৌকো চলে। কলাতিয়া পিছনে সরে যেতে থাকে।

অন্ধকারের মাঝে অজস্র জোনাকির স্পন্দমান জ্যোতি। অপস্ফুটমান গ্রামের দিকে চেয়ে প্রবীরের বুক ঠেলে দীর্ঘশ্বাস ওঠে। কি অবস্থাতে



## প্রান্তরের গান

সে গ্রামকে ফেলে, যাচ্ছে, দেশকে ছেড়ে যাচ্ছে।'।' যেদিন থেকে যুদ্ধ লেগেছে সেদিন থেকেই গ্রামের অবস্থা অতি দ্রুত পরিবর্তিত হয়েছে। অভাব, ভোগভেদ হয়ত সবই ছিল কিন্তু এমন ছিল না। মানুষের দৈনন্দিন জীবনও যেন বদলে গেছে। আগের মত সে যাত্রার আসর বসে না, কবির পালা গীত হয় না। আগের মত হিন্দু মুসলমানে আর কোলাকুলি নেই, পারিবারিক সম্বন্ধ নেই, ব্যক্তিগত জীবনে সুখ নেই। মনে শান্তি নেই। সারা পৃথিবীতে যুদ্ধের যে দাবানল ছড়িয়ে পড়ছে তা থেকে কেউই রেহাই পাচ্ছে না, পাবে না। কেউ বুকুক আর নাই বুকুক, সাধারণ মানুষের সমাজ আর পরিবার অভাব আর প্রাচুর্য, সুখ আর দুঃখ, ধর্ম আর অধর্ম, সবই রাজনৈতিক পটভূমির উপর গড়ে ওঠে। পৃথিবীর পটভূমি বদলে যাচ্ছে, ধ্বংস আর শোষণের পটভূমিতে মানুষের জীবন ভেঙ্গে যাচ্ছে, মানুষ নিশ্চিহ্ন হয়ে যাচ্ছে। আজ ভারতবর্ষেও সেই দুর্দিন এসেছে। অথচ সেই দুর্দিনেই প্রবীরকে আজ অন্ধকারে বসে থাকতে হবে! একি অত্যাচার!

নিরুপায় আক্রোশে প্রবীর হাত দুটোকে তুলতে গেল, তুলতে গিয়ে নিজের হাতকড়িটার দিকে নজর পড়ায় সে তিক্ত হাসি হাসল।

কিন্তু তবু ভয় নেই, দুঃখ নেই তার। চরম আর পরম মন্ত্রকে তারা জানতে পেরেছে, হিন্দিলাভ তাদের হব্বিই। অগ্নিদগ্ধ দেশের ভাস্করাশি থেকেই নবজীবনের অঙ্কুরে দগম হবে। মিথ্যা আশ্বাস নয়, রূপকথা আর স্বপ্ন নয়, তাদের সাধনা সার্থক হবেই।

বৈচে থাক কোন মতে বৈচে থাক কলাতিয়া গ্রাম। সুখের দিন এবার আসবে।

হঠাৎ গ্রামের মধ্যস্থলে, উপরকার আকাশে একটা রক্তবর্ণ আভা।

## প্রান্তরের গান

দেখা গেল। আগুন লেগেছে না লাগিয়েছে? সঙ্গে সঙ্গেই গুলির  
আওয়াজ ভেসে এল। আবার কে মরল?

প্রবীর তাঁকাল। ফুলিঙ্গ উড়ছে। গ্রামে আগুন জলছে, দেশে  
আগুন জলেছে, সারা পৃথিবীতে আগুন জলেছে। পুড়ুক। ভয় কি?

ধলেশ্বরীর ধার দিয়ে ওরা যাচ্ছিল।

সুত্রত, কান্তিক আর অবিনাশ।

হঠাৎ দুটো গুলির শব্দে ওরা পিছন ফিরে শুকাল। তাকিয়ে থেমে  
গেল। গ্রামের মধ্যবর্তী গছপালার উপরকার আকাশ রক্তবর্ণ।  
কুণ্ডলারিত অগ্নিশিখা লেলিহ'ন হয়ে আকাশের দিকে উঠেছে।

“ও কিসের গুলি?” অবিনাশ প্রশ্ন করল।

“তা কি বোঝো নু?” সুত্রত গম্ভীর কণ্ঠে বলল।

“কারো বাড়ীতে আগুন লাগিয়েছে।”

“আমাদেরি কারো হবে”—

নিঃস্বকতা।

“এবার কি করবেন?” কান্তিক প্রশ্ন করল।

সুত্রত হাসল “বা করেছি, বা করছি। আবার কাল অন্ত্র'র সভা হবে,  
মিছিল বেরোবে, রাবণের চিতার মতই এই আন্দোলনকে অনিবার্য  
রাখতে হবে। অনন্ত শয্যাশায়ী বিষ্ণুর মোহনিদ্রা এবার ভেঙেছে—দেশ  
জেগেছে—ও আগুন নিভলে ত' চলবে না। চল, তাঁড়াতাড়ি এম্বিয়ে  
চল”—

সম্পূর্ণে চলতে থাকে ওরা। ডানদিকে ধলেশ্বরী। ভাতের ভরা  
মদী ডাক ছেড়ে ভৈরবী রাগিণী গাইছে। মাঝে মাঝে স্থপ-স্থপ

## প্রান্তরের গান

করে মাটির চান্তর ভেঙ্গে পড়ে। তার শব্দটা ক্রমে জাবার মিলিয়ে যায়। তখন শুধু ধলেশ্বরীর 'একটানা' জলকল্লোলীর শব্দটার শোনা যায়।

এদিকে রাত হয়েছে। অন্ধকার রাত। মাথার উপরকার নক্ষত্রহীন আকাশে মেঘের সমারোহ। হয়ত অ'চম্কা য়েবগজ্জন হবে, বিহ্বল চম্কাবে, বুট্টা নামবে, ঝড় উঠবে। উঠুক ওদের ভয় নেই।

সন্তর্পণে এগিয়ে চলল ওরা। ওদের এবার অনেক কাজ প্রতি গ্রামে প্রতি ঘরে এগিয়ে আজ সবাইকে তাদের ডাকতে হবে। সবাইকে আজ বলতে হবে যে সংগ্রাম শুরু হয়েছে।

চলতে চলতে আর একবার পিছন ফিরে তাকাল তারা। কলাতিয় গ্রাম কালো অন্ধকারে মিলিয়ে গেছে, মিশে একাকার হয়ে গেছে। কিন্তু তবু তাকে সহজেই ঠাহর করা যায়। আগুন তখনো নেভেনি। ক্ষুধার্ত অজগরের মত লংলকে শতজিহ্বা মেড়ে শূণ্যতাকে লেহন করে, শুভ্রের মত বিরাট অগ্নিকুণ্ডলী পাক খেয়ে খেয়ে আকাশের দিকে উঠছে। পতাকার মত উড়ছে।

আর সেই রক্তের মত লাল আগুনের আভাষ আলোকিত অন্ধকারে বেন কাঁপছে। ফুৎকারে ফুৎকারে অজস্র নুলিঙ্গ উড়িয়ে, ছড়িয়ে সে ভয়াবহ অগ্নিরাশি বেন সোজা করতালি দিয়ে নাচছে

অলুক, পুড়ুক। কি যায় আসে ? ভয় কি ?

সামনে এগিয়ে চল।

সমাপ্ত





